



**RAUG TSIMTXOM RAU  
TSWV YEXUS**

F 687

135-0036

TFC Hmong  
version w/o pictures  
rec'd 9/18/06

**Raug Tsimtxom  
rau  
Tswv Yexus**

Xibhwb  
Livtshawj Vawnplas

# Tortured For Chirst

## Hmong Edition

Copyright 2015 Voice Media

info@VM1.global

Web home: [www.VM1.global](http://www.VM1.global)

All rights reserved. No part of the publication may be reproduced, distributed or transmitted in any form or by any means, including photocopying, recording, or other electronic, or mechanical methods, without the prior written permission of the publisher, except in the case of brief quotations embodied in critical reviews and certain other noncommercial uses permitted by copyright law. For permission requests, email the publisher, addressed “Attention: Permission Coordinator,” at the address above.

This publication **may not be sold, and is for free distribution** only.

COV ZAJ HAUV PHAU  
NTAWV

ZAJ LUS TAW QHIA.....	5
1. Cov Neeg Lavxias (Xwbleej) Txoj Kev Xav Paub Vajtswv Heev .....	9
2. Tsis Muaj Ib Tug Neeg Txoj Kev Hlub Yuav Loj Npaum Lino.....	29
3. Raug Txhiv Tawm Thiab Mus Ua Haujhwv Nyob Rau Sab Tebchaws Hnubpoob.....	45
4. Vajtswv Txoj Kev Hlub Kovyeej Txoj Kevcai Koomsam.....	49
5. Tsis Muaj Ib Yam Dabtsi Yuav Kovyeej Cov Ntseeg Nyob Tuaj Qabrooj Txoj Kev Huajvam .....	79
6. Cov Ntseeg Yuav Kovyeej Txoj Kevcai Koomsam Tau Licas .....	99



## LUS TAW QHIA

### "Tuag Rau Txoj Kev Ntseeg"

**L**ivtshawj Vawnplas hais tias, " Phau ntawv Raug Tsimtjom Rau TswvYexus no tsis yog ib phau ntawv uas lam sau los cob qhia neeg xwb. Tiam sis yog phau sau los ntawm kuv txhais tes tuav raws tus cwjme nrog lub kuamuag, tomqab 3 hnub uas kuv raug tso tawm hauv tsev lojcuj los. Vajtswv muaj lub homphiaj yuav siv phau ntawv no kom muaj txiaj ntsig rau Nws." Phau ntawv Raug Tsimtjom Rau Tswv Yexus no twb luam tawm txog 30 zaus lawm. Phau txhais ua lus Hmoob no yog phau 30, txawm yog tias luam ntau zaus npaum li no los, cov ntsiab lus yeej tsis tau hloov ib qho hlo li. Tus Xibhwb uas raug Tseemhvw Koomsam Lausmanias txhom koj mus rautxim nyob hauv tsev lojcuj tau 14 lub xyoo. Tejlus povthawj uas nws sau tseg rau hauv phau ntawv no yeej tseem muaj kuab ibyam li qub.

Tau tsis pestsawg lub xyoo dhau los, phau ntawv no tau muab txhais ua 65 haiv lus thiab luam tawm txog txhiab txhiab phau, xa mus rau thoob qab ntuj. Niaj hnub nimno ua rau peb xav tsis thoob tias, vim licas phau ntawv no Vajtswv yuav foom koobhmoov rau muaj peevxwm txhawb tau cov ntseeg uas yog Vajtswv lub cev kom muaj zog ualauj. Thaum peb ua tibzoo nyeem txog tej ntsiab lus hauv phau ntawv no, peb pom cov ntsiab lus muaj kuab npaum lino, txhawbzog, muaj peevxwm kovyeej, ua siab ntev nyiaj taus, nyob ntsiagto tau, tsis pom muaj kev sib cais tawvdaj, tawvdub tawvdawb, tsis cais xeem lossis lwm haiv neeg, tiamsis txhua tus muaj vajhuam sib luag los ntawm Vajtswv tus Ntsujplig ua tus roos tag nrho.

Muaj tej yam ua rau peb xav tsis thoob hais tias, ua cas tus Xibhwb Suav, tus niam tsev Asmelikas thiab tus neeg Alasbias tsav tsheb ntiav ho tau txais kev txhawbzog los ntawm tib phau ntawv uas yog ib tug neeg Yudais nyob rau tebchaws Lausmanias sau. Muaj ib tu g Xibhwb yog neeg Nyabljaj

tau hais qhia rau kuv txog lawv txojkev npaj tiv thaiv txojkev ntseeg uantej lub tebchaws Nyabljaj Qabteb yuav poob mus rau cov Koomsam xyoo 1970. Lawv tau muab phau ntawv RaugTsimtxom Rau Tswv Yexus no luam tawm faib rau txhua tus ntseeg kawm, kom paub siv ua cuabyeej pab yog thaum ib tug ntseeg twg raug luag txhom vim nyias txojkev ntseeg. Peb tau txais ntau tsab ntawv tuaj ntawm coob leej ntau tus uas lawv tau nyeem phau ntawv no, lawv hais tias phau ntawv no ua rau lawv pom Vajtsvwv lub hwjchim ci ntsa iab. Yog lino, zaj lus taw qhia no peb yuav tsis hais txog txojkev tawmtsam nomtswv lossis nkaug ib pab pawg twg, tiamsis yuav hais txog txojkev ua "Timkhawv" raug tsimtxom vim yog ntseeg Yexus xwb.

Muaj coob tus totaub hais tias, tus uas kam Tuag Rau txojkev Ntseeg mas twb yog tus neeg ntawd vwm rau nws txojkev ntseeg lawm, nws thiaj kam tuag. Yog leejtwg xav li no, tus ntawd yuamkev deb heev. Nws tsis tau paub txog lub ntsiab tseeb uas tuag rau txojkev ntseeg tiag. Raws li lus Kilis txhais lub ntsiab hais li no, Tuag Rau txojkev Ntseeg yog ua "Timkhawv". Tus sau phau Hinplus hais lino, "Peb twb muaj lawv cov ntawd ua timkhawv tiv peb tav lawm". (Hinplus 12:1) tsis tas lino xwb TswvYexus tseem qhia ntxiv nyob rau hauv Cov Tubtxib 1:8 hais tias "Nej yuav ua timkhawv qhia kuv zaj hauv lub nroog Yelusxalees thoob plaws Yudais tebchaws, Xamalis tebchaws, thiab qhia mus txog qabntuj kawg."

Nyob rau hauv Vajtsvwv Phau Ntawv phau tshiab yeej tsis muaj ib nqe lus yuav hais tias kom tsuas hais lus ua timkhawv qhia txog Tswv Yexus lub hwjchim xwb. Tiamsis yuavtsum ua txhua tsav txhua yam qhia thiab txawm yuav raug tus nqi kim npaum licas los xij. Yog peb ua tib zoo kawm txuas ntxiv mus hauv phau CovTubtxib, peb yuav pom cov neeg Yudais muab pobzeb ntaus Xatefanaus tuag vim nws ua timkhawv qhia txog Tswv Yexus zaj, nws yog thawj tug thwjtim raug them tus nqi uas ua timkhawv raug tua tuag. Lub ntsiab tseeb Tuag Rau txojkev Ntseeg, tsis yog tus neeg vwm rau tejlus tsis tseeb thiaj raug tuag tiamsis yog tus muaj peevxwm ua timkhawv tuag taus rau qhov nws ntseeg hais tias muaj tseeb tiag.

Qhov tseeb uas yus muaj peevxwm ua timkhawv tau rau ntawd tsis yog ibyam yuav pheejyig lossis yoojyim, nws raug tus nqi kim heev xws li, yuav ua rau yus poob ntsejmuag, poob hwjchim, lossis muaj kev sib ciav cai ntxub ntxaug. Tsis tas lino xwb tus nqi yuav raug them tseem yuav los raug rau yus tsev neeg, kwvtij nee tsa, thiab tej phoojywg, thaum kawg tseem yuav yog yus txojksia kiag thiab. Kom peb yuavtsum ncontsoov hais tias, tus peb yuav ua timkhawv tau rau Nws zaj yeej yog ib zaj ua zoo thiab tseeb. Yog li ntawd txojkev txhaum thiaj ua txhua yam los tav thiab cuam tshuam tso peb lub zog kom ciali tsis muaj txojkev ua timkhawv no. (Hinplus 12:1) "Peb cia li sibzog sib tw khiav ncaj nraim mus kom txog qhov kawg."

Tswv Yexus zaj lus qhia kom mus ua timkhawv tsis tau qhia muaj ciam lossis muaj chaw. Nws qhia hais tias cia li mus qhia txhua haiv neeg rau txhua txhia qhov chaw kom thoooplaws hauv qabntuj no. Yog li tus uas txaus-siab hlo mus qhia Vajtswv txojlus es raug tsimtxom. Nws thiaj tsis muaj kev tusiab rau nws tus kheej lossis rau Vajtswv tiamsis yog ib zaj qhia kom cov ntseeg nyob thoo ntiatjeb txawj tig los sib koomsiab, sibzog thov Vajtswv thiab kom TswvYexus tejlus qhia muaj puv ntoob, raws li Vajtswv tejlus no (Filipis 1:29) "Txoj haujlwm uas Vajtswv kom nej teevtiam Yexus Khetos, tsis yog nej yuav ntseeg Yexus xwb, tiamsis nej raug kev txomnyem thiab," txojkev ntseeg uas muaj peevxwm ua tau timkhawv no, tsis yog ibyam uas yuav tswj tau lossis tsum tau hlo li. Nws zoo li lub noobzaub uas yus tseb rau hauv cov av. Yus muab tseb nrog cua ntsawj kom cov noob ya mus puv rau qhov txhia chaw. Thaum lub noob zaub poob rau hauv av lawm, nws maj mam tuaj kaus hlav tawm tuaj, raws li Vajtswv txojlus qhia hais tias, "Nej yuav ua timkhawv qhia kuv zaj hauv lub nroog Yelusxalees, thiab thoo-plaws Yudais tebchaws, Xamalis tebchaws, thiab qhia mus txog qab ntuj kawg." Txhua txhia qhovchaw uas tus neeg kam mus ua timkhawv qhia txog TswvYexus zaj, Vajtswv yeej foom koobhmoov rau haivneeg ntawd raws nkaus li Vajtswv txoj lus hais tias, "Kuv yuav tsa cov neeg uas ntseeg kuv rau saum lub pobzeb no. Txawm yog kev tuag los yuav kov tsis yeej cov ntseeg ntawd."(Mathais 16:18)

Twbyog vim muaj Vajtswv Phau Ntawv qhia li no thiaj pab kom kuv totaub zoo txog Xibhwb Livtshawj Vawnplas txojkev raug luag tsimtxom. Kev tuag muaj toj taug ua kom neeg plam txojkev vamkhom, tiamsis raws li kuv pom, nws ua timkhawv rau tus TswvYexus zaj, txawm tias kev tuag yuav los tawmtsam npaum twg los, tabtom yog los txhawb kom txojhia hajyam muaj zog ntxiv xwb.

Raug Tsimtxom Rau Tswv Yexus tsis yog yuav qhia kom pom txog Koomsam txojkev tswjhwim lub tswvyim limhiam thiab tsimtxom neeg xwb, tiamsis nws tseem qhia kom sawvdaws pom tus neeg muaj peevxwm ua timkhawv txog nws txojkev ntseeg qhov tseeb. Cov ntsiab lus tseeb sau rau hauv txhua nplooj ntawv no yuav qhib cov ntseeg nyob rau sab tebchaws Hnubpoob, qhib lawvtej qhovmuag kom tig rov qab mus pom txog tej kev luag tsimtxom cov ntseeg thaum ub hais tias muaj tseeb tiag thiab tseem muaj los txog niaj hnub nimno, tus ua timkhawv rau TswvYexus zaj los yeej yuav raug luag tsimtxom, raug luag tua povtseg thiab tsis tas li no xwb tseem qhia kom pom txog TswvYexus lub hwjchim ci ntsa iab uas niaj hnub nimno tseem muaj nyob.

Peb thov Vajtswv foom koobhmoov rau tej ntsiab lus povthawj hauv phau ntawv no, kom muaj sia zees ntxiv mus, kom tus nyeem muaj qhov totaub zoo thiab muaj qhov txhawbzog rub txhua tus los sib raug zoo nrog

Vajtswv thaum peb tseem ua lub neej nyob hauv ntiajteg no. Tej zaj lus povthawj no yuav pab kom peb totaub zoo txog cov neeg raug tsimtxom lub neej thiab txojkev tsimtxom tias yog licas tiag. Yog ib zaj pab rau tus neeg uas raug Vajtswv hu mus ua timkhawv qhia Vajtswv zaj nws paub npaj uantej thiab txaussiab hlo rau qhov nws tabtom yuav mus ua ntawd.

**Thoos Vai**

[The following text is extremely faint and largely illegible. It appears to be a list of names or a detailed report. Some faint words are visible, such as 'Komsom' and 'Komsomol', which are likely related to the Communist Youth League of Laos mentioned in the header. The text is organized into several paragraphs.]

# TSHOOJ 1

## Cov Neeg Lavxias (Xwbleej) txojkev Xav Paub Vajtswv Heev

### Tus Neeg Tsis Ntseeg Vajtswv Nrhiav Tau Tswv Yexus

**T**xij thaum kuv xeevwm los, kuv yeej yog ib tug menyuum ntsuag. Kuv loj hlob hauv tsev neeg uas tsis paub Vajtswv thiab yeej tsis tau kawm txog Vajtswv Txojlus ib qho li. Ua ib tug menyuum ntsuag nyob yajsab thiab koom zejzrog yam tsis muaj tus hlob. Lub neej nyob tsaurawv rau txojkev txomnyem rau ntu tsovrog ntiajteb zaum ib. Thaum kuv muaj 14 xyoo nkaus, peb lub tebchaws ua tsov ua rog, tej uas kuv tau kawm, luag qhia hais tias tsis muaj Vajtswv hlo li. Yog li thaum kuv pib loj hlob kuv yeej ntsub cov tebchaws uas coj kevcai ntseeg huvsu. Kuv xav hais tias cov coj txoj kevcai ntseeg no yog ib txoj ua kom neeg lub hlwb puas xwb. Kuv thiaj loj hlob nrog txojkev ntsub ntxaug txojkev ntseeg.

Tabis thaum kawg kuv muaj kev totaub, kuv tau txais txoj koob-hmoov zoo kawgnkaus uas yog txojkev hlob los ntwam Vajtswv. Kuv raug nws xaiv los ua nws txoj haujlwm uas kuv ibtxwm tsis totaub. Qhov Vajtswv hu kuv no, tsis yog vim kuv yog ib tug neeg zoo, tiamsis vim kuv yog ib tug uas muaj tus yam ntxwv phem heev.

Txawm yog kuv tsis ntseeg hais tias muaj Vajtswv los, pheed muaj ib qho rub kuv lub siab kom mus nrog cov ntseeg koom kev pehawm Vajtswv nyob rau hauv Vajtswv lub tuamtsev. Txhua zaus kuv taug kev ncaj mus pom Vajtswv lub tuam tsev, kuv yeej yuavtsum tau nkag mus nyob rau hauv tas



mas tom qab ntawd kuv mam li mus rau lwm qhov. Txawm yog kuv tsis totaub hais tias cov ntseeg ua dabtsi nyob rau hauv lub tuamtsev hnub ntawd thiab thaum kuv mloog Vajtswv Txojlus es kuv tsis totaub ib qhov hlo li los pheej muaj ib qho hais rau kuv lub siab hais tias, kuv yuavtsum tau hwm ib tug Vajtswv xwb. Kuv ntxub lub suab uas pheej hais rau kuv ntawd tiamsis kuv kuj xav paub hais tias nyob rau hauv lub ntiajteb no puas yuav muaj ib txojkev hlub pub rau kuv thiab.

Kuv xav rau kuv tus kheej thiab tu siab hais tias, yeej tsis muaj ib tug Vajtswv uas muaj txojkev hlub tshwm sim nyob rau hauv lub ntiajteb no li. Muaj ib zaug, kuv muaj kev covnyom txog txojkev ntseeg heev, kuv tau txiavtxim siab nkag mus lawm hauv lub tsev pehawm Vajtswv uas yog Kav-tausliv. Thaum kuv mus rau hauv, kuv pom neeg txhoscaug thiab pom lawv pheej hais hais lus. Kuv xav hais tias, cia kuv mus txhoscaug kom ze lawv es kuv thiaj li hnov saib lawv hais dabtsi, kuv thiaj li paub hais saib puas muaj tej yam tshwmsim pub rau kuv lub neej thiab. Kuv hnov lawv thov Maivliag tus uas yog nkauj xwb hais tias, "Niam nkauj Maivliag tus uas muaj kev hlub puvnpo." Kuv qog hais tibyam li, thiab tiamsis kuv saib tus mlom pojniam uas yog Maivliag, kuv tsis pom dabtsi tshwmsim thiaj ua rau kuv tu siab.

Kuv yeej tsis ntseeg hais tias muaj Vajtswv. Tiamsis muaj ib hnub, kuv txawm cia li thov Vajtswv hais tias, "Vajtswv, kuv xav hais tias yeej tsis muaj koj. Tiamsis yog hais tias muaj koj tiag, tsis yog kuv txoj haujlwm ntseeg koj, tiamsis yog koj txoj haujlwm qhia koj tus kheej pub rau kuv paub." Kuv yeej ibtxwm tsis ntseeg, tiamsis qhov uas kuv yog ib tug tsis ntseeg, kuj tsis ua kom kuv muaj kev kaj siab hlo li.

Thaum lub sijhawm kuv lub siab tabtom ntxhov zoo li no, nws muaj ib tug txivneej laus uas yog neeg kawntoo nyob rau yaj sab tau thov Vajtswv lino hais tias, "Kuv tus Vajtswv, kuv yog koj ib tug tub qhe ua haujlwm rau koj nyob rau hauv lub ntiajteb no. Thov koj foom koobhmoov rau kuv, ua ntej thaum kuv txoj sia yuav tu rau hauv lub ntiajteb no. Kuv thov kom koj pub koobhmoov rau kuv kom kuv muaj feem mus coj tau cov neeg Yudais los ntseeg Tswv Yexus, vim Yexus yog haiv neeg Yudais. Tiamsis kuv yog ib tug ntseeg uas txomnyem, laus thiab muaj mob; kuv yuav tsis muaj peevxwm mus nrhiav thiab coj lawv los ntseeg, vim nyob rau hauv peb lub zos tsis muaj ib tug neeg Yudais li. Thov koj coj kom tau haiv neeg Yudais los nyob rau hauv peb lub zos es kuv yuav siv tag nrho kuv lub dag zog thiab kuv txojkev ntseeg mus coj kom tau lawv los ntseeg koj xwb.

Kuv tsis paub hais tias xyov yog vim li cas, kuv thiaj khiav mus nyob rau hauv lub zos ntawd. Yeej tsis muaj ibyam haujlwm uas yuav ua rau kuv xav mus rau hauv lub zos ntawd li. Nyob hauv lub tebchaws Laumanias nws muaj 12 txhiab lub menyuam zos, tiamsis kuv lub siab cia li coj kuv mus rau lub zos no. Thaum tus txivneej laus no pom kuv nws hlub kuv kawg li, nws

yeej xav hais tias, kuv yog tus uas Vajtswv teb nws tejlus thov, vim kuv yog ib tus neeg Yudais. Nws muab Vajtswv ib phau ntawv pub rau kuv. Yav tag los kuv kuj tau nyeem Vajtswv Phau Ntawv lawm thiab, tiamsis kuv tsuas lam nyeem uasi xwb. Vajtswv Phau Ntawv uas tus txivneej muab rau kuv no txawv dua tej phau uas kuv twb tau nyeem tas los lawm. Raws li tus txivneej hais rau kuv mas, nws thiab nws pojniam tau thov Vajtswv pub rau kuv thiab kuv pojniam wb los tau ntev lawm. Vajtswv Phau Ntawv uas nws muab rau kuv no nws muaj nuj nqis heev, vim nws los ntawm tus txivneej txojkev hlub. Kuv yeej tsis muaj peevxwm nyeem tau Vajtswv Phau Ntawv uas nws muab rau kuv no li, vim thaum twg kuv nyeem mas, kuv pheej xav hais tias, vim licas ib tug neeg zoo npaum li Tswv Yexus ho kam los tuag theej ib tug neeg zoo li kuv. Nyob rau hauv kuv lub neej yav tas los tsuas muaj kev ntxub, kev phem nkaus xwb es, yog vim licas nws ho kam txais yuav tus neeg txhaum li kuv no los ua nws tug? Kuv xav txog tej no thaum twg ua rau kuv lub kua-muag poob si laws thiab ua rau kuv nyeem tsis taus Vajtswv Phau Ntawv uas nws muab pub rau kuv.

Tsis ntev tom qab ntawd, kuv pojniam los ntseeg Tswv Yexus. Nws coj tau coob tus los ntseeg Tswv Yexus thiab. Cov neeg uas kuv pojniam coj los ntseeg Tswv Yexus ntawd ho mus coj tau coob tus los ntseeg thiab tsis ntev tomqab ntawd lub tuamtsev pehawm Vajtswv Luvtawslees tshiab cia li loj hlob nyob rau hauv lub tebchaws Laumanias.

Dhau ntawd, cov neeg coj txoj kevcai Naxis ua rau peb raug kev txomnyem hnyav kawgnkaus li. Txoj kevcai Naxis yog ib txoj ua coj nruj kawgnkaus tsuas muaj tib pab yog cov tswj thiab lawv tawmtsam ntes cov ntseeg Vajtswv heev ibyam nkaus li lawv nrhiav ntes cov neeg Yudais

Ua ntej thaum kuv yuav raug tsa ua Vajtswv txoj haujlwm kuv yeej yog ib tug thawjcoj nyob rau hauv lub tsev pehawm Vajtswv lawm, pawg ntseeg no kuv yog tus xub pib, thiab yog tus coj sawvdaws. Kuv thiab kuv pojniam wb yeej raug txhom coj mus kaw, ntaus, thiab cab li tej tsiaj mus rau cov nomtswv Naxis txiav txim. Xav hais tias cov neeg Naxis txojkev tsimtxom hnyav, tiamsis nws tsuas yog qhov pib sim npaj tos txojkev limhiam tshajplaws tabtom yuav los raug rau tom ntej uas yog txoj kevcai Koomsam. Kuv tus tub Maivkaum cia li hloov nws lub npe Yudais kom dim nws txojkev tuag.

Qhov cov neeg Naxis ntaus peb thiab tsimtxom peb ntawd yog qhia rau peb paub uantej hais tias, tus ntseeg Vajtswv thiab ua Vajtswv txoj haujlwm yeej yuav raug tsimtxom zoo lino, kom peb yeej meem npaj tos rau yav tom hauvntej.

### Kuv txojkev Tshaj Txoj Moo Zoo Rau Cov Neeg Lavxias (Xwbleej)

Kuv laj tos txog thawj hnuv uas kuv yuav tawm mus qhia Vajtsv txoj lus rau cov neeg Lavxias. Vim cov neeg Lavxias ibtxwm loj hlob thiab raug cob qhia hais tias tsis muaj Vajtsv. Kuj ho tsis tsimnyog kuv yuav mus qhia Vajtsv Txojlus nyob rau puag tim lub tebchaws Lavxias, rauqhov twb muaj neeg txhij lawm thaum lub sijhawm Naxis tswjhwm, nyob rau tebchaws Laumanias muaj cov tubrog uas yog neeg Lavxias raug txhom coob txog txhiab txhiab leej, tsimnyog peb siv cov neeg no mus ua Vajtsv txoj haujlwm rov rau lawv haivneeg.

Nws yog ib tes haujlwm mus tau zoo heev. Kuv yeej ibtxwm nco-ntsoov thawj tug txivneeg Lavxias uas raug txim, nws yog ib tug kws ua choj. Kuv tau nug nws hais tias, "Koj puas ntseeg Vajtsv thiab?" Nws teb hais tias, "Kuv tsis ntseeg." Tiamsis tsis ntev tom qab ntawd nws tig saib kuv thiab nws mam li hais tias "Qhov kuv tsis ntseeg vim tsis muaj ib tug thawjcoj hais kom kuv ntseeg, kuv thiaj li tsis ntseeg. Yog hais tias muaj ib tug thawjcoj hais kom kuv ntseeg kuv yeej yuav ntseeg." Thaum kuv hnov nws hais li ntawd ua rau kuv lub kuamuag poob. Kuv tu siab heev hais tias yog vim licas ib tug neeg uas Vajtsv pub txoj koobhmoov rau nws kom nws txawj xav, txawj txiavtxim siab rau nws tus kheej es, cia li raug cov neeg Koomsam quabyuam kom ua li lawv cob thiab ntseeg li lawv qhia. Cov neeg Lavxias txhua tus yeej xav tibyam li tus txivneeg no xav. Yog li ntawd kuv thiaj tau cog lus rau Vajtsv hais tias kuv yuav muab kuv lub neeg txojkia los mus coj thiab qhia kom cov neeg Lavxias muaj feem los ntseeg Tus Tswv Yexus.

Pib txij lub 8 hli ntuj, tim 23, xyoo 1944, muaj li txhiab txhiab tus tubrog Lavxias tuaj nyob rau lub tebchaws Laumanias. Tsis ntev tom qab ntawd cov Koomsam txawm cia li yog cov muaj hwjchim kav peb lub tebchaws. Txij ntawd los txojkev ntshai ua npausuav toog vim cov neeg Naxis txojkev tsimtxom pib muaj ua ntu zus los.

Nyob rau lub tebchaws Laumanias, lub sijhawm ntawd nws muaj li 24,000,000 tug pejxeem, tiamsis cov ua tswv cuab zwm rau Koomsam pab suas muaj li 10,000 tug tswv cuab xwb. Yawg Vis-seexakis tus uas yog Tuamthawj tivthaiv tebchaws Lavxias cia li nkag kiag mus ua nruj ua tsiv rau peb tus vajntxwv Mikhais thiab hais tawv tawv rau nws tias, "Koj cia li tsa ib tug uas yog pab neeg Koomsam los ua tus tswj tebchaws." Peb cov tub rog thiab tub ceevxwm thiaj raug txo riam phom tag nrho. Zaum no muaj kev kub ntshov thiab txhua leej txhua tus puavleej ntsub cov Koomsam txojkev sawv los muaj hwjchim kav tebchaws. txojkev quabyuam uas yam tsis muaj kev tuavxam nrog cov nomtswv Askiv thiab Amelikas vim lawv yog cov nrog tswj tebchaws lub sijhawm ntawd.

Muaj ib hnuv twg neeg yeej yuav tau mus sawv rau ntawm Vajtsv

lub rooj txiav txim, vim lawv txojkev txhaum, thiab ua txhaum rau lub tebchaws. Cov ntseeg nyob rau tebchaws Amelikas thiab tebchaws Askiv yeej paub zoo nyob nruab siab lawm tias, cov neeg Koomsam Lavxias yuav tsimtxom cov ntseeg. Haiv neeg Amelikas yog cov muaj peevxwm yuav sau xovxwm nthuav qhia txog Koomsam txojkev tsimtxom limhiam no kom mus thoob ntiajteb nrog paub, thov kom lawv xav hais tias peb thiab lawv yog ib feem cev nqaj tawv, koom ib lub cev, koom ntseeg tib tug Vajtswv. Cov neeg Amelikas yuav pab cawm cov neeg uas raug mus nyob rau qhov chaw tsausntuj kom dim los nyob rau qhov kaj, uas yog tus duab ci los ntawm TswvYexus.

### Kev Dag Ntxias Cov Ntseeg

Thaum cov neeg Koomsam muaj hwjchim kav lub tebchaws lawd, lawv ntse limhiam heev. Lawv nrhriav txhua lub tswvyim los dag ntxias cov ntseeg. Yeej tsis muaj leej twg yuav paub hais tias lawv lolus hlub thiab lolus dag zoo licas vim nws zoo tibyam nkaus xwb. Lawv lolus ntxias ib tug ntxhais los mus ua pojniam thiab ntxias ib tug ntxhais los ua kev nkauj kev nraug yog tib los xwb tsis muaj leej twg yuav paub txog hais tias lo twg yog dag thiab tiag. Thaum lub sijhawm cov neeg Koomsam Lavxias los tuav hwjchim kav tebchaws lawm, muaj coob tus txivplig, coob tus xibhwb, thiab coob tus tshaj Vajtswv Txojlus yeej tsis paub txhais txog lawv ob lub suab lus dag ntawd hlo li.

Koomsam Lavxias hu tag nrho cov ntseeg tuaj sib tham uake. Xam tag nrho cov txivplig, xibhwb, thiab cov tshaj Vajtswv Txojlus nws muaj li 4 txhiab leej. Vajtswv cov tubtxib tuaj uake zaum no lawv xaiv tau Yauxej Xatalees ua tus thawjcoj thiab saib xyuas tag nrho cov ntseeg sawvdaws. Tib lub sijhawm ntawd nws yog tus tuamthawj tswj lub koomhaum sojntsuam kev txawvtxav ntawm cov ntseeg thoob ntiajteb thiab kev tsimtxom tua cov ntseeg tsheej pab pov tseg. Tus thawjcoj thiab tag nrho cov xibhwb koom siab thiab hais tias cov neeg Koomsam thiab cov ntseeg sawvdaws yeej xav tibyam, yog li txij hnuab no mus sawvdaws yuavtsum sib hlub, sib pab, thiab nyob uake mus. Lawv qhuas cov neeg Koomsam thiab tseem hais ntxiv hais tias peb cov ntseeg yuav rhawv txojkev koom siab nrog nej.

Kuv thiab kuv pojniam wb mus koom lub rooj sib tham zaum no. Xanpinas hais rau kuv hais tias, "Listshawj", koj cia li tawm kiag mus so tej kev txaj muag tawm ntawm Yexus lub ntsejmuag mus! Lawv yog cov uas nti qaub ncaug rau Yexus lub ntsej muag." Kuv hais rau nws hais tias, "Yog kuv ua li koj hais, koj yuav tsis muaj txiv." Nws teb hais tias, "Kuv tsis ntshaw ib tug txiv uas taiscaus zoo li kod."

Tom qab ntawv kuv thiaj tau sawv los tawm suab rau hauv lub

koomtxoos sib tham hais tias, kom peb tsis txhob qhuas cov neeg uas tua cov ntseeg Tswv Yexus peb yuavtsum cia Tswv Yexus ua peb tus Tswv. Cov lus uas sawvdaws hais no puavleej tso tawm xovtooj cua rau tebhaws hnov tag huv tibi. Tsis ntev tom qab ntawd kuv kuj raug kev tsimtxom vim tejlus uas kuv tau hais tiamsis kuv yeej txaussiab rau txhua lolus uas kuv tau hais tas los lawm.

Cov thawjcoj Oto-dos thiab Plautes-xatas tau muab zaj no los sibcav muab ib tug txojkev ntseeg piv rau ib tug thiab nrog rau txoj kevcai Koomsam. Tus txivplig coj pab pawg Oto-dos muab tus cim Koomsam uas muaj rab liag thiab rab rauj coj los coj rau ntawd nws cajdab thiab hais rau sawvdaws tias, tsis txhob hu nws ua " Tus Muaj Pluj Siab Hlub" tiamsis hu tias, " tus Kwvluag". Txivplig Plastas-khaus thiab Lauxias-nus yog thawj ob tug uas xub ua tej no. Nkawd yog ob tug sawv los ua tub tshuajxwm uas tsis muaj tus paub. Laj, tus uas yog lwm thawj tswj pab ntseeg Vajtswv uas yog cov Luthaw-leees hauv tebhaws Laumanias tau pib qhia nyob rau tsev kawm Vajtswv Txojlus hais tias, Vajtswv tau ua peb yam tshwm sim los rau neeg pom xws li: qhov ib yog Mausxes, qhov ob yog Yexus, thiab qhov peb yog Xatalees uas yog lub noob tseemceeb kawg.

Kuv tau mus koom cov Npaktiv lub rooj koomtxoos nyob rau lub zos Lexistas, lub koomtxoos uas muaj tus chij ntaub liab, thaum yuav pib qhib lub koomtxoos sawvdaws sawvntusug hu Lavxias zaj nkauj tswj tebhaws uake. Tus thawjcoj ntawm cov Npaktiv tau tawm suab qhuas Xatalees hais tias nws yog ib tug xibhwb uas txawj ntse kawgnkaus nyob hauv Vajtswv Phau Ntawv thiab qhuas hais tias Xatalees yog tus uas ua kom Vajtswv Txojlus muaj puv ntoob.

Raws li cov Npaktiv zoo uas kuv paub thiab nyiam mas yog cov yeej tsis hais tejlus no, vim lawv yog cov ntseeg Tswv Yexus thiab muab tau lawv txojsia pub tau rau tus Tswv Yexus. Txij thaum cov Koomsam xaiv tau lawv tus thawjcoj lawm cov Npaktiv tsis muaj lwm txoj hau kev tsuas yog koomtes nrog rau cov neeg Koomsam xwb. Tibyam li niaj hnuv nim no cov ntseeg uas yog thawjcoj qibsiab uas nyob rau tej tebhaws muaj txoj kevcai Koomsam tswjhwm, yuavtsum tau qimuag koomtes nrog rau tseemhvw. Cov uas raug los ua Koomsam tus tiagtes tiagtaw tig los tawmtsam nws tej phoojywg uas tsis kam koomtes nrog lawv.

Nyob rau tebhaws Lavxias cov neeg uas ntseeg Vajtswv tiag lawv sibsau los ua pab pawg ntsiagto uas tsis muaj leej twg paub. Cov pab pawg no pib muaj tom qab uas muaj txoj kevcai Koomsam los tswjhwm thiab muaj coob tus thawj xibhwb tau ntseev siab rau txojkev qhia Txojmoo Zoo. Lub tswvyim ua ntsiagto tuaj qabrooj no yog tau los ntawm cov ntseeg nyob hauv lub tebhaws Laumanias los. Txojmoo Zoo yuavtsum ua txhua yam kom tshaj tawm tau thiab coj tau neeg los cuag Tus TswvYexus. Cov nomtswv



Koomsam thiab cov thawjcoj pawg ntseeg uas mloog li luag hais yeej txwv tuag nthi tes haujlwm no.

Txoj kev nyob koom uake, kuv tau pib tes haujlwm tuaj qabrooj. Kuv yuavtsum ceevfaj kawgnkaus rau tes haujlwm qabrooj no, vim kuv yog ib tug neeg uas txhua tus paub kuv zoo. Kuv yog ib tug xibhwb coj pawg ntseeg Lutawlees hauv lub zos Naus- vesntsias. Tib lub sijhawm ntawd kuv kuj yog ib tug thawj tuavxam rau lub Koomhaum tagnrho cov ntseeg hauv tebchaws Laumanias. Vim kuv ob lub luagnum tseemceeb no thiaj li tsis muaj leej twg paub txog kuv txoj haujlwm qabrooj.

Muaj ob yam tseemceeb rau tes haujlwm qabrooj. Qhov ib yog peb pib tshaj Vajtswv Txojmoo rau tubrog Koomsam Lavxias. Qhov ob yog npaj pab cov neeg Laumanias uas txomnyem thiab raug ua luag cevqhev.

### Lavxias Cov neeg Uas Muaj "Kev Tshaib Nqhis" Sab Ntsujplig

Qhia Vajtswv Txojlus rau cov neeg Lavxias mas zoo li pom ntuj Ceebtsheej nyob hauv ntiajteg no. Kuv qhia Vajtswv Txojlus rau ntau lub tebchaws tiamsis kuv tsis tau pom ib haivneeg twg uas yuav nqhis Vajtswv Txojlus npaum li cov neeg Lavxias. Lawv xav paub Vajtswv heev tiag tiag.

Kuv muaj ib tug phoojywg ua xibhwb nyob rau pawg ntseeg Oto-dos. Nws hu xov tooj tuaj qhia kuv hais tias, muaj ib tug thawj tub ceevxwm Koomsam Lavxias tau tuaj cuag nws thiab lees kev txhaum. Kuv tus phoojywg ntawd tsis paub hais lus Lavxias. Tiamsis nws paub hais tias, kuv txawj hais lus Lavxias. Nws muab kuv chaw nyob rau tus txivneej no. Hnub tomqab tus txivneej no txawm tuaj cuag kuv. Nws ntseeg tias muaj Vajtswv, tiamsis nws sim neej yeej tsis pom Vajtswv Phau Ntawv li. Nws ibtxwm tsis tau kawm txog txoj kev ntseeg thiab tsis tau mus koom kev pehawm Vajtswv nrog ib pab pawg twg hlo li. (koom kev pehawm Vajtswv nyob Lavxias tebchaws yog ibyam txaus ntshai heev). Nws hlub Vajtswv raws li nws lub siab ntshaw thiab nws ntseeg raws li nws kev muaj peevxwm.

Kuv nyeem Yexus zaj lus qhuab qhia nyob saum roob rau nws mloog. Tomqab nws mloog tas, nws zoosiab heev nws dhia muscaum puv qhov txhia qhov chaw. Nws hais tias, "Ua licas yuav zoo tas npaum li tiag!" Kuv lub neej yuav nyob yam tsis muaj tus Tswv Yexus mas tsis tau kiag li ntag!" Qhov no yog thawjzaug uas kuv pom ib tug neeg muaj kev zoosiab vim nws paub tus Tswv Yexus.

Muaj ib qho kuv yuam kev loj yog qhov kuv maj mus nyeem txog qhov Tswv Yexus muaj pluj siab hlub thiab qhov luag muab Tswv Yexus ntsia rau saum tus ntoo khaublig rau nws mloog yam kuv tsis tau npaj rau nws qhov ntawd. Thaum kuv nyeem tag ua rau tus txivneej no tusiab heev, nws ibce causyaum thiab cia li qaug rau hauv av thiab quaj heev. Nws muaj kev

cia siab rau tus Cawmseej tiamsis tsam no tus Cawmseej tuag lawm.

Kuv tig ntsia nws, kuv txajmuag kawg nkaus. Rauqhov kuv yog ib tug xibhwb, ib tug ntseeg, thiab ib tug kws qhia lwmleej. Iwmtus thiab, kuv yeej ibtxwm tsis tau qhia txog zaj uas Tswv Yexus raug tsimtxom tuag no rau ib tug thawj tub ceevwm Lavxias li tus no. Thaum kuv saib nws, nws zoo li thaum Maivliag Madalas quaj rau ntawm tus taw ntawm khaublig uas luag muab Tswv Yexus ntsia rau saud.

Kuv rov qab nyeem txog zaj uas hais txog qhov Tswv Yexus sawv hau qhov tuag rov qab los. Kuv pom nws lub ntsejmuag hloov thiab nws tus kheej txawv lawm, vim nws yeej tsis tau paub hais tias Tswv Yexus tuag tiamsis Nws sawv tau rov qab los. Thaum nws hnov txog zaj lus Moozoo no lawm nws zoosiab kawg li. Nws qw nrov nrov yam tsis muaj lub muaj log, hais tias, "Nws sawv los lawm lauj! Nws sawv los lawm lauj!" Nws dhia muscaum ncig thoob tsev thiab nws zoosiab kawgnkaus yam tsis paub piav rauqhov Tus Cawmseej sawv rov qab los lawm.

Kuv hais rau nws hais tias, "Los wb thov Vajtswv uake!" Nws yeej tsis tau paub thov Vajtswv hlo li. Nws yeej tsis paub txog cov ntseeg tejlus zoo thov Vajtswv. Nws nrog kuv txhoscaug uake nws thov li no hais tias, "Oh, Vajtswv yog kuv yog Koj thiab Koj yog kuv, ntshe kuv yuav tsis zam txim rau koj thiab koj txojkev txhaum uas koj twb ua los lawm. Tiamsis Koj yog ib tug Tswv zoo heev! Kuv hlub koj kawg kuv lub siab lub ntsws."

Kuv xav hais tias tagnrho cov Tubtxib saumntuj Ceebtsheej yuav tig ntsej los mloog tus tub ceevwm Lavxias no tejlus thov. Tswv Yexus coj tau tus txivneej no los ntseeg Vajtswv.

Nyob hauv ib lub khw, kuv tau ntsib ib tug thawj tubrog hnuqbub peb Lavxias nrog ib tug nom tus pojniam. Nkawd tabtom yuav khoom ntau yam thiab nkawd tabtom ntsib teebmeem vim tsis sib totaub nrog tus muag khoom, rauqhov tus muag khoom tsis totaub lus Lavxias. Kuv thiaj li thov ua tus txhais lus pab rau nkawd. Tomqab ntawd, kuv tau caw nkawd mus noj hmo hauv kuv tsev. Thaum peb tabtom yuav noj mov, kuv hais rau nkawd tias, "Neb tuaj txog rau tsev neeg ntseeg lub tsev lawm, yog li ua ntej peb yuav noj mov, cia kuv thov Vajtswv foom koobhmoov rau cov zaub mov tso." Kuv thov Vajtswv ua lus Lavxias. Tomqab ntawd nkawd cia li tso diav, tso rawg tseg tsis xav txog puas mov li lawm. Nkawd cia li muaj lub siab xav paub txog Vajtswv, Tswv Yexus, thiab Vajtswv Txojlus heev dua. Nkawd yeej ibtxwm tsis tau paub, tsis tau hnov txog zaj no hlo li.

Tsis yooj yim qhia Vajtswv Txojlus rau nkawd kiag. Kuv tau muab TswvYexus zaj lus pivtxwv hais txog tus tswv yug yaj uas nws muaj 100 tus yaj es muaj ib tug yaj tau ploj lawm, tus tswv yaj ua txhua yam mus nrhiav kom tau tus ploj ntawd rovqab los. Nkawd yeej tsis totaub txog zaj lus qhia ua pivtxwv no hlo, qhov nkawd tsis totaub los vim cov tubrog txhua tus yeej

raug luag muab Koomsam txoj kevcai los qhia ntxuav lawv tej hlwb tag lawm. Nkawd rov nug tias, "Yog vim licas tus txivneej no ho muaj tau ibpuas tus yaj? Puas yog cov neeg Koomsam tuaj txeeb mus lawm?" Kuv saib nkawd tsis totaub kuv thiaj li qhia rau nkawd hais tias, Tswv Yexus nws yog Vajntxwv. Nkawd rov teb kuv hais tias, "Tag nrho cov vajntxwv puavleej phem quabyuam neeg, yog li Yexus tus uas yog Vajntxwv nws kuj nyiam quabyuam neeg thiab." Thaum kuv ho qhia rau nkawd hais txog cov lus pivtxwv uas cov qhev tu lub vaj txivhmab. Nkawd teb hais tias, "cov qhev uas ntaus tus tswv vaj txivhmab tus tub qhe lawv yeej ua yog lawm vim cov txiv hmab ntawd tsis yog nws li tiamsis yog tus tswv vaj li." Txhua yam puavleej yog tshiab rau nkawd tag. Thaum kuv qhia txog Tswv Yexus hnuv yug rau nkawd mloog, nkawd nug hais tias, "Maivliag puas yog Vajtswv tus poj-niam?" Kuv pom tau hais tias yog yuav qhia Vajtswv Txojlus rau cov neeg Lavxias no yuavtsum tau hloov tswvyim tshiab tas huv tibi.

Kom ncontsoov hais tias ib haivneeg twg nyias muaj nyias kablis kevcai coj. Yog li peb yuavtsum tau hloov txojkev qhia Vajtswv Txojlus kom haum haivneeg uas peb qhia ntawd. Peb yuavtsum tau txhais Vajtswv Txojlus kom yog lawv cov lus thiab kom haum li lawv tej kablis kevcai mas lawv thiaj li yuav totaub txog Vajtswv zaj. Muaj ib tug xibhwb tshaj Vajtswv Txojmoo Zoo mus nyob rau Aflikas tebhaws sab nruabnab teb, nws muaj teebmeem txog nqe lus hauvYaxayas qhia tias, "Txawm yog nej tej kev txhaum liabplog los, kuv yuav ntxuav kom dawbpaug li daus.." (Yaxayas 1:18). Cov neeg Aflikas yuav ua li cas totaub, vim lawv sim neej yeej ibtxwm tsis paub tsis pom txog daus ib zaug li. Yog li nws thiaj siv los lus uas hais tias, Vajtswv yuav ntxuav nej tej kev txhaum kom dawb paug zoo yam li cov noob toovlaj nyeg.

Yog li peb thiaj li txhais Vajtswv Txojlus ua "Lus Maxis" raws li lawv kev tswjhw m kom lawv thiaj totaub yoojyim. Yog tsis muaj Vajtswv tus Ntsujplig pab, peb yeej txhais tsis tau tejlus hais no.

Tus thawj tubrog thiab tus nom tus pojniam uas tuaj nrog kuv tsev neeg noj mov kam los lees txais yuav Tswv Yexus hnuv ntawd. Tomqab no nkawd tau pab peb ua Vajtswv txoj haujlwm uas ntsiagto tuaj qabrooj rau cov neeg Lavxias.

Thawj qhov uas peb ua zais ntshis yog luam cov ntawv uas qhia txog Txojmoo Zoo thiab Vajtswv Phau Ntawv faib rau cov neeg Lavxias coob leej ntau tus. Peb siv cov tubrog Lavxias uas los ntseeg Vajtswv pab nqa cov ntawv qhia txog Vajtswv Txojmoo Zoo thiab ib feem ntawm Vajtswv Phau Ntawv mus rau cov neeg Lavxias nyob rau Lavxiasteb thiab. Peb muaj lwm lub tswvyim ua tes haujlwm no ntxiv. Cov tubrog Koomsam Lavxias lawv tau ncaim tsev neeg tuaj ua tsov ua rog tau ntau lub xyoo, lawv tseg pojniam menyuum tuaj tomqab, lawv nco lawv tej menyuum ibyam nkaus li peb txhua

tus thiab (cov neeg Lavxias lawv hlub menyuam heev). Kuv tus tub Maivkaum thiab lwm tus cov menyuam uas muaj hnuvnyoog li 10 xyoo. Lawv nqa Vajtswv Phau Ntawv mus rau tom tej chaw uasi, thiab tej ntugkev uas muaj cov tubrog Lavxias. Cov tubrog Lavxias pom cov menyuam lawv mus nrog cov menyuam uasi sibtham thiab plhws cov menyuam ib tug rau ib tug thaum lub sijhawm ntawd peb cov menyuam muab Vajtswv Phau Ntawv cev rau cov tub rog Lavxias. Cov tubrog muab piamthaj qabzib pub rau peb cov menyuam yam nkaus li lawv muab pub rau lawv cov menyuam uas lawv sib ncaim tau ntau xyoo lawm. Lawv yog ib cov menyuam tshaj Vajtswv Txojlus rau cov neeg Lavxias tau zoo heev. Tsis muaj ibyam yuav pivtau qhov txiajntsig uas cov menyuam ua tes haujlwm tshaj Vajtswv Txomoo Zoo rau cov tubrog Lavxias no. Coob tus tubrog Lavxias tau txais Vajtswv Phau Ntawv yog los ntawm peb cov menyuam no.

### **Qhia Vajtswv Txojlus Hauv Lavxias Tej Yeej Tubrog**

Peb tsis yog yuav qhia Vajtswv Txojlus ib tug rau ib tug xwb, tiamsis peb qhia tau rau tej pab neeg tsawg uas tuaj txoos uake thiab.

Cov neeg Lavxias lawv ntshaw lub teev uas qhia sijhawm coj ntawm tes heev. Lawv nyas nrhw yuav nyiag tus muaj lub teev sijhawm ntawd coj los ua lawv tug. Muaj ntau zaus lawv cia li hais tawv qhawv rau tej neeg taug kev kom cia li hle lawv tej lub teev sijhawm ntawm tes los ua lawv tug. Peb pom muaj tej tus neeg Lavxias ib leeg coj ntau lub ntawm nws txhaistes. Tej tus pojniam Lavxias uas yog nom kuj muab los coj rau ntawm cajdab huvsu, vim lawv yeej ibtxwm tsis nrog luag muaj. Yog cov neeg Laumanias xav tau tej lub teev sijhawm ntawd, lawv pheed mus yuav tom tej yeej tub rog. Muaj ntau zaug lawv rov mus yuav tau tej lub uas yog lawv lub qub es raug nyiag lawm rov qab los coj. Peb pom tau hais tias qhov no yog ib qhov uas zoo ua Vajtswv txoj haujlwm. txojkev lagluam no qhib qhovrooj rau cov neeg Laumanias nkag mus los hauv lub yeej tubrog yoojyim. Peb cov ntseeg uas nyob rau qabrooj thiaj li pom tau tias nov yog lub sijhawm zoo rau peb.

Thawj zaug uas kuv nkag tau mus qhia Vajtswv Txojlus nyob rau hauv lub yeej tubrog Lavxias, hnuv ntawd yog ib hnuv tseemceeb txwmxyoo txog rau cov ntseeg uas yog Oto-dos lub koobtsheed nco txog Xibhwb Povlaj thiab Xibhwb Petus. Kuv ua txuj ua li kuv yog ib tug neeg mus nrhiav yuav tej lub teev sijhawm ntawd thiab. Lawv nqa ntau lub tuaj thab rau kuv kom kuv yuav tiamsis kuv pheed ua txuj xyuas tsis muaj lub txaus nyiam hlo li. Coob tus tubnrog Lavxias tuaj ntsauv kuv thiab ib leeg nqa ibyam tuaj thab kom kuv pab yuav. Kuv txawm hais lus tso dag rau lawv hais tias, "nej cov ntawm no puas muaj leej twg npe hu uas Povlaj los yog Petus?" Muaj qee tus hu li ntawd. Kuv rov nug dua hais tias, "Nej puas paub hais tias hnuv no

yog hnuv uas nej cov ntseeg Oto-dos nco txog Xibhwb Povlauj thiab Xibhwb Petus?" Kuv nug ntxiv hais tias, "nej puas paub Povlauj thiab Petus yog leej twg?" Tsis muaj leej twg qhia tau rau kuv hais tias Povlauj thiab Petus yog leej twg. Nyob rau lawv pab ntawd muaj ib tug neeg laus, nws txawm hais rau kuv hais tias, "koj tsis yog tuaj nrhiav yuav lub teev sijhawm lossav. Koj tuaj qhia txog kev ntseeg rau peb xwb puas yog? Koj cia li los zaum ntawm no es qhia Vajtswv Txojlus rau peb mloog. Tiamsis ceev faj, peb cov nyob uake no yog cov neeg zoo xwb, tiamsis thaum twg kuv muab kuv txhais tes los tuav koj lub hauvcaug, koj yuavtsum tsis txhob hais txog kev ntseeg lawm koj yuavtsum hais txog nrhiav yuav lub teev sijhawm nkaus xwb ho thaum twg kuv tshem kuv txhais tes ntawm koj lawm koj mam li tham txog kev ntseeg rau peb mloog ntxiv."

Muaj ib pab txivneej coob haujsim los vij puagncig kuv, ces kuv txawm qhia rau lawv hais txog Tswv Yexus tus uas yog Xibhwb Povlauj thiab Xibhwb Petus kam muab nkawd txojtsia tuag rau. Muaj tej lub sijhawm muaj tej tus txivneej uas lawv pab ntawd tsis ntseeg siab txav los ze ces lawv muab lawv txhais tes los tuav nkaus kuv lub hauv caug, tamsim ntawd kuv txawm pib tham txog lub teev sijhawm. Thaum tus txivneej ntawd khiav mus lawm kuv mam li rov qab qhia txog tus Tswv Yexus zaj rau lawv mloog dua. Kuv nkag mus qhia li no tau ntau zaus yog kev koomtes los ntawm cov tubrog Lavxias uas twb yeej lees yuav Vajtswv lawm. Lawv cov phoojywg tubrog coob tus los ntseeg thiab muab tau Vajtswv Phau Ntawv ntau txhiab pub rau lawv.

Peb muaj ntau leej ntau tus cov pojniam thiab txivneej uas nrog peb ua tes haujlwm nyob qabrooj raug txhom thiab raug tsimtxom vim kev koomtes ua tes haujlwm no, txawm li ntawd los lawv tsis muaj ib tus twg yuav ntseev siab rau peb lub hauvpaus koomhaum.

Lub sijhawm peb ua cov haujlwm no, peb tau ntsib cov ntseeg Lavxias uas ua haujlwm nyob rau qabrooj thiab hnov txog lawv tej haujlwm zoo uas lawv tau ua los lawd. Ua ntej tshajplaws lwm yam huv tibs, peb tau pom lawv yog Tswv Yexus ib cov tub txib zoo heev. Lawv raug luag koj mus kawm txoj kevcai Koomsam ntxuav hlwb los tau ntau lub xyoo. Txawm lawv yuav zoo li cov ntses uas luag muab tsau dej qab ntsev thiab kom tej nqaij qabzib, txawm hais tias lawv yuav tau kawm dhau tej tsev kawmntawv Koomsam thiab tej tsev kawmntawv qibsiab los xij, lawv tuav rawv txojkev ntseeg thiab ncaj ncees rau tus Tswv Yexus..

Cov ntseeg Lavxias muaj pluaj siab hlub Vajtswv tiag tiag. Lawv hais tias "Peb paub zoo tias lub kausmom uas peb ntoo saum peb taubhau uas muaj tus cim rabliag, rabrauj thiab lub hnuv qub yog tus cim tawmtsam peb tus Vajtswv." Lawv hais tias, qhov nov tu siab loj kawg nkaus. Lawv pab peb qhia Vajtswv Txojlus pub rau lwm pab tubrog. Kuv pom tau tias cov los



ntseeg tshiab no lawv tau txais kev kajsiab thaum lawv los lees yuav tus Tswv Yexus tshiab tshiab xwb tomqab ntawd yuav ploj mus. Kuv xav txog lawv thiab zaj no heev. Muaj ib zaug kuv nug ib tug xibhwb uas yog cov Npavtiv hais tias, "Koj paub txojkev kajsiab tau licas?" Nws teb kuv lino; "Kuv yuav muaj kev kajsiab tau licas, yog hais tias kuv yog ib tug ntseeg Vajtswv zoo ua txhua yam kom mus koj tau neeg los ntseeg Vajtswv tiamsis kuv ho ntshai rwg nkaum rawv tsam kuv tus xibhwb paub txog kuv tes haujlwm?" Tus xibhwb yog ib tug tshuajxwm rau tseemhvw, peb ib tug sojnstuam ib tug tes haujlwm, tus tswv yugyaj ntseev siab rau pab yaj. Txojkev dim txim uas kaj siab lug tiag yuavtsum muaj, tiamsis txojkev kajsiab lug hauv nruabsiab li koj hais, peb tsis muaj.

Coj txojkev ntseeg Vajtswv yog ib zaj dabneeg covnyom kawgnkaus rau peb. Peb cov ntseeg uas nyob rau tebchaws ywjpheej, thaum peb koj tau ib tug neeg los ntseeg Vajtswv, tus ntawd muaj feem los ua ib tug tswvcuab koom nrog pawgntseeg thiab nws muaj kev ywjpheej. Tiamsis nyob rau lub tebchaws raug lwm haivneeg caijsuj, thaum peb koj tau ib tug neeg los ntseeg peb yeej paub meej uantej lawm tias tus ntawd yuav raug txim. Tsis tag li xwb tej zaum nws pojniam menyuum tseem yuav ua ntsuag thiab. Peb muaj qhov xav phem thiab zoo sib xyawdaws thiab tusiab hais txog thaum peb koj tau ib tug neeg los ntseeg Vajtswv es, nws yuav raug them tus nqi. Peb twb ntsib nrog yuav luag txhua tus ntseeg uas yog ib hom kev koj tshiab, cov ntseeg uas koj txojkev ntseeg ntsiagto nyob tuaj rau qabrooj. Muaj ntau yam ua rau peb xav tsis thoob xws lino.

Muaj coob leej ntau tus hais tias lawv yog cov ntseeg Vajtswv, tiamsis qhov tseeb tiag lawv tsis yog, peb xav hais tias cov neeg Lavxias yog cov tsis ntseeg tias muaj Vajtswv, qhov tseeb tiag lawv tsis yog zoo li peb lub siab xav ntawd.

Kuv tau zaum hauv tshab ciavhlau nrog ib tug tub ceevxwm Lavxias. Kuv siv lub sijhawm ntawd qhia Tswv Yexus pub rau nws mloog tiamsis tomqab tsis pestsawg feeb nws npautaws heev nws muab txojkev tsis ntseeg tias muaj Vajtswv uas nws raug cob qhia los cav nrog kuv. Nws muab txoj kevcai Masxis Xatalees, Vaustheslis, Dasvees, thiab lwm txoj kevcai uas tawmtsam Vajtswv Txojlus qhia nyob hauv Vajtswv Phau Ntawv los cav yam tsis pub sijhawm rau kuv nrog nws cav. Zaum no tsis yog kuv ua tus qhia rau nws mloog tiamsis nws yog tus uas qhia rau kuv mloog nkaus xwb. Nws cav nrog kuv tau li ib teev ntau. Nws ua txhua yam kom kuv tsis txhob ntseeg Vajtswv. Thaum nws hais tas kuv nug nws hais tias, "Yog hais tias tsis muaj Vajtswv tiag vim licas thaum koj raug teebmeem koj ho thov Vajtswv pab koj thiab?" Nws thiaj li teb hais tias, "Yog vim licas koj ho paub hais tias, kuv thov Vajtswv?" Zaum no kuv tsis cia sijhawm rau nws ua tus hais lawm xwb. Kuv rov nug nws ntxiv tias, "Vim licas koj thiaj li thov Vajtswv, thov koj teb

kuv seb? Koj twb tsis ntseeg hais tias muaj Vajtswv no ne? Nws nyohau thiab lees ua kuamuag poob nthav hais tias muaj Vajtswv. Thaum wb mus yuav txog Yesles-mas tebchaws nws thiaj li kam nrog kuv thov Vajtswv uake. Nws tsis paub hais tias yuav thov Vajtswv licas nws tsuas thov lino, "Vajtswv thiab Niam Maivliag tus dawbhuv." Txawm nws thov tau li no xwb los yeej zoo kawg lawm vim cov lus thov yog tawm hauv nruab siab tus neeg muaj kev txhaum lees paub Vajtswv.

Kuv tau ntsib nrog ib nkawm niamtxiv, nkawd yog kws paub ntsej-muag. Thaum kuv qhia Vajtswv Txojlus rau nkawd. Nkawd teb kuv tias, tsis muaj Vajtswv. Peb yog cov uas tsis ntseeg tias muaj Vajtswv. Tiamsis wb kuj muaj ib zaj tshwm sim rau wb lub neej uas ua rau wb xav tsis thooob xav muab qhia rau koj thiab

"Thaum lub sijhawm wb tabtom paub tus mlom Xatalees, kuv pojniam nug kuv hais tias, 'Tshuav tus nti tes xoo ne? Yog wb tsis paub tus ntivtes xoo pab ces kuj zoo ibyam li peb cov ntiav taw xwb nws kuj tuav tsis tau ibyam dab tsi hlo li. Ua neej nyob yog tsis muaj tus ntivtes xoo nws yeej tsis zoo qhov twg tuaj. Kuv pojniam thiaj nug hais tias, leej twg yuav yog tus paub tus ntivtes xoo? Wb ob leeg yeej tau kawm Masxis txojkev cob qhia hauv tsev kawm ntawv dhau los lawm tias, yeej tsis muaj leej twg tsim lub ntuj lub ntiajteb nws cia li tshwm sim nws xwb. Nws tsis yog Vajtswv ua tus tsim. Kuv yeej tau kawm li ntawd thiab ntseeg li ntawd, yog tias, Vajtswv tsis yog tus tsim ntuj tsim teb, nws tsuas yog tus paub tus ntivtes xoo no xwb, tsimnyog nws yuavtsum zoosiab thiab qhuas tus nyuag ntivtes xoo no xwb. "Peb qhuas Edixam, Bias, thiab Satefexam cov uas muaj peevxwm rhawv tsim tau lub teeb hluavtaws xob, kev tsheb ciav hlau, xovtooj cua thiab lwm yam coj los siv. Vim licas peb ho tsis qhuas tus uas muaj peevxwm paub tau tus ntivtes xoo thiab? Yog tias Edixam tsis muaj tus ntivtes xoo nws yeej tsim tsis tau lub teeb hluavtaws xob. Tsimnyog qhuas Vajtswv tus uas tsim tus ntivtes xoo". Thaum tus niam hais cov lus no, ua rau nws tus txiv chim heev. Vim txiv feem coob yeej muaj ntsis zoo li ntawd." Koj tsis txhob hais tejlus tsis muaj qab-hau li ko! Koj twb kawm los lawm tias yeej tsis muaj Vajtswv no nes. Koj yuavtsum ceev faj tсам tus tswv ntiav wb hnov ces koj ntsib teebmeem. Cim ntsoov hais tias yeej tsis muaj Vajtswv thiab saumntuj los yeej tsis muaj leej twg nyob rau saud."

Nkawm niamtxiv no nkawd rov sibcav nkawd mus mus los los yog li kuv thiaj li qhia rau nkawd hais tias, nyob rau saumntuj nws muaj Vajtswv tus uas yog phab Ntsujplig, tus uas muaj kev hlub, muaj kev txawjntse, muaj qhov tseeb, thiab muaj hwjchim thiab tus uas xa Nws tibleeg Tub los tuag saum tus ntoo khaublig theej neeg lub txhoj. Kuv siv lub sijhawm no qhia rau nkawd kom nkawd paub txog Vajtswv txojkev hlub thiab kev cawmdim.

Muaj ib zaug kuv tau mus ntsib ib tug nom pojniam Lavxias tom kev.

Kuv mus nrog nws tham, uantej yuav tham, kuv xub thov txim ntawm nws tias, "Kuv paub hais tias yeej tsis tsimnyog ib tug txivneej cia li los nrog ib tug pojniam sibtham ntawm tej togkev zoo li no. Tiamsis kuv thov qhia rau koj paub hais tias kuv yog ib tug xibhwb qhia Vajtswv Txojlus. Kuv tsis lam yuav ua phem licas rau koj, kuv tsuas yog xav qhia Vajtswv Txojlus rau koj xwb."

Nws nug kuv hais tias, "Koj puas hlub Tswv Yexus?" Kuv teb hais tias, "Kuv hlub Nws tagnrho kuv lub siab lub ntsws." Nws cia li puag kiag kuv yam tsis txaj muag rau leej twg hlo li. Kuv yog xibhwb kuv kuj tsis pom qab yuav ua licas kuv kuj cia li puag nws thiab kom luag tej xav hais tias wb yog nus muag. Kuv coj nws mus rau tom kuv tsev kuv thiaj li nrog nws tham hais txog Tswv Yexus. Nws yeej tsis paub ib qho dabtsi hlo li. Nws yeej tsis paub txog Tswv Yexus lub neej thiab txoj kev cawmdim. Qhov nws ntseeg vim nws tsuas hnov txog lub npe hais tias, "Yexus" no xwb. Kuv mam li xeem muab duab coj los qhia rau nws li qhia rau cov menyuam yaus.

Tus nom pojniam ntawd thiaj li hais tias, "Thaum kuv mus kawm ntawv luag qhia rau kuv hais txog Koomsam txoj kevcai ncaj ncees. Tiamsis kuv yeej tsis totaub thiab tsis tau pom txog txojkev ncaj ncees, txojkev dawbhuv. Kuv xav tau daim duab los qhia txog txojkev ncaj ncees thiab txojkev dawbhuv. Kuv yeej ibtxwm pom kuv pog pheej niaj zaus mus pe tus duab muaj lub npe hais tias, "Yexus Khetos." Kuv yeej nyiam lub npe no thaum twg kuv xav txog lub npe no kuv muaj kev kaj siab kawgnkaus li." Kuv mloog tus pojniam no cov lus timkhawv txog tus Cawmseej lub npe, nws ua rau kuv xav txog phau ntawv Filipis 2:10 hais tias, "Vajtswv ua li ntawd kom Yexus lub npe muaj koobmeej. Sawvdaws yuav txhoscaug ntua pe Yexus, tsis hais cov uas nyob saum qaumntuj, cov uas nyob hauv ntiajteb, thiab cov uas nyob puag hauv nruab tivtxwv." Tswv Yexus lub npe yeej muaj hwjchim loj kawgnkaus muaj peevxwm coj tau ib tug zuzus los rau qhov kaj.

Nws txais Tswv Yexus los ua nws tus Tswv Cawmseej nyob rau hauv kuv lub tsev yam nws zoosiab kawg li.

Kuv lub neej nrog cov neeg Lavxias zoo yam nkaus li mloog rawv tej suab kwvtxhiaj lus taum hais sib dhos uas ntxim mloog kawgnkaus li. Muaj ib tug ntxhais tshaj Vajtswv Txojlus nyob tom qhov chaw nres tsheb ciavhlaus nws muab kuv chawnyob rau ib tug tub ceevxwm uas nws xav paub txog Vajtswv heev. Muaj ib hmos tus thawj tubrog Lavxias loj siab zoonraug ntxiag tuaj khob kuv qhov rooj. Kuv nug nws hais tias, "Koj xav kom kuv pab dabtsi?" Nws teb hais tias, "Kuv xav tau kev kaj siab." Kuv caw nws los nrog kuv nyeem Vajtswv Txojlus uake. Tomqab kuv nyeem rau nws mloog tas nws tuav kuv txhais tes ruaj ruaj thiab hais rau kuv tias, "Thov qhia rau kuv hais tias, koj yuav tsis coj mus poob rau txojkev tsausntuj. Vim yav tag los nyob rau hauv kuv lub neej tsuas yog nrog cov neeg ua lub neej phem

thiab tsausntuj nyob nkaus xwb. Thov qhia rau kuv hais tias, cov lus koj nyeem no puas yog Vajtswv Txojlus tseeb?" Kuv teb hais tias, "Nws yog Vajtswv Txojlus tseeb, tus ceevxwm no xav mloog heev. Nws mloog tsis paub dhuav li, tomqab ntawd nws txais yuav Tswv Yexus ua nws tus Tswv Cawmseej.

Nyob rau lub tebchaws Lavxias tsis hais hom neeg twg, tsis hais cov ntseeg thiab tsis ntseeg los yog thaum lawv ntseeg ibyam twg lawm lawv muab tagnrho lawv lub siab tso rau tej haujlwm uas lawv ua. Twb yog vim li no lub tebchaws Koomsam Lavxias thiaj muaj lub koob hais tias lub tshav muaj yeej rau txojkev tshaj Txojmoo Zoo. Cov neeg nyob hauv lub tebchaws Lavxias yeej muaj keebkwm coj kev ntseeg zoo los lawm ntev, tiamsis vim yog txoj kevcai tswjhw m xwb thiaj ua rau txojkev tshaj Txojmoo Zoo tuncua. Thaum kawg, cov xav hnov thiab cov xav tshaj Txojmoo Zoo thiaj raug tu thiab plam mus.

Vajtswv txoj haujlwm uas peb ua nyob rau lub tebchaws Lavxias mus tau zoo heev. Muaj ib tug tub hluas npe hu ua Petus uas yuav muaj hnuv nyoog li ntawm 20 xyoo. Nws nrog cov tubrog Lavxias tuaj rau tebchaws Laumanias. Nws los ntseeg Tswv Yexus thaum lub sijhawm peb txoos uake pehawm Vajtswv nyob ntsiagto tuaj qabrooj thiab thov kom kuv muab nws ua kevcai rausdej.

Tomqab muab nws ua kevcai rausdej tag, kuv nug nws hais tias Vajtswv txojlus nqe twg uas ua rau nws los txais yuav tus Tswv Yexus ua nws tus Tswv Cawmseej? Nws teb hais tias kuv nyeem phau ntawv Lukas 24. Nws tsis totaub txog Lukas 24. Kuv thiaj li ua tib zoo qhais kom nws totaub hais tias, Tswv Yexus yog ib tug neeg muaj lub siab hlub thiab nws paub caij paub nyoog. Nws tsuas xav mus nyob rau hauv tus neeg uas qhib nws lub siab thiab lub tsev xwb, nws tsis lam mus rau tus neeg uas tsis kam nws mus nyob. Cov Koomsam, lawv tsis paub kev paub cai pestsawg. Txawm yog leejtwg qhib thiab tsis qhib los lawv yeej cia li yuam qhi mus kom tau rau hauv. Lawv yuam kom peb mloog tejlus tshaj tawm hauv xovtooj cua thaum sawvntxov mus txog tsausntuj. Tej kev tshaj tawm no muaj nyob rau qhov txhia chaw xws li, hauv tsev kawmntawv, xovtooj cua, ntawv xovxwm, ntawv lo rau ntawm tej phabntsa, duab yeebyaj tso, tej chaw cobqhia kom txhob ntseeg tias muaj Vajtswv, thiab txhua txhia qhov chaw thiab tej ncauj kev uas peb taug mus. Txhua ces kaum kev uas peb taug peb yeej pom txog lawv tej kevcai txwvtxiav. Lawv niajhnub qhia txog lawv tej kev dag rau yus txawm yog yus nyiam thiab tsis nyiam los yus yuavtsum tau mloog tas hnuv tas hmo. Tswv Yexus tsis zoo li ntawd, vim Nws muaj lub siab hlub thiab Nws paub kev paub cai. Nws pub txojkev ywj siab rau peb. Nws maj mam khob peb lub siab xwb.

Petus hais tias, "Qhov kuv los ntseeg Tswv Yexus mas vim Nws muaj

lub siab hlub thiab Nws paub kev paub cai, Nws tsis yuam kom kuv yuavtsum ntseeg li cov neeg Koomsam yuam."

Tomqab nws los ntseeg Tswv Yexus lawm nws tau pab peb xa Vajtswv cov Phau Ntawv tawm hauv tebchaws Laumanias ntau phau mus rau cov neeg Lavxias. Kuv hnov hais tias, nws raug cov neeg Koomsam txhom koj mus kaw lawm. Qhov nws cياج thiab tuag kuv tsis paub li lawm. Xyov nws mus nrog Tswv Yexus nyob lawm los nws tseem niajhnub ua Vajtswv txoj haujlwm, kuv yeej tsis hnov txog nws li lawm tsuas yog Vajtswv tib leeg xwb thiab li paub.

Muaj ntau tus zoo li Petus, tomqab lawv los ntseeg tus Tswv Yexus lawm, lawv rau siab ua timkhawv rau Tswv Yexus thiab koj tau neeg los ntseeg Vajtswv coob heev li. Peb yuavtsum nco hais tias txhua tus uas peb koj tau los ntseeg Vajtswv, peb yuavtsum qhia kom lawv xyaum ua timkhawv txog Tswv Yexus. Cov ntseeg Lavxias lawv hais tias, "Peb yuavtsum sibzog qhia Vajtswv Txojlus thiaj li tsimnyog qhov Tswv Yexus los tuag txhiv lawd."

### **Peb Ua Vajtswv Tes haujlwm Tuaj Qabrooj Mus Pab Cov Tebchaws Uas Txomnyem**

Zaum no yog zaum ob uas peb tig rov ua Vajtswv Txoj haujlwm tuaj qabrooj mus rau cov neeg Laumanias.

Cov neeg Koomsam lawv siv txhua lub tswvyim ntxias kom tau cov thawjcoj ntseeg Vajtswv tuaj lawv tog. Thaum sawvdaws qaugquav poob mus nyob hauv Koomsam lub tawb lawm, lawv tig hloov lub ntsejmuag zoo mus ua lub ntsejmuag limhiam. Lawv ntes txhua tus thawjcoj koj mus tsimtxom thiab rau txim. Kuv los yeej cia li raug koj mus kaw nrog sawvdaws thiab. Nyob rau hauv lub tsev lojcuoj kuv mus ntsib ib tug txivneej uas kuv koj los ntseeg Vajtswv raug kaw tibyam li kuv tiamsis nws tshuav nws pojniam menyuum nyob rov tomqab yam tsis muaj leejtwg nrhiav rau noj rau haus. Kuv nug nws hais tias, "Koj puas ntxub kuv, rau qhov twb yog vim kuv koj koj los ntseeg Vajtswv es, koj thiaj li raug tuaj kaw txomnyem ntsuav nyob rau hauv lub tsev lojcuoj no?" Nws teb hais tias, "Koj hais dabtsi li ko, kuv twb tsis muaj ibyam dabtsi twg uas yuav txaus koj los ua koj tsaug rauqhov koj koj kuv los paub tus Tswv Cawmseej. Yog koj tsis koj kuv ces kuv yeej tsis muaj feem yuav los paub tau tus Tswv Cawmseej ib zaug li."

Qhia Vajtswv Txojlus rau cov neeg raug tsimtxom zoo lino yeej tsis yooj yim kiag li. Peb cov ntseeg raug tsimtxom hnyav heev kawgnkaus li. Cov neeg Koomsam tuaj txhav sawvdaws tej nyiaj txiag thiab tej qhov txhia chaw uas tsim nuj mus tag huv tibi. Txhav tej tub qoob tub loo tej liajteb thiab tej tsiaj txhu. Txhav tej tswv lagluam tej kiab khw ua lagluam. Tsis hais tus muaj tus pluag puavleej raug tibyamnkaus. Txhua yim neeg yeej muaj cov



txheebze raug kaw rau tom tsev lojcuj nrog peb. Txojkev tshaib nqis muaj thoob tebchaws. Ib txhia lawv nug hais tias, "Ua licas Vajtswv tus uas muaj lub siab hlub cia tej kev limhiam zoo lino los raug sawvdaws?"

Nws yog ib lolus nug totaub nyuaj ibyam li cov thwj tim thaum ub qhuab qhia txog zaj luag muab TswvYexus ntsia rau saum tus ntoo khaub lig es, Tswv Yexus hais tias, "Txiv es, Txiv es, ua licas Koj tso kuv tseg lawm os?" Txawm yog muaj li ntawd los Tswv Yexus txoj haujlwm pheed loj hlob nthuav dav zujzus mus thoob ntiaj teb. Muaj lolus teb rau peb cov ntseeg li no. Zoo li Laxalaus tus uas txomnyem khaws mov hauv qabrooj noj tag txoj-sia rau txojkev tshaibnqis tiamsis thaum kawg nws yog tus tau mus nrog Txiv Aplaham nyob rau qhov chaw tau zoo.

### Cov Ntseeg Tes Haujlwm Qabrooj Ua Tabmeeg Tau Licas?

Cov ntseeg tes haujlwm qabrooj pib tawm mus qhia Vajtswv Txojlus nyob ntsiagto hauv tsev, tom tej havzoov, hauv tej qabkhav los yog txhua txhia qhov chaw uas yuav yoojyim qhia tau Vajtswv Txojlus rau sawvdaws tau mloog. Tes haujlwm no yeej tseem niajhnub ua nyob rau cov tebchaws uas muaj txoj kevcai tswjhw m nruj. Lub tebchaws Laumanias yog thawj lub uas pib tes haujlwm no. Nyob rau Koomsam kev tswjhw m, peb muaj lub tswv-yim tawm mus tshaj Vajtswv Txojlus rau txhua txoj kev, tes haujlwm no yog ib txoj uas yeej yog pheedhmoo nkaus xwb. Tiamsis txawm peb pheedhmoo li no xwb los yeej tau txiajntxim kawg li, vim peb coj tau ntau leej los ntseeg Vajtswv. Kuv pojniam yog ib tug rau siab rau txoj haujlwm no heev. Muaj tej tus ntseeg cia li mus sawv tom tej ntug kev hu nkauj nrov nrov, ua rau tej neeg taugkev txav los mloog coob heev. Thaum neeg txav los mloog nkauj coob coob lino, kuv pojniam siv lub sijhawm no qhia Vajtswv Txojlus rau cov los mloog hu nkauj ntawd. Peb siv sijhawm qhia nrawm nroos ua ntej tub ceevxwm tuaj txog.

Muaj ib hnub thaum tavs, kuv tabtom ua haujlwm nyob rau lwm qhov lawm, kuv pojniam mus qhia Vajtswv Txojlus rau ntawm lub roovvag uas nkag mus rau hauv lub tuamtxhab Malaxas uas muaj neeg coob txog ib txhiab leej neeg mloog. Kuv pojniam qhia txog Vajtswv txojkev hlub thiab txojkev cawm dim rau lawv mloog. Hnub tomqab xwb Koomsam cov tub ceevxwm tuaj muab cov neeg ua haujlwm hauv lub tuamtxhab no tua tuag tas huv tibi. Vim lawv tawmtsam Koomsam txoj cai. Qhov zoo yog lawv xub hnov Vajtswv Txojlus thiab ntseeg Vajtswv ua ntej lawv txhua tus tag sim-neej.

Txawm peb yuav yog cov ntseeg qabrooj xwb los peb yeej muaj peev-xwm qhia tau Vajtswv Txojlus ibyam li Yauhas tab meeg qhia txog tus Tswv Yexus zaj rau tej nom tswv mloog yam tsis tshai leej twg. Peb yeej tabmeeg

qhia Vajtswv Txojlus rau tej nom tswv thiab txhua tus neeg uas peb ntsib yam tsis ntshai hlo li thiab. Muaj ib zaug, peb ob tug txivneej ntseeg cia li txeem-yos mus rau hauv nomtswv lub tsev ua haujlwm. Tus thawj tswj Tebchaws, Ke-auskuj Dej kuj nyob hauv. Tsis petshawg feeb, lawv nkag mus tau rau hauv yawg hlob chavtsev thiab lawv ua timkhawv hais txog Tswv Yexus zaj rau nws mloog. Lawv hais kom nws tso nws txojkev txhaum uas nws pheej nrhiav tshuav tsimtxom cov ntseeg tseg thiab los ntseeg Tswv Yexus. Nws chim heev nws ntes lawv koj mus kaw tom tsev lojcuj. Xyoo puav tomqab , peb tus nom tswj tebhaws cia li mob heev mus nrhiav tshuaj los kho npaum twg los tsis zoo. Thaum no nws thiaj li nco txog ob tug txivneej ntseeg uas mus ua povthawj txog Yexus zaj rau nws es, nws muab nkawd ntes koj mus kaw tom tsev lojcuj. Lub noob uas nkawd tseb pib tuajkaus. Nws nco txog thaum lub sijhawm nkawd mus qhia rau nws yog nyob rau hauv phau ntawv Hinplus 4:12 hais li no, "Vajtswv txojlus muaj sia zees nyob thiab muaj hwjchim. Txojlus ntawd ntse dua rabntaj ob sab ntse nkaug mus txog nruab-plab nruabplawv, nruabnqaij nruabtxha. Txojlus ntawd paub tej uas neeg xav thiab neeg lub siab." Nws xav txog txojlus no nws mam li lees nws txojkev txhaum thiab txais Tswv Yexus ua nws tus Tswv Cawmseej, tomqab ntawd txawm yog nws tus mob tsis zoo los nws yeej kubsiaj lug ua haujlwm pub rau Vajtswv mus txog hnuv nws txojhia tu. Qhov nws paub Vajtswv yog vim muaj ob tug txivneej ntseeg muaj peevxwm nkag mus qhia Vajtswv Txojlus yam tsis ntshai leej twg rau nws, nkawd yog ob tug ntseeg uas muaj peevxwm tshaj dua ntais txhua tus ntseeg niajhnuv nimno.

Tsis yoojyim qhia Vajtswv Txojlus rau cov neeg uas nyob hauv Koomsam txoj kevcai tswjhwm uas muaj kev tsimtxom zoo li no. Tiamsis peb muaj peevxwm luam tau ntau yam ntawv qhia txog Vajtswv zaj faib pub rau cov neeg koomsam. Thawj ob, peb nplooj ntawv ua ntej peb muab cov nomtswv Koomsam cov duab xws li Khaus Mas tus uas rhawv tsim txoj kevcai Koomsam koj los tso rau. Peb muab phau ntawv ntawd tis npe hu ua, "Txoj kev ntseeg tsuas yog zoo li tej yeeb rau neeg xwb." Lub npe no thiaj li plooj tau cov neeg Koomsam lub qhov muag lawv thiaj li cia peb cov ntawv no mus pub tau rau cov ntseeg. Ob peb nploog tomqab ntawd peb mam li sau Vajtswv cov lus tso rau hauv.

Peb mus rau tom cov neeg Koomsam qhov chaw qhuab qhia, peb muab cov ntawv no rau lawv. Lawv nthuav li ob peb nploog lawv pom lawv tus nom daim duab mas lawv sib txeeb yuav ntau heev koj mus tsev tiamsis thaum lawv nthuav mus txog li nplooj ti kaus lawv mam li pom yog hais txog Vajtswv thiab Tswv Yexus, lub sijhawm ntawd peb twb ho txav mus lwm qhov deb lawm.

Cov ntseeg tes haujlwm tuaj qabrooj tsis yog yuav sib ntsib ntsiagto rau ib qho chaw twg xwb. Tiamsis peb tabmeeg qhia rau txhua xeem neeg thaum lawv muaj kev koomtxoos uake thiab tabmeeg qhia rau cov neeg coj kevcai Koomsam thiab tej thawjcoj yam tsis ntshai kiag li ntag. Peb paub meej tias qhov uas yuav raug rau peb them yeej tsis pheejyig, txawm li ntawd los peb npaj siab thiab txaussiab hlo yuav them tus nqis ntawd.

### Ua Haujlwm Hauv Qabrooj

Koomsam cov tub ceevxwm tsimtxom peb cov ntseeg uas ua Vajtswv txoj haujlwm qabrooj phem kawgnkaus li, lawv tsuas suav hais tias tus muaj sia thiaj tseemceeb xwb. Lawv tsimtxom npaum twg los cov ntseeg txojkev ntseeg yim loj hlob npaum ntawd vim cov ntseeg paub hais tias lawv tsuas tsimtxom tau neeg cevntaj daim tawv xwb lawv tsimtxom tsis tau neeg phab ntsujplig thiab rhuav tshem tsis tau cov ntseeg txojkev ntseeg. Cov neeg Koomsam ntxub cov ntseeg tas siab nrho. Hais txog zajno.

Nyob rau hauv cov ntseeg tes haujlwm qabrooj, nws muaj ib cov ntseeg zwm ua tswvcuab nrog pab Koomsam thiab ua tub ceevxwm nraim nkoos koom nyob uake. Yog li peb thiaj li qhia kom peb cov ntseeg yuav tsum nyiag nkag kom ua tau cov neeg Koomsam cov tub ceevxwm thiab hnay lawv tej tsoos tsho. Peb muaj coob tus nyiag nkag mus nrog lawv ua tej haujlwm no kom peb thiaj li paub hais tias leej twg yog tus ntseeg cuav nyob rau hauv peb pawg.

Thaum kuv raug txhom yam ntsiagto, luag coj kuv mus kaw rau hauv ib lub tsev lojcuj yam tsis muaj leej twg paub tias kuv nyob qhov twg li. Muaj ib tug ntseeg yog kws kho mob nyiag nkag mus ua cov Koomsam tub ceevxwm, nws thiaj li paub hais tias kuv raug kaw nyob rau qhov twg xwb. Nws tej phoojywg qhuas thiab ntseeg hais tias nws yog ib tug Koomsam zoo, tiamsis lawv twb tsis paub hais tias nws yog ib tug ntseeg Tswv Yexus zoo heev.

Kuv raug luag coj mus kaw tau li 8 lub xyoo, tsuas yog tus kws kho mob no xwb thiaj li paub hais tias kuv tseem muaj txojhia nyob. Vim muaj nws tib leeg qhia rau cov ntseeg es lawv sawvdaws thiaj li paub hais tias kuv tsis tau tuag. Yog li ntawd, thaum xyoo 1956 tus nom Esxees-hauvawj Khusces tso cov neeg raugtxim tawm. Cov ntseeg tau tawm ib lub suab thov kom cia li tso kuv tawm thiab, yog li tsis ntev ntawd ces kuv thiaj raug tso tawm. Yog tsis muaj tus kws kho mob uas ntseeg Vajtswv koom ua tub ceevxwm Koomsam mus nrhiav tau kuv, ces kuv yeej yuav tsis muaj hnub dim tau los hlo li. Ntshe niajnub nim no kuv yeej tseem nyob hauv tsev lojcuj lossis nyob hauv qhovntxa lawm.

Cov ntseeg nkag mus ua tub ceevxwm cuav, lawv pab tau peb cov ntseeg qabrooj ntau yam kawgnkaus li. Muaj ntau zaus peb dim teebmeem twb yog vim lawv ceebtoom tej xwm rau peb uantej nkaus xwb. Peb cov ua haujlwm nyob rau qib siab, thiab ua tub ceevxwm no, lawv ceev txojkev ntseeg twjywm rau hauv lawv lub siab kom tsis muaj leej twg paub. Peb yuav paub lawv kev ntseeg zoo npaum lidas mas yuav yog txog thaum lub sijhawm uas sawvdaws mus nyob tim ntsej tim muag ntawm peb Tus TswvYexus lub xub ntiag. Cov neeg no yog cov niaj hnuv pab peb txhua hnuv txhua hmo.

Txawm yog peb muaj ib cov mus nrog lawv ua tub ceevxwm kom peb tsis txhob raug kev tsimtxom los nyob rau hauv peb cov neeg ntawd kuj muaj ntau tus Yudas ntxeev siab mus qhia txhua yam uas peb ua pub rau cov tub ceevxwm Koomsam kom paub txog peb tej haujlwm thiab.

## TSHOOJ 2

### "Tsis Muaj ib tug neeg txojkev Hlub Yuav Loj Npaum LiNo ..."

**K**uv ua ob txog haujlwm, ib txoj yog ua haujlwm pab tseemhvw thiab ib txoj yog ua Vajtswv tes haujlwm tuaj qabrooj. Kuv ua ob txog haujlwm no los txog rau lub 2 hli ntuj, tim 29, xyoo 1948. Hnub ib thaum kuv tabtom taugkev mus tom lub tuamtsev pehawm Vajtswv, cov tub ceevxwm cia li nyiag txhom kuv tom ib togkev mus yam tsis muaj leej twg pom.

Muaj ntau zaus kuv xav tsis thooob txog tejlus qhia hauv Vajtswv Phau Ntawv tias "Neeg nyiag neeg" yog licas tiag. Zaum no Koomsam qhia peb paub meej lawm tiag.

Twb muaj ntau ntau zaus uas Koomsam cov tub ceevxwm yeej ibtxwm nyiag txhom neeg zoo li no los lawm. Muaj ib lub tsheb xov ntomntis los nres kiag ntawm kuv hauvntej, ces plaub tug txivneej cia li dhia tawmplaws hauv lub tsheb los txhom kiag kuv thiab thawbntiag kuv rau hauv lub tsheb. Luag coj kuv mus kaw rau hauv tsev lojcuj tau 8 lub xyoo nkaus yam tsis muaj leejtwg paub tias kuv tseem muaj sia nyob lossis tuag lawm. Muaj ib tug txivneej yog tub ceevxwm tuaj cuag kuv pojniam nws ua txoj dag qhia nws tus kheej tias, nws yog ib tug neeg raugtxim nyuam qhuav raug tso tawm hauv tsev lojcuj los. Nws dag hais tias, nws twb tau mus koom nrog lawv faus kuv lub cev tuag lawm. Kuv pojniam tsa suab hlo quaj thiab siab khis rhe.

Tib lub sijhawm ntawd muaj cov ntseeg Vajtswv nyob txhua pabpawg coob txog txhiab txhiab leej puavleej raug txhom coj mus kaw rau hauv tej tsev lojcuj. Cov raug txhom coj mus kaw no tsis yog cov xibhwb qhia Vajtswv Txojlus xwb, tiamsis yog txhua tus neeg tsis hais laus, hluas, tub thiab ntxhais losxij tsuav yog muaj tus ua



timkhawv nkaug tias tus ntawd nws qhia Vajtswv zaj xwb ces yeej raug txhom tag nrho. Txhua lub tsev lojcuj muaj neeg raugtxim nyob puv tag, tsis hais nyob rau Laumanias tebchaws los lwm lub tebchaws uas muaj Koomsam txoj kevcai tswjhwv, yog thaum ib tug twg raug txhom koj mus kaw lawm ces txhais tau tias tus neeg ntawd yuavtsum raug tsimtxom xwb xwb.

Txoj kev tsimtxom yog ibyam uas phem tshajplaws, kuv tsis xav piav ntau txog tej kev tsimtxom limhiam uas kuv twb raug los lawm ntawd. Nws yog ibyam uas mob, iabsiab, ntsimplawv tshajplaws uas tsis muaj ibyam dabtsi yuav piv tau qhia rau sawvdaws kom nrog paub pom txog txojkev limhiam phem li no. Yog kuv xav txog thaumtwg ces uas rau kuv pw tsis tsaugzog tas hmo.

Phau ntawv muaj lub npe hu ua; "Ntseeg Vajtswv nyob tuaj qab tivtxwv" kuv twb hais txog ntau tsav ntau yam koobhmoov uas Vajtswv foom pub peb nyob rau hauv lawm thiab.

### **Txoj Kev Tsimtxom Limhiam Uas Piav Tsis Tau**

Muaj ib tug xibhwb npe hu ua Flaulexakus raug luag tsimtxom limhiam kawgnkaus. Luag muab chauslas hlau hlavv liab ploog koj los laum thiab xuas riam los lij nws cevntaij. Nws raug luag tsimtxom thiab ntaus sab tshaj plaws. Hauv chav tsev nws nyob luag tseem muab ib co nastsuag txomfav tshaib tshaib plab koj tuaj tso rau hauv. Cov nastsuag nyas nrhw yuav tom nws noj nyoos vim nastsuag hnov tej ntshiab nqaij ntuag ntshav nrog uas raug luag tsimtxom ntawd. Nws yuavtsum tivthaiv nws tus kheej txhua lub sijhawm kom txhob raug cov nastsuag txomfav ntawd noj tau nws lub cev thiaj ua rau nws tsis tau pw tsis tau so ib feeb hlo li..

Nws raug yuam kom sawvntseg tau ob lub listiam, tsis hais nruabhnb hmontuj. Cov neeg Koomsam tsimtxom nws li no kom nws tig ntseev siab rau nws cov kwvtij ntseeg Vajtswv, tiamsis nws ua siab tawvqhawv. Luag thiaj siv lwm lub tswvyim limhiam ntshav, luag mus ntes nws tus tub uas muaj hnubnyoog 14 xyoo cab tuaj kaw rau hauv tsev lojcuj thiab txhobtxwm tsimtxom tus tub rau nws ntsia timntsej tim muag. Luag yuav tsimtxom tus tub mus kom txog rau thaum tus xibhwb kam lees teb tejlus lawv nug li lawv lub siab xav tau. Tus xibhwb ntsia tsis taus qhov lawv muab nws tus tub nplawm sab heev, nws thiaj li hais rau nws tus tub hais tias, "Kuv tus metub Alexasdaws es, kuv mam hais raws li lawv lub siab nyiam os mog vim kuv hlub kuv tub heev thiab ntsia tsis taus qhov lawv muab kuv tub ntaus ua nqaij ntuag ntshav nrog li ko." Tus tub teb leejtxiv hais tias, "Kuv txiv, koj yuavtsum cog txojkev ntseeg kom ruaj khovkho rau ntawm Tswv Yexus vim kuv tsis xav kom koj tau lub npe hais tias koj yog ib tug xibhwb ntseev siab rau Tswv Yexus thiab nws cov menyuam. Txawm yog kuv txojhia yuav tu los kuv xum cia kuv txiv tau lub npe tias yog tus ncaj ncees rau nws tus Tswv

xwb." Thaum xibhwb tus tub hais li no xaus, cov neeg Koomsam haj yam npautaws thiab chim heev ces lawv hajyam sibzog ntaus tus tub heev tshaj qhov qub ua rau tus tub tej nqaij ntuag rhe, ntshav txaws pes txua mus lo tej phabntsa tag. Tus tub txojtia tu nrho tamsim ntawd. Nws tuag rau txojkev zoosiab hlo hais tias nws txiv hlub Tswv Yexus tsis ntseev siab rau Tswv Yexus thiab Vajtsv cov menyuum.

Nyob rau ntawm cov khawb xauvtes cov Koomsam muab ib co ntsia hlau ntse heev los cog rau. Yog peb sawv ntseg ntsees nyob twjywm xwb no, cov khawb poshlau thiaj tsis hlais peb tes. Nyob hauv tej chavtsev lojcuj ntawd, no tu ziaiv tas, thaum no heev tuaj ua rau yus ib ce tshee laim ntoom, yog yus tshee uas rau yus lub cev co ces tej poshlau cia li hlais yus tes.

Cov ntseeg raug Koomsam txhom koj mus khi daitaw rov saumntuj es tig taubhau rov hauv av, lub cev ua viavvias yoj mus yoj los tsis chwv qhovtwg lawm ces luag mam li nplawm. Lawv muab cov ntseeg ib txhia koj mus kaw rau hauv qhov chaw uas txias tshajplaws. Qhov chaw cub dejkhov, ua rau neeg tej tawv cam lo rau ntawm cov dejkhov ntawd. Kuv twb raug luag koj mus kaw rau hauv chavtsev cub dejkhov no lawm. Thaum ntawd kuv raug mus kaw rau hauv kuv tsuas hnav ib ce ristsho nyias nyias xwb. Nyob rau ntawd, muaj ib tug kws kho mob ua tus sojntsuam yog thaum nws saib kuv txojtia yaus zuzus lawm tiag, nws hais rau lawv muab kuv thau tawm los nyob ib pliaj rau qho sov, tomqab nws saib kuv txojtia loj zuzus tuaj lawm, nws qhia rau lawv kom rov qab muab kuv mus kaw dua rau chav txias heev ntawd. Lawv pheej sib hloov nto tsimtxom peb li no tsis muaj qhov xaus. Niaj hnub nimno kuv lub cev tiv tsis tau no li thiab qhib tsis tau lub rhawv cubdej txias li lawm.

Peb cov ntseeg Vajtsv raug cov neeg Koomsam txhom koj mus kaw rau hauv ib lub phixxab ntoo uas haum nkaus lub cev thiab yeej tig tsis tau cev kiaj li. Tsis tas li xwb lawv tseem muab cov ntsia thawv ntsia sabnraud tuaj kom tshwm rau sab hauv. Cov ntsia hlau ntse zuag plias cuag ntsis pos kaus-ntsaj. Yog thaum yus sawv ncaj ncaj cov hniav hlau kuj tsis chob, tiamsis yog yus nyob hauv ntev lawm ua rau lub cev tiv tsis taus qaugzog pheebe mus rau ob sab, cov pos hlau yuav chob yus ua rau yus nqaij ntuag ntshav nrog. Yog yus tig cev cov pos hlau hajyam hlais lub cev nqaij tob.

Yeej tsis muaj ib tug neeg twg yuav paub txog cov neeg Koomsam lub tswv-yim limhiam es tsimtxom cov ntseeg phem npaum li no. Kuv ob lub qhovmuag ntsia ntsoov tus neeg Koomsam tsimtxom neeg yam muaj plhus ntshias zoosiab kawg thaum nws tabtom nplawm neeg. Nws qw nrov nrov tias, "Nplawm cov neeg ntxwngnyoog."

Peb tsis yog tawmtsam cov neeg Koomsam tiamsis yog peb tawmtsam tus dab limhiam uas nyob rau hauv cov Koomsam lubsiab. Rauqhov txoj kevcai Koomsam yog Ntxwngnyoog tshoov neeg lub siab kom sau thiab koj raws li.

Tsuas muaj tib tug xwb thiaj yuav kov yeej tus ntsujplig limhiam hauv cov neeg Koomsam lub siab, tus ntawd yog Vajtswv tus Ntsujplig zoo kawg nkaus.

Kuv nug cov neeg Koomsam uas tsimtxom cov ntseeg hais tias, "Nej puas muaj ib nploojiab hlub thiab?" Lawv tsis kam teb li lawv lub siab xav, lawv muab Lesnees tej zaj lus qhia los teb xws li no, "Yuav tau qe nthee noj yuav-tsum tsoo lub plhaub kom tawg thiab yuav ntov kom tus ntoo vau yuavtsum muaj nplaisntoo ya." Kuv teb hais tias, "Kuv paub tseeb tej lus koj hais ntawm ko, yog koj hais raws li Lesnees tej lus. Thaum koj ntov ntoo tej nplaisntoo ya tus ntoo tsis paub mob. Tiamsis qhov kuv hais no yog neeg. Txhua zus nej nplawm ib tug neeg tsis yog mob nws cev nqaj tawv xwb tiamsis mob nws leej niam siab ua rau nws quaj kuamuag nrog siniab." Kuv cov lus hais tsis muaj qabhau. Cov neeg Koomsam hais tias, "Nyob rau ntawm peb, peb pom cov ntseeg txhua tus puavleej yog ntoo thiab plhaub qe nkaus xwb." Lawv muaj pluaj siab limhiam npaum li no, lawv pluajsiab phem thiaj li yuav koj lawv mus poob rau qhov txomnyem.

Tsis muaj ib tug twg yuav xav tias cov neeg tsis ntseeg Vajtswv yuav muaj lub siab limhiam npaum li no. Yog thaum ib tug neeg twg tsis paub ntshai kev txhaum, tsis muaj kev ntseeg, tsis ntshaw nqizog rau lub neej tiam tom ntej lawm, tus neeg no tsis yog neeg lawm. Cov neeg Koomsam uas nyiam tsimtxom neeg lawv hais tias, "Tsis muaj Vajtswv, tsis hais tiam no los tiam tom ntej, tsis muaj kev txiavtxim rau cov neeg ua phem li. Peb ua raws li peb lub siab nyiam los yeej tsis muaj txhaum." Kuv tseem hnov Koomsam ib tug tub ceevxwm yog tus nqistes tsimtxom cov ntseeg hais tias, "Kuv ua Vajtswv tus uas kuv tsis ntseeg tsaug qhov kuv muaj sia nyob ib teev dhau ib teev qhia kuv pluaj siab limhiam rau neeg ntiajteb pom." Nws txhobtxwm hais yam niag muaj plhus ntxiag timntsej timmuag tham tej neeg raug txim. Kuv nyuaj siab kawg li thaum kuv pom tus zaj tabtom nqos ib tug neeg, kuv nyuajsiab rauqhov kuv tsis muaj cuabkav yuav pab tau. Vim tus zaj ntawd tsis muaj pluaj siab ncaincees. Cov neeg Koomsam koj tibyam nkaus li ntawd. Txoj kevcai Koomsam twb rhuav tshem txhua txojkev ncaj ncees hauv lawv lubsiab tawm lawm. Lawv tsuas muaj lub siab khav txiv, limhiam nkaus lawm xwb.

Ib qhov kuv kawm tau los ntawm cov neeg Koomsam mas yog li no, lawv muaj peevxwm tawv qhawv tsis kam qhib lawv lub siab rau TswvYexus los kav. Kuv los kuj muaj peevxwm tsis lam qhib kuv lub siab rau dab Ntxwngnyoog kiag li thiab ntag.

Kuv tau mus hais lus timkhawv hauv Koomhaum Ntiajteb Phab Tswj Kev Ncaj ncees nyob rau tebchaws Amelikas. Kuv tau nthuav qhia txog ntau yam kev limhiam uas Koomsam tsimtxom cov ntseeg Vajtswv xws li: Lawv muab cov ntseeg khi ua dajteg rau saum tus ntoo khaublig cia txog plaub hnub

plaub hmo. Txhua tus ntseeg uas raug txim muaj txog txhiab txhiab leej yuavtsum raug khi com tseg rau saum tus ntookhaub lig no tsis pub seem ibtug. Thaum sawvdaws raug khi com rau saum tus ntoo khaub lig tag lawm, cov neeg Koomsam los hais lus thuum saib tsis tau luag uanqaj uanqug. Tejlus lawv hais saib tsis tau lino, " Sim ntsia nej Tus TswvYexus saib! Ua licas Nws yuav zoo nraug ua luaj tiag lauj! Nws muaj yam dabtsi zoo uas nqa saum ntuj Ceebtsheej nrog Nws los?" Kuv hais ua timkhawv ntxiv mus tias, muaj ib tug txivplig raug Koomsam yuam kom nws muab zis coj los ua caw txivhmb ua kevcai noj TswvYexus rooj mov thiab muab faib rau cov ntseeg haus.

Zaj xwm no muaj nyob rau lub nroog Pitetis tebhaws Laumanias. Kuv nrog tus txivplig no tham, kuv hais rau nws tias, "Ua licas koj tsis xum txov txoj-sia zoo dua li cia luag saib tsis tau tus TSWV li no?" Nws teb kuv tias, " Tseg kiag tsis txhob txiavtxim rau kuv, thov koj thiab. Koj puas paub tias, kuv raug luag tsimtxom hnyav tshaj TswvYexus." Txhua nqe hauv Vajtsv Phau Ntawv uas qhia txog tus npluanj raug txomnyem nyob hauv ntuj tawg yeej tsis muaj ib nyuag qhov yuav piv tau Koomsam tej kev tsimtxom cov neeg raug txim no kiag li.

Zaj no tsuas yog ib zaj me me thiab yog ib feem ntawm txhua hnubib tej xwm phem muaj tshwm sim nyob rau hauv lub nroog Pitetis xwb. Lwm yam tshaj no kuv piav tsis taus lawm. Yog kuv piav ntxiv nws yuav ua rau kuv lub plawv nres. Nws yog ibyam uas phem tshaj plaws tsis pom qab xyov yuav muab sau piav ua lus tau licas. Tej xwm phem zoo li hais no, nej cov kwvtij ntseeg niaj hnub raug thiab hla dhau los lawm.

Yog kuv yuav qhia txog cov neeg Koomsam txojkev tsimtxom rau nej mloog xwb mas kuv yuav qhia tsis paub tas. Cia kuv ho qhia txog cov ntseeg uas muaj txojkev ntseeg khov rau nej mloog.

Muaj ib tug xibhwb npe hu ua Milas Haimovixis nws yog ib tug xibhwb muaj pluaj siab tawv thiab muaj kev ntseeg ruaj khov kho.

Vim muaj cov raug txim coob coob nyob hauv tsev lojcuj sib txivqev, cov neeg saib xyuas tsis paub cov raug txim tej npe meej. Yog li thaum luag hu cov neeg raug txim uas tsis coj raws li txojcai tswjhw mus rau txim. Tus yuam luag txojcai yuavtsum raug nplawm 25 nplawg. Thaum luag hu lub npe tsis muaj tus lees, xibhwb Haismosvixis tawm mus lees ris tus ntawd rab nplawm. Vim nws muaj pluaj siab tawvqhawv li no txhua tus neeg raug txim puavleej hwm nws thiab Vajtsv foom koobhmoov rau nws ntau kawg.

Peb muaj ib tug ntxhais hluas ua haujlwm pab cov ntseeg nyob tuaj qabrooj. Cov tub ceevxwm Koomsam pom nws pheej nyiag mus tshaj Vajtsv Txojmoo Zoo rau cov menyuam yaus. Lawv txiavtxim siab txhom nws. Tiamsis ho muab ncuat tseg ib nyuag ntu, vim lawv muaj lub tswvyim lim-hiam xav ua kom tus ntxhais no tau txais kev mobsiab tshajplaws. Lawv tos

kom txog hnuv nws yuavtxiv, ua nkawd rooj tshoob. Hnuv ntawd, tus ntxhais hnav ib ce tsoostsho nkaujnyab uas zoo nkauj tshajplaws, tus tub los kuj hnav ib ce tshoostsho nraugvauv uas zoo tshajplaws thiab. Hnuv ntawd yog hnuv uas nkawd tabtom muaj txojkev zoosiab tshajplaws nyob rau hauv nkawd lub neej. Qhua ob tog tuaj nyob puv tsev, tamsim ntawd cov tub ceevxwm txawm cia li tsoo kiag qhovrooj nkag nplho los txhom tus nkaujnyab.

Thaum tus nkaujnyab pom cov tub ceevxwm nkag los, nws paub zoo tias lawv tuaj ntes nws, nws cev loo nws ob sab tes rau tub ceevxwm xauv. Tub ceevxwm muab kiag lub khawv xauvtes ntxhib ntxhib los xauv nws ob sab tes. Nws tig loo los qawm nkaus nws tus nraugvauv nwj kiag nws sab plhu thiab nwj txoj sawhlau, ces nws hais tias, " Kuv thov ua kuv tus nraugvauv saum ntuj Ceebtsheej tsaug rau txoj sawhlau uas Nws muab pub rau kuv rooj tshoob sib yuav hnuvno. Kuv thov ua Nws tsaug tias kuv yog ib tug ntxhais uas coj haum Nws siab raug xaiv los txais txojkev tsimtxom pub rau Nws." Luag cia li chua ntia cab nws tawm plaws mus tseg tus nraugvauv, tsevneeg, thiab tsoom qhua quaj ntsuagqees tuaj tomqab. Sawvdaws yeej paub meej lawm hais tias, yog thaum ib tug ntxhais nkaujxwb raug luag txhom coj mus nyob rau ntawm cov neeg Koomsam txhais tes lawm mas nws lub neej yuav zoo licas. Tus nraugvauv ncaincees ua siab ntev tos rawv nws tus nkaujnyab tau 5 lub xyoo luag thiaj tso nws tawm hauv tsev lojcuaj los sibntsib. Thaum tus nkaujnyab tawm los nws cev nkaujxwb raug luag muab tsim puastsuaj tag, nws zoo li tus pojniam muaj hnuv nyoog 30 xyoo lawm xwb. Nws tsis muaj kev tusiab rauqhov uas nws raug luag coj nws mus rautxim no, nws tseem hais ntiv tias nws tsuas ua tau me me npaum li no pub rau nws tus Tswv xwb. Zaj no yog ib zaj tshwjxeeb phem kawgnkaus ntawm cov ntseeg nyob tuaj qabrooj tes haujlwm.

### Tawm Tsam Kev Ntxeevntxias

Tej zaum cov neeg nyob rau sab hnuvpoob yuav hnov txog zaj luag ntxeevntxias lossis ntxuav hlwb lub sijhawm kev ua tsov ua rog nyob rau Nyabljaj teb thiab Kauslim qaumteb zoo lawm. Kuv yog ib tug uas raug luag ntxeevntxias los lawm. Nws yog ibyam kev tsimtxom yus lub hlwb nrog yus lub cev yam limhiam tshaj plaws.

Ib hnuv twg pib yuavtsum zaum 17 teev, ua li no mus txog tsheej listiam, tsheej hli, tsheej xyoo thiab niaj hnuv hais tib cov lus qub tsis tseg li no:

Txoj kevcai Koomsam thiaj yog txoj zoo!

Txoj kevcai Koomsam thiaj yog txoj zoo!

Txoj kevcai Koomsam thiaj yog txoj zoo!

Txoj kevcai ntseeg Vajtswv yoj txoj vwm!

Txoj kevcai ntseeg Vajtswvyog txoj vwm!



Txoj kevcai ntseeg Vajtswv yog txoj vwm!  
 Txhob ntseeg Vajtswv!  
 Txhob ntseeg Vajtswv!  
 Txhob ntseeg Vajtswv!

Muaj coob tus ntseeg nug kuv tias, yuav ua licas peb thiaj kovyeey luag txojkev ntxuav hlwb no? Nws tsuas muaj tib txojkev thiaj yuav kovyeey xwb qhov ntawd yog, "Lub siab raug ntxuav". Yog yus lub siab raug TswvYexus cov ntshav ntxhuav lawm thiab yus tau lub siab hlub zoo li Nws lub lawm yeej tsis muaj lwm yam yuav muaj peevxwm ntseevntxias tau yus. Yog hais tias tus nraugvauv thiab tus nkaujnyab nkawd ib leeg tsis muaj pluaj siab hlub ib leeg tiagtiag nkawd puas yuav sib sau los ua lub neej tau? Yog tias leej niam tsis muaj pluaj siab hlub nws cov menyuum tiagtiag, nws yuav ua licas ua siab ntev nyiaj tshaib yoo nqis tu tau nws tej sob menyuum kom loj hlob? Yog koj muaj pluaj siab hlub TswvYexus ibyam li Maivliag hlub Tswv Yexus ua siab ntev tu nws, puag thaum nws mosliab thiab muaj pluaj siab hlubyam li tus nraugvauv hlub nws tus nkauj nyab, koj yuavtsum kovyeey tej nyuag kev tsimtxom ntxuav hlwb no xwb.

Vajtswv tsis suav qhov peb muaj peevxwm kovyeey tej kev tsimtxom tiamsis Vajtswv yuav suav saib peb muaj pluajsiab hlub Nws loj npaum licas xwb. Cov ntseeg uas raug luag txhom coj mus tsimtxom vim lawv ntseeg Vajtswv, lawv cov ntawd yog cov hlub Vajtswv tiagtiag. Kuv thov ua timkhawv tau tias lawv yeej hlub Vajtswv thiab neeg huv tibi.

Cov neeg tsimtxom rau siab ntso nplawm kuv tsis tso tseg. Luag nplawm kuv txog thaum kuv tsausmuag ntais ntiajeb kiv peslees, teb tsis taus luag cov lus nug ntxiv lawm, luag mam tso tseg. Lub sijhawm ntawd kuv yuavtsum uatxuj ua li kuv txoj sia tu mus, tso plhuav cev rau hauv pemteb kom kuv txoj sia rov muaj dua. Yog kuv tsis ua li ntawd kuv yuav tiv tsis taus tej mob thaum lawv rovqab nplawm kuv dua. Muaj coob leej tuag rau thaum lub sijhawm luag ntaus sab sab no, tiamsis xyov vim licas kuv tus kheej pheej muaj lub zog tiv taus. Xyoo puav tomqab no, luag coj kuv mus kaw nyob rau ntau lub tsev rautxim, luag tsimtxom thiab ntaus kuv dam plaub tug tav thiab ntau tus txha cajnpab. Luag coj kuv mus kaw rau ib chatsev nqaim nqaim thiab luag hlauv chawslas hlau liab ploog los laum kuv lub cev thooimplaws. Tsis tag li ntawd xwb kuv lub cev tseem raug luag muab tho 18 lub qhov uas nimmo tseem ua cawspliv. Thaum kuv thiab kuv tsev neeg peb khiav tau tawm hauv tebchaws Laumanias los mas twb yog peb muab nyiaj xiab neeg coj kev thiaj los txog rau tebchaws Nauves. Muaj ib tug kwstshuaj nyob hauv lub nroog Auxalaus los tshuaj xyuas kuv, nws pom tej qhovtxhab uas raug luag tsimtxom thiab tej kab mob uas kuv raug, nws hais rau kuv tias, "koj tej

qhov nqaij ntuag twb rovqab nqawm tag, tej kabmob noj koj lub cev uas tsis muaj tshuaj kho cia li tuag tas lawm. Nov yeej yog tej txujci tseemceeb thiab yog Vajtswv kho koj zoo tiag". Raws li keebkwm, kwstshuaj kho neeg tau ntau tiam los lawm tau sau tseg tias, tus neeg uas raug tsimtxom hnyav thiab raug kabmob hnyav npaum li kuv raug mas yuavtsum tuag lawm ntxov. Kuv paub tseeb tias qhov uas kuv tseem muaj txojtia ua neej nyob mas twb yog muaj Vajtswv pab nkaus xwb. Vajtswv yog tus Tswv uas ua tau tej txujci tseemceeb ntawd.

Kuv ntseeg tias, Vajtswv cawm kom kuv dim los ua timkhawv qhia txog cov ntseeg nyob tuaj qabrooj nyob txhua lub tebchaws uas raug luag tsimtxom lub suab quajnyiaiv pub rau sawvdaws paub. Nws cawm kom muaj ib tug dim los qhia txog cov kwvtij ntseeg Vajtswv ncaj ncees uas raug tsimtxom lub suab quajnyiaiv.

### Ywjpheej Ib Nyuag Ntu - Rov Qab Raug Txhom Dua

Xyoo tshiab 1956 tuaj lawm. Kuv twb raug kaw rau hauv tsev lojcuaj tau 8 lub xyoo thiab 6 hli. Kuv yuag heev tshuav tib tsuag txha lawm xwb, kuv raug luag nplawm, ncaws, tsuj, cuab, khi, xauv, tswm, zuaj, thiab xuas hluav-tawxsob hlawv thiab chawslas laum kuv lub cev, muab kuv khi tivtshav tivno, tiv nag, tsis pub zaub mov rau kuv noj. Luag ua txhua yam kom kuv lees raws li luag lub siab xav kom kuv hais. Muaj cov pom tias luag ua tsis ncajnnees rau kuv lawm sawvdaws thiaj tau tawm suab thov kom luag cia li tso kuv tawm, thaum kawg kuv thiaj dim los.

Luag cia kuv rov qab mus tuav tes haujlwm ua xibhwb tau ib lub listiam. Kuv tau qhia Vajtswv Txojlus ob zaug. Tomqab ntawd muaj neeg tuaj hu kuv mus ntsib cov nomtswv, luag tau hais rau kuv tias, txwv tu nrho tsis pub kuv qhuab qhia txog Vajtswv zaj ntxiv li lawm thiab tsis pub kuv mus raustes nrog txhua tes haujlwm uas yog hais txog Vajtswv zaj ib qho qhov twg li. Thaum cov nomtswv Koomsam txwv tsis pub kuv qhia Vajtswv Txojlus ntxiv lawm, peb cov ntseeg nug kuv hais tias, "Koj yuav ua licas?" Kuv teb rau lawv hais tias, "Nej ua siab ntev mog." Cov neeg Koomsam thiaj li qw nrov nrov tuaj rau kuv hais tias, "Qhov koj hais kom lawv ua siab ntev txhais tau hais tias tseemhvw Amelikas yuav tuaj cawm kom lawv dim no lov?". Kuv teb rau lawv hais tias muaj ib hnuv twg Vajtswv yeej yuav tig kom lub sijhawm phem los ua zoo. Lawv rov qab qw nrov nrov hais tias, "Koj txhais hais tias cov neeg Koomsam yuav tsis muaj feem los kav cov ntseeg li lawm no lod? Tsis txhob hais tejlus dag ntsuav li ko". Kuv tes haujlwm ua Vajtswv haujlwm pab cov ntseeg los kawg rau nov.

Tej zaum cov nomtswv Koomsam xav hais tias kuv yuav ntshai lawv tejlus hem ntawd. Tiamsis lawv xav thiab totaub yuamkev lawm. Twb yog

muaj kuv tsev neeg txhawb kuv lub dag lub zog, yog li kuv thiaj rovqab mus ua kuv tes haujlwm qub twjywm yam tsis muaj tus paub txog.

Kuv rovqab mus ua haujlwm pab cov ntseeg uas kuv ntseeg lawv siab, peb kev sib pab ua zais ntshis zoo yam nkaus li dab pojntxoog ua. Kuv cov lus qhuab qhia yog tsi ntsees rau cov neeg uas tsis lees paub tias muaj Vajtswv thiab txhawb cov ntseeg zog qhia kom sawvdaws yuavtsum xyuam-xim thiab ntse ntsuav rau nyias txojkev ntseeg. Kuv tawm tswvyim los ntis cov neeg Koomsam cov qhovmuag kom txhob paub txog peb tes haujlwm sib pab tshaj Vajtswv Txojmoo Zoo . Peb ua li no kom txhua tus neeg tsis txhob khav tau hais tias, peb tsis pom Vajtswv txhais tes ua haujlwm nyob rau qhov twg, txawm yog lawv tsis pom Vajtswv txhais tes los kom lawv pom cov ntseeg tes haujlwm.

Tsis ntev, tej noobqoob uas peb tseb mus cia li nrhaukaus tawm tuaj, ua rau cov tub ceevxwm muaj qhov xav paub txog kuv tes haujlwm no. Kuv rovqab raug luag ntes coj mus kaw dua. Kuv tsis totaub tias vim licas lawv ho tsis ntes kuv tsev neeg nrog kuv zaum no. Ntshe yog lawv ntshai rau qhov twb muaj neeg ntiajteb tabtom cuab ntsej mloog ntsoov vim kuv nyuam qhuav raug tso tawm hauv tsev lojcuj los tsis tau ntev. Kuv twb raugtxim tau 8 lub xyoo ntau los lawm. Zaum no kuv raug mus nyob txim 5 xyoo ntau ntxiv.

Kuv kev raugtxim zaum ob no hnyav thiab phem tshaj thawj zaug. Kuv yeej paub zoo uantej lawm hais tias yuav muaj dabtsi tshwm sim tuaj. Luag pib tsimtxom kuv kiag thaum ntes tau kuv. Txawm muaj li no los peb cov ntseeg tseem sib pab tshaj Vajtswv Txojmoo Zoo nyob rau hauv tsev lojcuj.

### **Peb SibCog Lus: Peb Qhia Vajtswv Txojlus thiab Lawv Ntaus Peb**

Luag muaj txoj cai txwv nruj tsis pub qhuab qhia Vajtswv Txojlus rau cov neeg raugtxim nyob hauv tsev lojcuj. Txhua lub tebchaws uas yog muaj Koomsam txojcai tswj niajhnub nimno yeej tseem muaj li no. Yog luag pom ib tug twg qhuab qhia Vajtswv zaj rau cov neeg raugtxim hauv tsev lojcuj ces tus ntawd yuavtsum raugtxim nhyav heev. Peb cov muaj coob leej txaussiab tuajyeem los them tus nqi qhuab qhia Vajtswv Txojlus no, yog li peb los lees ua raws li txoj cai. Peb kev sibcog lus: Peb tau sib cog tias, Cia peb qhuab qhia es txawm yog lawv nplawm peb los peb ua siab ntev nyiaj mob. Peb zoosiab hlo qhuab qhia Vajtswv zaj, lawv zoosiab hlo nplawm peb, peb ob tog puavleej muaj kev zoosiab .

Muaj ib tug kwvtij ntseeg nws tseem tabtom qhia Vajtswv Txojlus rau cov neeg uas raug kaw nrog nws hauv tsev lojcuj. Thaum nws tabtom qhia txawm muaj ib co tub ceevxwm cia li nkag txeem yos los muab nws ntes kiag

thiab cab hlo mus rau tom qhov chaw nplawm neeg. Lawv muab nws ntaus thiab nplawm sab kawgnkaus ua rau nws ib ce doog ntsuab xiab thiab los ntshav thoob ib ce, nws tuag kiag ib tsig. Dhau ntawd lawv muab nws luag koj rovqab los pov rau tom chav kaw neeg. Thaum nws feebmeej rovqab los nws tseem hais rau cov neeg ua nws qhia hais tias, "Nej puas nco qab, ua ntej lawv cab kuv koj mus ntaus peb kawm txog qhov twg lawm?" Txawm yog nws ib ce o wv, doog, thiab ntshav liab pes vog los nws rov qab pib qhia Vajtswv Txojlus txuas qhov qub mus dua.

Kuv pom tej yam txawv tshajplaws uas ibtxwm tsis tau pom dua los no.

Cov neeg qhia Vajtswv Txojlus nyob rau hauv tsev lojcuaj tsis yog xib-hwb nkaus xwb, ib txhia yog cov tub leg Vajtswv haujlwm, ib txhia tsuas yog cov ntseeg Vajtswv xwb. Tiamsis nyias tau nyias txoj koobhmoov qhia Vajtswv Txojlus zoo thiab muaj kuab heev vim txhua tus lawv qhia qhov tseeb tawm hauv lawv lub siab los tiag tiag. Thaum cov tub ceevxwm hnouv txog tejlus qhuab qhia muaj kuab li no lawv cia li los cab kiag tus neeg ntawd koj mus ntaus kom nws txojhia tshuav tu lawm xwb.

Nyob rau hauv lub tsev lojcuaj Nkawlas, muaj ib tug ntseeg npe hu ua Kexus raug luag txiavtxim koj mus ntaus kom tuag. Txojkev tsimtxom Kexus zaum no lawv maj mam tsim ib zaug me ntsis xws li, xuas rauj tsoo nws txhais kotaw kom tawg ces ho tsum li ob peb teev, tomqab ntawd li rovqab ntaus dua. Luag tsoo nws tej noobqes kom nws tagzog. Tomqab ntawd kws tshuaj los txhaj tshuaj pab thiab pub zaub mov qab rau nws noj kom nws rov muaj zog tuaj. Thaum nws muaj zog me ntsis lawm luag mam ho rovqab los koj nws mus ntaus, luag ntaus ntaus txog thaum nws txojhia yau zuzus ces mam tuag. Tus tub ceevxwm Koomsam nqis tes tsimtxom tus txivneej no npe hu ua Lev yog Koomsam ib tug tsavxwm zwm rau pab pawg nrab.

Lub sijhawm Lev tabtom ntaus Kexus nws hnyos raws li cov neeg Koomsam ibtxwm hnyos thiab thum cov ntseeg Vajtswv tias, "Koj puas paub hais tias, kuv yog Vajtswv ntawg. Kuv muaj peevxwm cia tau kom koj muaj sia ua neej nyob thiab kuv muaj peevxwm txov tau koj txojhia kom tu mus. Tus uas nyob saum Ntuj Ceebtsheej yuav pab tsis tau kom koj muaj sia nyob mog. Kuv yog tus tswj txhua yam. Yog kuv txiavtxim siab cia koj muaj sia nyob ces koj ciaj, yog kuv txiavtxim siab tua koj ces koj tuag. Rauqhov kuv yog Vajtswv ntawg." Nws muaj lub siab limhiam tsimtxom cov ntseeg pthem npaum li hais no.

Tomqab kev tsimtxom tas lawm Lev, tus yawm Koomsam khavtheeb tau tham tawm tias, tus Kexus uas raug nws tsimtxom hnyav ntawd tau teb nws cov lus hnyos li no tias, " Koj tsis paub lub ntsiab tseeb uas koj hais ko. Koj puas paub tias, txhua tus kab nyuamdev uas ntxim rhiab ntawd phlis tau ua tus npaujnpaim zoo nkauj ntxim hlub heev. Koj tsis yog yug los ua ib tug

neeg kom tau tsimtxom lwmtus thiab tua neeg xwb. Vajtswv tsim koj muaj tus yamntxwv zoo li Vajtswv, tus neeg uas muaj Vajtswv tus yamntxwv yeej tsis muaj lub siab limhiam tsimtxom neeg phem li koj. Muaj coob tus neeg muaj pluajsiab limhiam nyiam tsimtxom neeg phem xws li koj, thaum kawg Vajtswv yeej yuav hloov nws lub siab kom tig los ua neeg zoo yam li Xibhwb Povlajug tig rov txajmuag rau nws tus kheej uas nws muaj pluajsiab limhiam tsimtxom cov ntseeg, nws rov tusiab rau nws tus kheej tias, tsimnyog nws yuavtsum ua yam zoo kom muaj nuj nqis pab neeg tiamsis nws tsis ua. Thaum kawg Vajtswv thiaj hloov nws lub siab phem kom tig los ua siab zoo xwv nws thiaj yuav muaj feem tau mus nrog Vajtswv nyob. Koj sim ua tib zoo mloog TswvYexus hais rau cov neeg Yudais txheej thaum ub saib. Nws hais tias, "Nej yog vajtswv". Tus phoojywg Lev, koj cia li mloog kuv hais, koj yeej hais tawm tias, "koj zoo li Vajtswv, yog li yeej tsis tsimnyog koj yuav coj tus cujpwv limhiam tsimtxom neeg li ko."

Lub sijhawm ntawd Lev yeej tsis quav ntsej txog tejlus uas tus neeg raug nws tsimtxom hais rau nws tibyam li Povlajug tsis quav ntsej txog tejlus ua Xatefanaus hais thaum nws txojsia yuav tu. Tiamsis tejlus nws hais, Vajtswv muab cog rau hauv Lev lub siab lawm, tomqab tsis ntev Lev mam li totaub tias Vajtswv yog tus hu nws tiag tiag.

Ib zaj uas peb kawm tau yog qhov uas peb nyiaj dhau Koomsam tej kev tsimtxom, ntaus, nplawm mas yog : zoo li muaj tus Ntsujplig ua tus pab peb lub cev. Txawm yog peb lub cev yuav raug cov neeg Koomsam tsimtxom npaum licas los, zoo li peb tej qhovtxhab uas raug nplawm ntawd tsis mob thiab tsis voos hlo li, zoo li peb muaj Vajtswv lub hwjchim nrog nraim peb.

Ib listiam peb mam li tau txais ib leeg ib daim movci me me, thiab txhua hnub luag muab ib leeg ib taig kuzaub qias qiasneeg rau peb haus, txawm li ntawd los peb txiavtxim siab tias cia peb muab "Vajtswv feem rov rau Vajtswv." Yog li ntawd peb nyias txuag nyias cov movci tseg cia ces lub-listiam thib kaum peb mam nqa tej movci mus cawm cov kwvtij raug txim uas noj tsis txaus.

Muaj ib tug kwvtij ntseeg raug txiavtxim tua povtseg, luag tso cai rau nws pojniam menyuum tuaj xyuas nws ua zaum kawg. Nws lolus kawg hais rau nws pojniam li no, "Koj yuavtsum totaub tias, kuv tuag vim kuv hlub cov neeg uas txov kuv txoj sia. Lawv tsis paub qhov lawv ua no, kuv lolus kawg rau koj yog thov koj hlub lawv thiab. Tsis txhob cibnyeej rau hauv koj lub siab tias, lawv yog cov tua koj tus hlub lawm. Peb mam sib ntsib saum ntuj Ceebtsheej mog". Cov lus hais no ua rau tus tub ceevwxm nyob nrog nkawd xav tsis thoob. Zaj lus no twb yog tus tub ceevwxm no hais qhia kuv tomqab nws los ntseeg Vajtswv lawm.



Nyob hauv lub tsev lojcuj Tawkus-Aunas muaj ib tug tub hluas npe hu ua Matshevixis. Nws muaj 18 xyoo xwb, nws yog ib tug ntseeg uas raug kaw hluas heev. Vim txojkev raug luag tsimtxom hnyav, thiaj ua rau nws cov ntsws mob. Nws tsev neeg hnov txog nws qhov mob no lawv txhawj heev, lawv thiaj xa tau 100 hwj tshuaj nkaug tuaj cawm nws kom dim txojkev tuag. Tus thawj tswj tsev lojcuj hu Matshevixis mus cuag thiab hais li no rau nws tias, " Ntawm no yog cov tshuaj koj tsev neeg xa tuaj cawm kom koj muaj sia nyob. Tiamsis, peb txojcai txwv tsis pub koj txais ibyam koom hauv koj tsev neeg xa tuaj rau koj li no. Ntawm kuv tus kheej, yeej xav pab koj thiab. Rauqhov koj tseem hluas heev. Kuv tsis xav pom koj tuag rau hauv tsev lojcuj no. Koj yuavtsum pab kuv, kuv thiaj li yuav pab tau koj. Koj cia li muab xov ntawm nej cov ntseeg txhua tus los rau kuv, kom kuv thiaj muaj qhov povthawj qhia rau kuv tus thawjcoj tias vim licas kuv kam muab cov tshuaj rau koj." Matshevixis teb hais tias, "Kuv xum tuag mus zoo dua li kuv muaj sia nyob thaum kuv ntsia hauv daim tso-m-iav pom tus neeg ntseevsiab rau nws cov kwvtij ntseeg Vajtswv lub ntsejmuag, kuv ua tsis tau li ntawd, kuv xum tuag zoo dua." Tus tub ceevxwm Koomsam sawvtsees mus tuav Matshevixis tes thiab hais rau nws hais tias, "Kuv thov qhuas koj, kuv yeej paub hais tias koj yeej yuav teb li ko rau kuv xwb." Kuv muaj dua lwm yam xav nrog koj sibtham ntxiv. Muaj ib cov neeg raug txim nyob hauv no peb ntseeg tsis tau lawv. Lawv khav tias lawv yog Koomsam pab neeg thiab lawv niaj hnuv los hais lus nkaug koj rau peb. Peb xav paub qhov tseeb tias lawv cov no yog pab twg tiag. Yog mloog lawv tejlus hais txog koj ces koj yog lawv tus tseem yeebncuab, lawv qhia txhua yam uas koj ua tsis hais tejlus koj hais lossis koj tes haujlwm tag huv tibtsi rau peb paub. Kuv ntseeg tias koj yuav tsis xav ntseev siab rau koj cov phoojywg no. Yog li koj cia li qhia peb saib lawv cov no ua dabtsi tiag qhov no thiaj yuav cawm tau koj txoj sia xwb! Matshevixis teb tus tub ceevxwm muaj ntsis xws li thawj zaug uas nws teb lawm thiab. " Kuv yog Vajtswv ib tug tub qhe, Nws qhia kom peb yuavtsum hlub peb tus yeebncuab. Tus neeg ntseevsiab rau peb yeej ua rau peb mob tiamsis kuv ua phem paj phem tsis tau li ntawd. Kuv ua tsis tau li tej koj kom kuv ua ntawd. Kuv hlub lawv. Kuv niaj hnuv thov Vajtswv pab lawv, thiab kuv tsis xav koomtes nrog cov Koomsam hlo li." Tus tub ceevxwm txawm koj Matshevixis tawm tom qhovchaw luag nug nws los kaw rau hauv chav tsev lojcuj, tau tsis pes tshawg hnuv ntxiv ces Matshevixis tuag. Nws tuag nyob rau tib chavtsev uas luag kaw kuv. Kuv pom nws tu siav nrho, tiamsis uantej nws txoj sia yuav tu nws tseem ncoqab qhuas thiab ua Vajtswv tsaug.

Yog muaj ib tug neeg pluag pluag tiamsis nws xav mloog tej suab nkaug qhuas Vajtswv heev, nws xum muab nws npibnyiaj kawg uas nws muaj koj mus ntiav mloog suab nkaug, txawm nws tsis muaj nyiaj nyob ntawm tes lawm los nws tsis muaj kev ntxhov siab dabtsi. Rauqhov nws tau mloog tej suab pajnrug, pajqeeq nrog tej suab

nkauj ntau lub hu uake lomzem heev. Kuv los kuj tibyam nkaus li ntawd thiab, kuv tsis muaj kev ntxhov siab rauqhov kuv raug nyob hauv tsev lojcuj tau ntau lub xyoos. Kuv pom ntau yam zoo rau kuv. Kuv pom cov raug txim uas tsis muajzrog, cov raug txim uas muaj kev ntseeg ruaj khov, raug kaw nyob nrog cov xibhwb muaj npe thiab nrog cov ntseeg uas muaj kev ntseeg zoo npaum nkaus li thawj tiam thaum ub. Lawv txaussiab hlo muab lawv txojtsia tuag rau TswvYexus. Tej zaj xwm zoo tseemceeb li hais no ua rau kuv tsis pomqab xyov yuav piav licas qhia nej thiaj totaub zoo.

Tej kuv hais no tsis yog lam xev hais kom zoo mloog xwb. Tiamsis yeej muaj tseeb, muaj yam tshwmsim raug rau cov ntseeg nyob tuaj qabrooj tiag, tej ntawd muaj peevxwm qhib txhua tus lub qhov muag kom pom Vajtswv txojkev hlub.

Uantej kuv raug mus kaw rau hauv tsev lojcuj, kuv yeej muaj pluaj siab hlub TswvYexus kawang kuv lub siab lub ntsws. Tsam no kuv muaj pluaj siab hlub cov ntseeg lub neej nyob tuaj qabrooj tibyam nkaus li kuv hlub TswvYexus thiab. Kuv pom lawv muaj txojkev ntseeg ruaj uas lawv tuajyeem muab coj los pub rau Vajtswv.

### **Muaj Xwm Dabtsi Rau Kuv Pojnim Thiab Kuv Tus Tub?**

Kuv raug ncaim kuv pojnim mus yam kuv tsis paub hais tias xyov yuav muaj xwm dabtsi rau nws. Twb tau ntau lub xyoos lawm kuv mam li hnov hais tias kuv pojnim raug coj mus kaw tom tsev lojcuj tibyam li kuv. Nyob rau hauv tsev lojcuj, cov pojnim ntseeg raug txomnyem hnyav dua cov txivneej. Cov pojnim raug cov tub ceevxwm Koomsam yuam ua dev ua npua. Luag muab hle liabqab, tsodaj, tsoluag. Tsis tas li ntawd xwb luag tseem yuam lawv mus ua tej haujlwm hnyav hnyav xws li: khawb av, kwv tejyam hnyav, khawb kwjdeg, khawb kev, thiab ua txhua txoj haujlwm hnyav tibyam li cov txivneej. Lawv mus kaus tej daus uas khov ntseegnkaus thaum lub caij ntuj no. Lawv raug luag coj mus muag ua niamntiav los yog coj mus rau tej thawjcoj deev kom txhob raug tsimtxom. Kuv pojnim niaj hnuv noj nyob tuav siav li tus nyuj kom txojtsia txhob tu xwb. Cov neeg raugtxim uas raug kaw rau hauv tej tus kwj titi, thaum lawv tshaib tshaib plab heev, lawv txhom tej nas tsuag, thiab tej nab tua noj cawm siav. Cov Koomsam uas saib xyuas cov neeg raugtxim tseem muaj tej lub tswvyim limhiam kawgnkaus xws li, hnuv ib lawv ua tej yam txawv txawv kom lawv zoosiab, lawv muab cov pojnim raug txim pov rau hauv pas avnkos thaum lawv rub tawm los nws ibce lo av tag ua rau law zoosiab tuaj dabros luag ua nqaj ua nqug. Lawv ho muab lwmtus pov rau hauv pas avnkos dua ua li no kom txog thaum lawv txaussiab lawm mam tsum. Kuv pojnim los yeej raug luag muab pov rau hauv pas avnkos tibyam li ntawd thiab.

Kuv tus tub nyob tsis muaj vaj muaj tsev sijhawm wb ob leeg raug luag coj mus lawm. Kuv tus tub Maivkaum yog ib tug menyuum uas ibtxwm muaj kev ntseeg zoo puag thaum nws tseem yau yau los thiab nws suav hais

tias txojkev ntseeg yog ib qho tseemceeb rau nws lub neej. Thaum nws muaj hnuvnyoog cuaj xyoo, nws lub neej ntseeg Vajtswv yeej ua ntsuag cial los lawm. Nws chim heev rau txojkev ntseeg. Thiab muaj qhov xav paub txog nws txojkev ntseeg. Nws muaj teebmeem ntawm nws tus kheej txawv li lwmtus menyuum uas muaj hnuv nyoog tibyam li nws. Nws pib xav txog nws tus kheej tias yuavtsum nrhiav haujlwm ua kom tau nyiaj siv.

Yog ib tug neeg twg cev tes pab cawm tsev neeg ntseeg Vajtswv uas raug tsimtxom mas nws txhaum txojcai. Muaj ob tug niamtsev uas tau pab kuv tus tub raug tub ceevxwm ntes coj mus rau txim, luag ntaus nkawd sab kawg ua rau nkawd cia li ua neeg puastsuaj mus tag nkawd lub neej. Muaj ib tug niam tsev siab zoo pheej nws txojhmoo coj kuv tus tub Maivkaum mus nrog nws nyob hauv nws tsev. Tus no los kuj raug luag ntes nws coj mus kaw tau yim lub xyoo nkaus vim nws pab tsev neeg ntseeg Vajtswv uas raug txim. Luag ncaws tus niamtsev no cov hniav dam tagrho thiab dam ntau ntu tav. Tus niamtsev no cia li cial ua ib tug neeg savtsam pab tsis tau nws tus kheej mus tag nws lub neej li lawm thiab.

### "Maivkaum, Cia Siab Rau Tswv Yexus"

Thaum Maivkaum muaj hnuv nyoog 11 xyoo, nws pib ua haujlwm kom tau nyiaj rau nws tus kheej siv. Vim kev txomnyem thiaj ua rau nws txojkev ntseeg ua ywjfab ywjfwj. Tiamsis tau ob xyoo tomqab luag tso cai rau nws mus xyuas Xanpinas tus uas yog nws niam tom tsev lojcuj. Nws mus tom Koomsam lub tsev lojcuj, nws pom nws niam nyob sab qab pashlau hauv. Nws niam hnav ib ce ristsho raugtxim khaub khaub hlab, qias qiasneeg, yuag yuag, thiab ob txhais tes tsis muaj zog tshee na. Nws txhawj heev tias tsam nws cim tsis tau nws niam lawm. Thaum nws niam pom dheev nws, thawj lo lus uas leej niam hais rau nws yog li no, "Maivkaum, cia siab rau Tswv Yexus mog!" Cov tub ceevxwm hnouv lolus no lawv cia li los muab nws niam rub res cab tawm tamsim mus tsis pub nrog nws tham. Maivkaum tsa suab hlo quaj ntsia ntsoov luag cab nws niam mus lawm tiag tiag. Lub sijhawm no cia li muaj ib qho tshoov Maivkaum lub siab. Qhov ntawd qhia kom nws paub tseeb txog Tswv Yexus txojkev hlub uas tsis xaiv leejtwg ntsej muag. Tswv Yexus yog tus tseeb thiab yog tus Cawmseej tiag. Tib lub sijhawm no ua rau Maivkaum txojkev ntseeg loj tuaj vim nws xav hais tias neeg raug kev txomnyem npaum nws niam no lawm los tseem cia siab ntsoov rau Tswv Yexus thiab. Yog li no thiaj ua rau nws lees thiab cia siab plhuav rau Tswv Yexus. Nyob rau hauv tsev kawm ntawv muaj ntau yam uas Maivkaum yuav tau tawmtsam. Nws yog ib tug tub kawm ntawv zoo heev thiab nws tau txais ntawv qhuas, khoom plig qhia txog nws txojkev muaj peevxwm xws li yog ib daim phuum khi cajdab liab uas yog koomhaum tub ntxhais hluas Koomsam txoj.

Kuv tus tub hais tias, "Kuv yuav tsis lam coj txoj nyuag phuam uas yog cov niag neeg ntes kuv niam kuv txiv mus kaw lawm ib zaug li." Vim nws tsis coj txoj phuam no luag thiaj muab nws rho tawm tsis pub kawm ntawv. Nws plam tsis tau kawm ntawv tau ib lub xyoo thiaj tau rovqab mus kawm ntxiv, nws yuavtsum zais tsis pub ib tug twg paub txog tias nws niam thiab txiv raug txim vim lawv ntseeg Vajtswv.

Tsis ntev tomqab , nyob tom tsev kawm ntawv tus xibhwb kom nws sau ib cov ntawv hais txog kev tawmtsam Vajtswv Phau Ntawv. Nyob hauv nws tsab ntawv lub ntsiab yog li no: "Cov lus uas tawmtsam Vajtswv Phau Ntawv tsis muaj nujnqis thiab tsis muaj ib qhov tseeb kiag li rauqhov Vajtswv Txojlus cawm tau neeg txojhia hloov tau neeg lub siab pab tau neeg txawj ntse." Txawm yog nws tus xibhwb twb tsis tau nyeem Vajtswv Phau Ntawv hlo li los nws cia li muab Maivkaum rho tawm tsis pub kawm ntawv tau ob lub xyoo vim los ntawm cov lus nws sau no.

Txog thaum kawg nws tau mus kawm nyob rau hauv tsev kawm Vajtswv Txojlus. Nyob rau hauv lub tsev kawm ntawv no luag qhia txog "Maxis kevcai" txhua yam luag txhais raws li Khaus Mas lub tswvyim kev cob qhia. Maivkaum ua siab tawvqhawv sawv tawmtsam txog txojkev cob qhia tsis tseeb hais no thiab tseem muaj ntau tus kawm ntawv sawv koomtes nrog nws. Vim nws txojkev tawmtsam luag thiaj ntiab nws tawm, kawm tsis tiav.

Muaj ib zaug nyob hauv tsev kawm ntawv, muaj ib tug xibhwb qhia txog zaj tias tsis muaj Vajtswv rau sawvdaws mloog thaum kuv tus tub hnov nws hais tsis tseeb li no nws thiaj sawv los cav nrog tus xibhwb ua rau cov mloog muaj kev ntxheb ntxhov thoob plaws hauv chav tsev kawm ntawv. Txhua tus mloog puavleej tuaj nws tog. Nws yuavtsum muaj ib tug muaj cuabkav sawv los ua tus hais qhov tseeb thiaj muaj lwmtus kam los txhawb. Vim txojkev ntshaw kawm ntawv, nws thiaj tsis lees paub tias nws yog Xibhwb Vawnplas tus ntseeg Vajtswv uas tseem raug txim nyob tom tsev lojcuaj tus tub. Txawm nws yuav zais npaumtwg los txog thaum kawg luag yeej tshawb tau hais tias nws yog leejtwg tus menyuum, thaum luag tshawb tau li no lawm nws yuavtsum raug tshem tawm tsis pub kawm ntawv ntxiv.

Maivkaum yog ib tug menyuum uas raug nyiajtshaib yoonqhis ntau kawgnkaus li. Muaj ntau yim neeg uas ntseeg Vajtswv es niam thiab txiv raug luag ntes coj mus rautxim lawm ua rau lawv tej menyuum raug txomnyem tsis muaj noj muaj haus tuag tshaib tuag nqhis lawm coob heev. Yog leej twg cev tes pab cov menyuum ntawd, tus ntawd kuj muaj txim loj.

Kuv yuav qhia rau nej paub txog ib yim neeg uas kuv paub lawv zoo es raug txomnyem heev. Tus kwvtij no raug luag ntes coj mus rautxim vim qhov nws koomtes pab cov ntseeg nyob tuaj qabrooj. Nws tseg nws pojniam

thiab rau tus menyuam cia nyob tuaj tomqab. Nws muaj ob tug ntxhais hnub nyoog kaumxya thiab kaumcuaj xyoos, nkawd ob leeg puavleej nrhiav tsis tau haujlwm ua. Nyob rau cov tebhaws Koomsam mas haujlwm puavleej yog tseemhvw ua cov tswj tag nrho, thiab luag txwv tsis pub haujlwm rau cov menyuam uas yog tsev neeg ntseeg Vajtswv "neeg txhaum nomtswv kevcai" ua. Thov tsis txhob phua lub txim tias nkawd ua txhaum kevcai, tiamsis yuav tau los xyuas qhov tseeb saib yog tim li cas tiag. Qhov uas ob tug mentxhais ntseeg Vajtswv nkawd tau mus ua niamntiav los twb yog nkawd txiv mus raug txim lawm tsis muaj tus mus khwv kom tau nyiaj los rau tsevneeg siv, nkawd ua li ntawd xwv thiaj tau nyiaj los pab cov kwv thiab nkawd niam tus uas tabtom muaj mob ntsuav. Thaum nkawd tus nus uas muaj hnub nyoog kaumplaub xyoo paub li no cia li ua rau nws chim chim vwm kiag, luag tau coj nws mus nyob nrog cov neeg vwm. Tau tsis ntev leej txiv dim tom tsev lojcuj rovqab los, hnov txog zaj no ua rau leej txiv tusiab heev, nws thov Vajtswv hais tias, "Tus Tswv es, thov koj cia li coj kuv rovqab mus nyob tom tsev lojcuj zoo dua li kuv los pom kuv tsev neeg raug txomnyem phem li no". Tseeb kawgnkaus Vajtswv teb nws tejlus thov, luag rov ntes nws coj mus kaw tom tsev lojcuj dua vim nws tshaj Vajtswv txoj lus. Ob tug ntxhais tseg tsis ua niamntiav ntxiv lawm, tiamsis ho los tau txoj haujlwm ua pab tshuajxwm rau tub ceevxwm. Nkawd yuavtsum qhia txhua tsavyam rau tub ceevxwm raws li nkawd paub nkawd pom. Yog li nomtswv txhua lub tsev ua haujlwm paub nkawd zoo thiab qhuas nkawd tes haujlwm vim nkawd rovqab ntxeevsiab rau nkawd txojkev ntseeg. Thov tsis txhob thuum ob tug ntxhais no tias ua licas yuav coj liam ualauj. Nug koj tus kheej seb, nkawd txojkev ua txhaum no koj puas muaj feem nrog paub thiab, tsev neeg ntseeg Vajtswv raug ua ntsuag cياج tsis muaj ibleeg tustwg yuav quavntsej txog zoo li yim neeg no puas yog koj li kev txhaum thiab. Vim koj twb yog tus nyob rau qhov ywjpheej cas koj ho tsis cev tes pab.



## TSHOOJ 3

### Raug Txhiv Tawm Thiab Mus Ua Haujlwm Nyob Rau Sab tebchaws Hnubpoob

**T**au kaumplaub lub xyoo nkaus uas kuv nyob hauv tsev lojcuj. Lub sijhawm ntawd kuv yeej tsis pom ib phau ntawv uas yog Vajtswv phau lossis lwm phau ntawv hlo li. Kuv twb yuav luag tsis ncoqab sau ntawv lawm. Vim muaj kev yootshaib, yoonqhis, kev raug tshuaj lom, thiab kev tsimtxom, kuv twb tsis ncoqab Vajtswv Txojlus uas yog txojlus tseeb lawm. Tiamsis hnub kawg ntawm kaumplaub lub xyoo ntawd, txawm cia li muaj ibyam txawv kawg li tshwmsim rau kuv ua rau kuv nco txog nqe lus hauv Vajtswv Phau Ntawv hais tias "vim Yakhauj ua zog xya lub xyoo kom tau Laxees, nws tsuas zoo li hnub puav rau nws xwb. Vim rauqhov Yakhauj hlub thiab nyiam Laxees heev" (Chivkeeb 29:20). Tsis ntev tomqab kuv kuj raug tso tawm vim muaj txojkev zam txim raws txojcai hauv lub tebchaws ntawd, nws kuj zoo yam li nyob tebchaws Amelikas uas txhua xyoo muaj txojkev zam txim.

Kuv rov pom kuv pojniam dua. Nws muaj siab ncaincees tos kuv tau kaumplaub lub xyoo. Wb rov pib ua wb lub neej tshiab yam txomnyem ntsuav, rauqhov txhua tus uas raug txhom coj mus rautxim luag yeej txeeb nws tej khoom tsim nuj mus tagrho lawm.

Cov txivplig thiab cov xibhwb uas raug muab tso tawm, luag kuj pub rov coj tej pawg ntseeg me me tau. Kuv raug mus coj pawg ntseeg nyob rau hauv lub zos hu ua Auxavas. Tsoom nomtswv Koomsam phab kablis kevcai hais rau kuv tias, luag tsuas tso cai ib pawg ntseeg twg pub muaj tswvcuab txog pebcaug tsib tug xwb thiab txwv tsis pub muaj tshaj pebcaug rau tus! Cov nomtswv hais ntxiv tias, kom kuv yuavtsum koomtes ua haujlwm nrog

lawv thiab qhia txhua yam xwm rau tub ceevwxm thiab tshuaj xyuas txhua yam haujlwm txawvtxav ntawm cov tswvcuab thiab muab cov hluas cais tawm rau ibcag. Lub tswvyim limhiam uas phem li no yog Koomsam siv cov pawgntseeg ua cuabyeej rau lawv kev tswjhw.

Kuv paub tias yog kuv qhuabqhia yeej yuav muaj coob leej tuaj mloog thiab los ntseeg. Yog li kuv thiab li tsis kam qhia txawm yog yuav qhia rau hauv tseemhvw lub tuamtsev uas raug tso cai los xij. Tiamsis kuv tsis ua li ntawd, kuv ho rov mus pib txhawb tes haujlwm hauv qabrooj dua, tes haujlwm no yog tej yam zoo heev tiamsis pheej hmoo ua xwb..

Lub caij uas kuv nyob hauv tsev lojcu, Vajtswv tau foom koobhmoov ntau yam zoo kawgnkaus pub rau kuv. Tsoom neeg Amelikas tau lees paub cov ntseeg nyob tuaj qabrooj thiab cov ntseeg lwm haivneeg tau pib cev tes tuaj pab pab thiab thov Vajtswv rau pab.

Muaj ib hnub thaum tavsus lub sijhawm uas kuv tseem so hauv ib tug kwvtij lub tsev, nws los tsa kuv sawv thiab hais tias, "Muaj cov kwvtij ntseeg txawv tebchaws tuaj." Cov tebchaws nyob sab hnubpoob kuj tseem muaj cov ntseeg ncoqab ntsoov pab thiab tsis tso pab tseg. Cov ntseeg tau koomsiab sibpab kev nojhaus rau tsev neeg ntseeg uas raug luag tximtxom thiab lawv zais tej ntaub ntawv coj tuaj qhia rau cov ntseeg.

Nyob rau lwm chav tsev kuv pom muaj rau tus kwvtij lawv yog cov neeg tuaj pab tej haujlwm no. Pab tau siv sijhawm sibtham ntev loo, lawv nug kuv tias lawv hnov tias muaj ib tug txivneeg nyob hauv lub tsev no tau raugtxim nyob tsev lojcu tau kaumplaub lub xyoo, thiab lawv xav ntsib nws. Kuv teb lawv tias, kuv yog tus ntawd ntag. Lawv hais tias, "Pab xav tias, pab yuav tau ntsib tus neeg uas muaj kev nyuaj siab kawg ntawm nov. Ntshe koj tsis yog tus ntawd vim koj muaj lub ntsej muag luagntxhi kajsiab lug." Kuv hais tseeb rau lawv tias, kuv yeej yog tus uas raug kaw nyob hauv tsev lojcu, kuv lub ntsej muag luagntxhi vim kuv pom nej cov uas yog kwvtij tuaj kev deb tuaj ua rau kuv txojkev nyuaj siab yajntshis mus lawm. Txojkev pab uas tsis tuncua li no txhawb tau cov ntseeg tuaj qabrooj lub zog zoo heev. Los ntawm txojkev sib pab ntsiagto li no pab thiab ua tau haujlwm zoo heev, pab muaj peevxwm luam tau Vajtswv Phau Ntawv thiab ntau yam ntaub ntawv uas qhia txog Vajtswv zaj xa mus pub rau cov ntseeg thiab cawm tau ntau yim neeg uas raug kev tsimtxom.

Tsam no pab cov ntseeg tes haujlwm nyob tuaj qabrooj muaj zog los twb yog pab tau txais txojkev pab li hais no. Tsis yog tias lawv coj Vajtswv Txojlus tuaj txhawb pab zog xwb, tiamsis tseem qhia rau pab pom tias, lawv thiab pab yeej yog ib pab kwvtij sib hlub tiag. Lub caij uas tseem tabtom raug ntxuavhlwb, pab tau hnov tias, "Tsis muaj leejtwg hlub nej ntxiv lawm lau, tsis muaj leejtwg hlub nej ntxiv lawm lau, tsis muaj leejtwg hlub nej ntxiv lawm lau." Nimno pab pom cov ntseeg uas yog neeg Amelikas thiab Askiv

tuajyeem muab lawv txojhia los ua qhov qhia rau peb pom tias, lawv hlub peb heev. Tsis ntev tomqab ntawd, peb thiaj tau pab lawv tsimtsa kom muaj ib txojkev ua haujlwm zais ntshis, yog li lawv thiaj muaj peevxwm nkaug tau mus rau hauv ib cov tsev uas muaj tub ceevxwm zov puagnicg.

Tes haujlwm uas nyiaj nqa Vajtswv Phau Ntawv hla tebhaws ntsiag-to ntawd, cov ntseeg uas yog neeg Amelikas thiab Askiv yeej tsis tau totaub hlo li.

Kuv thiab kuv tsev neeg muaj txojhia nyob dhau twb yog vim kuv tau txais txojkev pab tej cuabyeej thiab kev thov Vajtswv pab los ntawm cov ntseeg nyob txawv tebhaws. Tej no yeej muaj tseeb rau coob tus xibhwb thiab tsev neeg ntseeg Vajtswv uas nyob rau Koomsam txojkev tswjhw. Kuv ua tau timkhawv txog tej cuabyeej uas lwm lub tebhaws xa mus pab peb ua tes haujlwm no tias, tej cuabyeej no txhawb peb zog tau zoo kawg nkaus. Ntawm peb, ntsia lawv zoo yam nkaus li lawv yog Vajtswv cov tub txib.

Vim txojkev rov txhim kho cov ntseeg nyob tuaj qabrooj tes haujlwm no, kuv yog ib tug uas nyob rau qhov chaw ti heev, vim tub ceevxwm yeej nyas nrhw yuav ntes txhua lub sijhawm. Lub sijhawm ntawd, muaj ob lub koomtxoos kev ntseeg, cov Nauve-tias uas qhia Txojmoo Zoo rau cov Yudais thiab Hinplus tshaj Txojmoo Zoo, tau tshwm nyiaj xtiag los koom uake them cov nomtswv Koomsam \$10,000 txhiv kuv. Tus nqi txhiv no kim tshaj li tsib npaug ntawm tus nqis txhiv ib tug neeg tawmtsam txoj cai tswj tebhaws. Yog tsis npaum li no kuv yuav tawm tsis tau hauv lub tebhaws Laumanias.

### **Vim Li Ca Kuv Thiaj Ncaim Lub tebhaws Koomsam Laumanias?**

Kuv ncaim lub tebhaws Laumanias tsis yog huas siavciaj kom dim txoj sia, twb yog cov thawj koj ntawm cov ntseeg nyob tuaj qabrooj pomzoo kom kuv cia li siv lub sijhawm no tawm hauv lub tebhaws mus ua "lub suab" sawv cev ntawm cov ntseeg nyob tuaj qabrooj rau cov tebhaws ywjpheej nrog paub. Lawv xav kom kuv ua tus sawv lawv cev thiab qhia tag nrho lawv tej kev txomnyem rau cov nyob sab hnub poob kom paub. Kuv lub cev tuaj txog sab hnub poob, tiamsis kuv lub siab tseem nrog lawv nyob. Kuv yeej tsis xav ncaim lawv li no ib zaug. Qhov kub txiavtxim siab ncaim, twb yog xav kom cov nyob sab hnub poob pom txog cov ntseeg nyob qabrooj lub neej raug tsimtxom, xav tau kev pab thiab lawv tes haujlwm uas kubsiab lug. Vim li kuv thiaj yuavtsum tau ua tes haujlwm no.

Ua ntej uas kuv tawm tebhaws Laumanias, kuv raug cov tub tshuaj-xwm hu koj mus nug txog ob zaug. Lawv hais rau kuv tias, cov nyiaj tso kuv lawv tau txais lawm. Lawv hais rau kuv tias "Cia li mus rau sab hnubpoob thiab qhuabqhias txog Yexus Khetos zaj Raws li koj siab ntshaw! Tiamsis, tsis txhob lam hais ib los lus twg tawmtsam peb! Peb qhia koj paub meej tias yog

koj lam tawmtsam peb, peb yuav tsis tso koj tseg vim peb twb npaj tau tswvy-im zoo tseg lawm. Qhov ib, peb muab tib \$1,000 ntiav ib tug neeg phem muab koj tua povtseg los yog tuaj txhom koj ntsiagto mus. (Kuv raug nyob tsev lojcuj nrog ib tug xibhwb Oto-dos npe hu ua, Vasxesli Law, nws raug cov neeg phem txhom ntsiagto nyob Auvxatalias tebhaws coj tuaj rau tebhaws Laumanias. Luag muab nws cov rantes rho tawm tag. Kuv nyob nrog lwmtus xibhwb thiab. Lausmanias tebhaws yog ib lub uas luag txhom cov neeg Auvxatalias thiab Fabkis ntsiagto coj tuaj zais) Lawv hem kuv ntau yam ntxiv, "Peb yeej muaj cuabkav yuav nrhuav tshem koj txojkev ntseeg nrog rau koj lub neej tau tibyam nkaus xws li, nthuav koj lub qe tias, koj deev tej menyuam ntxhais mos, koj ua tubsab, lossis koj lub neej tub hluas coj tsis ncay ncees. Cov neeg nyob sab hnuvpoob yuav tsis ntseeg koj, tshwjxeeb yog cov neegAmelikas".

Lawv hem kuv li no tag, lawv tso kuv tawm tuaj rau sab hnuvpoob. Lawv cia siab tias lawv twb ntshuav kuv tej hlwb cimxeeb tag lawm. Nyob sab hnuvpoob, muaj ntau tus uas raug luag siv tib lub tswvyim limhiam los hem ib yam li kuv thiab. Muaj ib txhia yeej cia li kaw qhov ncauj twjywm tsis hais ib los lus hlo li. Tsis yog lawv kaw ncauj xwb, tiamsis muaj tus puav tseem cav ua txoj qhuas txoj kevcai Koomsam. Tiamsis lawv nco tsis txog lawm tias cov neeg Koomsam ntag yog cov tsimtxom lawv hnyav tshaj plaws. Cov neeg Koomsam xav kom kuv yuavtsum kaw kuv lub qhov ncauj tib yam nkaus li cov neeg taistais caus no.

Lub 12 hlis xyoo 1965, kuv tsev neeg thiaj tau tawm hauv tebhaws Laumanias. Muaj ib yam kuv tau ua, ua ntej kuv tawm tebhaws. Kuv tau mus rau tom yawg thawj coj hnuvqub tsib lub ntxa. Nws yog tus thawj coj hais kom luag ntes kuv coj mus rautxim thiab tsimtxom. Kuv tso ib lub paj rau saum nws lub ntxas. Kuv ua li no yog kuv qhia txog kuv txojkev kajsiab lug uas yog kuv tau los ntawd Twv Yexus tus Cawmseej muab pub rau tus neeg Koomsam uas tuag tus ntsujplig tsis muaj qhov chaw vam khom.

Kuv ntxub txojkev cai Koomsam, tiamsis kuv hlub tus neeg. Kuv ntxub txojkev txhaum tiamsis kuv hlub tus neeg txhaum. Kuv hlub cov neeg Koomsam kawg kuv siab ntsws. Koomsam yuav tua tau cov ntseeg tiamsis lawv yuav tua tsis tau txojkev hlub uas cov ntseeg muaj pub rau lawv. Kuv tsis yog tus neeg uas yuav muaj pluaj siab cibnyeej cim ntsoov Koomsam txojkev limhiam es tsimtxom kuv lub neej dhau los lawd.

## TSHOOJ 4

### Vajtswv Txojkev Hlub Kovyeej Txoj Kevcai Koomsam

**H**aiv neeg Ixayees muaj zaj keebkwm no, thaum lawv pojkoob yawmtxwv khiav tim Iyiv tebchaws los. Cov tubrog Iyiv raug dej hiavtxwv liab nphau los npog lawv tuag tag. Cov tubtxib saum ntuj nrog haiv neeg Ixayees hu nkauj qhuas Vajtswv uake. Thiab Vajtswv hais rau cov tubtxib tias "Cia haiv neeg Ixayees zoosiab rau lawv txojkev khiav dim. Tiamsis kuv xav qhia kom nej totaub tias cov neeg Iyiv los puav leej yog kuv tsim muaj lawv thiab. Kuv txawm tsis hlub lawv thiab lod? Ua cas nej tsis paub txog kuv txojkev tusiab rau lawv tej kev puas ntsoog vim lawv tej vijnpog los raug rau lawv?"

Nyob hauv Vajtswv phau ntawv Tsosuas 5:13, "Thaum Tsosuas mus yuav luag txog lub nroog Yelekaus, tamsim ntawd nws pom ib tug txivneej tuav rawv ib rab ntaj sawv tom nws hauvntej, Nws txav zog mus ze ze thiab nrog hais tias, Koj yog pebtog tubrog, los yog yeebncuab tog tub rog?"

Yog tias tus txivneej uas ntsib Tsosuas yog ib tug neeg xwb, nws cov lus teb yuav hais tias, "Kuv yog nej tog: lossis "kuv yog yeebncuab tog" lossis kuv tsis yog leej twg tog." Txhua tus neeg tsuas teb tau cov lus nug li no xwb. Tiamsis tus txivneej uas Tsosuas ntsib ntawd tsis yog ib tug neeg dogdig, nws yog ib tug tubtxib uas yog Vajtswv xa los, nws cov lus teb yog ib cov lus covnyom kawgnkaus uas tsis muaj tus totaub yoojyim. "Tsis yog" Lub ntsiab ho yog licas tiag? Qhov chaw uas nws los ntawd yog qhov nyob nruabnrab uas tsis yog tuaj ib tug tog, tiamsis yog qhov chaw uas txhua leej txhua yam muaj txojkev sib totaub, muaj pluajsiab hmov tshua, zam txim



thiab txojkev hlub uas cig li hluavtaws.

Nyob rau txoj kevcai Koomsam tswjhwm neeg nyob muaj theem uas yuav tau tawmtsam. Yog nyob rau theem no lawd yus yuavtsum tau tawmtsam txoj kevcai Koomsam no thiab, vim cov neeg yog cov txhawb nqa lub niam tswvyim limhiam no.

Tiamsis cov ntseeg Vajtswv yog cov txawv dua lwmtus neeg; lawv yog Vajtswv cov menyuam, lawv yog ib feem ntawm tej uas Vajtswv tsim. Yog li ntawd, txojkev tsimtxom uas yog cov neeg coj kevcai Koomsam txhom mus rautxim yuav tsis ua rau kuv ntsub cov neeg Koomsam no. Vajtswv tsim lawv tibyam nkaus kuv yuav ntsub lawv tau licias? Tiamsis kuv ho yuav ua tau phoojywg rau lawv licias? Kev phoojywg yog ob leeg koom ua pa uake. Kuv yuav koom tib tug plig nrog cov neeg Koomsam tsis tau kiag li. Lawv ntsub Vajtswv txoj lus. Hos kuv hlub Vajtswv.

Yog muaj tus nug kuv hais tias, "Koj tuaj Koomsam tog los yog tawm tsam?" Kuv lo lus teb yuav covnyom kawg li. Txoj kevcai Koomsam yog ib txog uas limhiam phem tshajplaws rau neeg hauv ntiaj teb no. Kuv yuav tawmtsam thiab tivthaiv txoj kevcai no kom mus txog hnub kovyeej kiag. Tiamsis ntawm kuv sab ntsujplig, kuv zaum rawv nrog tus Tswv Yexus nyob saum Ceebtsheej. Kuv zaum rau qhov chaw hais tias "tsis tuaj tus twg tog" tsis yog tus ris txojkev txhaum uas yog muaj tus tsim, cov neeg coj txoj kevcai Koomsam no lawv totaub zoo thiab lawv nyiam ua txhuatsav txhuayam pab kom lawv mus cuag tau lub homphiaj uas lawv xav hais tias zoo yam nkaus li Vajtswv.

Kuv lub homphiaj yog qhia Txojmoo Zoo rau cov neeg coj txojkev cai Koomsam no, qhia txog tus Cawmseej uas yog Tswv Yexus Khetos, tus uas yog kuv tus Tswv thiab tus uas muaj pluaj siab hlub cov neeg coj kevcai Koomsam. Nws tau hais tias nws txojkev hlub rau neeg txhua leej txhua tus zoo yam nkaus li tus tswv yug yaj uas nws tuajyeem muab nws cuajcaum cuaj tug yaj tso tseg es, mus nrhiav tus uas ploj lawm. Nws txojkev qhuab qhia thiab txhua tus xibhwb uas coj txoj kevcai ntseeg Vajtswv tau qhuab qhia rau txhua haiv neeg nyob thooob qabntuj. Xibhwb Makhalis hais tias, "Yog muaj ib tug neeg nws hais tias nws muaj pluaj siab hlub txhua tus, tiamsis tsuas muaj ib tug nws hlub tsis tau, tus neeg hais li no tsis tau yog tus ntseeg tiag, rauqhov nws txojkev hlub duav tsis tau txhua tus: Xibhwb Aukaxastees qhia, "Yog tias txhua tus neeg ncaj nees tsuas muaj tib tug neeg thiab muaj kev txhaum xwb los, Tswv Yexus yeej kam los tuag theej tus ntawd lub txhoj." Tejlus qhuab qhia cov ntseeg no yeej meej kawgnkaus li lawm. Cov neeg coj kevcai Koomsam puavleej yog neeg thiab cov ntseeg hlub lawv. Txhua tus puav leej muaj lub hlwb xav txog Vajtswv. Peb ntsub txojkev txhaum tiamsis peb hlub tus neeg txhaum. Peb paub hlub cov neeg coj kevcai Koomsam yog los ntawm Tswv Yexus Khetos.

Kuv lub qhovmuag ntsia ntsoov cov neeg Koomsam txhom cov ntseeg Vajtswv coj mus rau txim muab txoj sawhlaus hnyav txog 50 kilus los xaav txhais kotaw, raug tsimtxom muab chawslas hlawv liab ploog los laum, muab ntsev nchuav rau qhovncauj, tsis pub haus dej, cia yoo tshaib yoo nqis, liabqab nyob tivno. Nov yog txojkev tsimtxom limhiam phem tshaj plaws ua neeg tsimtxom neeg muaj nyob rau hauv qabntuj no. Txawm luag ua phem npaum li no los, tus raug txomnyem nws tseem muaj pluaj siab hlub thov Vajtswv pab rau tus uas tsim nws thiab. Nov yog Vajtswv txojkev hlub uas tshwm tawm plaws hauv peb nplooj siab tuaj.

Tau tsis ntev tomqab no, cov neeg uas tsimtxom peb kuj raug txhom coj mus rautxim thiab. Nyob rau Koomsam txoj cai tswjhw, cov neeg Koomsam thiab cov neeg tswj txoj cai kuj raug txhom coj mus rautxim tibyam nkaus li tus uas tawmtsam lawv thiab. Thaum yus pom cov tsis ntseeg tig rov sib ntub ib tug tsimtxom ibtug, cov ntseeg yog tus los tiv thaiv pab, xum muab tus kheej los sawv tus tsis ntseeg chaw, vim nws rov tawmtsam lawv txoj cai Koomsam. Kuv pom cov ntseeg muab lawv daim movci mus cawm tus neeg tsis ntseeg (cov mov ci uas peb sib sau khaws tseg cia) thiab tej tshuaj uas peb cia cawm peb cov ntseeg coj mus cawm tus neeg Koomsam uas raug txim nyob tsev lojcuaj nrog sawvdaws uake.

Nov yog lolus kawg ntawm Lules-us Maninus, nws yog ib tug ntseeg thiab yog ib tug thawj coj qub nyob rau lub tebchaws Lumanias, nws tau tas sim neej nyob rau hauv tsev lojcuaj: "Yog tias yuav ua kom cov neeg coj txoj kevcai Koomsam poob hwjchim, yog txhua tus ntseeg tes haujlwm siv nyias txojkev ncaj nees tawm mus rau txhua txojkev pheej hmoo muab txojksia mus tiv thaiv tawmtsam cov neeg Koomsam kom dim txojkev tsimtxom".

Thaum kuv los lees yuav tus Tswv Yexus lawd, kuv lub neej hloov hlo lawm. Thaum kuv pom cov pojniam txivneej uas niajhnub taug kev mus los, ua rau kuv lub siab mob kub lug cuag li rab riam ntsia rau nruab siab. Kuv lub siab pheej nug hais tias, cov neeg ntawd puas tau txais kev cawmdim lawm los tsis tau. Yog muaj ib tug ntseeg rov mus ua kev txhaum, kuv yuav tusiab thiab quaj ntev heev rau nws. Kuv lub siab ntshaw kom tag nrho ib tsoom neeg dim txim, txawm yog cov neeg coj kevcai Koomsam los, yeej xav kom lawv dimtxim thiab.

Nyob rau qhov chaw rautxim uas nrug heev, peb thov Vajtswv tsis tau li yav dhau los lawm. Peb tshaib nqhis yam tsis muaj qhov piv tau; peb mus tsis taus kev thiab raug cab rau ub rau no yam li tus neeg tsis muaj hlwb. Peb qaug zog thiab tshuav ib tsuag txha lawm xwb. Peb tswj tus kheej thiab nco tsis tau Vajtswv tejlus qhia kom thov Nws pab, rauqhov peb lub zog yeej tag nrho lawm. Kuv lo lus thov uas kuv hais taus yog; "Tswv Yexus kuv hlub koj".

Muaj ib hnub tshwjxeeb kuv hnov ib lolus teb los ntawm Tswv Yexus hais tias, "Koj hlub kuv tiag lod? Yog li cia kuv ho qhia kuv kev hlub rau koj

pom". Tamsim ntawd, muaj ib qhov kub lug hauv kuv lub siab tuaj, kub cuag li lub cubtawg uas muaj cov nplaim sib ntswgyos zoo li thaum hnuv tawm tuaj. Yam nkaus li thaum cov thwjtim taug kev mus lub nroog Emaus lawv hais tias muaj hluavtawv kub tuaj hauv lawv nruabsiab thaum Tswv Yexus nrog lawv tham. Nws tshwmsim rau kuv tibyam nkaus. Kuv paub tseeb tias tus uas muab nws txoj sia los tuag saum tus ntookhaublig txojkev hlub muaj nyob nrog peb txhua tus. Txojkev hlub no yuav tsis cais cov neeg uas coj txojkev cai Koomsam thiab yuav zam tau lawv tej kev txhaum.

Cov neeg Koomsam yeej yug nyob los hauv txojkev limhiam thiab yeej yuav siv txoj kev tsimtxom ntxiv mus, tiamsis "txoj kev hlub muaj zog tshaj qhov ntawd lawm. Txawm tias txojkev tsimtxom ntawd yuav txeem nyab puv nkaus li dej los yeej tsis muaj peevxwm kovyeej txojkev hlub hlo li". (Xalaumoos zaj nkauj 8:6-7). Yog lub rooj ntxa tseem muaj qhib tos txhua tus, txojkev hlub puavleej kov yeej tus muaj thiab tus pluag, tus hlus thiab tus laus, txiv neej, pojniam thiab txhua haiv neeg, txhua lub tebchaws, tej neeg ua nom ua tswv, tus muaj txim, tus ncaj ncees huv tibi. Tswv Yexus txojkev hlub qhib qhov rooj kom txhua tus los cuag tau Nws.

Muaj ib tug Xibhwb raug tsimtxom hnyav kawgnkaus coj los nyob nrog kuv chav. Tshuav txoj sia tsis tu xwb, ntshav ntwis saum nws taubhaus ti nkaus nram kotaw. Peb pab ntxuav nws cov ntshav tawm ntawm nws lub cev. Muaj ib cov raug txim nyob uake chim heev lawv cem cov neeg Koomsam limhiam ua tsimtxom tus xibhwb no. Tus Xibhwb, maj mam hais lus tom nws qa tuaj tias, "Txhob cem lawv! Cia li ua twjywm! Cia peb koom siab thov Vajtswv pab lawv yuav zoo dua."

### **Peb Muaj Kev Kajsiab Tau Licas -- Thaum Nyob Txim**

Thaum kuv tig ntsia rov qab 14 xyoo uas kuv nyob rau tsev lojcuj dhau los lawm, nws yog ib lub caij uas nyabxeeb thiab zoosiab kawg. Lwmtus neeg raugtxim thiab cov tub ceevxwm zov cov neeg raugtxim xav tsis thoob hais tias, vim ua cas cov ntseeg Vajtswv raugtxim ho yuav muaj kev ywjpheej zoosiab ualauj li. Txawm yog lawv nyob rau qhov chaw phem tshajplaws los lawv tseem muaj kev kajsiab kawg thiab. Peb cheem txojkev hu nkauj uake tsis tau hlo li. Txawm tias yuav raug nplawm los tseem hu nkauj uake. Kuv xav tsis thoob hais tias tus noog uas txawj quaj ua suab seevyees txhib neeg ua qoob loo los yeej raug neeg tua thaum nws tabtom quaj lub suab seevyees. Cov ntseeg nyob rau tsev lojcuj seevcev rau txojkev kajsiab. Muaj kev zoosiab rau txojkev raug tsimtxom tau licas?

Thaum kuv raugtxim kuv tswj kuv lubsiab nyob twjywm xav txog Tswv Yexus cov lus qhuab ntuas nws cov thwjtim, "Yexus tig los hais twj-

ywm rau cov thwjtīm hais tias, "nej tau koobhmoov rauqhov nej pom tej no" (Lukas 10:23). Tomqab uas cov thwjtīm mus ncig xyuas Palexatees tebchaws raug kev txomnyem ntau yam rov los txog tsev. Muaj neeg raug tsimtxom, quabyuam caijtsuj nyob thob plaws rau qhov txhiachaw uas lawv ncig mus txog. Cov thwjtīm ntsib tej neeg muaj mob, mobuav, mobruas, tshaihnqis, thiab ua ntsuag. Lawv mus xyuas tej neeg uas muaj pluajsiab hlub tshua lub tebchaws raug txhom coj mus kaw, cia tej pojniam menyuam quajntsuag nyob tomqab. Yog ib lub ntiajteb uas tsis ntxim nyob kiag li.

Tabsis Tswv Yexus tseem hais tias, "Nej tau koobhmoov rauqhov nej pom tej no." Rauqhov tsis yog lawv pom tej neeg txomnyem xwb. Lawv pom tus Cawmseej thiab. Thawj zaug uas lawv paub txog tus kabntsig pib nws lub-neej noj tej nplooj xyooob nplooj ntoos, nyob txomnyem ntsuav tuag mus nyob rau lub plhaub mam plhis mus ua tus kab npaujnpaim, muaj tis ya tawm hauv lub plhaub mus tsaws rau tej pajntoos ib lub dhau ib lub uas muaj txojkev ywjpheej thiab zoosiab. Txojkev zoosiab ywjpheej no yog cov ntseeg tug.

Kuv lub neej muaj ntsis zoo li "Yauj" tsuas yog muaj qee yam sib txawv mentsis xwb. Tiamsis kuv paub txog thaum kawg Yauj lub neej xaus licas, uas nws tau txais koobhmoov ob npaug ntau tshaj qub. Kuv pom tej neeg lub neej zoo ibyam li Laxalaus tus txivneej thov khawv, tus uas tshai plab tsis muaj mov noj thiab dej haus li, nws lub cev tseem muaj mob thiab ua paugviag. Tiamsis kuv paub tias thaum nws tuag muaj cov Tubtxib los coj Laxalaus mus nrog Anplasham nyob lawm. Kuv yuav tau pom lawv rau lub neej tom ntej. Kuv yuav ntsib cov neeg pluag, txomnyeem, qias neeg, cov tsis muajzog, cov raug tsimtxom txais lawv tej koobhmoov rau tagkis.

Thaum yus saib neeg lub neej, tsis yog yus yuav pom lub neej uas niaj hnub nimno muaj xwb, tiamsis yus pom nws lubneej rov yav tom ntej. Kuv kuj pom cov neeg uas tsimtxom peb lub neej yuav zoo ibyam nkaus li Xaulaus, tus txivneej nyob lub nroog Thaxus uas hloov lub npe tshiab hu ua Povlauj. Kuv twb pom kiag lawm tias twb muaj ib txhia hloov los ua li hais ntawd lawm. Coob tus tub ceevxwm thaum kawg lawv los ntseeg peb tus Vajtswv thiab lawv raug tsimtxom coj mus kaw ibyam li peb, lawv tau txais txojkev zoosiab. Peb txhua tus puavleej raug nplawm ibyam nkaus li thaum ub xibhwb Povlauj raug. Nyob rau hauv tsev lojcuj peb pom lub sijhawm zoo tshaj plawm rau peb yog qhia Vajtswv Txojmoo Zoo rau cov neeg zov peb yam nkaus li cov raug txim nyob rau lub nroog Filipis. Peb txojkev npausuav no tshwm sim ceev heev. Lawv thiaj tau nug peb hais tias, yuav ua licas peb thiaj yuav dim tau? Cov uas muaj pluajsiab limhiam ntxub ntxaug cov ntseeg, nrhiav tshuav txhua txhia txoj haukev txhom cov ntseeg coj mus rau txim, muab khi, muab cuab, muab nrhab ua dajteg rau saum tus ntoo khaublig. Thaum kawg peb pom lawv cov no rov xuas lawv ob txhais tes los npuaj lawv lub hauvsiab lees thiab ntshai txog lawv tej kev limhiam,

kev txhaum uas lawv tau ua dhau los lawd.

Twb yog txojkev raug txim peb thiaj nrhiav tau txojkev cia siab rau cov neeg coj txoj kevcai Koomsam no. Twb yog peb nyob hauv tsev lojcu, peb thiaj paub tig los txhim kho lawv. Twb yog peb raug lawv tsimtxom peb thiaj kawm tau txojkev rov hlub lawv.

Kuv tsev neeg feem coob raug tua tuag tas. Twb yog kuv tsev neeg raug tua tuag tag lawv thiaj li dim lub txim. Nws yog qhov chaw uas zoo tshaj plaws. Yog li ntawd txojkev tshaj Txojmoo Zoo rau cov neeg Koomsam thiaj xub tshwm sim hauv tsev lojcu tawm tuaj tau.

Vajtswv pom txawv li koj thiaj kuv pom, txawv deb npaum li tus ntsaum thiab neeg. Raws li neeg lub qhov muag pom yog muab ib tug neeg ntsia ua dajtes saum ntoo khaublig mas yog ibyam limhiam thiab phem tshaj plaws. Tiamsis raws li Vajtswv txoj lus, txojkev tsimtxom no tsuas yog ibyam li, "tus nyuag saus chob xwb." txojkev nyob txim tau 14 xyoo tsis yog lub rau neeg. Vaj tswv txoj lus hais tias, "Ib vuag xwb." Thiab tseem qhia ntxiv tias, kev txomnyem yuav pab kom yus tau txais koobhmoov (2 Kaulithaus 4:17). Yog li qhov no qhia rau peb paub tias tsimnyog peb yuav tau zam txim rau cov neeg Koomsam uas lawv tau tsimtxom peb, vim Vajtswv saib txojkev tsimtxom txawv li peb saib. Neeg rov tsimtxom neeg, yeej muaj nyob ib tiam dhau ib tiam los lawm, ib txhiab xyoo ntawm neeg, Vajtswv suav tias yog ib hnub xwb, nws zoo yam li cov hmoovav uas muab w yaj ntsis lawm xwb. Yog li lawv cov uas tsimtxom cov ntseeg no tseem muaj caij rau lawv dim tau.

Lub qhovrooj ntuj Ceebtsheej tseem tsis tau kaw rau cov neeg Koomsam. Thiab tes tsau tseem ci rau lawv. Lawv muaj cuabkav los lees lawv tejkev txhaum li lwmleej lwmtus. Thiab peb yuavtsum txhawb lawv zog kom lawv muaj caij los lees.

Tib txogkev hlub xwb thiaj yuav hloov tau cov neeg Koomsam thiab tus neeg rhawv txojkev tsimtxom. Txojkev ntxub ua rau neeg digmuag. Hivlawj yog ib tug uas ntxub cov neeg Koomsam, tiamsis nws yog tus sawvdaws ntxub. Tsimnyog nws yuavtsum kovyeej lawv, tiamsis nws yog tus pab kom lawv yeej ib feempeb hauv cov tebchaws .

Twb yog vim txojkev hlub peb thiaj muaj lub niam tswvyim nrhiav kev tshaj Txojmoo Zoo thaum peb nyob rau hauv tsev lojcu. Uantej tshajplaws peb xub xav txog cov thawj coj Koomsam.

Muaj ib txhias thawj coj tau kawm keeb kwm me me txog txojkev tshaj Txojmoo Zoo no. Nauves los ntseeg Vajtswv tau licas? Txojkev yeej vajntxwv Aulaj, Txojmoo Zoo mus txog Lavxias thawj tug vajntxwv, Vis-Idemaw los ntseeg Xees-Xatafinaus yog tus coj Hankalis los ntseeg, uas yog nws tus Huabtais tityam nkaus nyob rau Pauslees tebchaws . Nyob Aflikas, txhua qhov chaw uas tus thawj coj los ntseeg, cov pejxeem raws qab. Peb teev tes haujlwm ua tej thwbthem tseg thiab tus neeg uas peb ntseeg tias thaum



nws los ntseeg lawd yuav yog ib tug ntseeg ruaj khov thiab yuav tsis tsim kev tawmtsam Tseemhvw tej kevcai ibyam dabtsi.

Peb yuavtsum ua kom yeej cov thawj coj, cov tswjhwm tebhaws, cov tublag luam, cov neeg muaj tswvyim thiab cov neeg txawjntse. Lawv yog lub hub ntim neeg tej ntsujplig. Yog peb yeej lawv cov no, twb yog peb yeej tag-rrho tej pejxeem uas lawv coj.

Raws li kev sojntsuam los ntawm cov tshaj Vajtswv Txojmoo Zoo pom, txoj kevcai Koomsam muaj lub niam tswvyim coj ncaj nrab rau phab kev tswjhwm no dua li lwm yam kev tswjhwm. Yog tias, tus thawj coj hauv tebhaws Amelikas coj kev cai Maumoom. Pejxeem Amelikas yuav tsis raws qab mus coj Maumoom kevcai vim nws yog tus coj. Tabsis, yog tias tus thawj coj ntawm cov Koomsam hloov los ntseeg, tej zaum tag lub tebhaws yuav yoojyim rau txojkev tshaj Txojmoo Zoo . Tus thawj coj yog tus cag tseemceeb .

Cov thawj coj no puas yuav kam los ntseeg? Lawv yuavtsum kam! Rauqhov lawv yeej tsis muaj lub neej kajsiaib thiab tsis ruaj khov ibyam nkaus li lawv tus yeeb ncuab thiab. Cov thawj coj Koomsam Lavxias yuav luag ib nrab lub neej ces tsuas xaus rau hauv tsev lojcuj thiab raug tua povtseg xwb. Nyob rau Suavteb tibyam nkaus. Txawm yuav zoo li tus thawj tswjhwm kev Ruajntseg Ianka-ua, Yehov, Npelias uas muaj hwjchim loj kawg kaus los; thaum txojhia tu yog tib lub mostxwv raug nraud xub qwb mus xwb. Yav dhau los lawm , Lavxias tus thawj tswjhwm kev Ruajntseg Selepees, thiab Lakoviv Yukauxalavias tus thawj tswjhwm kev Ruajntseg, raug ncaws tawm haujlwm zoo yam nkaus li tus nastsuag uas tsis muaj qhov nkaum.

### **Peb Yuav Tawmtsam Lawv Txojkev Ntseeg Tau Licas?**

Cov neeg Koomsam txoj kevcai tsis ua rau ib tug neeg twg tau txais kev kajsiaib hlo li, txawm yog tus thawj tswjhwm loj kawg los yeej tsis muaj. Lawv ua lub neej nyob nyuaj siab ntsuav, pw tsis tsaugzog thiab ntshai rwg tсам tub ceevxwm tuaj txhom coj mus rautxim lossis tua povtseg xwb, vim txojkev tswjhwm tsis yog tus thawj coj tiamsis yog pab pawg ua cov tswj.

Kuv paub nrog Koomsam cov thawj coj coob leej. Lawv txhua tus muaj kev ntshov siab kawg nkaus, tsuas yog Tswv Yexus tib leeg xwb thiaj yuav yog tus pab tau lawv.

Yog cheem tau ib tug thawj coj Koomsam, mas tseemceeb npaum nkaus li cheem tau tus zog ntawm ib lub foobpob loj loj uas yuav tawg txov tau neeg txojhia thoob ntiatjeb. Tej nyiaj xtiag uas yuav coj los pab cawm tej neeg tshaib nqis lawv muab coj mus muas riam phom coj los npaj tos yuav txov neeg txojhia nkaus xwb. Kev yeej cov thawj coj Koomsam yog Tswv

Yexus thiab cov tub txib saum qaum ntuj txojkev kajsiab. Muaj ntau qhov chaw uas cov tshaj Vajtswv Txojmoo Zoo tau sibzog ntsos ua haujlwm xws li, nyob rau Nis Nkine-as los yog Madanka-xakas uas cov thawj coj Koomsam los ntseeg. Txojkev hloov no yog ib txoj hau kev tshiab rau cov ntseeg zoo ua haujlwm.

Kuv paub zoo nrog cov neeg Koomsam ua los ntseeg Vajtswv. Thaum kuv tseem yog tub hluas, kuv yeej yog ib tug coj txojkev cai no thiab. Cov neeg Koomsam, thaum lawv los ntseeg lawd, lawv hlub Vajtswv heev, vim thaum lawv tseem tsis tau ntseeg, lawv ua txoj kev txhaum loj heev.

Yog ntsia ntawm sab kev dim txim mas txhua tus ntsujplig puavleej muaj nujnqis ibyam nkaus. Tiamsis qhov tseemcee tshaj mas yog yus mus coj tau ib tug thawjcoj es thaum yus coj tau nws lawm ces nws ho mus coj tau coob tus los ntseeg thiab. Vim li no, Tswv Yexus thiaj tsis nyiam tshaj Txojmoo Zoo no hauv tej zos me me, tiamsis nws tshaj Txojmoo Zoo rau hauv nroog Yeluxalees, uas yog lub nroog uas yog neeg thoob ntiajteb txojkev ntseeg qhov chaw vam khom. Tib lub niam tswvyim no, Povlauj thiaj xaiv lub nroog Loo ua qhov chaw taug nws zaj lus iabliam.

Vajtswv txoj lus qhia hais tias, tus pojniam cajces yuav tsoo nab lub taubhau (Chk 3:15). Peb lij nab lub plab, ua rau nab tuaj dabros. Niajhnuv nimno nab tseem chaublaug mus mus los los nyob rau Suavteb, Kauslim Qaumteb, Cobtsib teb "nyabljaj" thiab Lostsuasteb "Nplog". Nyob rau tej tebchaws sab hnub tuaj nruabnrab yeej tsis pub kom muaj ib lub tuamtsev pehawm Vajtswv hlo li. Txojkev tswjhwm limhiam phem li tej tebchaws hais los no tsimnyog cov ntseeg yuavtsum muab los tshaj tawm qhia rau txhua tus kom nrog paub.

Peb yuavtsum tsis txhob tso tes haujlwm no tseg. Vajtswv Txojlus yeej sau tseg li no. "Tus neeg twg tsis rau siab ua tus Tswv tej haujlwm kawg siab kawg ntsws, tus ntawd yuav raug foom" (Yelemis 48:10). Pawg ntseeg yuavtsum tsim txhua yam los tivthaiv cov ntseeg txojkev ntseeg uas yuav raug dab ntxwngnyoog ntxeev ntxias. Kev kovyeej tsovrog yog los ntawd cov tub rog uas nyob tom hauvntej, tsis yog los ntawd cov tuaj tomqab.

Nkauj Qhuas Vajtswv 107:16 "Nws rhuav kiag lub roojvag tooj povtseg, thiab tsoo kiag tej nqajhlau lov ntho." Lub roojvag tooj yog ibyam uas yooj yooj yim rau Vajtswv rhuav.

Cov ntseeg thaum ub lawv pib tes haujlwm nraimnkoos thiab tsis raws txoj cai thiab thaum kawg lawv tau txais kev muaj yeej. Peb yuavtsum tau rov mus xyaum raws li tes haujlwm thaum ub ntawd.

Los txog rau tiam Koomsam tswj, Kuv ibtxwm tsis totaub hais tias cov neeg thaum ub uas hais nyob rau hauv Vajtswv Phau Ntawv phau tshiab lawv pheej siv lub npe cuav ntau yog vim licas. Xime-oo hu ua Nekhaw (dub), Yauhas hu ua Malakaus thiab lwm lub npe. Peb siv cov npe txawv li

no ua haujlwm nyob rau cov tebhaws uas tsis muaj kev ywjpheej.

Kuv yeej ibtxwm tsis totaub hais tias, vim licas thaum Tswv Yexus txib ob tug thwjtim mus npaj puas mov kawg, Nws tsis qhia qhov chaw meej tiamsis cia li hais tias, "Neb cia li mus hauv nroog, neb yuav ntsib ib tug txivneej kwv ib hub dej" (Malakaus 14:13). Tsam no kuv mam totaub. Peb siv tej cim uas zoo ibyam li hais no ua Vajtswv tes haujlwm nyob tuaj qabrooj.

Yog peb pomzoo coj tej cim uas cov tshaj Vajtswv Txojmoo Zoo thaum ub los siv rau niaj hnuv nimno peb yuav muaj cuab kav ua tes haujlwm zoo rau tej lub tebhaws uas tsis qhib qhov rooj rau Txojmoo Zoo

Tiamsis thaum kuv tau ntsib nrog cov thawj coj pawg ntseeg uas nyob rau sab Hnubpoob, tsimnyog lawv yuavtsum hlub cov neeg Koomsam raws li koomhaum tshaj Vajtswv Txojmoo, tiamsis kuv ho pom lawv muaj txoj cai txhawb Koomsam tog xwb. Kuv xam tsis pom muaj ib tug neeg siab zoo li tus neeg Xamali uas yuav hmov tshua txog tug neeg tsis muaj kev cia siab xws li KhausMas tsev neeg.

Tus neeg txojkev ntseeg tsis yog nws yuav ntseeg rau yam uas nws kawm cim nco tau, tiamsis yog yam uas nws txaussiab yuav tuag tau rau. Cov ntseeg uas pehawm Vajtswv nyob tuaj qabrooj muaj peevxwm tuag tau rau lawv txojkev ntseeg. Peb txojkev sib koomtes, yog txhawb cov ntseeg uas ua hais no tes haujlwm nyob rau cov tebhaws uas tsis ywjpheej. Cov ntseeg no niaj hnuv raug txhom coj muskaw, tsimtxom, thiab raug tua pov tseg yog tias luag ntes tau. Kuv ntseeg raws li cov lus kuv sau no.

Kuv muaj cai thov: Cov thawj coj pawg ntseeg hauv tebhaws Amelikas uas ua phoojywg nrog cov neeg coj kevcai Koomsam puas txaus-siab tuag rau lawv txojkev ntseeg? Leej twg yog tus txwvtxiav tsis pub lawv tso lawv tes haujlwm uas muaj hwjchim siab tuaj ua tus thawj coj nyob rau sab hnubtuaj koomtes nyob uake nrog cov neeg Koomsam? Tsis tau pom muaj ib tug thawj coj uas nyob sab hnubpoob no ua tau povthawj qhia nws txojkev ntseeg rau zaj no kiag li.

Neeg tejlus muaj lub suab nrov ncha tawm kom muaj tus hnob thiab txawj totaub txog neeg tej kev xav ntawm ib leeg rau ib leeg. Neeg tsis muaj ib lo lus tob lossis meej yuav qhia tau Vajtswv txojkev txob txhawj txog neeg lub neej muaj sia. Neeg tsis muaj ib lo lus yuav txhais kom meej thiab qhia kom tob txog txojkev tsimtxom uas limhiam. Koj puas piav tau ib lo lus meej txog cov neeg Nasxis tabtom muab ib tug neeg raugtxim pov rau hauv lub cub tawg. Lossis nws tabtom ntsia ntsoov luag yuav muab nws tus menyuum pov rau hauv lub cub tawg?

Zoo li tsis muaj qab hau rau koj tus uas nyeem txog zaj uas cov neeg Koomsam tsimtxom cov ntseeg niaj hnuv nimno. Vim tsis muaj ib lolus yuav los hais qhia tau meej.

Kuv raug nyob txim nrog Luklite-aus Patakamus, tus neeg uas coj txoj kevcai Koomsam los rau tebchaws Lumanias. Nws cov phoojywg muab nqi zog pauj rau nws yog coj nws mus nyob hauv tsev lojcuaj. Lawv ntseeg tias nws vwm, lawv coj nws mus kho rau hauv tsev kho cov neeg vwm thiab nyob nrog cov neeg vwm, txawm nws tsis yog tus vwm los nyob hauv ntev ces, nws cia li ciaj ua ib tug neeg vwm lawm tiag. Lawv ua tibyam nkaus li rau Anas Phaukawj uas yog lawv tus thawj tswj kev ruaj ntseg lub tebchaws. Muaj ntau zaus cov ntseeg raug txojkev tsimtxom tibyam nkaus li hais. Lawv xuas hluav taws xob hlawv tus neeg lub cev.

Neeg ntiajteb xav tsis thooob txog tej xwmtxheej phem muaj tshwm sim nyob rau hauv plawv kev Suavteb. Sawvdaws ntsia pom, cov tub ceevxwm hnav tsoostsho muaj tus cim ntaub liab yog cov tsimtxom. Tsam no xav kom koj xav txog cov ntseeg uas raug tsimtxom nyob rau tsev lojcuaj uas nyob Suavteb es nyob rau tej chaw nraim nkoos tsis muaj tus pom! Kuv hnov tias muaj cov tub ceevxwm sau ntawv yuam kom cov Suav ntseeg Vajtswv cia li kos lawv lub npe rau hauv daim ntawv tias lawv tuaj yeem tso lawv txojkev ntseeg tseg. Yog lawv kam ua li, lawv thiab tsis muaj txim, tiamsis cov Suav ntseeg tsis kam ua li hais. Cov tub ceevxwm xuas riam txiav lawv tej pobntseg, tej nplaig, thiab ob txhais kotaw povtseg. txojkev tsimtxom no tseem muaj tsis tu ncuu nyob rau tebchaws Suav.

Cov Koomsam txojkev limhiam phem kawg nkaus. Lawv ua txhua yam ntseeg ntxias kom tej pojniam txivneej tub ntxhais hluas thiab menyuam tej hlwb qauj txhob muaj kev cimxeeb txog txojkev ntseeg. Lawv tsa ib cov thawj coj tuaj ua cov tswj pawg ntseeg thiab tsim kev kub ntshov rau cov ntseeg. Lawv cob qhia kom tej tub ntxhais hluas txhob ntseeg Vajtswv thiab ntshov Tswv Yexus lub npe.

Peb yuav muab lolus twg los qhia kom meej rau txojkev tsimtxom no? Thaum tej niam tej txiv uas ntseeg Vajtswv raug nomtswv txhom coj mus kaw lawm. Luag txwv kom lawv cov menyuam txhob ntseeg es npaj ua cov tawm-tsam niam thiab txiv thaum tawm hauv tsev lojcuaj rov los.

Phau ntawv no tsis yog xuas kob cwjmem sau xwb, tiamsis yog sau nrog cov ntshav uas ntwis hauv nruab siab los thiab.

Phau ntawv Danias qhia txog thaum luag muab peb tug hluas uas raug luag muab coj mus pov rau hauv cubtawg lawv yeej tsis muaj kev txob txhawj ntshai dabtsi hlo li, lawv twb tsis hnov cov pataws tsw, tibyam nkaus li cov ntseeg uas raug cov Koomsam coj mus rau txim, lawv yeej tsis muaj lub siab cibnyeej rau cov Koomsam ibyam nkaus.

Lub pajntoo, thaum yus xuas kotaw tsuj nws yuav tawm ib co kua tsw qab los rau yus hnia. Thaum cov ntseeg raug Koomsam tsimtxom, lawv yuavtsum pauj txojkev hlub rov rau cov neeg Koomsam uas tsimtxom lawv. Peb coj tau cov neeg zov neeg raugtxim coob leej los ntseeg Vajtswv. Thiab

peb muab tag nhro yam zoo uas peb muaj coj los ua kom yeej cov Koomsam lub siab nyaum es lawv thiab yuav tau txais txojkev cawm dim ntawm peb tusVajtswv.

Kuv tsis tau koobhmoov ntau npaum li kuv cov phoojywg coob tus uas lawv tau tag lawv txojhia rau txojkev tsimtxom no. Vim kuv raug tso tawm hauv tsev lojcuj thiab xa tawm hauv tebchaws Lumanias mus rau cov tebchaws sab hnuv poob lawm.

Nyob rau sab tebchaws hnuvpoob kuv pom cov thawj coj hauv cov pawg ntseeg coob tus tsis muaj pluaj siab hlub txog cov ntseeg uas raug tsimtxom tsis muaj kev pehawm Vajtswv ywjphee li. Cov ntseeg nyob rau sab hnuvpoob feem coob yeej tsis muaj pluaj siab hmov tshua txog cov tebchaws uas muaj cov ntseeg raug tsimtxom no. Qhov no ua povthawj qhia meej tias lawv yeej tsis ua ibyam dabtsi rau lawv txojkev dim txim li. Lawv niaj hnuv siv lawv lub sijhawm mus ncig thiab qhia ib pab dhau ib pab kom rau siab ua Vajtswv haujlwm. Tiamsis ho tsis muaj cov quavntsej tes haujlwm no. Lawv tseem hais tias, yog yus mus tshaj Vajtswv Txojmoo Zoo rau cov tebchaws Koomsam no ces yog "tawm tsam nom tswv tej cai"! Lawv yeej tsis muaj pluaj siab hlub lwmtus tiag. Lawv yeej tsis muaj ib lub tswvyim mus pab lwmtus li ob peb tug thawj coj thaum ub uas yog Visliaj Khaes, tus uas muaj pluaj siab hlub cov neeg Khab thiab Hawjxam Thailawj, tus uas nqis tes mus pab coj cov Suav los ntseeg. Twb tsis yog lawv tsis muaj pluaj siab hlub tshua rau cov tebchaws uas raug kev tximtxom xwb. Lawv yeej tsis kam ua timkhawv qhia txog Vajtswv zaj rau neeg tiag. Lawv tseem cav khav hais tias lawv ua tau ntau yam kawg li. Tiamsis muab ua zoo saib los, lawv txoj kev ntseeg yog ntseeg yuamkev. Lawv muaj plhus rau tej tes haujlwm yooj yoojyim uas yog tes haujlwm tuag. Lawv qhib qhovrooj rau cov neeg Koomsam kom txem tau rau cov thawj coj pawg ntseeg sab hnuvpoob thiab thaum kawg kom lawv muaj yeej los ua cov thawj tswj pawg ntseeg hauv ntiajteb no. Lawv ua lino yog txhawb kom cov ntseeg tsis txhob ras txog Koomsam txoj kevcai. Yog tsis muaj pluaj siab hlub cov neeg Koomsam thiaj tsis hlub cov tebchaws uas muaj cov ntseeg raug tsimtxom. Tsis ua ibyam dabtsi uas yuav mus coj neeg los ntseeg Vajtswv tiag (xws li thaum ub muaj ib tug ntseeg mus thov kev tso cai ntawm Neslaus mus tshaj Vajtswv Txojmoo Zoo). Yog lawv tsis muab kev koomtes nrog tawmtesam tivthaiv txojkev phem limhiam uas muaj nyob hauv ntiajteb no, qhia tau tias tsis yog lawv tsis hlub lwmtus tiamsis yog lawv rov tsis hlub lawv ntag.



### Zaj Keebkwm Uas Raug Tsis Lees Paub

Nyob rau tiam ib, cov ntseeg nyob rau Aflikas Qaumteb huajvam coob. Pib txij li pawg ntseeg Xees Aukawxatees, Xees Athanaxis-us, Xees Xaiplias, thiab Thawlulias. Cov ntseeg Aflikas Sab Qaumteb tsis quavntsej ib tes haujlwm tseemceeb. Lawv tsis mus coj kom tau Mauhamej-das los ntseeg Vajtswv. Nuj nqis ntawm qhov lawv tsis quavntsej no, Mauhamej-das yog tus tswj tagrho Aflikas Sab Qaumteb. Tsam no Aflikas Qaumteb yog cov neeg coj txoj kevcai Musxalees thiab lawv hu tias "cov ntseeg Vajtswv tes haujlwm uas muab khi khuam tseg tsis muaj tus daws tau". Cia peb los kawm txog tej keebkwm no!

Nyob rau tiam uas txhim kho, muaj cov thawjcoj muaj pluaj siab kublug xav hloov xws li Hus, Luthawj thiab Khauvees lawv yog cov ntshaw kom cov neeg Yulauv hloov txoj kevcai ntseeg uas muaj tib tug coj ua tus thawj txivplig. Lub tswvyim no cia li sawv los ua ib lub hwjchim muaj zog rau txojkev sibtw ua nom ua tswv thiab txojkev nrhiav noj nrhiav haus. Tibyam nkaus li cov ntseeg tuaj qabrooj txojkev muaj peevxwm tsis qaugzog rau txojkev tshaj Vajtswv Txojmoo Zoo. Lawv ua txhua yamtsav kom muaj ib hnuv lawv tau txais txojkev teev tiam Vajtswv ywjsiab.

Cov neeg tsim kev tsimtxom lawv muaj cuabyeej ua rog foobpob nuklias uas muaj peevxwm yuav tsim kom muaj tsovrog ntiajteb zaum tshiab. Tej tubrog yuav siv tej cuabyeej no tua lawv cov yeebncuab tuag txog txhiab txhiab tus neeg. Cov thawjcoj nyob Sab Hnubpoob coob leej raug luag muab lawv tej hlwb ntxuav tag. Lawv yeej tsis quavntsej txog qhov yuavtsum tau muab cov neeg limhiam no tshem tawm. Lawv niaj hnuv hais ntawm lawv lub qhovncauj. Lawv xav twjywm tias tus neeg quavyeeb, tus neeg limhiam, tus neeg mob txha dabtog (nqaijlwj), thiab tus neeg mob kabntsws yuav cia li txawj ploj twjywm mus, tiamsis lawv tsis totaub txog Koomsam txoj kevcai tswjhwim limhiam uas muaj peevxwm tsimtxom txov tau neeg txojhia coob tshaj tej kab mob txov.

Elaiyas Ethenpaw yog ib tug kws sau ntawv. Nws hais tias yog Xatalees lub neej tsis muaj dabtsi ua, cia nws los nyob teev cov neeg ncajneces uas nws txhom coj los tua pov tseg xwb, tas nws lub neej xyov puas yuav teev tag. Lavxias tus thawjcoj Kutshev tau hais tawm nyob rau lub rooj tsavxwm sib ntsib zaum 20, tagrho cov thawj tsavxwm tau hais tias, "Xatalees tau txov cov neeg Koomsam ncajneces tsis muaj kev txhaum txog txhiab txhiab leej povtseg...Ib puas pebcaug cuaj leeg uas yog tib pab thiab cov yuav los tuav lub rooj tswjhwim nrab nyob rau lub rooj tsavxwm phaum kaum-xya, cuajcaum yim leej ntawm cov tsavxwm yog xyacaum feem pua ntawm cov thawjcoj no raug txhom coj mus tua povtseg".

Sim xav twjywm seb ua licas rau cov ntseeg Vajtswv! Khutshej

tawmtsam Xatalees, tiamsis Khutshej tes haujlwm kuj tsis txawv Xatalees tibyam nkaus thiab . Txij xyoo 1959, ib nrab ntawm cov tsev pehawm Vajtswv hauv Lavxias tebchaws tau raug kaw tag.

Nyob rau Suavteb, nthwv cua limhiam uas los raug rau cov neeg nyob rau tiam Satalees kav, tseem phem tshaj lwm qhov lawm thiab. Cov tsev pehawm Vajtswv uas ibtxwm raug tso cai, puavleej raug kaw tag huv tibsi. (Tomqab uas txoj kevcai Koomsam rhais mus nyob rau Lavxias, Tseemhvw tau lees tias lawv tau txhom cov ntseeg ua tsheej pab coj mus tsimtxom tiag).

Txoj kev tawmtsam thiab txwvtxiav, uas muaj nyob rau txhua lub noog tojroob hauvpes uas muaj tej pejxeem coob txog txhiab txhiab tus neeg, tub ntxhais hluas ib tiam dhau ib tiam raug cobqhia ntxeevntxias kom lawv muaj txojkev ntsub ntxaug cov neeg Sab Hnubpoob, tej kevcai tswjhwm, thiab tshwjxeeb yog cov ntseeg Vajtswv.

Yav tas los nyob rau Lavxias tebchaws, yeej tsis tshua muaj cov tub ceevxwm sawv nres nroos ntawm roovvag ntawm tej tuamtsev pehawm Vajtswv ntsia tej menyuum yaus. Tiamsis nimno muaj cov tub ceevxwm zov rawv lawm. Lawv ntsia ntxoov yog muaj ib tug menyuum twg nkag mus rau hauv lub tuamtsev pehawm Vajtswv, yuavtsum raug cov tub ceevxwm xuas xibteg npuaj plhu thiab muab rub tawm. Cov tebchaws uas yog Koomsam tswjhwm, lawv yeej muaj lub siab limhiam li no thiab lawv tseem muaj kev cob qhia muaj qib zuzus ntxuav tej menyuum hlwb kom txhob muaj ib yam kev ntseeg twg nyob rau hauv tej neeg nruab siab li.

Tsuas muaj tib lub zog uas yuav hloov tau Koomsam txojkev tswj-hwm limhiam no xwb. Qhov ntawd yog lub zog qub uas yog cov ntseeg thaum ub siv tawmtsam cov neeg Loo, cov ntseeg lub zog uas ua rau Thawtoo thiab Vaikhees puas tsuaj. Lub zog uas rhuav tshem tejlus iabliam ua rau roj ntshav nrog. Lub zog nchav no yog, Txojmoo Zoo , uas muaj cov ntseeg tes haujlwm zais ntshis hauv qabrooj rau txhua lub tebchaws uas muaj kev caij-tsuj.

Koj txhawb cov ntseeg thiab pab tau lawv, tsis yog tsuas koom txoj-kev txomyeem nrog lawv xwb. Tiamsis yuavtsum koom txojhia, tuag pauv pawg ntseeg chaw, thiab koj lub tebchaws. Yuav txhawb tau cov ntseeg no, tsis yog tias yuav tso kom cov ntseeg dim xwb, tiamsis yog tso kom tseem-hvw muaj txojcai tswjhwm ywjpheej. Cov ntseeg nyob rau qabrooj, lawv twb muaj yeej ua rau cov thawjcoj Koomsam los lees yuav Vajtswv lawm. Tsi-aus nki-us yog Lumanias tus Thawj Pwmtsav, uantej nws yuav tuag nws tau lees nws tej kev txhaum thiab lees yuav Vajtswv ua nws tus Tswv. Nyob rau cov tebchaws uas muaj txoj kevcai tswjhwm phem no, cov thawjcoj coob leej lawv tau zais lawv tus yam ntxwv rau lawv kev ntseeg. Tej yam zoo li no yuavtsum muab nthuav tawm. Thaum muab nthuav tawm li no lawm peb yuav pom Tseemhvw hloov lawv tej kevcai yam puav. Txojkev hloov no

yuav tsis zoo li Titaus thiab Nkaumukas uas yog ob tug thawjcoj uas muaj pluaj siab limhiam coj nyaum heev, cia nws pab pawg ua cov tsvj tag mus li. Tiamsis thaum kawg nws kam hloov mus rau txojkev ntseeg Vajtsvwi thiab muaj txojkev ywjphee rau sawvdaws.

### Lub Sihawm Zoo Los Txog Lawm

Tus neeg uas ntseeg txoj kevcai Koomsam, lawv xav tias lawv muaj pluaj siab hlub ibyam nkaus li cov ntseeg Vajtsvwi thiab, vim rauqhov lawv lub neej ntsib txojkev txomnyem txaus los lawm. Lawv ntseeg tiagtiag tias txoj kevcai Koomsam yuav rub tau txhua haivneeg hauv ntiaj teb los koom ua ib pab kwvtij. Tiamsis niajhnub nimno lawv pom cov tebchaws nyob rau Sab Hnubtuaj tabtom tawg ua sab ua sua.

Lawv yeej ntseeg tiagtiag tias, txoj kevcai Koomsam yuav tsim kom muaj ceebtshee rau hauv ntiaj teb no, lawv tawmtsam lub Ceebtshee uas nyob qaumntuj. Tsam no lawv cov neeg ntsib kev tshaib nqhis. Zaub mov noj yuavtsum yog cov tebchaws uas tsis coj kevcai Koomsam xa mus pab cawm lawv xwb, xws li cov neeg Kaulim Qaumteb uas muaj kev tshaib nqhis. Xav txog lub tebchaws twmzeej uas tsis muaj lwm lub tebchaws qavntsej txog. Kaulim Qaumteb yog ib lub tebchaws uas samsim ntsib kev puas ntsoog. Dej nyab tej qoobloo, tsis muaj zaub mov fajseeb cia tseg. Niaj hnub nimno, lawv quajqw thov. Tebchaws Kaulim Qaumteb nyuam qhuav pib qhib lub qhovrooj uas muaj xovpos hlau xauv tseg rau ntiaj teb cev tes mus pab.

Cov neeg Koomsam lawv ntseeg lawv cov thawjcoj. Tsam no lawv mam tau nyeem tej xovxwm uas hais txog lawv tus thawjcoj "Xatalees" yog ib tug uas tua neeg povtseg coob kawg nkaus thiab Kutshej tus uas muaj lub tswvyim vwm. Tibyam nkaus li, ob peb tug thawj coj uas lawv khav tias yog cov muaj peevxwm, xws li Tsilaus Anas Phaukawj Leekavici thiab coob tus. Cov neeg Koomsam tsis muaj kev cia siab rau lawv cov thawjcoj lawm. Lawv zoo li cov coj kevcai Kavtauliv uas tsis muaj tus thawj Txivplig.

Muaj ib lub suab hu nyob rau hauv cov neeg Koomsam lub siab. Lub suab hu ntawd yuav yog Tswv Yexus lub ntag. Neeg txhua tus muaj pluaj siab xav hnob Vajtsvwi lub suab hu. Txhua tus muaj pluaj siab ntshaw plias xav hnob lub suab hu kom txog thaum uas nws los lees yuav Tswv Yexus ua nws tus Tswv. Zaj no muaj tseeb rau cov Koomsam thiab txhua lub tebchaws uas raug kev tsimtxom. Vajtsvwi Txojmoo Zoo muaj hwjchim qhia tau Vajtsvwi txojkev hlub pab rau lawv thiab. Kuv twb pom tshwm sim lawm. Kuv ntseeg tias yuavtsum ua tau xwb.

Cov ntseeg tau zam txim, tsis cim ntsoov tej kev limhiam, raug tsimtxom los ntawm cov neeg Koomsam. Cov ntseeg ua txhua yamtsav zoo pab cov neeg Koomsam kom lawv kovyeej lawv lub neej txomnyem los paub Vajtsvwi.

Tes haujlwm no yuav tiav tau los, yuavtsum yog cov uas nyob rau sab tebchaws ywjpheej muaj txojkev pab.

Tsis yog yuav sib pab xwb. Cov ntseeg txojkev hlub yuavtsum dav tiag. Cov ntseeg lub npe, yuavtsum tsis muaj sib cais. TswvYexus hais tias Vajtswv tso tshav ntuj los ziaib tus neeg siab zoo thiab siab phem tibyam nkaus. Txojkev hlub ntawm cov ntseeg yuavtsum zoo tibyam nkaus li ntawd.

Cov thawjcoj nyob Sab Hnubpoob cog kev phoojywg nrog cov Koomsam thiab cov thawjcoj, uas muaj lub siab limhiam ntawd twb yog los ntawm Tswv Yexus tejlus qhia tias, peb yuavtsum hlub peb tus yeebncuab. Tiamsis lawv tsis ncoqab hais tias, Tswv Yexus tsis tau qhia kom yus hlub yus tus yeebncuab es tso yus cov kwvtij tseg.

Lawv hlub tus yeebncuab uas txhais tes tsuas cov ntseeg cov ntshav, tiamsis lawv tsis qhia Vajtswv Txojmoo Zoo ib lo rau cov neeg ntawd. Thaum kawg cov neeg uas nyob rau txojkev tswjhw m limhiam raug tsimtxom tsis muaj tus paub txog li. Lawv tsis tau txais txojkev hlub tiag.

Ntau xyoo dhau los lawm, cov ntseeg Vajtswv uas yog cov Katauliv nyob rau Yelamas Hnubpoob tau muab nyiaj li \$125 txhiab txhiab daulas pab rau cov neeg tshaib nqhis. Cov ntseeg nyob rau tebchaws Amelikas los hajyam muab ntau tshaj no thiab.

Hais txog cov neeg uas muaj kev tshaib nqhis, muaj ntau hom neeg, kuv ntseeg tias yuav tsis muaj ib tug neeg twg tshaib nqhis npaum li tus ntseeg uas raug kev tsimtxom tshaib nqis txojkev teev tiam Vajtswv ywjpheej. Yog hais tias, cov neeg Yelamas, Askiv, Amelikas, thiab Sakadinavias nrhiav nyiaj los pab cov neeg txomnyem tau ntau npaum no, yeej tsimnyog yuavtsum muab koj mus pab txhua tus uas raug kev txomnyem tibyam nkaus, uantej tshajplaws yuavtsum pab cov ntseeg thiab tsev neeg uas raug tsimtxom mas thiaj li yog.

### **Tes Haujlwm No Puas Tseem Muaj Niajhnuv Nimno?**

Kuv dim thiab tawm tau hauv lub tebchaws uas muaj kev tsimtxom los, twb yog muaj cov koomhaum ntseeg pab. Qhov no ua tau povthawj qhia tias cov ntseeg muaj peevxwm pab tau tus neeg uas muaj kev ntseeg thiab cia siab rau Vajtswv. Txawm lino los, kuv tsuas yog tib leeg uas yog cov ntseeg pab tso dim tawm hauv lub tebchaws Laumasnias xwb. Qhov tseeb cov koomhaum ntseeg Vajtswv nyob Sab Hnubpoob tseem tsis tau ua lawv tes haujlwm raws li qhov tsimnyog, vim tseem tshuav ntau yam lawv tsis quavntsej txog.

Thawj cov ntseeg puag thaum ub, lawv rov nug lawv tus kheej tias, txojkev ntseeg tshiab puas yog cov neeg Yudais xwb los yog lwm haivneeg thiab?. Lolus teb qhia meej tias, kev ntseeg Vajtswv tsis yog rau cov neeg Yudais thiab rau cov neeg nyob Sab Hnubpoob xwb. Dua li ntawd Tswv

Yexus tsis yog los kav cov neeg Amelikas, Askiv, thiab cov tebhaws uas muaj kev tswjhwm ywjpheej xwb. Thaum luag muab TswvYexus ntsia rau saum tus ntoo khaublig Nws ob sab tes nrhab ua daj, ib sab nrhab mus rau Hnubtuaj, ib sab nrhab mus rau Hnubpoob. Nws los ua Vajntxwv tsis yog kav cov neeg Yudas xwb tiamsis kav tagnrho txhua haivneeg hauv ntiaj teb no huvsi. Txawm yog cov Koomsam los Nws puav leej kav tag nrho. TswvYexus hais tias, "Nej yuavtsum mus qhia Txojmoo Zoo thoobplaws hauv ntiaj teb no kom sawvdaws hnov." (Malakaus 16:15)

Nws muab Nws cov ntshav uas muaj nujnqis kawgnkaus los txhiv txhua leej neeg txojtia. Yog li, txhua tus yuavtsum muaj feem kom tau hnov txog Nws Txojmoo Zoo no.

Muaj yam dabtsi txhawb peb zog kom peb mus tshaj tau Txojmoo Zoo rau cov tebhaws uas muaj txojkev tswjhwm nruj? Puas yog tus uas los ntseeg muab txojkev hlub txhawb kom peb mus qhia? Kuv yeej tsis tau ntsib ib tug Lavxias los ntseeg tshiab yuav ua tes haujlwm li hais no kiag. Thiab tus hluas uas coj txoj kevcai Koomsam thiab tus coj txoj kevcai Musxalees los ua ib tug thwjtim.

TswvYexus hlub cov neeg no heev kawg li. Nws xav cawm kom lawv dim, tibyam nkaus li Nws hlub cov neeg txhaum uas Nws xav cawm kom lawv dim lawv tej kev txhaum.

### Yam Uas Kuv PaubTomqab Kuv Raug Tso Tawm

Thaum kuv raug tso tawm hauv tsev lojcuj los nyob nrog kuv pojniam lawm. Nws nug kuv hais tias, "Koj lub homphiaj tom ntej yog dabtsi?". Kuv teb nws tias, "Lub tswvyim uas kuv muaj rau tomntej yog txhim kho txojkev ntseeg". Kuv pojniam teb kuv hais tias, "Kuv xav tibyam nkaus li thiab".

Thaum kuv tseem hluas kuv kuj muaj peevxwm ntau yam. Tiamsis kuv raugtxim thiab ua lub neej nyob tsausntuj nti rau tsev lojcuj los tau ntau lub xyoo. Kuv cia li hloov mus ua tus neeg tsis txawj xav txog ntau yam lawm. Tej suab nagxob nageua ibtxwm muaj nyob hauv kuv lub siab nws cia li nyob tusyees lawm xwb. Kuv tsis muaj tus ciav cais cov neeg koomsam; kuv yeej tsis xav txog hais tias muaj lawv. Kuv nyob rau txojkev saib xyuas zoo li tus nkaujnyab uas nyob rau Vajtswv lub tebhaws. Kuv thov Vajtswv pab cov neeg tsimtxom peb thiab kuv hlub lawv kawg kuv lub siab lub ntsws.

Muaj ntau zaus kuv pheej xav tias xyov kuv yuav ua dabtsi yog tias muaj txojhmoo es kuv dim hauv tsev lojcuj mus. Kuv xav twjywm hauv kuv nruab siab tias kuv yuav so kuv tes haujlwm mus nrhiav ib qhov chaw nyob ntsiagto uas muaj kev ywjpheej, koom nrog tus nkaujnyab nraugvauv nyob rau Vajtswv lub tebhaws.

"Vajtswv phau ntawv yog qhov qhia tseeb". Cov ntseeg muaj kev



ntseeg thiab cia siab los yog vim muaj txojkev cobqhia qhov tseeb no. Tus neeg tsis muaj noj tsis muaj haus, tus neeg uas muaj lub siab phem tsimtxom quabyuam lwmtus, twb yog nws tsis paub qhovtseeb nws thiaj tsis muaj lub siab hlub lwm tus, vim nws tsis tau kawm txog Vajtswv tejlus tseeb. Vim li, nws thiaj ua lub neej tsis raws li qhov tseeb. Qhov tseeb twb muaj sau cia rau hauv Vajtswv Phau Ntawv lawm; nws sau hais li no; “rau qhov lub sijhawm uas nej tsis nco ceevfaj, Neeg Leejtub yuav los lub sijhawm ntawd ntag”(Mt 24: 44). Peb yuav tsis nco qab ras txog. Thaum peb tabtom nyob hauv tsev lojcuj uas tsausntuj ntomnti, Vajtswv Leejtub yuav los cuag peb thaum ntawd. Nws yuav ci rau tej phabntsa ntsa iab yam li tej hlaws uas tsimnuj thiab ci rau tej ntsa tsev yam nkaus li lub hnuv. Nws yuav coj peb ya tawm plaws ntawm cov neeg tsimtxom peb mus. Peb tus ntsujplig yuav nyob kajsiab lug nrog peb tus Tswv. Peb yuav tsis lam tso txojkev kajsiab lug zoo npaum lino tseg kiag li.

Lub siab uas xav tawmtsam ib leej tus twg lossis ibyam dabtsi, tseem nyob deb ntawm kuv lub hlwb. Kuv tsis xav txog txojkev ua tsovrog, los yog tiv thaiv tsovrog. Kuv xav ua ib lub tuamtsev teev tiam kuv tus Vajtswv uas muaj sia zees nyob xwb. Nws yog kuv txojkev cia siab uantej kuv yuav raug tso tawm hauv tsev lojcuj.

Tabtsi, thawj thawj hnuv uas kuv raug tso tawm, kuv cia li ho los raug cov neeg Koomsam tawmtsam kuv phem tshaj thaum kuv raug tsimtxom nyob hauv tsev lojcuj thiab. Kuv tau ntsib coob tus xibhwb ntawm ntau pab pawg thiab tseem ntsib cov thawj xibhwb loj thiab. Lawv cov ntawd tau lees hais tias, lawv yog cov koomtes nrog Tseemhvw thiab tub ceevxwm txhom cov ntseeg. Kuv tau nug lawv tias, lawv puas kam tso txojkev koomtes nrog tseemhwm thiab tub ceevxwm tseg, txawm tias lawv yuav raug tsimtxom los zoosiab raug. Lawv txhua tus teb tib lub suab tias, “Tsis kam”. Lawv qhia lub ntsiab tseeb hais tias, tsis yog lawv tus kheej ntshai tiamsis vim yog lawv raug cob kom ua li ntawd. Lawv qhia ntxiv tias, tseem muaj tej yam tshiab nyob rau hauv pawg ntseeg thiab. Yam tshiab no muaj tomqab uas kuv mus nyob txim lawm. Yam tshiab ntawd lawv txwv li no tias, yog yus tsis kam koomtes nrog Tseemhvw ces Tseemhvw kaw lub tuamtsev pehawm Vajtswv tamsim ntawv ntag.

Nyob rau txhua lub zos yuavtsum muaj ib tug tub ceevxwm Koomsam zais ntshis uas tsis muaj leej twg paub. Nws yog tus sawvcev Tseemhvw tswj txojkev limhiam. Tus neeg no yog tus muaj peevxwm hu txhua tus xibhwb thiab coj lawv mus nug ntshis saib tus xibhwb twg yog tus uas nyiam ua kevcai koom TswvYexus Roojmov tsis tuncua, tus twg yog tus nyiam mus tshaj Vajtswv Txojmoo Zoo thiab tus twg yog tus nyiam ua kevcai Rausdej heev. Nws nug txhuatsav txhuayam li. Yog tias koj tsis kam teb nws tejlus nug, nws tso koj tawm mus, nws hu lwmtus xibhwb los tus ntawd yuav teb nws tejlus

nug ntau dua li koj. Nws ua ywj nws lub siab yuav tso cai qhib tsev pehawm Vajtswv thiab yuav kaw los nyob ntawm nws. Yog nws ua yam twg lawm ces yeej tsis muaj ib tug twg yuav pab tau li. Tes haujlwm limhiam phem li hais no tseem niajhnub muaj nyob rau Suavteb.

Cov xibhwb uas tuav cov pawg ntseeg kiag los, tseem muaj ib txhia koomtes nrog cov tub ceevxwm. Muaj ib txhia yog lawv rov yuam lawv tus kheej ua, cov no ua haujlwm zais ntshis. Muaj ib nrab lawv niajhnub raug coj mus nug ces cia li swm ua qhov phem mus li lawm. Hos muaj ib txhia, muaj lub siab mos muag heev dhau ces tej yam uas luag twb nug tsis txog los nws cia li qhia rau luag tibi. Kuv hnov ib co menyuam yaus uas yog tsevneeg ntseeg Vajtswv cov menyuam, lawv rov hais lus povthawj tawmtsam lawv tsevneeg, vim tib qho lawv raug cov tub ceevxwm hais lus mosmuag ntxias. Yog lawv tsis kam qhia qhov tseeb, lawv yuav raug rho tawm hauv tsev kawm ntawv tsis pub kawm ntawv ntxiv lawm.

Kuv tau mus cuag lub Koomhaum Npavtiv, pawg uas muaj tus chij Ntaubliab ua lawv lub cim. Cov thawjcoj yog cov Koomsam xaiv tuaj ua cov sawvcev. Kuv yeej paub meej lawm tias cov thawjcoj sawvcev hauv pawg ntseeg mus sibtw rau txojkev xaiv nom yog pab neeg coj kevcai Koomsam ua cov xa mus. Thaum kuv paub li no, kuv xav txog TswvYexus tejlus qhuab qhia hais tias, yeej yuav muaj cov xibhwb uas qhia tseeb thiab cov qhia cuav. Lawv muab tej tus uas yeej tsis yog tus ntseeg tiag tsa los ua tus coj sawvdaws. Lawv ua li ntawd lub homphiaj yog dabtsi? Tsis qhia los yeej paub zoo lawm, twb yog lawv tsa niag ntawd los tawmtsam cov ntseeg ntag.

Lenees sau hais li no, "Txoj kev ntseeg yog ib yam uas txausntshai vim ruaj khov heev, tsis muaj ib tug twg yuav txwvtxiav lossis cheem tau. Cov neeg muaj kev txhaum, tsim kev kub ntxhov, tsim kev phem kev qias muaj txog txhiab txhiab tus neeg twb tsis txaus ntshai thiab tswj tsis nyuaj npaum li cov uas muaj Vajtswv lub tswvyim no".

Pawg coj kevcai Koomsam nyob Lavxias teb yog coj raws li Lenees tejlus cobqhia. Nyob rau ntawm lawv lub qhovmuag pom, lawv ntseeg hais tias, txojkev ntseeg Vajtswv phem npaum nkaus li tus neeg tau kab mob noj txha, lossis mobuav mobruas, thiab mob Kascees. Lawv txiavtxim siab xaiv seb leej twg yuav yog tus thawj tswj tej kevcai ntseeg hauv lub tebchaws. Tus thawjcoj kevcai yuavtsum yog tus uas yooq tau nrog lawv yoojyim.

Kuv pom cov tub ntxhais hluas raug cov neeg tsis muaj kev ntseeg dabtsi hlo muab lawv cov hlwb ntxhuav tag. Cov thawjcoj uas raug Tseemhvw lees paub yeej ua tsis tau ibyam dabtsi los tivthaiv txog zaj no. Nyob rau pib lub Tuamceeb Nputsales yeej tsis muaj ib lub tuamtsev pehawm Vajtswv uas yuav muaj cuabkav qhib qhovrooj rau tej tub ntxhais hluas tuaj sibfim thiab muaj kev qhia Vajtswv tejlus rau tej menyuam yaus. Nyob rau txhua lub tsev kawm ntawv luag cobqhia cov menyuam yaus kom

muaj kev ntxubntxaug rau txojkev ntseeg Vajtswv nkaus xwb.

Thaum kuv pom tseeb li no, kuv tseem ntxub txoj kevcai Koomsam no tshaj dua li qhov kuv raug lawv tsimtxom tau ntau xyoo.

Qhov kuv ntxub no tsis yog vim qhov lawv ua rau kuv. Tiamsis yog qhov uas lawv txwvtxiav txojkev tsis pub kom Vajtswv tau ntsej muag los ntawm TswvYexus lub npe, thiab yog lawv txojkev caijtsuj, txwvtxiav neeg coob txog txhiab txhiab leej cov uas tsis muaj chaw vam khom kom lawv tus ntsujplig tsis tau kev cawmdim.

Muaj cov neeg ualiaj uateb nyob thooob plaws txhua qhov txhia chaw tuaj ntsib kuv thiab lawv hais qhia rau kuv tias, nomtswv muaj txojcai sau lawv tej qoobloo los sib koom uake. Tsam no lawv txhua yim ntsib kev tshaib plab vim raug quabyuam ua qhev koom uake hauv lawv daim liaj daim teb. Lawv tsis muaj movci noj. Menyuum tsis muaj mis haus. Tsis muaj txivhmbab txivntoo, tsis yog vim thaj av tsis zoo qoob loo, av yeej zoo npaum li thaum ub luag hais nyob rau hauv lub tebchaws Kana-as. Tiamsis vim yog nomtswv muab txoj kevcai quabyuam caijtsuj los txhav los yuam kom ua li ntawd.

Cov kwvtij tau hais lus povthawj qhia rau kuv tias Lenees txoj kevcai Koomsam limhiam cob kom neeg ua tubsab tubnyiag thiab dag txhua yam. Peb tiv tsis taus txojkev tshaib nqhis, peb thiaj yuavtsum tau nyiag qee tej qoobloo uas cog nyob hauv yus daim av tawm rov los cawm yus siav, vim txhua yam uas ua tawm hauv yus daim liaj daim teb los puavleej yog nomtswv tug tag nrho.

Muaj cov neeg ua haujlwm hauv tej tuamtshab hais qhia rau kuv txog tej kev txwvtxiav tsimtxom limhiam uas raug rau lawv hauv tsev ua haujlwm. Txojkev tswjhw m phem li no ibtxwm yeej tsis tau pom thiab hnov dua los. Cov neeg ua haujlwm tsis muaj txoj cai los tivthaiv.

Txoj kev txwvtxiav txog phab kev ntseeg, lawv yuavtsum muab qhia rau txhua tus, cobqhia kom txhua tus paub tias yeej tsis muaj Vajtswv. Ib feem peb ntawm cov pejxeem lub neej raug luag muab sawvdaws tej hlwb ntxuav los ntawm txojkev cobqhia tsis tseeb. Niajhnuv nimno txojkev cobqhia li no tseem muaj nyob rau cov tebchaws uas yog muaj Koomsam txojcai tswjhw m.

Muaj cov ntxhais hluas hais txog qhov lawv tsis txaussiab tias lawv raug cov Thawj Tswj Koomhaum Tub Ntxhais Hluas Koomsam hu mus nug timntsej timmuag vim muaj tus nkaug iabliam hais tias lawv tau nwj (hnia) cov tub hluas uas ntseeg Vajtswv. Tsis tag li ntawd, luag muab tau ib co npe tub hluas coj los qhia rau cov ntxhais tias, cov nej yuav nwj tau mas tsuas yog cov muaj npe raws li teev nyob rau hauv daim ntawv no xwb!

Txhua tsavyam puavleej yog kev ntseevntxias dag yam qiasneeg tshajplaws.

Kuv tau ntsib ib tug ntseeg Vajtswv uas yog ib tug tawmtsam tawv-qhawv yog ib tug ua Vajtswv haujlwm nyob tuaj qabrooj. Nws yog ib tug uas tsis raug txhom coj mus kaw, feem coob yog cov raug txhom coj mus kaw

tomqab mam raug tso tawm. Lawv tau hu kom kuv mus koomtes nrog lawv tawmtsam. Kuv tau mus koom lub rooj sablaj no uas nyob rau ib qhov chaw nraim nkoos. Lawv hu tej zaj nkauj uas yog xuas tes sau xwb.

Kuv nco txog Xees Athaunis tus muaj koobmeej siv nws lub neej nyob tiaj suabpuam tau 30 lub xyoo. Nws tau ncaim neeg tawm mus nyob tibleeg, yoo mov thov Vajtswv tau ib ntu. Thaum nws hnov tias muaj kev tsis sib haumxeeb ntawm Athana-sius thiab Ali-us txojkev cobqhia hais txog Tswv Yexus zaj, nws txiavtxim siab tso nws txojkev nyob tibleeg los cuag Alexadees pab kho txojkev ntseeg tseeb. Kuv nco txog tus Xibhwb Npawns De-vaus nws mus nyob tibleeg puag saum roobsiab li haujsam. Thaum nws hnov txog lub tswvyim phem uas cov ntseeg Vajtswv tawmtsam tua cov neeg Alav thiab cov Yudais uas yeej yog kwvtij tiamsis nyias muaj nyias kev ntseeg sib txawv. Nws txiavtxim siab nqis pem roobsiab los qhuab qhia txog txojkev ncaj ncees tawmtsam lub tswvyim phem.

Kuv txiavtxim siab ua raws li txhua tus ntseeg uas coj raws li Tswv Yexus tus yamntxwv, xws li Xibhwb Povlaj thiab coob tus xibhwb uas muaj koobmeej tau ua los lawm tso puas tsav yam ntawm lawv tus kheej mus tawmtsam tiv thaiv qhov tseeb.

Qhov tivthaiv ntawd yuav raug licas lo xij.

Cov ntseeg uas raug mus nyob tsev lojcuj yuavtsum ncontsoov thov Vajtswv pab lawv tej yeebncuab thiab ua tibzoo ua timkhawv rau. Ntshaw plias tuaj rau yus lub siab tias yuav ua licas thiaj coj tau lawv los ntseeg xwb. Thaum muaj tus los ntseeg mas peb tau txais kev kajsiab kawg li. Tiamsis kuv ntxub txojkev cai Koomsam thiab kuv ntshaw kom cov ntseeg nyob qabrooj muaj zog nchav. Lub zog nchav no xwb thiaj yuav kovyeej txoj kevcai limhiam, lub zog nchav no yog Vajtswv Txojmoo Zoo.

Kuv tsis tau xav txog lub tebhaws Laumanias xwb, tiamsis yog tag-nrho cov tebhaws Koomsam huvs. Kuv xav tsis thoob, vim kuv ntsib cov ntseeg nyob Sab Hnubpoob, lawv tsis muaj pluaj siab txhawj txog tej xwm no hlo li.

Cov sau xovxwm thoob ntiajteb tau ua tiblub suab tawmtsam thaum lawv hnov tias Xiniavaskis thiab Danias uas yog ob tug sau xovxwm raug cov neeg Koomsam txhom coj mus kaw thiab tua povtseg yog los ntawm lawv tib pab nkaug nkawd. Tiamsis tsis muaj ib tug twg yuav ua suab tawmtsam thaum tus ntseeg Vajtswv raug txhom coj mus kaw vim nws kev ntseeg.

Leej twg yuav quavntsej txog tus kwvtij Kuzees uas nws raug txhom coj mus kaw rauqhov lawv iabliam tias nws muab ib feem lus ntawm Vajtswv Phau Ntawv thiab ib cov ntawv uas qhia txog Tswv Yexus zaj coj mus pub rau neeg. Tej lus iabliam ntawd yog ib hau tshuaj uas lom neeg lub hlwb. Puas muaj leej twg paub txog tus kwvtij Plaukofi-es, nws raug txhom coj mus kaw vim nws faib cov ntawv zaj lus qhuab qhia? Puas muaj tus paub

txog Nquvaus, tus txivneej Hinplus ntseeg Vajtswv raug iabliam muaj ntsis sib xws nyob rau Lavxias. Vim tej lus iabliam no, cov neeg Koomsam cia li mus coj nws tus metub mus tag simneej. Kuv paub kuv tus kheej meej thaum lawv coj kuv tawm ntawm kuv tus tub Mihai. Kuv lub siab muaj qhov ntsim iab qhi nrog cov kwvtij xws li; Nkavis, Ivanenko, Nkanis Sevchuv, Taisya, Kacheeko, Ekatelinas Vekazinas, Ntsaunkis Vekazees, nkawm niam txiv Pilaj nyob Lavias, thiab coob leej ntau tus uas teev tsis paub kawg, txhua tus xibhwb uas muaj pluaj siab tawvqhawv nyob rau tiam 21. Kuv khoov mus nwj txoj sawhlau uas xauv cov ntseeg tej tes taw, yam nkaus li thaum ub cov ntseeg nwj txoj sawhlau khi lawv cab coj mus pov rau hauv qhov tsovntxhuav.

Ib nrab thawjcoj pawg ntseeg nyob Sab Hnubtuaj tsis quavntsej txog cov neeg txomnyem no. Cov ntseeg uas raug kev tsimtxom tej npe tsis muaj nyob rau lawv daim ntawv thov Vajtswv sib pab. Sijhawm cov ntseeg tabtom raug tsimtxom cov thawjcoj pawg ntseeg uas yog Lavxias Npaktiv thiab Otodos uas yog tseemhwm lees paub ua cov nkaug thiab iabliam coj mus rau txim, cov thawjcoj no mus txais daim ntawv qhuas yam muaj plhus ntxiag nyob rau Tuamceeb Nudeeli thiab Ntsenisvas. Lawv hais muaj plhus ntxiag tias nyob rau Lavxias tebchaws kev teev tiam pehawm Vajtswv nyob ywjsiab lug.

Cov thawjcoj qib siab txhua pab pawg ntseeg hauv ntiajteb no cia li qaugquav rau Npauseviv thiab Nivkodees cov lus dag no thiab kam los nwj nkawd. Lawv los noj ib pluas mov loj koom uake sawvcev lub npe cuav Koomhaum Ntiajteb Kev ntseeg. Sijhawm lawv ua li no cov xibhwb raug txim tseem nyob tsev lojcuaj noj tej txozaub txomov uas nyob rau tej twjtais qias tshaj tsiaj tej, qhov kuv noj taus twb yog vim los ntawm TswvYexus lub npe.

Tej xwmtxheej phem lino yuav tsis nyob mus ib txhis. Cov ntseeg uas nyob tuaj qabrooj tau txiavtxim siab tias, kuv yuavtsum nrhiav kev tawm hauv lub tebchaws yog muaj caij zoo. Tawm mus qhia rau cov ntseeg nyob Sab Hnubpoob kom paub txog tej xwmtxheej phem niaj hnub tshwm sim no.

Kuv yuavtsum tawmtsam txoj kevcai Koomsam, txawm tias kuv hlub cov neeg Koomsam losxij. Kuv xam tsis pom lwm txojkev uas yuav zoo tshaj qhov muab Vajtswv Txojlus ncaincees los qhuab qhia tawmtsam txoj kevcai Koomsam no.

Muaj ib txhia hais rau kuv tias, "Qhia Vajtswv Txojlus tseeb xwb". Qhov no ua rau kuv ras txog ib tug tub ceevxwm tau ceebtoom rau kuv tias, kom kuv yuavtsum qhia Vajtswv txojkev ncaincees xwb tsis txhob lam hais txog Koomsam lub qe limhiam ib zaug li.

Puas yuav tseeb li hais tiag, yog tias qhia qhov tseeb xwb (tsis qhia Koomsam lub qe limhiam) yuav txhawb tsis tau tus tub ceevxwm Koomsam lub zog?



Kuv tsis paub luag hu tias Txojmoo Zoo qhov tseeb yog licas tiag. TusYauhas muab neeg ua kevcai Rausdej thaum xub thawj nws tejlus qhuab qhia puas yog qhov tseeb? Nws tsis tau qhia tib zaj lus tias, nej cia li tso kev txhaum tseg, rauqhov nimno twb yuav txog lub sijhawm Vajtswv los kav neeg lub siab.(Mth 3: 2) Nws tawmtsam tus Helauj uas yog tswvxeev kav Kalilais tebchaws, ntau yam kev phem Helauj tau ua. (Lukas 3:19) Nws raug txhom koj mus tua povtseg puas yog nws tsis qhia qhov tseeb? TswvYexus zaj lus qhuab qhia saum roob ntoo ntseej nws puas qhia qhov tseeb xwb, muaj ib txhia thawjcoj hais tias zaj lus qhia no yog ib zaj tawmtsam: "Cov xibhwb qhia Vajtswv txoj kevcai, cov Falixais siab phem, nej yuav raug txim, cov niag nab thiab nab cov niag tub, tus neeg digmuag koj tus neeg digmuag kev!" (Mt 23: 27-33). Puas yog nws qhia zaj tsis tseeb li no nws thiaj raug tua. Cov Falixais yeej tsis muaj lub siab chim rau zaj lus qhia saum roob no lod?

Tus uas tsim muaj txojkev txhaum yuavtsum tuav nws lub npe hu. Txoj kevcai Koomsam yog ib txoj uas rhawv kev txhaum loj tshajplaws rau ntiajteb niaj hnuab nimno. Txhua zaj Moo Zoo yog tsis tawmtsam txoj kevcai Koomsam kuj tsis yog Txojmoo Zoo tseeb. Cov ntseeg nyob qabrooj txhua tus, tuajyeem muab txhua tsavyam ntawm lawv lub neej. Cov uas kaw lawv lub qhovnceauj tsuas yog cov nyob Sab Hnubpoob xwb.

Kuv tau txiavtxim siab tawmtsam txoj kevcai Koomsam, nws tsis zoo li cov uas khav tias "Tawmtsam cov neeg Koomsam" tes haujlwm ua raws li Hivlawj yog ib tug tawmtsam cov neeg Koomsam tiamsis nws koj cai tsim-txom.

Peb ntsub txojkev txhaum tiamsis peb hlub tus neeg txhaum.

### **Vim Licas Kuv Raug Kev Nyuajsiab Nyob Rau Sab Hnubpoob?**

Kuv raug kev nyuajsiab nyob rau tebchaws Sab Hnubpoob heev dua li kuv raug nyob rau Koomsam daim av.

Kuv txojkev nyuajsiab raug ua ntus zus ntev loo, tomqab uas kuv tawm ntawm cov ntseeg nyob qabrooj lub neej zoo kawgnkaus, los ntsib nrog cov ntseeg muaj lub npe qub qub sau ua ntawv Latees hais tias, "Nudisnudoo Klitis Xekis" (txhais tias, tus neeg liabqab raws tus tswv liabqab).

Nyob rau lub tebchaws muaj txoj cai tswj nruj, Vajtswv Leejtub thiab cov neeg raws nws qab tsis muaj qhov chaw pw tso lawv lub taubhau rau. Cov ntseeg feem coob tsis muaj vaj tse rau lawv tsevneeg nyob. Muaj zoo tus dabtsi? Nws yog thawj qhov luag siv los ua povthawj iabliam txhom lawv koj mus kaw xwb. Qhov tseeb yog koj ua lub tsev tshiab tabtom yog qhov zoo rau luag iabliam nrhiav txim txhom koj koj mus rau txim, kom lwmtus tau los nyob koj lub tsev tshiab xwb. Nyob rau txoj kevcai no, yog koj yuav txiavtxim siab raws Tswv Yexus qab tiag mas txawm yog thaum twg koj niam los

yog koj txiv tabtom tagsim neej, koj tsis tas yuav muab nws faus tas tso mam mus, los yog tos hais ib lolus kawg rau koj tsevneeg koj mam mus. Leej twg yog koj niam, koj kwvtij, koj muam? Koj yuav tau txiavtxim siab ibyam nkaus li TswvYexus. Tus uas yog koj niam thiab yog kwvtij tsuas yog cov muaj kev ntseeg txaussiab ua raws li Vajtswv Txojlus qhia. Lolus hais tias yus ibtxwm muaj kev sib txheeb ze yam nkaus li kev txij nkawm, tsam no ho muaj qhov sibnrug li no lawm yuav ua licas es txojkev sib txheeb no thiaj yuav rov zoo tau.

Cov ntseeg uas nyob tuaj qabrooj lawv lub neej raug kev tsimtxom ntau yam tiamsis lawv cov tswvcuab muaj pluajsiab sib koom sovsiab so.

Cov ntseeg uas nyob tuaj qabrooj txojkev ntseeg zoo yam nkaus li cov ntseeg nyob tiam 19 thaum ub lub neej. Tus xibhwb nws tsis muaj kev txawj ntse paub txog lub ntsiab tseeb kom meej. Dua li no, cov xibhwb feem coob raug mus nyob tsev lojcuaj uas tsis muaj Vajtswv Phau Ntawv. Thaum lawv qhia txog Vajtswv tus uas yog Leejtxiv, lawv qhia raws li txojkev ntseeg muaj nyob tuaj rau lawv nruabsiab xwb. Thaum nyob rau tsev lojcuaj lawv tsa ncauj thov Vajtswv kom lawv tau mov noj tiamsis lawv tau txais tej txozaub txo-mov seem uas phem tshajplaws uas tsis pom qab yuav piav. Txawm li ntawd los lawv tsis qaugzog rau txojkev cia siab rau Vajtswv tus uas yog Leejtxiv. Lawv ntseeg Vajtswv heev ibyam nkaus li Yauj, txawm tias Vajtswv muab nws tua los nws txaus siab. Lawv ntseeg Vajtswv ibyam li TswvYexus, thaum luag muab nws ntsia rau saum Ntoo khaublig nws xav tias Vajtswv tsis tuaj nws tog lawm los nws tseem tuav Vajtswv Leejtxiv lub npe hu.

Cov ntseeg uas nyob rau Sab Hnubpoob lawv pheej muaj qhov tsis txaussiab rau lawv kev ntseeg puas muaj ib tug twg pom txog cov ntseeg tuaj qabrooj lawv txojkev ntseeg zoo nkauj uas ruaj khovkho lino.

Thaum kuv nyob rau Sab Hnubpoob kuv muaj kev nyuaj siab tshaj thaum kuv raugtxim nyob rau Koomsam tsev lojcuaj vim kuv pom kiag ntawm kuv qhovmuag tias tej kev tswjhwm ncaincees nyob rau Sab Hnubpoob tabtom tuag mus zuzus.

Auxavas Sapeelaws tau sau ib zaj pajlug piv txog cov neeg nyob rau Sab Hnubpoob lub neej poobqab li no:

Koj tabtom yuav tusiav. Kuv muaj peevxwm ua timkhawv qhia txog koj txoj-kev npluanuj, koj txojkev plug kugnkaws, koj txojkev tswj uas muab nyiaj-txiag los xiab thiab koj txojkev tswj uas xaiv pab pawg, koj txojkev nyiam uatsov uarog, koj txojkev sib ntseev, koj txojkev tsis muaj kev ntseeg, thiab koj txojkev nkhaus uas nrhiav txim rau lwm tus thiab ntxias dag, koj txojkev tsis ncaincees, koj txojkev rhuav tshem kev txij nkawm, koj txojkev tswj tsis pub muaj tubki. Tejno yog ib cov kab mob uas yuav noj koj nqaij kaws koj txha, nqus koj ntshav hauv koj nruab siab kom tshwm saum koj cov hlwb, tej no yuav ua povthawj qhia txog koj txojkev coj limhiam uas koj coj dhau los

lawm yam nkaus li cov neeg Loo tej thawjcoj uas yog Alixadias thiab Kilis.

Zaj lus no sau nyob rau xyoo 1962. Txij thaum ntawd los txojkev tswjhwm ywjphjee thiab muaj vajhuam sibluag twb pib tuag nyob rau sab Yulauj thiab mus thooob rau Khunpas. Cov nyob Sab Hnubpoob tseem niaj hnub pw tsaugzog.

Tiamsis muaj ib lub zog uas ibtxwm yeej tsis pw tsaugzog. Lub zog no yog nyob rau Sab Hnubtuaj, cov neeg Koomsam tabtom samsim muaj kev qaugzog thiab plam ntshiab, nyob rau Sab Hnubpoob Koomsam txojkev limhiam tsimtxom neeg tseem nyob ruaj khovkho. Cov Koomsam nyob Sab Hnubpoob tsis ntseeg txog tej xovxwm uas tshaj tawm qhia txog tej kev limhiam, tsimtxom, raug txomnyem txhua tsav txhua yam uas muaj nyob rau cov tebhaws Koomsam. Lawv yeej tsis lam nkees rau lawv txojkev ntseeg ib zaug li, lawv tawm mus qhia lawv txoj kevcai rau txhua txhia qhov chaw tsis hais nyob rau hauv tej tsev kawmntawv qibsiab qibqis, yajsab, tsev ua lagluam thiab tej tsev pehawm Vajtswv. Peb cov ntseeg Vajtswv feem coob twb tsis muaj pluaj siab ntseeg li cov neeg Koomsam ntseeg lawv txoj kevcai Lawv cov ntawd muaj pluaj siab npuab tagnrho rau txojkev ntseeg ntxias no. Cov kws cob qhia kev ntseeg Vajtswv muab tej xwm no coj los qhia tsawg kawgnkaus rau sawvdaws. Tej yam xwm zoo li no rov ua rau kuv ras nco txog zaj uas hais txog Mahaumaws II cov tubrog tuaj txeeb tau lub nroog Khooxatati-nauplaws nyob rau xyoo 1493 thiab nws yuavtsum txiavtxim siab tias yuav cia txojkev ntseeg Vajtswv tswj lossis txojkev ntseeg Mauhamedas yog tus tswj nyob rau tiam ntawd, cov thawjcoj pawg ntseeg uas nyob cheeb tsam lub nroog yog cov txiavtxim siab rau zaj no.

Maivliag lub ntsiab muag yog kob dabtsi? Cov tubtxib saumntuj yog hom neeg zoo licas? Yog tus qausliv ya mus ntxuav cev hauv dej, tus qausliv huv los yog cov dej huv? Cov lus nug no yuav yog ib zaj dabneeg uas siv tau rau thaum ub xwb, niajhnub nimno cov pawg ntseeg thiab koj los yeej tsis muaj qhov xav txog tej xwm li hais. Txojkev quabyuam ntawm cov neeg tsim kev kub ntshov thiab cov ntseeg nyob tuaj qabroog txojkev raug tsimtxom tsis muaj tus kam tsa suab hais tawm. Yeej tsis muaj qhov xaus yog tias muab txojkev qhia ncaincees los sibcav nrog tej nyuag kevcai dabqhuas, tej nyuag tsis muaj qabhau.

Muaj ib zaug muaj ib roojnoj roojhaus nyob rau ib chavtsev, muaj ib tug txawm los nug hais tias, “Yog tias koj nyob rau hauv ib lub nkoj loj, lub nkoj ntawd tabtom tog rau hauv hiavtxwv tiamsis koj muaj peevxwm ua luamdej tawm tau mus nyob rau ib koog povtxwv uas tsis muaj av nyob ze, koj muaj sijhawm xaiv tau tib phau ntawv uas nyob rau kemtsev cia ntawv hauv lub nkoj nqa nrog koj tawm mus, ua li koj yuav xaiv phau ntawv hais txog dabtsi thiaj pab tau koj?” Muaj ib tug teb hais tias, “Vajtswv Phau Ntawv”, ho muaj ib tug hais tias, “Phau Sevkepis”. Tiamsis tus kws sau

ntawv muaj lolus teb uas yog tias: "Kuv yuav xaiv phau ntawv uas muaj tus qauv qhia ua lub nkoj kom kuv paub txua lub nkoj nquam tawm tau rov mus timntug". Thaum txog tim ntugdej lawm kuv yuav xaiv phau twg nyeem los yoojyim.

Yog peb yuav txhawb cov ntseeg uas nyob rau tej chaw raug kev tsimtxom lub zog; kom lawv muaj kev ywjpheej rau txoj kev cob qhia, peb yuavtsum siv lub tswvyim uas cob qhia txog txoj kev ntseeg Vajtsv thiaj yuav pab tau lawv.

Tswv Yexus hais tias, "Nej yuav paub qhovtseeb thiab qhovtseeb ntawd yuav tso nej dim"(Yauhas 8:32). Tiamsis, tsuas yog tibtxog kev ywjpheej xwb thiaj yuav muaj peevxwm pub tau qhovtseeb. Thiab, tsis tsimnyog pheej yuav sib-cav txog tej yam tsis muaj qabhau, peb yuavtsum koom siab uake tawmtsam txojkev limhiam, txojkev txwvtxiav tsis pub muaj kev ywjpheej uas tseem muaj nyob rau hauv lub ntiajteb tamsim no.

Kuv muaj kev nyuaj siab txog cov ntseeg uas nyob rau cov tebchaws muaj txojkev tswjhw m nruj uas tseem niajnub raug tsimtxom tsis tuncua. Thaum kuv hnov txog lawv txojkev raug tsimtxom, kuv paub meej tias lawv nyob licas rauqhov kuv twb xub raug lawm.

Nyob rau xyoo 1966, Lavxias muaj 2 tsab xovxwm, ib tsab yog Ivetias thiab ib tsab yog Dawveekais Zeem tau sau xovxwm luam tawm liam cov Lavxias ntseeg Vajtsv uas zwm rau pab Npattiv hais tias, lawv cob cov tswvcuab tua menuam theej txhoj. Txojkev iabliam no yog ib lub tswvyim qub qub tau ntau xyoo dhau los lawm uas yog muaj cov neeg txheej thaum ub siv iabliam tawmtsam cov neeg Yudais.

Tiamsis kuv paub tias lub ntsiab tseeb yog licas tiag. Xyoo 1959 kuv raugtxim nyob hauv tsev lojcu j nrog ib tug phoojywg npe hu ua Laxalauvicis, nws raug liam hais tias nws tua ib tug menuam ntshais. Nws muaj hnu bnyoog pebcaug xyoo xwb, tiamsis nws cov plaubhaus cia li hloov ua plaubhaus dawb tag vim nws muaj kev nyuaj siab raug tsimtxom. Nws zoo li tus neeg uas twb muaj hnu bnyoog ntau lawm. Luag tsoo thiab npuj nws cov rantes tawg tas kom nws lees nws txojkev txhaum, txojkev txhaum uas nws yeej tsis tau ua. Tomqab ntau lub xyoo uas nws raug tsimtxom txaus, nws thiaj raug tso tawm yog los ntawm luag nrhiav tsis pom nws qhov txhaum. Txawm yog nws raug tso tawm lawm los nws tus kheej txojkev muaj vajhuam sibluag thiab ncaincees tsis muaj qabntxhiab lawm. Nws lub cev luag muab tsimtxom puastsuaj liamsim tag mus ib sim.

Muaj coob leej ntau tus tuaj dabros (luag) rau Lavxias tsab xovxwm lub tswvyim ruam ruam iabliam cov ntseeg uas yog pab Npattiv nyob rau lub sijhawm txoj kevcai Koomsam tswjhw m. Kuv paub tseeb txog lawv txoj-kev iabliam no zoo.

Nyob rau Sab Hnu bpoob, yog ib qho chaw phem kawgnkaus li,

rauqhov yus niaj hnuv pom tej xwm txheej phem li no ua ntu zus ntawm yus lub qhov muag txhua hnuv.

Muaj xwm dabtsi tshwm sim rau cov thawjcoj txojkev ntseeg xws li; Xibhwb Yawmauntsees nyob lub nroog Kalunkas tebchaws, Lavxias thiab xya leej xibhwb cov ua koom siab tawmtsam cov xibhwb xws li, Alexai thiab Nikodee ntseeg siab koomtes nrog cov neeg Lavxias limhiam ua cuabyeej thiab ua tes taw rau luag siv. Yog tias kuv tsis pom tus xibhwb uas tawmtsam nyob rau tebchaws Laumanias tuag nyob ze kuv thaum kuv nyob tsev lojcu, kuv yeej tsis muaj kev txob txhawj txog cov xibhwb uas yog Vajtswv neeg no.

Thawj Tsavxwm Nikaulais Elimees thiab Nke Yakunes raug nkawd pab pawg coj mus qhuab qhia vim nkawd yog ob tug tawm suab kom tso txojkev ywjpheej rau pejxeem muaj kev ywjsiab pehawm Vajtswv. Cov neeg uas nyob rau Sab Hnuvpoob puavleej paub txog zaj no zoo. Tiamsis kuv raugtxim nyob nrog tus txivplig Iau-as uas nyob lub nroog Vadimileli tebchaws Laumanias, nws raugtxim vim kev iabliam tityam li kuv. Yog ua zoo saib ntawm cev nqaijtawv, yus yuav ntseeg hais tias, tsuas yog cobqhia xwb. Tiamsis peb cov thawjcoj pawg ntseeg uas tau txais kev lees paub los ntawm tseemhvw, tityam nkaus li cov thawjcoj pawg ntseeg feem coob nyob rau tebchaws Koomsam, lawv ua haujlwm koomtes sib puag xubpwg nrog cov tub ceevxwm. Thaum lawv txhom ib tug neeg twg coj mus rautxim mas lawv ua txuj dag hais tias yog coj mus cobqhia xwb, tiamsis txhua tus uas lawv coj mus puavleej raug tsimtxom, quabyuam, mag nplawm, mag ntaus tityam nkaus li tus neeg muaj txim.

Kuv xav tsis thoob rauqhov kuv hnov hais tias txojkev limhiam tsimtxom neeg no muaj nyob rau txhua txhia qhov chaw. Tej no nyob hauv kuv lub siab tsis muaj hnuv ploj. Kuv xav ntsoov tias, yog vim licas cov ntseeg uas nyob Sab Hnuvpoob txawm yuav tsis muaj pluaj siab hlub thiab hmov tshua txog lawv cov kwvtij ntseeg uas raug tsimtxom no li.

Nyob rau hauv kuv nruab siab, kuv nyiam tu kuv tej liajteb, qabvag tsibtaug kom nyob dudais zoo nkauj thiab tsis txhob mus raus tes rau tej kev ntxheb ntxhov sib tawm tsam. Kuv xav mus nyob rau tej qhov chaw uas ntsiagto thiab so lossiav ib yam li lwmleej lwmtus. Tiamsis kuv paub tias yuav tsis yoojyim rau kuv li kuv lub siab xav ua ntawd. Thaum cov Koomsam txeeb tau lub tebchaws Tinpej, lawv txwvtxiav txhua yam kev ntseeg, tsuas tso cai rau tus uas muaj teebmeem sab ntsujplig xwb. Nyob rau peb lub tebchaws, luag txwv txhua yam uas yog qhia txog txojkev ntseeg qhov tseeb. Cov ntseeg thiab tej tuamtsev pehawm Vajtswv raug rhuav tshem tawm tag, tsuas ceev tau tej cuabyeej uas yog lwm haivneeg tsim es lawv tsis paub txog xwb. Tejzaum qhov chaw ntsiagto thiab lub sijhawm so lossiav uas kuv tos rawv tau ntev los lawm yuav tsis tshwm sim tau.



Kuv yog tus thawj tawmtsam txojkev tsis ncaincees no. Yog ib tes haujlwm uas txaus ntshai kawg rau ntawm kuv tus kheej. Xyoo 1948 lawv cia li txhom kuv ntsiagto tom ib togkev koj mus rautxim uas yog lwmtus lub npe. Anas Phaukaws yog peb tus thawj tswj kev ruaj ntseg tebchaws lub sijhawm ntawd. Nws tau hais rau tus sawvcev hauv lub tebchaws Xawvidees, npe hu ua Xawj Patis tias, "Auj, Yawg Vawnplas tseem taug kev nyob nram txojkev Kaupehayees". Tus thawj tsavxwm Xawvidees paub meej hais tias tejlus hais ntawd yog lus dag xwb, vim nws twb muaj kuv tsab ntawv thaum kuv khiav dim hauv tsev lojcuj koj mus cob rau nws nyob hauv nws lub hnab tsho. Tej xwm phem li hais yeej tseem yuav muaj tsis tseg. Yog hais tias kuv txoj-sia tu. Cov uas txo kuv txoj-sia yuavtsum yog cov neeg Koomsam xwb. Yeej tsis muaj lwmtus yuav muaj pluajsiab tua tau kuv. Yog hais tias nej hnov txog kuv lub koob phem uas tsis koj ncaincees, ua tubsab, ua kev plees kev yi, deev niamntiav, tawmtsam nomtswv kevcai, dag los yog lwm yam, tagnrho tej no yog kev iabliam los ntawm cov tub ceevxwm Koomsam xwb. Vim lawv hais tias "Peb yuav muab koj txojkev ntseeg rov los txov koj".

Muaj neeg muab xov qhia rau kuv hais tias, cov Koomsam Laumanias npaj nyas tua kuv povtseg tomqab uas kuv hais lus povthawj timntsej timmuag cov nomtswv qibsiab hauv tebchaws Amelikas xyoo 1960. Txawm li ntawd los kuv yeej nyob twjywm tsis tau. Koj sim ua tib zoo mloog seb kuv yuav hais licas. Txawm koj yuav xav tias, kuv twb hla dhau txhua yam phem los lawm, kuv raug txhom cis fij cis tom, koj yuav tau nug koj tus kheej seb yog lub hwjchim dabtsi ua kom ib tug pejxeem uas nyob rau txoj kevcai Koomsam tswjhwj muaj peevxwm los tawmtsam tivthaiv txojkev limhiam no? Lub hwjchim dabtsi pab tau kom cov neeg Yelamas Sab Hnubtuaj muaj peevxwm tuav lawv tej menyuum tes hla dhau tus ntsayeej pobzeb siab siab thiab chaws dhau tej xovpos lajkab hluavtaws xob pheej txoj hmoo kom txhob raug tua khiav dim tag tsev neeg los rau Sab Hnubpoob.

Cov neeg tsaugzog Sab Hnubtuaj tsimnyog nej sawv los rua qhovmuag ntsia cov tebchaws uas raug kev tswjhwj nruj.

\* \* \*

Tus neeg uas raug kev tsimtxom yeej tos rawv saib puas muaj tus pab, es nws yuav txo tau lub nra uas yog txojkev iabsiab rau. Yog muaj ib tug zoosiab hlo los pab ris lub nra, lub nra ntawd yuav sib lawm ntau npaug. Kuv tib leeg xwb yuav tsis muaj peevxwm ris tau tagnrho txhua tus lub nras.

Kuv tsis muaj peevxwm yuav muab lub nra hnyav no tso rau cov thawjcoj pawgntseeg nyob Sab Hnubpoob uas muaj lub siab koom nrog cov neeg ntxub ntxaug cov ntseeg Vajtswv. Lawv yeej ibtxwm siv txojkev limhiam los lawm. Tsis yog lawv txhobtxwm nrhiav kev kubntxhov rau pawg

ntseeg, tiamsis laww txoj kevcai yeej coj li ntawd.

Txij thaum kuv tau mus nyob rau Sab Hnubpoob, kuv tau ncig mus xyuas ntau lub tsev cob qhia Vajtswv Txojlus. Kuv hnov cov kws qhia muab tej dabneeg qub qub uas hais txog tej suab nkauj co tswb thiab tej cai tswj-hwm qub qub ntau tiam los lawd coj los piav qhia rau cov kawm. Kuv hnov hais tias muaj ib nrab tub kawmntawv tsis ntseeg zaj lus qhia uas nyob hauv phau ntawv Chivkeeb hais tias, Vajtswv yog tus tsim lub ntuj lub ntiajteb, los yog tsim thawj tug txivneej npe hu ua Adas, dej los nyab ntiajteb, thiab tej txujci tseemceeb uas Mausxes ua. Muaj ib nrab raug qhia hais tias, zaj lus hais ntawd uantej twb yog muaj tshwm sim lawm mam muab los sau, tus hlusnkauj tsis tau deev dua hlus cia li xeebtub tej ntawd tsis tseeb, tibyam nkaus li zaj Tswv Yexus tuag thiab sawv rov qab los, lawv ntseeg tias Yexus tej pobtxha yeej tseem nyob rau hauv qhovntxa, cov thwjtim tsis muaj tseeb, thiab phau ntawv Tshwmsim yog ib tug neeg vwm sau xwb. Txawm licas los xij, Vajtswv Phau Ntawv yeej yog phau ntawv muaj sia ! (Yog li no ntawv voxwvm Suav Koomsam thiaj hajyam muaj plhus sau ntxeev ntxiv hais tias Vajtswv Phau Ntawv yog cuav xwb).

Tej zaj qhia no cov tub kawm Vajtswv Txojlus tau kawm nyob rau tsev cobqhia txojkev ntseeg Vajtswv. Lawv raug qhia nyob rau lub neej tiam ntawd. Vim licas lawv ho yuav muaj kev ntseeg rau tus xibhwb uas qhia tej yam txawv txawv li no? Vim licas cov thawjcoj hauv pawg ntseeg ho cia li qimuag thiab ntsaws qhovntsej cia luag qhia tej yam tsis tseeb ywj siab hais tias tus Vajtswv muaj sia zeess nyob tuag lawm?

Ib nrab thawjcoj ntawm tej pab pawg ntseeg yeej tsis yog Vajtswv tus tseem nkaujnyab tiag. Lawv yog cov thawj cuav uas thaum ub ntxeev siab rau lawv tus thawj. Thaum lawv ntsib ib tug ntseeg nyob qabrooj, lossis cov raug kev tsimtxom, lawv ntsia ua qhov muag qauj les.

Peb tsis muaj peevxwm luj lwmtus tus yam ntxwv. Yog peb ua li ntawd, peb yuav zoo ibyam nkaus li cov Falixais ntsia pom Tswv Yexus phem, vim rauqhov Tswv Yexus tsis hwm lawv txojcai hnub caiv. Lawv qi lawv cov qhovmuag kom tsis txhob pom Tswv Yexus txojkev hlub.

Tib yam nkaus li ntawd, cov thawjcoj pawg ntseeg lawv muaj pluaj siab mos muag tiamsis laww qimuag rau Koomsam txojkev ua phem. Txawm tias lawv ua phem los yeej yuavtsum muaj qhov hloov tau.

Muaj ib zaug kuv ntsib ib tug xibhwb coj kevcai Oto-dos nyob rau Laumanias tebhaws. Nws yog ib tug Koomsam, tsis lees paub txog nws pab yaj. Kuv cev tes mus tuav nws txhais tes thiab piav txog zaj lus qhia nyob hauv Vajtswv Phau Ntawv uas hais txog tus tub lojleeb rau nws mloog. Lub sijhawm ntawd yog thaum yuav tsausntuj nyob hauv nws lub vaj. Kuv hais rau nws tias, "Ntsia kom pom Vajtswv txojkev hlub uas txaussiab hlo lees yuav tus neeg muaj kev txhaum, Vajtswv yuav txaussiab hlo lees yuav tus

xibhwb muaj meejmom uas txaussiab lees nws kev txhaum". Kuv hu ib zajnkauj ntseeg Vajtswv rau nws mloog. Tus txivneej no siab hloov hlo.

Kuv nyob hauv tsev lojcuj nrog ib tug xibhwb uas coj kevcai Oto-dos, nws twb raug kaw ntev thiab twb yuav tso tawm. Nws yog tus sau zaj lus qhuab qhia uas tawmtsam txojkev ntseeg. Kuv nrog nws tham txog zaj no, nws tusiab kawg, nws lub siab ntais ua tsheej thooj rau tej uas nws tau sau ntawd. Vim txojkev uas nws tau ua es yuav ua rau nws txojhia tu taus, zaj nws sau thiaj tsis muab tso tawm.

Kuv tsis muaj peevxwm yuav ris tau ib leeg tus twg tej kev nyuaj siab tiamsis kuv paub zoo hauv kuv lub siab.

\* \* \*

Kuv muaj lwm yam kev mob. Kuv tus phoojywg zoo twb tsis muaj peevxwm totaub txog. Muaj ib cov lus iabliam nkaug kuv hais tias, kuv yog ib tug tawmtsam cov Koomsam, ua rau kuv chim iabsiab tshajplaws vim tejlus iabliam nkaug no tsis muaj tseeb.

Tus kws sau ntawv Moxais Kaus Mootefau-les sau hais txog Tswv Yexus tus yam ntxwv ua rau cov Falixais. Nws qhia tawmtsam tabmeeg sawvdaws, nws muab TswvYexus zaj lus qhia hais tias, kom hlub yus tus yeebncuab thiab thov Vajtswv foom koobhmoov rau tus tawmtsam yus. Thiab muaj yawg Mathais yog ib tug so haujlwm nyob rau hauv lub tuamtsev pehawm Vajtswv Xees Phos Tuamceeb Loodoos, tebchaws Askiv, tejlus los ntxiv hais tias, TswvYexus tsis ua raws li nws tejlus qhia thiab tsis ceev nws tejlus cog tseg. Nws thum tias Yexus yog ib tug neeg tsis tau kawm ntaub kawm ntawv thiab tsis muaj kev txawj ntse.

Mootefau-les zaj lus liam no yuamkev loj kawg li lawm, TswvYexus hlub cov Falixais txhua tus, tiamsis Nws tawmtsam lawv tej yamntxwv coj. Ntawm kuv, ibyam nkaus txawm kuv yog tus tawmtsam txoj kevcai Koomsam los, kuv hlub cov neeg Koomsam, thiab lawv tej tubteg tubtaws uas nyob xyaw nrog pawg ntseeg.

Muaj coob leej hais rau kuv li no tias, "Tsis txhob quavntsej txog cov Koomsam! Rau siab ntso rau txojkev ntseeg xwb!"

Kuv tau ntsib ib tug ntseeg Vajtswv uas raug kev tsimtxom nyob rau tiam Naxis tswj. Nws hais qhia rau kuv tias, nws txaussiab hlo tuaj kuv tog kom mus ntev npaum li kuv muaj peevxwm ua timkhawv Vajtswv zaj rau cov tsis paub Vajtswv, tiamsis kuv yuavtsum tsis txhob hais ib lolus tawmtsam kevcai Koomsam. Kuv tig mus nug nws hais tias, cov ntseeg uas tawmtsam Naxis txoj kevcai nyob Yelamas tebchaws tsuas siv Vajtswv Phau Ntawv xwb yeej tsis hais txog Hivlawj lub tswvyim limhiam tsimtxom neeg li lod? Nws teb tias, "Taxis Hivlawj tua cov neeg Yudais txog txhiab txhiab tus!". Kuv rov teb nws tias, "yuav tsum muaj tus tawmtsam nws, Koomsam tua pebcaug

tchiab tchiab tus neeg Lavxias, ntau tchiab tchiab tus neeg Suav, thiab lwm haivneeg coob kawgnkaus teev tsis tas li, lawv tua cov neeg Yudais thiab. Peb tsuas tawmtsam thaum luag tua cov neeg Yudais xwb lov, uali luag tua cov neeg Lavxias los yog neeg Suav ne?"

Lo lus teb yog licas? No yog ib qho tsimnyog xav. Tsis muaj tus teb kuv qhov tseeb.

Kuv raug tub ceevxwm ntaus ob zaug. Thawj zaug yog thaum Hivlawj sawv kav tebchaws thiab zaum ob yog thaum cov Koomsam kav. Kuv tsis pom ib qho txawv li. Ob zaug no puavleej ua rau kuv mob sib npaug zos.

Cov ntseeg yuavtsum tawmtsam txhua yam kev txhaum, tsis yog yuav tawmtsam kevcai Koomsam xwb. Tsis tau qhia hais tias kom peb tawmtsam tibyam xwb. Tiamsis Koomsam txoj kevcai yog ib txoj kevcai uas phem, quabyuam cajjtsuj, limhiam nyaum tshajplaws tsimtxom cov ntseeg Vajtswv. Yuav kom kovyeej, peb yuavtsum sibkoom siab uake.

Kuv thov hais ib zaug ntxiv! Yuav kom kovyeej, yuavtsum siv Tswv Yexus tus yam ntxwv. Txojkev tivthaiv no yog tsi-ntsees rau cov neeg Koomsam. Lawv lub hauvpaus tawmtsam txojkev ntseeg. Lawv ntseeg tias thaum neeg tuag lawm ces, cev nqaj daim tawv lwj mus ua av thiab ua chiv, tsis muaj qabhau li lawm. Lawv lub neej tseemceeb txaussiab ces yog qhov uas lawv nyob muaj qib, muaj pab pawg xwb.

Lawv tsuas paub txog qhov lawv sib sau ua pab pawg. Qhov lawv paub, zoo tibyam nkaus li thaum Tswv Yexus nug cov dab nyob hauv tus txivneej lub cev uas qhia nyob hauv Vajtswv Phau Ntawv phau tshiab hais tias, "koj yog leej twg?" Dab teb hais tias, "Peb yog pawg pua". Vajtswv txojkev hluv rau neeg yog hluv ib tug rau ib tug tsis yog pab pawg, yog li thiaj yuav tau rhuav tshem txojkev tivthaiv no kom ploj mus. Lawv raug ua cevqhev rau txojkev tivthaiv no yog vim los ntawm Yawg Aufes Alawj tib phau ntawv uas muaj lub npe hu ua; "Nyias Lub Hlwb Xav". Tub ceevxwm nthe tus neeg raug iabliam tias, "Ab, yog nyias lub hlwb xav xwb-txhua yam yog nyias tus kheej xwb, vim licas tsis muaj qhov tseemceeb yuav ceev tau tseg?"

TswvYexus yeej xav kom peb nyias muaj nyias tug. Tiamsis nyob rau Koomsam txoj kevcai tswj peb tsis muaj qhov yuav ua tau li ntawd. Cov Koomsam kuj paub zaj no zoo. Nyob rau lawv ib phau ntawv uas hais txog kev ntseeg thiab kws tshuaj muaj lub npe hu ua "Nauka I lawlintsia" muaj lub ntsiab lus hais tias, txojkev ntseeg Vajtswv thiab Txoj kevcai Koomsam tsis sibthooj. Nkawd sib tawmtsam... Zaj lus qhia cov pab pawg neeg Koomsam kom tua txojkev ntseeg kom puasntsoog mus..Lawv muaj komtswj cobqhia ua ntu zus ntxeev ntxias ntxuav txhua haivneeg tej pajhlwb kom txhob xav thiab paub txog txojkev ntseeg mus tag lawv sim neej.

## TSHOOJ 5

### Tsis Muaj ibyam Dabtsi Yuav Kovyeej Cov Ntseeg Nyob Qabrooj Txojkev Huamvam

**C**ov ntseeg nyob tuaj qabrooj tes haujlwm muaj kev covnyom kawg li. Vim nyob rau txhua thaj chaw uas Koomsam tswjhw, lawv puavleej qhia hais tias tsis muaj Vajtswv. Lawv tso cai rau cov laus muaj qhov xaiv txojkev ntseeg, tiamsis txwv cov hluas thiab menyuum tsis muaj qhov xaiv. Nyob rau cov tebcaws hais no luag txwv tuag nthi tsis pub muaj kev tshaj tawm hauv xovtooj cua, ua yeeb yajtsom, muaj tej duab, tej ntawv xovxwm thiab tej tsev luamntawv uas qhia txog kev ntseeg Yexus.

Cov ntseeg nyob tuaj qabrooj tsis muaj ib qho yuav txob txhawj txog cov nomtswv tejlus txwvtxiav nruj li hais no. Cov xibhwb nyob rau Lavxias tebcaws yeej tsis muaj ib tug twg uas tau kawm tiav Vajtswv Txojlus tawm los. Niaj hnuv nimno muaj ib cov xibhwb yog neeg Suav twb tsis tau nyeem dhau Vajtswv Phau Ntawv ib zaug li.

Cia kuv qhia nej txog muaj coob coob tus xibhwb uas yeej ibtxwm tsis tau ua kev cai tsa lawv. Peb ntsib ib tug hluas nws yog neeg Lavxias ua xibhwb qhia Vajtswv Txojlus tsis pub leej twg paub. Kuv nug nws seb leejtwg yog tus ua kev cai tsa nws ua xibhwb. Nws teb kuv li no; " Peb tsis muaj ib tug xibhwb tiag los ua kev cai tsa peb. Tsis muaj ib tug xibhwb twg yuav kam los ua kev cai tsa rau leej twg, yog nws tsis tau kev lees paub los ntawm nomtswv Koomsam pab pawg. Yog li, peb muaj 10 leej ntseeg tub hluas thiaj li nkag mus hauv ib lub tojntxas uas muaj tus xibhwb raug luag tsimtxom tuag lawm lub ntxa. Wb ob leeg cev tes mus tuav lub ntxa thiab lwmtus sawv ua



vojvoog ncig wb. Peb koom siab uake thov Vajtswv tus Ntsujplig los ua tus tsa peb. Peb muaj kev cia siab ruaj tias peb raug tsa los ntawm TswvYexus ob sabtes uas raug luag ntsia rau saum tus ntoo khaublig lawm." Ntawm kuv tus kheej kuv ntseeg tias cov tub hluas no raug tsa raws li txoj cai lawm. Txojkev cai tsa cov neeg xws li hais no, lawv txhua tus yeej tsis tau kawm lossis tau txais kev cob qhia txog txojkev ua Vajtswv haujlwm thiab muaj kev txawjntse txog Vajtswv Txojlus ib qho hlo li. Nws zoo yam li thawj pawg ntseeg thaum xub thawj. Lub tsev cob qhia zoo li cas thiab nyob qhovtwg uas yog lub hauv paus qhia kom lawv txawj mus tshaj Vajtswv Txojmoo Zoo kom thoob qabntuj li no? Lawv txhua tus puavleej txawj nyeem ntawv lod? Leej twg yog tus muab Vajtswv Phau Ntawv rau lawv? Vajtswv yog tus qhia lawv thiab yog tus nyob hauv lawv lub siab coj lawv xwb.

Peb cov ntseeg nyob tuaj qabrooj ibtxwm yeej tsis muaj lub tsev teev-tiam Vajtswv zoo zoo nkauj. Tiamsis puas yuav muaj ib lub tuamtsev pehawm Vajtswv zoo npaum li peb cov ntseeg nyob tuaj qabrooj lub thaum peb mus koom pehawm Vajtswv nraimnkoos nyob tom tej havzoov? Tej suab noog quaj yog cov suabraj suabqeej rau peb. Tej pajntoo tswqab yog paxyab patshuaj rau peb. Peb txaussiab tshaj rau tus neeg raug txim cev ris tsho khaub khaub hlab dua li txaussiab rau tus xibhwb txoj phuam ci ntsa iab nws coj ntawm cajdab. Peb muaj lub hli thiab cov hnuqbub ua teeb ci rau peb pomkev pehawm Vajtswv. Cov tubtxib saum ntuj yog cov taws cov teeb ntawd.

Kuv tsis paub piav txog qhov zoo nkauj ntawm lub tuamtsev no. Cov ntseeg raug txhom coj mus rautxim yuav luag txhua zaus uas peb muaj kev pehawm Vajtswv nraim nkoos li no. Muaj tej tus ntseeg coj sawhlau ua rau nws zoosiab npaum nkaus li tus nkaujnyab tau ntiv nplhaib ntawm tus nraugvauv muab qhaib nws. Kuv nrhiav tau tus ntseeg uas muaj kev kajsiab lug tiagtiag yog tus paub Vajtswv Txojlus zoo, yog cov ntseeg nyob tuaj qabrooj thiab tus ntseeg uas raug txim nyob hauv tsev lojcuj, vim yog nws txojkev ntseeg.

Cov ntseeg nyob tuaj qabrooj muaj kev ntshov siab ntau yam, tiamsis lawv muaj phoojywg coob uas yog tub tshuajxwm thiab nom tswv tswjhw. Muaj ntau zaus cov ntseeg ntsiagto no yog cov tiv thaiv cov ntseeg nyob tuaj qabrooj. Nyob rau kev tswjhw qub hauv tebchaws Lavxias, xovxwm Lavxias tau tshaj tawm tias yog vim lica "cov ntseeg uas tsis qhia tawm" no huamvam zuj zus. Tsab xovxwm sau tseeb tias, lawv tsis paub suav cov ntseeg no vim yog muaj pojniam, txivneej, tub ntshais hluas nyob puv ntia qhov txhia chaw tsis hais hauv tsev ua haujlwm, tseemhvw tej tsev ua haujlwm, hauv Koomsam pab pawg kiag los yeej muaj thiab, lub cev yog neeg Koomsam tiamsis lub siab yog tus ntseeg thiab yog tswvcuab rau cov ntseeg tuaj qabrooj.

Tsab ntawv xovxwm tau muab ib zaj xwm uas yog hais txog ib tug ntxhais hluas nws ua haujlwm rau Koomsam pab pawg txhawbzog. Lawv hais tias, txhua zaus nws so haujlwm, nws thiab nws tus txiv pheed mus yaum cov neeg uas ua haujlwm nyob sib ze los txoos uake kawm Vajtswv Txojlus thiab thov Vajtswv uake. Tes haujlwm xws li hais no niaj hnub nimno tseem muaj tsis tseg nyob rau txhua txhia qhov chaw hauv ntiaj teb no. Cov ntseeg uas tsis kam qhia rau lwmtus paub muaj coob txog txhiab txhiab tus muaj nyob thoo ntiaj teb no. Lawv cov no muaj lub tswvyim zoo xav tias cia lawv tuav nom tswv haujlwm, ua timkhawv hais txog Vajtswv zaj ntsiagto li no rau lawv cov phoojywg zoo dua lawv qhia lawv kev ntseeg tawm plaws es raug luag tsimtxom thiab tseem raug poob haujlwm.

Cov ntseeg tuaj qabrooj cov tswvcuab uas muaj kev ntseeg khov kho nyob rau tej chaw xws li hais no muaj coob txog txhiab txhiab leej. Lawv muaj kev sib ntsib nyob rau tej chavtsev sab hauvqab, tej chavtsev nqaim nqaim thiab tom tiaj nrag.

Nyob rau Koomsam Lavxias kev tswjhwv yav dhau los lawd, kuv nco tau zoo tsis muaj leej twg yuav cav txog zaj luag muab menyuum thiab tus neeg laus ua kevcai raus dej thiab tus txivplig ua kevcai ntxhuav plig. Lawv tsis muaj tus qhia txog qhov lub ntiaj teb tshwm sim muaj los licas. Lawv tsis muaj tus paub txhais txog tej xwm txheej yuav muaj tshwm sim los thiab twb muaj dhau los lawm, tiamsis muaj ib qho kuv tsis totaub mas yog, lawv tsis lees paub txog tus Vajtswv uas muaj sia zees nyob xwb.

Cov lus teb rau zaj hais tias tsis muaj Vajtswv yoojyim li no, "Yog koj raug caw mus koom ib rooj noj haus, saum rooj noj haus, koj puas pom muaj ntau yam zaub uas ib nrab yeej tsis muaj neeg npaj? Tiamsis tej zaub mov no cia li siav los rau peb noj xwb! Koj pom muaj txivhmab txivntoo xws li; txiv lws-suav, txivduaj, txiv evplaw, misnyuj thiab zibntab. Leej twg yog tus npaj tej no rau neeg? Vajtswv digmuag lod? "Yog koj ntseeg tias Vajtswv yog tus tsim, vim licas koj ho hais tias, Vajtswv digmuag? Digmuag ua licas ho muaj peevxwm npaj tej zaub mov xws li hais no los cawm neeg txoj sia?"

Tej no ua timkhawv tau tias muaj Vajtswv tiag. Kuv hnov ib zaj lus sibcav nrog tus ntseeg tias tsis muaj Vajtswv hais li no: "Piv txwv tias yog peb nrog tus menyuum mos hauv leejniam plab sibtham tau, peb hais rau nws tias lub neej nyobhauv leej niam plab tsuas yog ib nyuag pliang xwb tiamsis tomqab yug tawm hauv leejniam plab los lawm lub neej yuav nyob ntev heev li. Tus menyuum yuav teb koj licas? Nws yuav teb koj ibyam nkaus li nej cov tsis ntseeg tias muaj Vajtswv thaum peb qhia nej txog ntuj Ceebtsheej thiab Ntujtawg. Nws yuav teb tias lub neej nyob hauv leej niam lub plab thiaj yog lub tseeb, txhua yam puavleej yog kev ntseevntxias dag los ntawm tej kablis kevcai xwb. Tiamsis yog tus menyuum mos hauv leej niampab txawj xav, nws yuav hais li no rau nws tus kheej: "Kuv ob txhais tes tabtom lojhlob. Kuv

tsis xav tau. Vim kuv twb xyab tsis tau. Lawv yuav lojhlob ua tus dabtsi? Nws lojhlob tej zaum yog kuv yuav tau siv rau yav tom ntej. Kotaw lojhlob. Kuv yuavtsum caws mus rau pem kuv lub hauvsiab xwb. Nws lojhlob ua tus dabtsi? Tej zaum vim yog lub ntiajteb no dav heev, kuv yuav tau siv ob txhais kotaw mus kev. Qhovmuag loj hlob, txhua yam nyob ncig kuv tsaus ntuj ntom nti, kuv tsis tas yuav muaj ob lub qhovmuag. Vim licas kuv muaj ob lub qhovmuag? Tej zaum lub ntiajteb no muaj ntau tsav yam duab ci ntsa iab thiab zoo nkauj rau ob lub qhovmuag tau saib."

Yog li no, tus menyuam mos hauv leejniam plab muaj qhov txhawb nws zog kom cev nqaj txawj loj hlob yug tawm los ua lub neej rau hauv ntiajteb yam nws tsis tau pom dua uantej. Peb txhua tus muaj lub hlwb xav tibyam nkaus li no. Yog peb tseem hluas, peb zoo yam li tus menyuam mosliab uas tsis muaj lub hlwb txawj xav kom meej pem. Thaum peb muaj hnuv nyoog lawm, peb muaj kev txawj ntse thiab muaj tswvyim, peb txawj xav txog txojkev tuag. Thaum peb txawj xav ntau yam li no lawm, peb xav tsis thoob hais tias vim licas peb ho siv tsis tau tej kev txawj ntse no lawm? Vim licas tus menyuam mos tej tes taw, qhovmuag ho txawj lojhlob thaum nyob hauv leejniam plab? Nws loj hlob npaj siv rau lubneej. Peb txhua tus lub neej zoo tibyam nkaus li no thiab. Peb kev kovyeej yog los ntawm peb kev muaj peevxwm, kev muaj peevxwm yog los ntawm peb kev txawj ntse thiab thoobtsib tonrog, yog qhov koj peb mus rau qhov vam meej. Peb npaj tos yuav mus teevtiam tus muaj hwjchim loj tshajplaws tomqab uas txojkev tuag raws tau peb lawm."

Hais txogTswvYexus zaj, cov neeg Koomsam ibtxwm qhia hais tias tsis muaj Nws. Cov ntseeg nyob tuaj qabrooj teb lolus no yooj yim kawg nkaus. " Tsab ntawv xovxwm uas ntsaws rawv hauv koj hnab ris yog tsab twg? Puas yog tsab xovxwm Plavasda tso tawm nag hmo lossis hnuv no? Muab rau kuv saib puas tau? Twb yog hnuv tim 4 lub 1 hli ntuj xyoo 1964 los sav! Lub xyoo 1964 yog pib suav thaum twg los ne yuad? Puas yog koj hais tias tsis muaj TswvYexus? Tiamsis koj ho suav lub xyoo uas yug nws los. Sijhawm xub muaj uantej yug nws lod? Txhua tus neeg muab tus chiv lub sijhawm ntawd saib tsis rau nqi lod? Sawvdaws xav tias lub sijhawm nyuam qhuav pib los tau tsis ntev no xwb los? Hais txog zaj no tsis tas peb yuav cav nrog nej. Nej cov ntawv xovxwm Koomsam twb ua timkhawv qhia meej lawm tias Tswv Yexus tsis yog tus cuav, nws teem caij nyoog zias rau peb siv."

Cov xibhwb nyob rau sab Hnuvpoob xav rau hauv lawv nruabsiab tias, cov ntseeg niaj hnuv tuaj pehawm Vajtswv hauv lub tuamtsev thiaj yog cov ntseegVajtswv tseeb, tiamsis qhov tseeb lawv xav yuamkev loj kawg li. Koj yuav nrhiav kom tau ib zaj lus qhuab qhia meej txog peb txojkev ntseeg tseeb nyuaj. Nyob rau sabhauv uas muaj daim hlau npog, koj tsis muaj cai kuj

tus neeg uas tsis tau kawm txog nws txojkev dimtxim thiab nkaug tias nws kev ntseeg yog qhov cuav.

Tsis muaj ib txoj kabke yuav qhia kom koj paub tau tias, cov ntseeg tuaj qabrooj lawv lub hauv paus chiv thiab xaus yog qhov twg thiab cov ntseeg uas luag tau tso cai ho pib thiab xaus licas. Qhov tseeb lawv yeej tsis sib txawv. Nyob rau cov tebchaws muaj txoj cai tswj nruj muaj qee tus xibhwb coj pawg ntseeg uas nomtswv lees paub lawv tau nyiag ua tej yam haujlwm koomtes nraimnkoos nrog cov ntseeg nyob tuaj qabrooj thiab..

Cov pawg ntseeg uas nomtswv lees paub, yeej ibtxwm muaj keebkwm ua tes haujlwm sib koom nrog Koomsam li no los tau ntau tiam. Nws xub pib muaj kiag thaum Lavxias coj txoj kevcai Koomsam los tswj lub tebchaws uas yog pawg ntseeg hu ua "Pab muaj txojsia" tus thawj coj cov ntseeg no muaj lub npe hu ua xibhwb Xawtsis-us. Muaj ib zaj lus uas nws tau sau tseg hais li no; "Txoj kev cai Maxis yog muab tejlus hauv Vajtswv Phau Ntawv los, tiamsis tus tes ntawv yog tus neeg tsis lees paub tias muaj Vajtswv." Nws yog txojkev cob qhia dabtsi?

Peb muaj coob leej zoo li xibhwb Xawtsis-us nyob thoob qabntuj no.

Nyob rau tebchaws Hankalis, tus txivplig Npalaufis nws thiab ib cov xibhwb tau koomtes nrog cov Koomsam tswj tagnrho txhua lub xeev.

Nyob rau tebchaws Laumanias, cov neeg coj kevcai Koomsam sawv los muaj hwjchim loj twb yog muaj tus xibhwb npe hu ua Npawdu-cias tus coj pawg ntseeg Oto-dos, tus uas muab kobliab los ntshua kev txhaum kom txojkev txhaum hajyam liab tshaj nws tus thawj coj. Tus txivplig no sawv yam muaj plhus ntxiag ntawm Lavxias tus thawj tswjhwem kev ruajtseg tebchaws ib sab, thaum luag ua rooj koobtsheej lees paub Koomsam pab tswjhwem tebchaws pab tshiab. Nws hais zaj lus li no "Luag Tseemhvw yuav tsim kom muaj qhov chaw tau zoo rau hauv ntiajteb no nej tsis tas yuav mus nyob saum Ceebtsheej."

Muaj tej tus xws li Niskaulais nyob rau Lavxias tebchawvs, luag teev tseg tias nws yog ib tug ua haujlwm nraim nkoos koomtes rau Tseemhvw. Yawg thawj tub ceevwm coj tsib lub hnuqbub tus uas tsis muaj tus paub hais tias nws yog tub ceevwm tau lees hais tias, Niskaulais yog lawv ib tug sawvcev.

Tej neeg ntxeevsiab li hais, muaj nyob rau txhua nrho cov pab pawg ntseeg Vajtswv. Cov thawj coj Npavtiv hauv tebchaws Laumanias tau siv lubzog los tawmtsam cov muaj kev ntseeg Vajtswv tiag. Cov thawj coj Npavtiv nyob rau tebchaws Lavxias coj tibyam nkaus li no thiab. Tus thawj coj pab neeg Laumanias uas coj kev cai Asvativ npe hu ua Tatshi-ci qhia rau kuv tias nws yog ib tug tshuajxwm sawvcev rau Koomsam pib txij li thawj hnub lawv sawv tswj lub tebchaws.

Lawv xav hais tias tso cai rau qee lub tuamtsev pehawm Vajtswv qhib

zoo dua li muab kaw tag nrho, cov tsev pehawm Vajtswv cia qhib no yuav ua ib qhovchaw rau lawv tau sojntsuam kev txawvtxav ntawm cov ntseeg txojkev sib sau uake. Yog ua lino lawv thiaj muaj povthawj rhuav tshem cov ntseeg, thaum kawg txojkev ntseeg thiaj tunoob mus. Lawv txiavtxim siab tias, cia muaj lub tuamtsev ua lub hauvpaus thiaj zoo siv cov neeg hauv lub tuamtsev ua cuabyeej rau Koomsam sojntsuam txog kev pabcuam tuaj ntawm cov ntseeg txawv tebhaws. Tej xwm txheej li hais no muaj nyob rau cov pawg ntseeg nyob Suav Koomsam tebhaws. Cov pawg ntseeg uas luag hu hais tias "raws txoj cai" nyob rau Suavteb tsuas muaj peevxwm tswj tau cov ntseeg li 20 feem pua xwb.

Nyob rau Laumanias tebhaws, lub sijhawm kuv tseem ua xibhwb, luag tau tuaj kom kuv ua tes haujlwm no. Kuv yuavtsum qhia txhua tus tswvcuab kev txawvtxav rau tub tshuajxwm. Nws zoo xws li cov neeg sab hnubpoob muaj qhov hais tias; "dub thiab dawb" yuavtsum zoo ibyam mus tibtxog kab es txawm tsis muaj kev sib totaub los tsis ualicas. Tiamsis cov ntseeg nyob tuaj qabrooj tsis lam yuav qaug rau cov pawg ntseeg uas lawv khav tias lawv yog cov raug nomtswv tso cai tej kev ntseeg ntxias, thiab lub tswvyim limhiam txwv tsis pub tshaj Txojmoo Zoo rau txhua tus neeg hauv ntiajteg no yooj yooj yim kiag li.

Nyob rau cov pawg ntseeg raug tso cai no, kuj muaj tej tus coj lub nee ntseeg zoo thiab xws li coob tus thawj coj uas yog kws qhia muaj peevxwm. (kuv muaj qhov txaus-siab tias xws li cov pawg ntseeg nyob rau sab Hnubpoob kuj muaj qhov sib xws li no thiab. Cov ntseeg nyob ruaj khov kho koom uake tsis yog vim muaj tus thawj coj zoo tiamsis yog koom siab tivthaiv tus thawj coj limhiam )

Nyob rau Lavxias tebhaws, cov coj kevcai Oto-dos txojkev pehawm Vajtswv tuagploj tuagplog tejlus qhuab qhia tsis muaj lub ntsiab tseeb tsis muaj qhov yuav txhawb tej tswvcuab lub dagzog thiab kevntseeg. Cov coj kevcai Luthawslees, Phis-nple-xatalees, thiab lwm cov ntseeg niaj hnub hu tej zajnkauj qub qub. Tsis tas li no xwb, tej zajlus qhuab qhia yuavtsum muab lwm cov ntsiab lus los hloov Vajtswv Txojlus. Nyob rau Suavteb niaj hnub nimno tus uas los ntseeg yuavtsum nyob rau kev tswjhwntawm tus neeg ntseevsiab. Lawv yeej paub meej lawm tias yuavtsum muaj neeg qhia tub ceevxwm paub txog lawv txojkev los ntseeg Vajtswv ib hnub xwb xwb. Lawv yuavtsum zais rawv lawv txojkev ntseeg uas lawv hnob los ntawm tus muab zaj lus qhuab qhia tsis raws li Vajtswv tej nqe lus tseeb. Tej zaj lus xws li hais no muaj raws li Vajtswv tejlus hauv phau Levis kevcai 11:37 ua lus pivtxwv hais li no; "Yog tej lub cevtag ntawd ib lub twg poob rau saum tej noob qoobloo uas yuav coj mus cog, tej noob ntawd tsis qias."

Muaj tej yam qhia rau peb pom tau tias cov thawj coj pawg ntseeg uas raug Tseemhvw tso cai kuj coj ncaj thiab tsis tas li ntawd tsis yog txhua tus thawj coj qibsiab yuav yog Koomsam tag tus.



Cov ntseeg uas yog tswvcuab zwm rau pawg ntseeg tau txais kev lees paub ntawm Tseemhvw lawv tes haujlwm nyob qabrooj muaj peevxwm kawgnkaus thiab tsuas yog qee tus xwb thiaj zais tus kheej txojkev ntseeg. Lawv coj txojkev ntseeg tsis yog tuag ploj tuagplig tiamsis yog sib zog tiv-thaiv tiag. Muaj ib zaug thaum tub ceevxwm tuaj kaw lub tuamtsev pehawm Vajtswv nyob rau lub nroog Valasdi-milesxistees tebhaws Laumanias thiab lwm lub tuamtsev nyob tebhaws Lavxias, tub ceevxwm ntsib kev covnyom ntau yam. Muaj tej tus tub ceevxwm Koomsam yeej raug them tus nqi uas yog nws txojksia rau tes haujlwm limhiam nws yog tus nqistes rhuav tshem txwvtxiav txoj kablig kevcai ntseeg no.

Cov pawg ntseeg uas Tseemhvw lees paub pheej tsuas tsawg lawm zuzjus. Kuv xav tsis thoob hais tias, yog nyob thoob plaws Lavxias lub tebhaws, muaj cov pawg ntseeg coob txog tsib txhiab lossis rau txhiab pawg uas yog nyob rau Koomsam qab kev tswjhwm ho yuav zoo licas. Cia peb xav li no, cov "tsev pehawm Vajtswv" feem ntau tsuas yog tej chav nqaim nqaim xwb nws tsis yog lub tsev tiag. Cov neeg txawv tebhaws tuaj rau lub nroog Mauvxakaus tsuas pom tib lub tuamtsev pehawm Vajtswv loj hauv nroog uas muaj neeg coob coob mus pehawm Vajtswv xwb. Tej zaum lawv yuav zoosiab heev tias lub tebhaws ntawd muaj kev vajhuam sib luag ncaj ncees rau txojkev teev tiam lawm tiag. "Cov tuaj koom pehawm Vajtswv coob coob uake hnuv ntawd" lawv yuav zoosiab tibyam nkaus. Tiamsis lawv tsis pom txog txojkev txomnyem ntawm cov ntseeg uas muaj txog xya txhiab txhiab tus ntseeg uas pehawm Vajtswv rau tej chavtsev nqaim nqaim thiab tsis tas li no xwb 80 feem pua ntawm cov ntseeg hauv Lavxias tebhaws yog cov taug kevdeb mus koom kev pehawm Vajtswv. Cov ntseeg taug kevdeb no tej zaum yog cov peb coj lawv los ntseeg tsis nco qab txog lawm los kuj muaj. Yeej tsis muaj lwm txojkev rau lawv xaiv lawm.

Koomsam kev tswjhwm dav npaum licas, cov pawg ntseeg uas nyob tuaj qabrooj hajyam nthuav dav mus deb npaum li ntawd. Tseemhvw kaw tej tsev pehawm Vajtswv uas luag tso cai, tej tsev ntawd sawv los ua qhov chaw tawmtsam nomtswv txoj cai.

### **Cov Ntseeg Tuaj Qabrooj Muab Tus Tsis Lees Paub Vajtswv Tej Ntawv Ntxeev Ua Vajtswv Lus Pub Rov Rau Nws Tau Licas?**

Cov ntseeg tuaj qabrooj paub siv tej ntawv uas yog tus tsis lees paub Vajtswv sau rov muab hloov ua Vajtswv lus es rov muab pub rau nws, muab pub rau lawv noj yam nkaus li tus uab lag nqa zaub mov los cawm Eliyas txoj sia. Tus tsis lees paub Vajtswv thiab tawmtsam Vajtswv Txojlus yam tsis muaj qab-hau.

Lawv luam ib phau ntawv tis lub npe hais tias, "Phau vaj tso dagluag thiab Vajtswv Phau Ntawv rau tus ntseeg thiab tus tsis ntseeg" Lawv sau qhia txog tej ntsiab lus hauv Vajtswv Phau Ntawv uas lawv hais tias yog lus vwm, lawv rho ntau npe los ua povthawj tsis tseeb. Tej yam phem li hais no thaum peb nyeem ua rau peb tuaj dabros kawg li! Lawv luam tau txhiab txhiab phau thiab luam tau zoo nkaug kawg li, thiab muaj Vajtswv Txojlus ntau npe nyob rau hauv, cov neeg Koomsam kiag los yeej qhuas phau ntawv no. Tejlus thuam hais hauv phau ntawv yog ib cov lus npub heev tiamsis yeej tsis muaj tus quavntsej txog. Hauv phau ntawv luag kos muaj ntau daim duab uas yog ua yamntxwv txojkev raug txim, hluavtaws kub, muaj qib muaj theem, poob mus rau ntujtawg, Ntxwngnyoog tej tubtes tubtaw muab ntshav los zas rau tej ris tsho. Cov qhia Vajtswv Txojlus yog cov raug rau tej xwm txheej no. Tiamsis lawv tsis nco qab lawm tias, txawm lawv yuav muab Vajtswv tejlus los ntseeg ua qhov cuav los tej ntsiab lus yeej tseem yog Vajtswv tejlus tseeb thiab hloov tsis tau, Ntxwngnyoog yeej lees paub txog tej no.

Koomsam lub tsev luam phau ntawv no zoosiab kawg li vim lawv tau txais tej ntawv sau tuaj ntawm cov neeg tsis lees paub Vajtswv txog txhiab txhiab leej xav kom luam ntiv xa mus rau lawv, rauqhov muaj Vajtswv tej npe lus nyob rau hauv phau ntawv. Tiamsis lawv twb tsis paub hais tias, tej ntawv uas sau mus rau lawv no twb yog cov ntseeg Vajtswv nyob tuaj qabrooj sau mus, vim lawv tsis muaj Vajtswv Phau Ntawv, lawv xav nyeem cov npe lus nyob hauv phau ntawv no.

Peb paub siv lub sijhawm zoo thaum cov tsis lees paub Vajtswv muaj rooj sib tham. Muaj ib tug kws xibhwb qhia ntawv raug caw tuaj hais lus rau hauv ib lub rooj sablaj hais tias, Yexus tsuas yog ib tug neeg txawj ua yeessiv xwb. Tus kws xibhwb muab ib lub hwj muaj dej ntim rau hauv. Nws muab ib co hmoov tshuaj coj los nchuav xyaw rau cov dej cov dej cia li ua kobliab. "Nov lauj yog txujci tseemceeb ." Nws khav. Yexus zais cov hmoov tshuaj rau hauv nws lub testsho, nws nyiag nchuav cov hmoov tshuaj hauv tes tsho los xyaw dej cov dej thiaj hloov ua cawv txiv hmb. Tiamsis kuv tseem ua yam ntxwv tau zoo tshaj Yexus. Kuv muaj peevxwm yuav hloov cov cawv los ua dej tau thiab." Nws rov muab dua lwm cov hmoov los nchuav xyaw cov dej-cov dej liab cia li rov qab ntshiab li qub lawm. Thiab ho rov muab lwm cov hmoov rov qab los nchuav xyaw rau cov dej, dej rov qab liab dua.

Muaj ib tug ntseeg Vajtswv cia li sawvtsees los hais li no; " Koj muaj peevxwm kawgnkaus li leej phoojywg kws xibhwb! koj ua rau peb txhua tus ceeb tag nrho. Peb xav thov kom koj ua ibyam ntiv xws li thov koj haus cov cawv hauv lub hwj ko!" Tus kws xibhwb teb, "Kuv haus tsis tau. Cov hmoov yog ib cov tshuaj lom neeg." Tus ntseeg Vajtswv thiaj li teb nws hais tias, "qhov sib txawtxav loj ntawm koj cov thiab Tswv Yexus cov yog li no. Nws cov cawv ua rau peb muaj kev kajsiaab los tau ob txhiab xyoo no, tiamsis koj

cov cawv koj los lom peb." Tus ntseeg raug txhom koj mus kaw. Zaj xwm no nrov ncha moo lug mus thooob qhov txhia chaw thiab txhawb txhua tus txoj-kev ntseeg.

Peb lub cev qaugqeb yam li tus tub hluas Daviv. Tiamsis peb lub zog nchav yam li tus Nkaulias uas tsis lees paub Vajtswv, rauqhov Vajtswv tuaj peb tog. Muaj ib zaug cov neeg Koomsam tsa muaj ib lub koomtxoos rooj ncaujlus yog hais txog zaj hais tias, tsis muaj Vajtswv. Txhua tus neeg ua haujlawm hauv lub tuamtxhab ua haujlwm yuavtsum los mloog zaj no; cov neeg uas los mloog no ib nrao yog cov ntseeg Vajtswv. Cov ntseeg lawv los zaum twjywm mloog tus neeg ruam lub tswvyim npub npub hais zaj lus tawmtsam Vajtswv thiab cov neeg uas ntseeg Vajtswv. Nws muab txhua yam uas yuav pab tau zaj lus los ua pivtxwv ua timkhawv tias hauv ntiajeb no yeej ibtxwm tsis muaj ntsujplig xeebtxawm, tsis muaj Vajtswv, tsis muaj TswvYexus, tsis muaj qhov chiv keeb, neeg tsis muaj ntsujplig. Tus hais zaj no hais mus hais los tias neeg txojtsia tsis tseemceeb .

Muaj ib tug ntseeg sawv tsa tes thov muaj lus nug. Nws tau txais kev tso cai. Tus ntseeg no sawv tsees muab lub rooj zaum quavceg thiab sibzog cuam rau hauv pemteb. Nws taw tes rau lub rooj, koj sim saib nov seb yog dabtsi.! tomqab ntawd nws nce mus rau saum samthiaj xuas nws sab tes npuaj tus Koomsam uas hais zaj lus tias tsis muaj Vajtswv sab plhu. Tus txivneej Koomsam no chim heev. Nws lub ntsej muag liab ploog. Nws hu suab tawg ntho kom cov phoojywg Koomsam ciali los pab ntes tus ntseeg no. Nws ntho tawg ntho hais tias "vim licas koj yuav muaj peevxwm npuaj kuv sab plhu li no? Yog licas tiag?"

Tus ntseeg no thiaj teb nws hais tias, koj tabtom ua timkhawv ntawm koj tus kheej tias, koj yog neeg dag. Koj hais rau peb sawvdaws tias txhua yam tsis tseemceeb - tsis muaj qabntxhiab puas yog? Thaum kuv muab lub rooj pov ntsawm rau hauv pemteb nws twb tseemceeb . Lub rooj tsis chim. Tiamsis nws tseemceeb rau koj. Thaum kuv nce los npuaj koj sab plhu, koj tsis koj li lub rooj, koj koj txawv heev. Qhov tseemceeb tsis ua ibyam dabtsi kom tshwm sim, tiamsis koj yog tus ua. Yog li no, leej phoojywg xibhwb koj yog tus hais tsis yog. Neeg txojtsia tseemceeb tshaj lwm yam huv tibsi. Peb txhua tus muaj ntsujplig."

Xav tsis thooob rau tus ntseeg Vajtswv uas muaj peevxwm cav nrog tus neeg khav tias txawj ntse tsis lees paub Vajtswv ua rau nws kawg tswvyim poob ntsej muag loj kawg li.

Thaum kuv raug txim kaw hauv tsev lojcuj, muaj ib tug nomtswv tswj tebchaws los nug kuv yam ruam ntsuav li no; " Koj yuav ceev koj txojkev ntseeg vwm li ko kom mus txog hnuv twg?" Kuv teb nws tias, " kuv pom ntawm kuv qhovmuag lawm uas muaj coob tus tsis lees paub Vajtswv thaum nws txojtsia yuav tu thiab pw saumtxaj tau los lees nws tej kev txhaum rau

Vajtswv thiab lees yuav Tswv Yexus nws mam tusiav. Koj puas paub hais tias tus muaj kev cia siab rau Vajtswv lawm nws tsis muaj qhov yuav los lees nws kev txhaum rau Vajtswv thaum nws txojhia yuav tu, lossis hu yawg Masxis thiab yawg Lesnees nkawd los pab cawm nws kev dim txim?" Tus nom luag kuv. "Koj txawj teb kawg yod." Kuv hais txuas ntxiv mus. Yog thaum ib tug kws txawj ua tus choj tiav tsis yog nws yuav cia tus miv taug uantej sim seb tus choj puas khov tso. Yuavtsum yog lub tsheb ciavhlau khiav saum tus choj sim qhov ruaj khov thiab yog qhov tseeb. Qhov tseeb koj tsis txhob rawm maj khav hais tias nej txojkev tsis lees paubVajtswv yog txoj coj tau zoo lawm. Yog thaum muaj tej xwm loj tshwm sim los nws yuav pab tsis tau dabtsi hlo li." Kuv muab Lesnees phau ntawv ua qhov pab kuv zaj lus cav, thaum Lesnees sawv los ua tus thawj coj tebchaws Lavxias lawm. Lesnees tus kheej tau thov Vajtswv pab nws thaum lub tebchaws muaj kev covnyom tsis mus raws li lub siab xav.

Wb nyob ntsiagto ib nyuag chim tsis muaj lus sibcav txog zajno ntxiv. Nws yog tus neeg Koomsam coj tus xeebceem uas tsis kam cia nws ua tus swb. Nws nrhiav lwm yam los cav tawmtsam txojkev ntseeg nrog kuv ntxiv. Tejlus sibcav tsis paub muaj qhov xaus xws li hais no zoo li yawg Auka-xas-tees zaj lus hais tias, "Lub siab yeej ibtxwm tsis kam swb mus txog hnub tag sim neej."

### Vim Licas Muaj Peevxwm Yeej Tau Tus Neeg Koomsam?

Yog tau txais kev pabcuam los ntawm cov ntseeg nyob rau tej tebchaws ywjpheej, cov ntseeg tuaj qabrooj yuav muaj peevxwm yeej cov neeg Koomsam tej siab thiab yuav hloov tau neeg hauv ntiajteb no tus yamntxwv. Peb yuavtsum kovyeej xwb, vim peb muaj tej uas zoo tshaj Koomsam tej. Txawm yog tus dev xwb los nws yeej xav kom muaj ib tug pobtxha ua nws tug. Cov neeg Koomsam txhua tus lub siab quajntsuag rauqhov lawv tsis muajteej muajtug thiab lub siab quajdhi rau txojkev raug luag quabyuam kom ntseeg thiab coj raws li luag txoj cai.

Txhua tus neeg Koomsam muaj lub hlwb xav rau qhov hais tias, lub neej txhua yam tsis muaj qabhau, neeg cev nqaij tawv zooyam li tej pobzeb, pobcav thiab xyob ntoo xwb. Thaum tag yus txojhia ces, lub cev yaj rov mus ua av lawm xwb. Nws zoo rau peb tig nws raws li no; "Yog vim licas muaj cov neeg coj txojkev cai Koomsam coob coob nyob rau txhua lub tebchaws ho tuajyeem muab lawv txojhia mus tuag rau lawv txojkev ntseeg?" Lub cev uas yog av ho muaj kev ntseeg thiab lod? Tej chiv hauv av tuag theej lwm-tus txojkev ncaj ncees tau thiab lod? Lawv teb tejlus nug no tsis tau.

Hais txog qhov raug ntaus raug nplawm. Neeg tsis yog tsim los tiv txojkev raug ntaus raug nplawm es, yuav thev tau ntev. Peb pom thaum cov

thawj coj Naxis raug poobtsam tswj tebhaws, muaj coob tus cia li muab hlua khi cajdab tuag, ho muaj coob tus cia li lees nws tej kev limhiam uas nws tau ua dhau los lawm.

Cov neeg Koomsam muaj txog txhiab txhiab leej cia li ua neeg quav-yeeb, quavtshuaj thiab quavcawv vim lawv muaj kev cia siab loj rau Koomsam txojkev tswjhw. Tiamsis thaum kawg tsis muaj dabtsi tshwm sim los pab tau lawv.

Yuav luag txhua tus neeg Lavxias cia siab tob, muaj pluaj siabdav thiab muaj pluaj siabdawb. Txoj kev cai Koomsam yog ib txog ntiav ntiav thiab khavtxiv. Lawv nrhiav lub neej mus qhov tob heev, tiamsis nrhiav tsis muaj chaw tiag taw, thaum kawg lawv muab yeeb muaj cawv los ua qhov tiag lawv lub siab. Lawv txaussiab rau txojkev quavdej, quavcawv, yeeb tshuaj yog yam los tswj lawv lub neej lawv thiaj yuav muaj sia ua neeg nyob taus. Thaum lawv haus tej cawv mus rau hauv plab ua rau lawv qaug lawv tsis nco txob txhawj lub neej ib nyuag pliag. Tseeb tiag yog tias lawv paub qhov tseeb, qhov tseeb ntawd yuav tso tau lawv dim xwb.

Nyob rau lub nroog Npuscha-les, xyoo 1947 txog 1989 uas yog Lavxias ua cov tswjhw. Muaj ib zaug uas kuv raug yaum yam kuv tsis pom qab yuav yig nrog cov phoojywg mus rau hauv ib lub tsev muag dej cawv thiab ua kev lomzem. Kuv kom pojniam nrog kuv mus. Thaum wb nkag mus rau hauv tsev, wb pom ib tug thawj tub rog Lavxias coj hnuqbub peb tuav rawv ib rab yajphom ntawm nws tes hais nthe nqho hem txhua tus kom muab cawv los rau nws haus ntxiv. Tsis muaj tus kam muab cawv los rau nws haus ntxiv, vim sawvdaws pom nws twb qaug cawv heev lawm. Txhua tus ntshai nws heev li. Kuv thiaj mus cuag tus tswv muag cawv, nws paub kuv zoo thiab hais kom nws muab cawv rau tus thawj rog hnuqbub peb no haus ntxiv. Kuv cog lus rau tus tswv muag cawv tias kuv yuav mus zaum ntawm tus tubrog ib sab tsis pub nws ua ntshab ntxhov licas ntxiv lawm. Muab ib hwj tag ib hwj tuaj ntxiv tsis tseg rau wb. Nyob saum lub rooj muaj peb lub khob. Tus thawj rog hnuqbub peb paub cai kawg li. Nws ncontsoov ce cawv rau peb lub khob ntawd. Tiamsis nws ho tib leeg haus tag nhro peb lub huvsi. Kuv thiab kuv pojniam wb tsis haus. Nws qaug cawv heev kawg li lawm, txawm li no los nws lub hlwb tseem nco tau zoo. Nws yeej ibtxwm yog neeg nyiam haus cawv ntau li no. Kuv tham nrog nws hais txog TswvYexus, nws cuab ntsej mloog kuv tham yam tsis cam kuv ib los licas.

Thaum kuv hais xaus. Nws teb kuv li no; "Koj twb qhia koj tus kheej rau kuv lawm tias koj yog leej twg, cia kuv ho qhia koj tias kuv yog leej twg rau koj. Kuv yog ib tug txivplig ntawm pab coj kevcai Oto-dos, kuv yog thawj tus txivplig uas ntseeb siab rau kuv txojkev ntseeg thaum lub sijhawm Xatalees sawv ua tus tswj tebhaws es pib muaj kev tsimtxom. Kuv ncig mus ib lub zos rau ib lub zos hais lus ntseeb ntxias thiab tawmtsam txojkev ntseeg



qhia sawvdaws tias tsis muaj Vajtswv kuv yog ib tug txivplig kuv twb muab Vajtswv tso tseg. Kuv yog ib tug tawmtsam Vajtswv thiab cov xibhwb. Kuv qhia lawv ntiv tias, kuv rau siab ntso rau kuv tes haujlwm tawmtsam Vajtswv, yog li nomtswv thiaj pomzoo tsa kuv ua ib tug tub tshuajxwm qibsiab. Qhov Vajtswv rautxim rau kuv twb yog vim kuv siv kuv ob txhais tes no tsimtxom cov ntseeg, tomqab kuv tsimtxom txaussiab lawm, kuv yuavtsum muab lawv tua povtseg. Yog li, tsam no kuv yuavtsum haus cawv kom kuv qaug tsis txhob nco txog tej kev limhiam uas kuv tau ua los lawm, tiam-sis nws pab tsis tau dabtsi li."

Muaj coob tus neeg Koomsam cia li tua nws tus kheej. Lawv ob tug thawj coj uas muaj koobmeej sau tejlus sib dhos yawg Exesnees thiab Maiaskauxakis los kuj tua tus kheej, thiab yawg Fasdees tus kws txawj sau ntawv kuj yog tua tus kheej tibyam nkaus thiab. Thaum nws sau phau ntawv rau lub npe hais tias, Kev Zoosiab, cov ntsiab lus hauv phau ntawv nws qhia tias txojkev zoosiab tshwm tau los yog rau siab ntso ua haujlwm txhawb nqa Koomsam txojkev tswjhw. Nws zoosiab heev rau tej haujlwm nws txhawb Koomsam nws thiaj tua nws tus kheej tomqab uas nws sau phau ntawv tiav. Tejlus dag no, tsis yog ib cov lus zoo rau nws tus ntsujplig mloog kiag li. Tsaufis, thiab Thomkhes yog ob tug thawj coj muaj koobmeej thiab yog ob tug thawj tubrog coj txoj kevcai Koomsam zoo nyob rau tiam yawg Cixalees kav tebchaws, tiamsis nkawd tiv tsis taus Koomsam tejlus dag ntxias. Thaum kawg nkawm tua tus kheej tuag mus.

Cov neeg Koomsam yog ib cov uas tsis muaj kev kajsiaib kiag li. Lawv cov thawj coj khavtheeb txhua tus zoo tibyam nkaus. Tsis muaj tus paub tias Xataslees muaj kev nyuajsiab npaum licas! Tomqab uas nws tua nws cov phoojywg yuavluag ib nrab kiag povtseg, nws noj tsis qab pw tsis tsaugzog, ntshai rwg tsam muaj neeg nyas tua nws povtseg lossis raug luag tso tshuajlom. Nws muaj yim chav chaw pw, txhua chav chaw pw nws xauv zoo npaum nkaus li luag xauv nyiaj tseg tom tsev cia nyiaj. Tsis muaj tus paub meej tias txhua hmo nws yuav mus pw rau chav twg. Nws tsis lam noj tej zaubmov yog tias tus ua zaubmov tsis saj uantej rau nws ntsia tso. Txoj kevcai Koomsam tsis ua rau neeg muaj kev kajsiaib, txawm yog tus thawj coj khavtheeb kiag los yeej tsis muaj kev kajsiaib hlo li. Lawv yuavtsum lees TswvYexus ua lawv tus Tswv xwv lawv thiaj yuav kaj siab.

Cov pawg ntseeg uas pehawm Vajtswv nkaum nkoos uas muaj lub npe hu ua "Cov ntseeg nyob tuaj qabrooj" thiaj yog cov muaj txojkev sib koomsiab thiab muaj kev ntseeg ruaj khov tshajplaws .

Muaj ib tug xibhwb uas siv lub npe hu ua "Tsauj" nws sau ib phau ntawv uas yog hais txog Vajtswv thaum nws ua haujlwm nrog cov ntseeg pehawm Vajtswv nkaum nkoos. Nws hais tias muaj ib tug thawj tubrog Lavxias coj hnuv qub peb tuaj cuag nws nyob rau Hankalis tebchaws, tus thawj rog thov los nrog nws tham tib leeg. Tus thawj tub rog no yog ib tug neeg meejpem. Nws txo hwjchim thiab tsis coj li tus neeg muaj meejmom. Thaum nkawd mus rau hauv chav tsev sablaj nqaim nqaim thiab kaw qhovrooj rau lawm. Nws tsa qhovmuag ntsia tim tej sab phabntsa muaj tej tus ntoo khaublig khuam tseg rau tid. Nws hais rau tus xibhwb tias, "Koj puas paub tias tej tid yog kev dag ntxias xwb?" Nws yog ib qho nyuag ntoo nej cov xibhwb txua los ntxias tej neeg ruam kom qaugquav nqa nyiaj tuaj txhawb tus neeg ntse kom nplua nuj. Tsam no, muaj koj thiab kuv wb ob leeg xwb. Koj cia li lees rau kuv tias koj yeej tsis ntseeg tias TswvYexus yog Vajtswv tib leej tub."

Tus xibhwb luag twjywm thiab teb hais tias. "Tus metub hluas es, kuv ntseeg tias tej ntawd yog qhov tseeb tiag hos."

Tus hluas ntawd txawm cev tes mus rho rab yajphom tawm los tuav ntawm tes, txav zog los ze thiab taw nkaus rau tus xibhwb lub cev thiab hais tias "Koj cia li lees rau kuv tias yog dag xwb, tsis li ntawd kuv nyem qibphom kiag!" Tus xibhwb teb tias, "kuv yuav lees li koj hais tsis tau, rauqhov nws yeej muaj tseeb tiag. Peb tus Vajtswv yog tus tseeb thiab yog Vajtswv tib leej tub."

Tus tub hluas txawm tso nws rab yajphom rau hauv pemteb, nws kim-caug rau ntawd tus xibhwb xubntiag qhuas tus neeg uas hwm Vajtswv, nws kuamuag ntws tsis paub tag. Nws tsa hlo suab quaj. "Nws yeej muaj tseeb tiag. Kuv yeej ntseeg tibyam nkaus li ntawd, thaum xub thawj kuv tsis totaub tias, vim licas neeg yuav ntseeg txog rau qib uas tuajeem muab txojksia tuag tau rau txojkev ntseeg no los txog rau hnuv kuv tus kheej los nrhiav tau qhov tseeb lawm. Kuv ua koj tsaug!. Koj yog tus txhawb kuv txojkev ntseeg. Tsamno kuv txaussiab muab kuv txojksia rau Tswv Yexus lawm. Koj yog tus qhia kom kuv paub ua li ntawd."

Lub sijhawm thaum Lavxias tuaj tswj tebchaws Laumanias, muaj ob tug tubrog muaj phom nrogncig cia li nkag los rau hauv tsev pehawm Vajtswv thaum lub sijhawm cov ntseeg tabtom pehawm Vajtswv, nkawd nthe tawgntho thiab taw phom ntshis hais tias, "Peb tsis lees paub txog nej txojkev ntseeg no. Cov uas tsis kam tso lawv kev ntseeg tseg yuav raug tua povtseg tamsi no! Cov uas kam tso lawv kev ntseeg tseg txav mus rau phabxis." Muaj

ib nrab txav mus rau phabxis, cov no raug ntiab kom tawm hauv tsev pehawm Vajtswv mus tsev. Lawv nyias huas nyias siavciaj. Thaum tshuav ob tug tubrog nrog cov ntseeg uas seem nyob lawm xwb, nkawd tig los puag xub-pwg nrog lawv thiab qhia tias; "wb yog ob tug ntseeg Vajtswv thiab, tiamsis wb tsuas xav koom pehawm Vajtswv nrog cov neeg uas tuajyeem muab nws txojia tuag tau rau nws txojkev ntseeg xwb."

Niajhnuv nimno nyob rau cov tebchaws Asxias sab hnubtuaj qabteb yeej tseem muaj cov ntseeg uas muaj peevxwm li hais no. Lawv tsis yog cov tivthaiv kev tshaj Txojmoo Zoo xwb tiamsis yog cov tawmtsam kom muaj-yeej rau txojkev ywjpheej thiab.

Cov ntseeg nyob rau sab hnubpoob siv sijhawm txog li tsib rau teev los mloog tej suab nkauj ntiatjeb. Nyob rau peb tebchaws, peb tso cov suab nkauj ntiatjeb uas suab nrov ncha lug kom npog tej neeg nruab zog cov qhovntsej es txhob mus qhia tub ceevxwm.

Cov ntseeg no lawv muaj lub sijhawm pehawm Vajtswv tsawg heev. Yog hais tias lawv lam muaj sijhawm ntau npaum li cov ntseeg uas nyob rau cov tebchaws ywjpheej thiab mas, ntshe yuav zoo lawv siab kawg nkaus.

Tus uas sau zaj lus no tsuas yog nws tib leeg xwb. Kuv yog tus sawvcev tagnrho rau cov uas tsis muaj peevxwm hais tau lawv tejlus tuaj mus qhia rau cov ntseeg nyob rau sab hnubpoob nrog hnov. Los ntawm lawv txhua tus lub npe kuv thov nqua hu nej txhua tus nrog lees paub txog lawv tej kev ntseeg raug teebmeem thiab. Los ntawm lawv txhua tus lub npe, kuv thov nej ncontsoov thov Vajtswv pab, cev tes mus pab cov ntseeg nyob tuaj qabrooj uas nyob rau Koomsam kev tswjhwv thiab tej tebchaws uas muaj txoj cai tswj nruj tabtom raug luag tsimtxom niaj hnub nimno.

\* \* \*

Peb yuavtsum kovyeej cov neeg Koomsam xwb. Rauqhov peb muaj Vajtswv tuaj peb tog thiab Txojmoo Zoo uas peb qhia nkag mus tswj tau neeg lub siab.

Tus neeg Koomsam uas raug txim thaum cov neeg Naxis txhom nws koj mus rautxim tau lees rau kuv tias, nws thov Vajtswv pab nws txhua lub sijhawm thaum nws nyuaj siab. Kuv pom kiag ntawm kuv lub qhovmuag uas muaj ib tug thawjrog Koomsam tuav TswvYexus lub npe hu tias Yexus, Yexus uantej nws txoj siav tu.

Peb yuavtsum yeej rauqhov txhua haiv neeg tej kablig kev cai tuaj pebtog. Lavxias tebchaws luag muaj peevxwm txwv tsis pub sau tej ntawv uas qhia txog Vajtswv zaj tshiab tshiab. Tiamsis txawm luag yuav txwv li no los yeej tseem muaj tej phau xws li phau Thauxathoy thiab Daus-thoyesxakis neeg nyeem nrhiav pom Tswv Yexus lub teebci nyob hauv. Nws muaj tejyam zoo li hais no nyob rau lub nroogTsau-esthis tebchaws Yeslemas hnubpoob

thiab Xia ki-esviv tebchaws Paulees thiab lwm qhov chaw. Xadausvenus yog Laumanias ib tug kws txawj sau ntawv muaj koobmeej nrov ncha moo lug. Cov meeg Koomsam muab nws phau ntawv luam tawm. Phau ntawv muaj lub npe hu ua, Tus xibhwb lub neej, muab hloov mus hu ua; Tus xibhwb zaj dabneeg, txawm luag yuav hloov lub npe li no los txhua tus nyeem phau ntawv no puavleej txaussiab rau.

Lawv tsis muaj cuabkav yuav txwvtxiav tsis pub luam cov duab uas yog Lafas-ees, Maikaus-eestselaus thiab Li-esnadaus da Vescees rauqhov cov duab no yamntxwv zoo. Cov duab no hais txog TswvYexus.

Thaum kuv mus nrog ib tug neeg Koomsam tham txog Vajtswv zaj, yam uas kuv xav tau tshajplaws yog xav kom nws txhob nrhiav lus los cav nrog kuv tejlus nug nws thiab nws txawj tswj nws lub siab nyob ntsiagto mloog kuv cov lus.

Kuv paub ib tug kws xibhwb qhia kevcai Masxis zoo. Thaum nws tuaj hais txog tias, tsis muaj Vajtswv, thov Vajtswv foom koobhmoov rau nws zaj lus kom pab tau cov neeg tuaj mloog! Kuv paub muaj cov neeg Koomsam sib sau mus koom uake rau tej qhov chaw nraimnkoos uas nyob deb ntug nroog. Thaum luag paub txog lawv txojkev sib sau, lawv tsis lees paub. Tiamsis thaum kawg lawv txhua tus kuamuag nrog vim lawv tsis muaj peevxwm yuav qhia tau lawv kev ntseeg.

Txawm yog ib leeg xwb los nws yeej mus nws kom nws txojkev ntseeg yuav loj hlob tuaj. Peb cov ntseeg uas nyob nkaum nkoos npaj rawv txhawb tej neeg uas muaj kev ntseeg zoo li no ib tug dhaui ib tug.

TswvYexus hlub cov neeg koj kevcai Koomsam thiab lwmtus uas yog "yeeb ncuab". yuavtsum koj kom tau lawv los cuag TswvYexus. Tus uas xav ua raws li TswvYexus tejlus qhia kom mus koj neeg los lees yuav txojkev dim txim, nws yuav tau xyaum tus qauv ntawm cov ntseeg nkaum nkoos li nyob hauv qabrooj no. Tswv Yexus hais tias. "Tawm mus qhia txhua haiv neeg thoob qabntuj." Nws tsis tau hais tias peb yuavtsum tsa kom muaj nomtswv ua cov tswjhw m tso mam mus qhia. Yog li tus uas muaj kev ntseeg tiag yeej muaj peevxwm yuav mus tshaj tau Vajtswv Tsojmoos Zoo rau tej tebchaws uas cov nomtswv tseem koj nruj heev.

Peb muaj cuabkav mus koj neeg los ntseeg li ntawd, vim twb yeej muaj cov ntseeg nyob qabrooj ua cov koj peb kev thiab lawv nyob txhua txhia qhov chaw lawm.

### Kev Koomtes Ntawm Cov Ntseeg Nyob Qabrooj

Cov ntseeg nyob qabrooj no muaj peb pab koomtes uake. Ib pab yog cov Xibhwb thiab txivplig qub muaj coob txog ntau txhiab tug. Lawv raug luag tshem tawm hauv pawg ntseeg tsis pub ua tus coj vim luag liam tias lawv yog cov tsis yoog raws nomtswv kev cai. Cov Xibhwb thiab txivplig no raug luag txhom coj mus kaw hauv tsev lojcuj tau ntau xyoo vim txojkev ntseeg. Muaj ib txhia nyuam qhuav raug tso tawm. Thaum lawv tawm los, lawv rov qab nyiag kev rov mus koom cov pawg ntseeg uas tseem nyob nkaum nkoos dua. Lawv tes haujlwm ua tau zoo kawg nkaus. Tseemhvw ua nruj kawg nkaus, luag muab tej xibhwb uas luag ntseeg siab mus hloov tej uas ibtxwm coj pawg ntseeg thiab kaw tej tsev pehawm Vajtswv qhovrooj tsis pub muaj kev pehawm ntxiv. Tiamsis cov ntseeg yeej haj yam niajnhub niajhmo ua haujlwm yam muaj zogzis. Lawv mus sib ntsib rau hauv tej tsev ua liaj ua teb, chav tsev sab hauvqab, hauv nruabzoo nruabtsuag kom txhob muaj tus pom thiab paub xwb.

Cov txivneej no yog lub "noob zaub muaj sia" yeej tsis muaj leej twg yuav txwv tau kom lawv txhob ntseeg. Lawv tes haujlwm yog pheej hmoo yam tsis paub tias xyov hnuv twg yuav rov raug luag ntes coj mus kaw dua.

Cov koomtes nrog cov ntseeg nyob qabrooj. Pab ob; yog cov kevtxwj laus uas yog pab tubrog muaj zog nchav, pab tuaj tom hauv ntej ntawd nws pab neeg. Nyob rau Suav Koomsam tebchaws, cov kev txwjlaug ib tug ntawm tsib tug yog cov uas muaj pluaj siab kub lug tawm mus tshaj Vajtswv Txojmoo Zoo. Lawv cov no muaj coob txog txhiab txhiab tus thiab lawv yeej tsis tau txais ntawv tso cai. Txojkev tsimtxom cov ntseeg yeej ibtxwm yog txoj cob kom cov ntseeg kev ntseeg ruaj khov; kom txawj ua povthawj zoo thiab txawj mus coj neeg los ntseeg coob. Lawv yim raug kev tsimtxom, lawv yim muaj txojkev ntseeg ruaj khov. Nyob rau sab tebchawss ywjpheej xam tsis pom ib tug muaj kev ntseeg loj npaum li lawv. Lawv cov no, lawv ntseeg hais tias thaum yus ntseeg lawm, yus yuavtsum coj kom tau lwmtus los ntseeg tibyam nkaus.

Tsab xovxwm muaj lub npe hu ua "Hnuv qubliab" (yog Lavxias cov tubrog ua tus tswv) tau sau ib cov lus tawmtsam cov pejxeem ntseeg nyob hauv tebchaws Lavxias tias, "Cov pehawm Yexus lawv nyiam zais lawv tej kev muaj plhus cia puag hauv lawv tus rautaw." Tiamsis lawv lub neej ntseeg Vajtswv ua yam ntxwv zoo muaj peevxwm rub tau tej neeg nruabzej nruabzoz pluaj siab sib hlub. Tej nroog lossis tej zos, cov ntseeg yog cov nyob muaj kev sib haumxeeb dua ntais. Yog muaj ib tug niamtsev ntseeg muaj mob nws tu tsis tau nws tej menyuam, lwmtus niamtsev ntseeg cia li tuaj ua tus pab saib xyuas. Yog ib tug txiv tsev ntseeg muaj mob mus txiav taws tsis tau, lwmtus



txiv tsev ntseeg cia li mus txiav taws rau nws. Lawv coj lub neej raws nkaus li txojkev ntseeg tiag. Thaum ib tug twg mus ua timkhawv txog Vajtswv zaj, neeg tig ntsej mloog lawv tejlus vim lawv coj lub neej zoo tiag. Tsuas yog tus xibhwb uas raug luag tso cai thiaj qhia tau rau hauv tuamtsev xwb, yog li cov kevtxwj laug muaj txog txhiab txhiab leej cov muaj peevxwm tuaj yeem muab tus kheej pub rau Vajtswv yog cov tawm mus rau txhua txhia ces kaum kev uas muaj cov neeg Koomsam nyob. Lawv mus coj kom tau cov neeg no los cuag Vajtswv, ua tim khawv, qhia Vajtswv zaj rau hauv tej kiab khw, rau ntawm tej qhovdej neeg tuaj ce dej thiab mus txhua txhia qhov chaw uas muaj neeg nyob. Tsab xovxwm tseem hais ntxiv tias, muaj cov ntseeg tua tsiaj muag, muab cov ntawv uas hais txog Vajtswv zaj los qhvw daim nqaij kom tus neeg yuav nqaij tau coj mus nyeem. Tsab xovxwm hais ntxiv tias muaj cov ntseeg mus ua haujlwm rau hauv lub tsev luam ntawv uas yog neeg Koomsam ua tswv, yav hmontuj lawv nyiaj nkag mus luam cov ntawv qhia txog Vajtswv zaj tau ntau txhiab daim, tomqab luam tiav lawv kaw qhovrooj zoo cia li qub uantej lub hnub tawm tuaj. Tsab xovxwm Koomsam sau lees paub tias cov menyuam ntseeg Vajtswv nyob rau hauv tuamceeb Mausxakau tau txais ib cov ntawv hais txog Vajtswv zaj "muaj neeg cev twjywm" rau lawv- lawv xuas tes theej cov ntsiab lus hauv cov ntawv no tseg. Cov menyuam no nqa cov ntawv uas lawv theej tau los coj mus nyiaj tso twjywm rau lawv tus kws qhia ntawv tej hnab tsho loj. Lub zog nchav ntawm cov txwjlaug niam txwjlaug uas muaj peevxwm mus coj tau neeg los cuag Vajtswv thiab ua timkhawv mus thoob rau Koomsam tej tebchaws.

Ntau txhiab tus txivneej pojniam muaj pluaj siab tawv qhawv rau kev tshaj Txojmoo Zoo. Lawv ua rau Koomsam ntxub lawv kawgnkaus xav kom pab neeg no puas ntsoog.

Cov koomtes nrog cov ntseeg tuaj qabrooj. Pab peb; yog cov xibhwb uas nomtswv lees paub thiab yog cov coj cov pawg ntseeg raug tso cai. Lawv kuj muaj feem txheebze nrog cov ntseeg uas nyob qabrooj thiab. Nyob rau tiam Koomsam txoj kevcai tswjhwv ntawm cov tebchaws Pauslees, Heesnkalis thiab lub qub tebchaws Yeskausxalavias, puavleej muaj coob tus xibhwb uas yog cov coj pawg ntseeg raug nomtswv tso cai tau nyiaj koomtes ua hauj lwm nrog cov ntseeg tuaj qabrooj li hais no. Cov xibhwb no luag txwv tsis pub lawv tham txog Vajtswv zaj nyob rau sab nraud, tsuas tham tau nyob hauv lawv chav me me xwb. Luag txwv tsis pub lawv coj tej menyuam thiab tub ntxhais hluas mus sib ntsib ua pab pawg. Tus tsis ntseeg Vajtswv ntshai mus ntsib lawv. Luag txwv tsis pub tus xibhwb mus thov Vajtswv pab nws cov tswv cuab uas muaj mob hauv lawv tsev. Luag muab Koomsam txoj cai los xov ncig txhua lub tsev pehawm Vajtswv kom tsis muaj cuab kav ua tau dabtsi.

Cov xibhwb no yeej raug lus iabliam yuav luag txhua zaus yog thaum twg luag ntsia pom rooj pehawm Vajtswv tsis raws li txoj cai "pehawm ywjsiab". Tes haujlwm tshaj Txojmoo Zoo yog xum hmoov thiab tuajyeem tso plhuav lawv txojkev ywjpheej tseg, nyiag ua hla nomtswv tej cai, ua tshaj qhov yus ibtxwm xav tsis txog. Cov xibhwb no nyiag mus qhia tej menyuam thiab tej tub ntxhais hluas. Nyob rau cov tebhaws sab hnuv tuaj nruabnrab, Aflikas qaumteb, thiab tej tebhaws sab Asxias lawv siv cov ntseeg lub tsev sab hauv qab qhia Vajtswv zaj. Lawv faib tej ntawv uas qhia txog Vajtswv zaj rau tej neeg uas tshaib nqhis Vajtswv tej lus. Lawv xum hmoov thiab qimuag hla nomtswv tej cai mus qhia kom tau Vajtswv zaj rau tej neeg uas tshaib nqhis Vajtswv tej lus uas nyob ib puag ncig ntawm lawv. Nyob rau tebhaws Lavxias Koomsam kev tswjhw m qub, cov txivneej no muaj coob tus raug ntes koj mus rautxim nyob hauv tsev lojcu j tau ntau lub xyoo.

Niaj hnuv nimno cov txivneej thiab pojnia m ua tes haujlwm no hajyam raug txhom coob.

Cov qub xibhwb uas raug luag ntiabta m hauv pawg ntseeg thiab raug nomtswv nrhiav txhom, cov txwjlaug thiab cov xibhwb uas nom tswv lees paub sib koomtes ua tes haujlwm nrainkoo s hnyav thiab ntau tshaj qhov lawv muaj peevxwm, lawv hla nomtswv tej cai. Txhua tes haujlwm li hais yog kev sib koomtes ntawm cov ntseeg nyob qabrooj. Tes haujlwm sib koomtes no yuavtsum ua mus kom txog hnuv uas txoj kevcai Koomsam ploj hauv ntiatseb no mus. Nyob rau tej qhov chaw kuj ua tauhaujlwm dav dua li tej qho. Tiamsis txhua tes haujlwm yeej yog xum txoj sia thiab muaj tib lub homphiaj uas yog koj neeg los cuag Tswv Yexus.

Muaj ib tug txivneej ib sij ncig mus rau Koomsam cov tebhaws. Nws xav paub txog cov ntseeg nyob qabrooj lub neej teev tiam seb zoo licas. Thaum nws rovqab los txog tsev, nws sau hais tias nws tsis ntsib ib tug ntseeg uas yog cov nyob qabrooj qhov twg li.

Nws zoo yam nkaus li ncig mus rau Aflikas qabteb mus xyuas cov neeg nyob tom havzoov uas ibtxwm tsis tau txais kev kawm ntaubntawv xwb. Thaum rovqab los txog tsev, muaj tus nug kuv tias; "koj puas tau nug cov neeg no seb lawv txhua tus puav leej txawj hais lus ntse ntsuav tibyam los tsis txawj,? Txhua tus teb kuv tias lawv tsis txawj." Qhov tseeb lawv txhua tus yeej txawj hais lus, tiamsis tsuas yog lawv tsis paub xyov lub ntsiab yog licas xwb. Cov ntseeg thaum ub lawv yeej tsis paub hais tias lawv muaj lub npe hu ua "Cov ntseeg". Yog koj lam nug lawv tias, lawv koj kev cai ntseeg dabtsi? Lawv yuav teb koj tias, lawv yog neeg Yudais, haiv neeg Ixayees, ntseeg TswvYexus yam li tus Cawmseej, yog ib pab kwvtij, yog thwjt m thiab yog Vajtswv cov menyuam. Lub npe hu tias "Tus Ntseeg Vajtswv" yog twb tau ntau lub xyoo tomqab no mam tis muaj nyob rau lub nroog Asti-aukias.

Cov coj kev cai raws li Luthaw cob qhia, lawv yeej tsis paub hais tias lawv yog tus coj kevcai Luthawlees. "Cov ntseeg nyob qabrooj" lub npe yog cov neeg Koomsam thiab yog cov neeg sab hnubpoob tis rau lawv, sijhawm thaum cov neeg Koomsam sawv tswj tebchaws nyob rau sab hnubtuaj. Cov koomhaum coj kev cai ntseeg nyob sabhnub poob xav paub txog cov ntseeg lub neej nyob qab kev tswjhwntawm Koomsam thiaj tau siv lub npe no los tshawb fawb cov ntseeg. Cov tswvcuab uas yog cov ntseeg qabrooj tsis hnov hu lawv lub npe raws li lawv lub koomhaum. Lawv hu tus kheej tias, tus ntseeg Vajtsvw, Vajtsvw tus menyuum. Lawv tes haujlwm yog ua nrainkooos, sib ntsib ntsiagto, lawv tshaj Txojmoo Zoo ib tug rau ib tug xwb. Lawv mus koom nrog tej neeg txawv tebchaws uas tsis lees paub hais tias nws ibtxwm yeej tsis pom cov ntseeg nyob qabrooj. Nws yog ib lub npe uas txhua tus totaub zoo yog thaum muaj ib tug neeg twg hais txog tiamsis tsis muaj tus paub txog lawv tes haujlwm, yog ib lub koomhaum muaj koobmeej.

Koj yuav ncig mus tsheej xyoo thooob cov tebchaws sab hnub poob los yeej tsis muaj peevxwm paub tau tias tus neeg sojntsuam yog tus twg. Vim nws yeej tsis lam yuav cia li los qhia tus kheej yam niag ruam ntsuav rau cov neeg txawv tebchaws paub ib zaug li.

Nyob rau lwm tshooj kuv yuav muab cov zaj lus sau uas yog Lavxias tsab xovxwm sau hais txog cov ntseeg nyob qabrooj coj los ua povthawj qhia rau sawvdaws tias cov ntseeg nyob qabrooj tes haujlwm uas muaj peevxwm huamvam loj hlob yeej muaj tseeb tiag.



## TSHOOJ 6

### Cov Ntseeg Vajtswv Yuav Kovyeej Txoj Kevcai Koomsam Tau Licas?

**K**uv twb qhia txog peb txojkev muajyeej uas qhia Vajtswv Txojlus ntsiagto rau Lavxias cov tubrog thiab cov neeg coj kevcai Koomsam hauv tebchaws Laumanias los lawm. Kuv tau thov nej kom pab kuv qhia Yexus Khetos zaj rau cov neeg Koomsam thiab cov neeg uas raug tsimtxom. Kuv thov nug nej li no " Puas yog ib lub zeemmuag zoo thiab puas yog ib tes haujlwm uas yuav ua tsis tau?" Puas muaj tseeb tiag?

Puas tseem muaj cov ntseeg ua tes haujlwm nyob qabrooj no nyob rau tej tebchaws muaj txojkev Koomsam tswjhwm xws li tebchaws sab Asxias thiab lwm lub tebchaws? Cov ntseeg ua tes haujlwm nyob qabrooj no puas tseem muaj nyob niaj-hnub nimno?

Peb muaj peevxwm yuav teb cov lus nug no kom yog ib zaj xov Zoo tseeb tiag. Cov neeg coj kevcai Koomsam muaj peevxwm ua koobtsheej yam muaj plhus nxiag qhuas txog lawv txojkev cai Koomsam tswj lub tebchaws tau ob peb tiam. Tiamsis lawv txojkev muaj plhus no twb swb lawm. txojkev cai ntseeg Vajtswv yog txoj kovyeej txojkev cai Koomsam. Hauv tebchaws Lavxias tsab xovxwm tawm, raws li peb lub koomtxoos tau ua tibzoo tshawb fawb pom. Tsab xovxwm no tau sau ua lus iabliam, nkaug peb cov ntseeg uas yog nyob qabrooj ntau tsav ntau yam tsis zoo. Cov neeg Lavxias ntseeg Vajtswv nyob qabrooj yog cov sawv los tivthaiv tejlus iabliam nkaug no mus rau qhov muaj peevxwm thiab tsis ntshai cov neeg Koomsam ib tug twg kiag li. Thiab tseem muaj cov qub nom tswv tswj lub tebchaws Lavxias uas tseem muaj sia nyob niajhnub nimno los ua povthawj txog tsab xovxwm tejlus iabliam nkaug no thiab.



Nco ntosoov, cov pawg ntseeg nyob qabrooj thoob ntiajteb zoo li cov dej khov ua ib thooj. Feem coob lawv nyob tuaj qab tivtxwv, feem tsawg yog cov ua haujlwm nyob nruab nquhab.

Hauv phau ntawv no kuv tsuas sau ua tej nqe lus luv luv qhia txog tes haujlwm muaj yeej uas yog cov neeg tiam neeskaum ib no tej kev muaj peevxwm xwb..

### **Qhov Nqi Zog Ntawm Cov Ntseeg Zoo Li Thooj Dej Khov Tau Txais**

Hnub tim 7 lub 11 hli xyoo 1966, hauv lub nroog Suhumis, cov ntseeg nyob qabrooj tau tsa muaj ib lub rooj sablaj loj uas yog ib qho chaw tsis muaj dabtsi vov thiab thaiv sawvdawv. Muaj cov ntseeg coob coob tuaj txhua txhia lub zos tuaj koom uake. Tomqab zaj lus qhuab qhia xaus muaj lus caw, muaj plaub-caug xya tus hluas los txais Yexus Khetos ua lawv tus Tswv thiab muab lawv ua kevcai raus dej hauv hiavtxwv dub. Zaj no zoo ibyam li Vajtswv Txojlus hais txog txheej thaum ub ntag.

Tomqab 10 lub xyoo uas Koomsam yog tib pab ua cov tswj, tsis muaj Vajtswv Phau Ntawv, lossis tej phau ntawv uas yog qhia txog kev ntseeg, tsis muaj kev kawm Vajtswv Txojlus, cov xibhwb uas coj cov ntseeg nyob qabrooj lawv yeej tsis tau txais kev cob qhia txog kev qhuab qhia Vajtswv Txojlus li. Ua tib zoo xyuas, thaum ub Filis, tus uas yog txwjlaus nrog tus Nom Ethi-aupias sibtham tsis muaj pestsawg teev, tus Nom cia li hais tias "saib, nov muaj dej, puas muaj dabtsi ua rau kuv tsis tsimnyog ua kev cai raus-dej?" Filis teb tias, yog koj ntseeg tagrho hauv koj lub siab, koj ua tau...."Filis thiab tus nom tau nqis mus hauv dej, thiab Filis tau muab nws ua kev cai raus dej" (Cov Tubtxib 8:36-38).

Hauv hiav txwvdub muaj dej txaus rau pawg ntseeg nyob qabrooj tau xyaum ua raws li Vajtswv Txojlus yav dhau los. Niaj hnub nimno, lub tebchaws Lavxias tsis yog tib pab ua tus tswj lawm. Txawm li no los, cov ntseeg uas nyob rau tej qhov chaw uas yog tej qub nom tswv Lavxias tswjhwm tseem raug kev tsimtxom tsis tseg

Phau ntawv xovxwm "Uashistes-xakhalai-as" sau tawm hnub tim 23, lub 8 hlis, 1966 hais tias, muaj kev tsis txaussiab los ntawm ib pab ntseeg Vajtswv uas yog cov Npavtiv tau sawv tawmtsam ua ib pab nyob taug txojkev Rauxatos-Oo Doo vim lawv tsis txaussiab rau nom tswv tsab cai uas hais tias cov xibhwb tswj pawg ntseeg yuavtsum yog nom tswv ua tus xaiv tuaj tswj pawg ntseeg xwb.

Tej no muaj rau thawj hnub ntawm lub Tsib hlis ntuj. Tibyam li Yexus tau ua txujci tseemceeb hauv hnub caiv es, cov Falixais tsis txaussiab rau Nws. Muaj qec zaus pawg ntseeg qabrooj xaiv ua rooj tshwjxeeb kom ncaj rau hnub cov neeg Koomsam hnub tseemceeb thiab ua lino kom lawv ntseeg tias tsis tawmtsam Koomsam txoj cai. Thawj hnub lub Tsib hli ntuj yog ib hnub uas cov neeg Koomsam suav tias yog hnub koob tsheej loj tseemceeb txhua

tus yuavtsum muab kev koomtes. Tiamsis hhub no yog ib hhub tseemseeb rau cov ntseeg nyob qabrooj tawm tuaj koom uake uas yog pab ob coob ntawm cov pejxeem nyob Lavxias tebchaws tuaj txoos uake rau hhub no.

Kaumtsib txhiab tus ntseeg tau tawm tuaj txoos uake. Qhov txhawb lawv lub zog uas tuaj tau coob lino yog Vajtswv txojkev hlub. Lawv paub meej tias qhov lawv ua no yuav ua rau lawv raug txhom koj mus rau txim, tsimtxom raug nyiaj tshaib yoo nqhis thiab txojkev ntawd yeej cug rawv ntawm lawv hauvntej.

Txhua txhia tus ntseeg hauv Lavxias tebchaws paub txog zaj qhia tshwjxeeb sau tseg nyob rau phau "Masnifexataus" uas yog pawg ntseeg tshaj Txojmoo Zoo nyob lub zos Npanaus luam tawm. Zaj no yog hais txog ib tug muam npe hu ua Hamalas nyob lub zos Kulaudas nws tau hnov xov tias nws tus txiv raug tua tuag hauv tsev lojcu. Nws tso nws plaub tug menyuum mos tseg thiab mus txais tus txiv lub cev tuag. Thaum nws txais tau, nws tshawb pom tej vojhluas uas luag khi nws tus txiv ob txhais tes, cov ntvites, hauv ob lub xibtaw, raug luag hlavv kub hnyiab lwj ntsuav. Hauv nws lub plabmog muaj tej hniav riam lij rau hauv. Sab taw xis los o wv doog ntsuabxiab. Ob sab kavhlaub muaj tej kab cawspliav ua kiavtxhab uas yog raug luag nplawm. Tagnrho lub cev tsuas pom tej kiavtxhab qub thiab tshiab los ntshav liab vog tej no qhia tau tias yog raug tsimtxom tuag.

Txhua tus ntseeg uas tuaj koom uake faus Lauxatos zaum no lawv ntshai rwg tsam lawv lam cia li raug mus zoo li tus txivneej no thiab. Txawm li ntawd los lawv ua siab tawvqhawv.

Lawv paub zaj hais txog tus txivneej no zoo, nws tuag muab nws txojisia pub rau Vajtswv los ntawm kev tsimtxom. Tomqab tsis ntev nws los ntseeg Vajtswv tau peb lub hli xwb, nws lub ntees muaj cov ntseeg coob heev tuaj hmov tshua nws lub cev thiab zaj no muaj raws nkaus li Vajtswv Txojlus sau tseg.. "Yog kuv tuag hajyam yuav zoo dua" (Filis 1:21) thiab "Nej tsis txhob ntshai tus uas tua tau nej lubcev, tiamsis tua tsis tau nej tus ntsujplig" (Mathais 10:28).

"Kuv pom ib co ntsujplig coob coob nyob hauv lub qabthaj theej txhoj. Cov ntsujplig ntawd yog cov neeg uas luag muab tua, rauqhov lawv qhia Vajtswv Txojlus thiab ua timkhawv ncaincees cov ntsujplig" (Tshwmsim 6:9).

Tej yam xwm uas raug tsimtxom no txhawb tau cov neeg nyob hauv Rauxatos-Oo-Doo. Lawv tuaj nyob puagnicg lub menyuum tsev. Muaj neeg nyob thoobplaws txhua txhia qhov chaw, nyob saum tej qaumtsev, saum tej cegntoo, yam li Xakhais. Muaj yimcaum leej los ntseeg, cov coob yog cov tseem hluas. Zaj hais los no, muaj neemnkaum-peb tus uas yog cov qub tswvcuab uas zwm rau lub koomhaum hluas Khauxaumas (koom haum tub ntxhais hluas Koomsam).

Tagrho cov ntseeg koom mus uake hla lub nroog mus rau ntawm tus ntugdej Doo, qhovchaw uas cov ntseeg tshiab ua kevcai raus dej.

Muaj tshab thauj cov tub ceevxwm Koomsam tuaj txog ntawd. Cov tub ceevxwm vij nkaus cov ntseeg uas nyob ntawm ntug dej, lawv nrhiav ntes tus thawjcoj hauv cov ntseeg. (Lawv ntes tsis tau tagrho kaumtsib txhiab leej neeg!) Tamsim ntawd, cov ntseeg txhoscaug ntua hauv pemteb, thov Vajtswv kom Vajtswv tuaj lawv tog kovyeej cov tub ceevxwm thiab tso cai rau lawv muaj kev pehawm Vajtswv hnub ntawd. Cov ntseeg tsis hais txivneej pojniam sib tuavtes ib tug rau ib tug tiv thaiv cov thawj coj rooj pehawm Vajtswv kom tub ceevxwm tsis txhob los txhom tau lawv. Tej xwm no tau muaj sib txuas zws los mus.

Tsab xovxwm "Uschesxates-kais Kaxistas" uas tsis raug tso cai thiab yog lub koomhaum Npattiv nyob rau lub nroog Rausxatos tau luam tawm. Hauv Lavxias (Xwbleej), Lolus "Npattiv" luag suav tagrho cov Pheestakhaus huv si. Cov xov luam tawm no hais tias, cov tub ntshais hluas muaj cai xaiv lawv txojkev ntseeg, thiab cov niam txiv uas ntseeg Vajtswv, tsimnyog yuav tau ua tib zoo luj xyuas saib yam uas zoo rau nyias tus menyuum yog yam twg tiag: "yuav tau coj lawv cov menyuum mus saib tej ntees tuag kom lawv paub npaj tos tej xwm phem uas yuav los raug rau lawv lub neej." Tibyam nkaus li ntawd cov niam txiv yuavtsum txhawb nqa phab kev cob qhia txojkev ntseeg rau lawv cov menyuum tawmtsam tiv thaiv txojkev ntxeevntxias dag hais tias tsis muaj Vajtswv uas yog los ntawm Koomsam tej kev qhia hauv tsev kawm ntawv.

Tsab xovxwm tau xaus muaj lolus nug li no, "Vim licas cov kws qhia ntawv ho yuav muaj cai qhia txog kev ntseeg uas yog tsev neeg li haujlwm rau tej menyuum uas tsis paub qab hau dabtsi li?"

Tsab xovxwm sau ib zaj uas tau tshwmsim raug rau ib tug tub ua haujlwm nyob qabrooj raug txim, vim nws muab neeg ua kevcai raus dej. " ib tug hluas uas ntseeg Vajtswv raug hu mus ua timkhawv hauv tsev txiavtxim nws tau siv nws txoj kev muaj peevxwm hais lus tawmtsam cov nomtswv Koomsam hauv lub tsev txiavtxim. Nws hais lus yam npautaws hlo. Tus ntshais hluas yog ib tug tim khawv muaj peevxwm tivthaiv tus uas raug iabliam thiab nws tseem tsis txaussiab rau Koomsam tej cai uas txwvtxiav no." .

Pab tswvcuab uas ntseeg Vajtswv nyob qabrooj tau ua txhua yam tuajyeem muab lawv lub cev rau luag ntaus thiab mus nyob txim kom lawv tau txais txojkev teevtiam Vajtswv ywjpheej, tej lawv tau ua no yog nyob kiag ntawm lub tuam tsev uas yog Koomsam lub hauv paus loj.

Peb muaj ib txoj haukev nraim nkoos uas nyiag xa tej ntaub ntawv tawm sab hnubpoob. Tej ntaub ntawv no yog pab neeg hauv lub koomhaum Npattiv (tsis raws cai) tshaj Txojmoo Zoo nyob Lavxias tebchaws ua cov luam.

Nyob hauv cov ntawv, tej ntsiab lus peb sau thiab txhais qhia txog ib tes hauj-

lwm tseemceeb uas cov ntseeg tau sawv koom siab tawm uake, zaum no yog nyob rau hauv Tuamceeb nroog Mauvxakaus.

Kuv txhais cov ntsiab lus li no :

Cia li maj nroos rau txojkev sib txuas lus.

Cov kwvtij thiab cov muam uas hlub, thov Vajtswv tus uas yog Leejtxiv thiab Tswv Yexus Khetos tus uas yog Tus Cawmseej foom koobhmoov rau nej txhua tus kom tau txais kev kajsiab lug. Peb muaj tej yam uas qhia rau nej tias, cov sawvcev hauv pawg ntseeg tshaj Txojmoo Zoo Npavtiv , muaj tsib puas leej, cov uas npaj mus koom uake nyob rau lub nroog Tuamceeb Mauvxakaus hnuv tim 16, lub 7 hlis, 1966 lub homphiaj zaum no yog nkag mus kom txog ntua lub zog uas nyob nruabnrog, nkag kom mus tau rau hauv lub tuam tsev uas yog cov thawj nom tswv Koomsam lub hauv paus thiab qhov chaw ua haujlwm tseemceeb, kom lawv nrog hnov meej txog peb tejlus thov.

Peb tau xa ib tsab ntawv muaj cov ntsiab lus no mus rau yawg Thawj Pwmtsav Nplesnev thiab.

Tsab xov tau hais ntiv tias, muaj 500 tus txivneej tuaj sawv tim ntsej tim muag sab nraum lub tuamtsev tau ib hnuv nkaus. Nws yog thawj zaug uas cov ntseeg mus tawm suab tsis txaussiab rau Koomsam txoj cai nyob hauv lub nroog Mauvxakaus qhia rau neeg ntiatjeb pom. Cov neeg uas tuaj koomtes zaum no yog cov pawg ntseeg uas nyob qabrooj nyias xa nyias neeg tuaj. Thaum xaus hnuv ntawd lawv rov qab xa ib tsab lus thov kev ncaj ncees mus rau yawg Nplesnev dua, tsab no yog tsab ob, cov ntsiab lus yog hais txog lawv kev tsis txaussiab rau yawg "phoojywg" Xaraus-kanaus tsis kam muab lawv tejlus mus kom txog yawg hlob Nplesnev tsis yog nws tsis kam ua li hais xwb nws tseem ua nyaum thiab limhiam rau lawv.

Lawv tsib puas leej sawvcev ntawm cov ntseeg sawvntusug nyob ib hmo tiv nag rau ntawm ntugkev. Muaj neeg taug kev qw hais lus saib tsis tau lawv, tsheb khiav raws kev luam av nkos thiab dej qias txaws tuaj lo thiab ntub lawv txhua tus, lawv koom nyob uake ntawm lub tuam tsev uas yog Koomsam lub hauv paus ua haujlwm txog rau thaum kajntug.

Hnuv tomqab ntawd muaj lus tso tawm tias, lawv tsib puas leej ntawd yuav pub tus puav muaj cai mus ntsib cov nomtswv Koomsam tau. "Tiamsis kom paub tias, txhua tus ntseeg mus cuag cov nom tswv yuav luag txhua zaus yeej raug ntaus ntau nplawm uantej mam nkag mus ntsib tau tus nom, tej xwm phem no yeej tsis muaj leej twg ua povthawj tau, yog li lawv txiavtxim siab ua ib lub siab nyob tos seb yawg Nplesnev yuav tawm tuaj ntsib thiab hais licas rau lawv xwb"

Muaj tej yam uas txawv kawg li tuaj.

Thaum ib teev plaubcaug tsib feeb tavsua dua, neesnkaum-yim lub tsheb thauj neeg tuaj thiab lawv pib ntaus cov ntseeg. "Peb sawv vij ncig thiab sib tuautes uake, peb hu nkauj, "Hnuv uas zoo tshaj hauv peb lub neej yog hnuv

peb nyob koomtes uake ntawm tus ntoo khaublig." Cov tub ceevxwm uas tsis qhia yus paub yog cov xub nqis tes ntaus peb tsis hais tus hluas thiab tus laus. Lawv muab cov txivneej rub tawm hauv peb thiab ntaus lawv tej ntsejmuag, tej taubhau, thiab muab lawv pov ntsawm rau saum tej lagzeb. Cov tub ceevxwm ntsiab cov kwvtij tej plaubhau cab mus rau hauv tsheb. Yog muaj tus nrhiav kev khiav, cov tub ceevxwm ntes tau tus ntawd lawv ntaus kom tsis txhob feebmeej. Thaum lawv muab cov ntseeg ntim puv hauv tsheb lawm, luag coj lawv mus kaw rau qhovchaw uas tsis muaj leej twg paub. Cov tub ceevxwm tsis qhia leej twg paub uas lawv hnov zaj nkauj uas cov kwvtij thiab nkaujmuam hu nyob hauv lub tsheb thauj lawv. Txhua yam kev limhiam tsimtxom no yog cov txivneej uas raug tsimtxom yog cov qhia.

Sib lawliag no, kuj muaj tej yam uas zoo kawg tshwm sim thiab. Tomqab uas Tsib puas leej raug ntes thiab raug tsimtxom, Tus kwvtij Ntsi Veem thiab Haules tus uas tau lub npe hu ua "Tus Tswv yug Yexus Khetos pab yaj zoo", nws muaj tsab peevxwm nkag mus rau hauv Koomsam lub hauv paus loj uas yog qhov chaw ua haujlwm. Nws txojkev nkag mus zaum no zoo yam nkaus li lub sijhawm Yauhas tus uas muab neeg ua kevcai raus dej raug luag tsimtxom, tiamsis Tswv Yexus tabtom qhia zaj uas hais tias, "Nyias yuavtsum tso nyias tej kev txhaum tseg, rauqhov twb yuav txog lub sijhawm Vajtswv los kav neeg lub siab.." (Mt 4:17)

Veem thiab Holes nkawd nug tias, peb cov sawvcev uas nej ntes nej coj mus rau twg thiab hais tawv qhawv kom lawv cia li muab tso. Ob tug kwvtij uas muaj pluaj siab tawvqhawv no cia li ploj lawm ntsiagto thiab. Tau tsis ntev tomqab mam hnov xov hais tias, nkawv raug txhom coj mus kaw hauv tsev lojcuaj nyob Lestau-raxakai-as.

Cov ntseeg nyob qabrooj puas ntshai txog zajno thiab? Tsis ntshai! Muaj dua lwm pab cia li xum txoj hmoo los pib kiag tes haujlwm no ntxiv mus, lawv pib luam tej xwm phem no rau tsab xovxwm uas lawv twb tso tawm ntau zaus los lawm hais txog tej uas lawv raug dua los lawm lino; "Txoj haujlwm uas Vajtswv kom nej teev tiam Yexus Khetos, tsis yog nej yuav ntseeg Yexus xwb, tiamsis nej raug kev tsimtxom thiab." (Filpis 1:29) Lawv muab Vajtswv cov lus ntuas cov kwvtij "Nej txhua tus uas tabtom raug kev tsimtxom thiaj yuav tsis muaj ib tug poobsiab. Nej yeej paub lawm hais tias, Vajtswv yuav cia peb raug tej kev tsimtxom ntawd" (1 Thexalaunikes 3:3). Lawv rov hais txog Hinplus 12:2 thiab hu cov ntseeg kom lawv "ntsia ntsoov Yexus, tus uas yog peb lub hauvpaus kev ntseeg, thiab tus uas ua kom peb kev ntseeg tiav. Thaum lawv muab Nws ntsia rau saum ntoo khaublig, Nws ua siab ntev nyiaj tej kev txomnyem ntawd. Nws tsis suav hais tias, qhov uas Nws tuag saum ntoo khaublig ua rau Nws poob ntsejmuag rauqhov Nws paub hais tias, thaum dhau kev txomnyem lawm tomqab ntawd Nws yuav zoosiab kawg li.



Cov ntseeg nyob qabrooj txheem tej kev ntseev ntxias dag uas cov nomtswv muab los lom cov tub ntxhais hluas hauv lub nroog Rosxatos thiab Mauvxaokus thiab thob plaws Lavxias tebchaws. Lawv tawmtsam Koomsam lub tswvyim limhiam uas lom cov thawj koj hauv pawg ntseeg uas raug nom tswv tso cai. Zaj lus lawv luam tawm los ntseev ntxias muab tso rau lawv phau menyuum ntawv tshwjxeeb, "Manifexataus" muaj ntsiab lus li no " Nyob rau peb tiam, Ntxwngnyoog yog tus tswj txhua zaj uas yog Vajtswv tejlus yog kev tawmtsam peb txoj cai" (Sau hauv Plavausdas Uklees-nias hnuv tim 4, lub 10 hli, 1966).

Tsab ntawv xovxwm muaj npe hu ua "Plavadas Vautauskas" tau sau zaj luag taug rooj plaub ntug uas liam cov kwvtij Alesxis Nivesrov, Bauxalis Nkamas-saus, thiab Asxees Zunpos vim lawv sib sau mloog xovtooj cua tshaj Txojmoo Zoo uas yog tshaj tawm hauv tebchaws Amelikas mus.

Lawv raug iabliam ntxiv tias sib koom tshaj Txojmoo Zoo uas yuav muaj tej xwm tsis zoo tshwm sim tau xws li " pab neeg muaj suab nchav". Cov ntseeg nyob qabrooj ua haujlwm tibyam li thaum ub thawj pawg ntseeg uas nyob hauv nroog Kataukhom Loo tebchaws.

Tsab ntawv xovxwm Lavxias-xakai-as Maudavias sau tawm hnuv tim 15 lub cuaj hli xyoo 1966, hais tias luag nrhiav tau cov ntseeg ib phau menyuum ntawv. Phau ntawv no tau teev txhua qhov chaw uas cov ntseeg tawm mus tshaj Txojmoo Zoo tej chaw uas lawv ncig mus no yog chaw txwv tsis pub neeg nkag mus tau rau hauv.

Tib tsab xovxwm no tau sau ntxiv hais tias muaj peb tug tub hluas thiab plaub tug ntxhais tau caij tsheb ciavhlau tawm hauv lub nroog Lenis mus rau nram lub nroog Kilixis-naus, thaum nyob hauv lub tsheb ciavhlau lawv tau sib yaum hais tias, "Cia peb los sib koom siab hu nkauj qhuas TswvYexus". Tsab xov hais tias nom tswv ntes lawv koj mus kaw vim lawv qhia Vajtswv zaj hauv tsheb, ntawm tej ntug kev, tom tej tog kev, tej chaw tsheb nres thiab tej tsev kawm ntawv ua li no tawmtsam nom tswv txoj cai. Tej haujlwm li hais no yog cov ntseeg tes haujlwm nyob tuaj qabrooj.

Thaum luag muab cov tub ntxhais hluas no koj los txiavtxim vim lawv hu nkauj hauv tsheb ciavhlau uas yog tej chaw luag txwv, lawv sawvdaws thooj txhij txhoscaug rau hauv pemteb thiab hais tias, " Peb muab peb tus kheej cob cog rau koj tus uas yog peb tus Vajtswv. Peb ua koj tsaug, Vajtswv peb raug txomnyem yog los ntawm peb ntseeg koj thiab qhuas koj lub npe.". Thaum cov ntseeg tuaj mloog hnov thiab pom li no, muaj ib tug pojniam cia li sawv tsees los koj cov ntseeg hu nkauj uake qhuas tus Tswv hauv tsev txiavtxim thaum lub sijhawm uas luag tabtom txiavtxim yuav koj lawv mus nyob txim.

Thawj hnuv lub Tsib hli ntuj, nyob rau lub zos Kaupes-cias thiab Zaharoska, lawv tsis muaj chaw pehawm Vajtswv, lawv tuaj sib txoos uake

pehawm Vajtsv rau ib qho chaw nyob nraimnkoos hauv ib thaj havzoov. Tsis tag li xwb, thaum lawv tuaj sib ntsib tseemceeb li no lawv uatxuj uali yog muaj ua kev zoosiab rau tsev neeg yug menyuum mosliab. (Cov yim neeg uas muaj coob txog li tsib lossis rau leej yuavtsum ua cov npaj tos txais kev sib ntsib li no ib xyoo twg li 35 zaug).

Txoj kev ntes neeg coj mus rautxim lossis tsimtxom yeej tsis ua ib qho kev covnyom rau cov ntseeg nyob qabrooj tes haujlwm hlo li. Tibyam nkaus li cov ntseeg txheej thaum ub, lawv kovyeej txojkev tsimtxom twb yog vim lawv muaj kev ntseeg ruaj khov.

Tsab xovxwm hu ua Plaveda Yuklais-nis sau hnuv tim 4 lub 10 hli ntuj xyoo 1966, hais txog zaj tus kwvtij Plaus-Kosfis-es tus uas yog thawj coj cov ntseeg nyob qabrooj raug luag ntes coj mus kaw tso tawm los tsis tau pestawg hnuv nws rov sib sau cov ntseeg tuaj txoos uake nyob rau ib qho chaw nraim nkoos kawm txog Vajtsv zaj es, nws rov qab raug luag ntes dua. Nws sau cov lus daws zaj luag nkaug rau daimntawv tshwj xeeb Manifexataus: "Thov muab cob rau Koomsam txoj cai tswjhw ncaj ncees, thiab cov pawg ntseeg uas raug nom tswv tso cai lawv muaj plhus ntxiag hais tias lawv yog cov tau Vajtsv tej koobhmoov." Cov neeg nyob sab hnuv poob yeej ibtxwm xav tsis txog hais tias txojkev luag muab ib tug kwvtij ntseeg coj mus kaw nws lub neej yuav zoo licas. Tus neeg raug txim lub neej yog nyiaj tshaib yoo nqhis, raug tsimtxom thiab luag ua txhua yam kom kev cimxeeb qauj.

Tsab xovxwm npe hu ua Nauka i-Lesli-cias yog tsab 9 tso tawm xyoo 1996 sau qhia txog cov ntseeg tshaj Txojmoo Zoo mus rau qhov txhia chaw thiab cov ntawv hais txog Txojmoo Zoo daim qhwv sab nraud yog muab tej daim duab uas ntxim nyiam thiab zoo nkauj coj los tso rau. Lawv kuj luam tej phau ntawv muaj tus duab Asxanas Kalesnias npog rau phauntawv tiam-sis sab hauv yog Vajtsv tej lus.

Tshaj no ntxiv tseem muaj cov ntseeg hu nkauj qhuas Vajtsv uas yog muab lub suab txhawb nqa Koomsam pab zaj nkauj muaj lub npe hu ua "Kaxa-khaxatas-khai-as" lawv hu zaj nkauj no thaum lub 6 hli ntuj hnuv tim 30, xyoo 1966.

Lawv tseem sau ib tsab xov cuav tso tawm hauv lub nroog Kulausdas "Xos npalias" hais tias cov thawj coj ntawm cov pawg ntseeg Npaktiv thiab lwm pab pawg tej thawj coj nyob rau qhov txhia chaw puavleej raug puas tsuaj tag lawm yam nkaus li thaum cov Falixais muab Tswv Yexus cob rau Philaj. Tiamsis qhov tseeb tiag cov ntseeg nyob qabrooj tes haujlwm yeej tsis tso tseg.

Vajtsv tus nkauj nyab niaj hnuv teevtiam nws. Cov neeg Koomsam lees hais tias cov ntseeg nyob qabrooj kovyeej txojkev cai Koomsam. Lawv muaj peevxwm kawg li.

Tsab xovxwm npe hu ua Npakhees-xakhi-is Lasnpauchis tso tawm

lub 4 hli ntuj hnub tim 27 xyoo 1966 zaj xovxwm no yog hais txog ib tug tub hluas nws yog ib tug tswvcuab zwm rau lub koomhaum tub ntxhais hluas Koomsam hauv lub nroog Taniaas Qhuas-nkau-nasvas. Nws los lees yuav Vajtswv. Nws sau ib tsab ntawv mus qhia nws tus phauj es, raug nom tswv muab tau. Tsab ntawv lub ntsiab hais li no;

Nyob zoo phauj Nadias:

Kuv xa lolus hlub hmov tshua koj los ntawm Vajtswv txojkev hlub. Phauj Nadias, kuv thov qhia koj paub hais tias, Vajtswv hlub kuv ntau npaum licas. Peb tsis muaj ib qho yuav piv tau nws hlo li. Phauj Nadias, kuv ntseeg tias koj yuav totaub zoo txog cov ntsiab lus kuv hais no. "Hlub koj tus yeeb-ncuab, thov Vajtswv foom koobhmoov rau tus cem koj, ua zoo rau tus ua phem rau koj thiab thov Vajtswv foom koobhmoov rau tus saib tsis taus koj."

Thaum luag tshawb tau daim ntawv no ntawm, Petus Xisle-nplees Nikaus tus kwvtij uas koj nws los ntseeg Vajtswv thiab lwmtus tub ntxhais hauv koomhaum Koomsam tub ntxhais hluas los ntseeg Vajtswv raug tub ceevxwm txhom koj mus rau txim. Ntawv xovxwm Koomsam tau muab qee lub ntsiab lus los tso tawm ntiv hais li no. "Peb yuavtsum ntseeg tus Cawmseej ibyam li cov ntseeg thawj pab thaum ub. Peb thawj txoj cai yog Vajtswv Phau Ntawv. Peb yeej tsis quavntsej txog lwm yam. Peb yuavtsum majroos cawm cov neeg txhaum, tshwjxeeb yog cov hluas." Nws hais ntiv tias, Lavxias txoj cai txwv tsis pub tej tub ntxhais hluas paub txog tus TswvYexus, "ntawm peb tsuas paub hais tias muaj tib txoj cai xwb, txoj cai ntawd yog Vajtswv Phau Ntawv" thiaj yog qhov yuav los tawmtsam yeej tus neeg uas tsis ntseeg hais tias muaj Vajtswv thiab tus neeg limhiam txojkev tswjhwm tebchaws.

Ntawv xovxwm Koomsam hais ntiv hais tias, muaj tej tub ntxhais hluas koom hu nkauj uake. Lawv hu nkauj uake li no muaj qhov txhawb lawv lub zog nruabnrog kom kovyeej kev phem, muaj pluajsiab hlub yus tus yeeb-ncuab. Zaj lus tseem hais ntiv tias, muaj coob leej ntau tus tub ntxhais hluas lawv zwm ua tswvcuab rau koomhaum Koomsam tub ntxhais hluas tiamsis qhov tseeb tiag lawv yog ib tug ntseeg Vajtswv. Zaj lus tau xaus li no, "Koomsam tej tsev cob qhia tej peevxwm raug puas tsuaj, uacas tej tswvyim qhuab qhia no yuav qub thiab npub ualuj...tej xibhwb qhia Vajtswv zaj muaj peevxwm cia li tuaj koj tej tub ntxhais kawm ntawv kiag ntawm lawv cov uas khav hais tias yog kws xibhwb qhov muag mus lawm los lawv twb tsis muaj cuab kav ua dabtsi tau".

Nyob rau tsab xovxwm Khaxa-Khaxatakhai-as Plavesdas sau tawm lub 6 hli ntuj hmub tim 30, xyoo 1966 zaj xov xwm yog hais txog cov neeg Koomsam qhuas cov tub ntxhais hluas ua kawm ntawv tau qib zoo yog cov tub hluas uas ntseeg Vajtswv.

Tib tsab xovxwm no tau tso xov tawm lub 1 hli ntuj hnub tim 17 xyoo

1966, zaj xovxwm yog muab los ntawm cov ntseeg nyob qabrooj uas yog ib tug leej niam ua tus sau zaj lus no: " Cia peb los koom uake qhuas Tus Tswv, muab peb tej menyuum fij rau tus Tswv pib txij li hnuv yug tau nws los..Cia peb los koom siab tiv thaiv neeg ntiajteb txojkev ntseevntxias peb tej menyuum."

Tes haujlwm tau txiajntsig yam zoo kawg li. Tsab xovxwm Koomsam ua tau timkhawv zoo kawgnkaus pab rau cov tub ntshais hluas!

Ib tsab xovxwm sau tawm hauv lub nroog Cislias-Npixon, tebchaws Lavxias hais txog zaj muaj ib tug ntshais npe hu ua; Ninas nws zwm rau lub koomhaum tub ntshais hluas Koomsam, nws tau los ntseeg Vajtsv vim yog nws nyiag kev nkag ntsiagtos mus koom nrog cov ntseeg pehawm Vajtsv.

Tsab xovxwm Lavxias-xakhai-as-Tsatitias uas yog tsab 9 xyoo 1966 hais txog cov ntseeg tes haujlwm nyob qabrooj hais li no. " Muaj kev sib ntsib nyob rau ib taghmo. Nyob nraim nkoos, lawv cov duab twb tsis pub pom, neeg tuaj txhua txhia qhov chaw tuaj. Cov kwvtij nyob puv nkaus rau txhua chav tsev uas tsaus ntujnti, chav tsev uas muaj lub rutsev qis qis kawg li. Lawv muaj coob heev uas tsis muaj chaw rau sawvdaws txhoscaug. Vim chav tsev ti heev thiaj tsis muaj cua txaus, tej teeb taws kom pomkev cig tsis taus. Txhua tus nyob hauv chavtsev tawm hws ntwis lug puag saum taubhau ti hauv kotaw. Nyob rau sab nraumzoov, cia ib tug saib xyuas kev ruaj ntseg tsam muaj tub ceevxwm tuaj." Tus ntshais Ninas hais ntshais tias, nws tau txais kev tos txais los ntawm cov tuaj koom uake no yam sov siab kawg li. Muaj coob tus tub ntshais hluas Koomsam tau los lees yuav Vajtsv ibyam nkaus li tus ntshais no thiaj lawv txhua tus txiavtxim siab los ua Vajtsv tub txib mus kom txog hnuv kawg.

Tsab xovxwm Khaxata-xakhai-as Plaveda sau tawm lub 8 hli ntuj hnuv tim 18 xyoo 1967 nthuav qhia txog zaj ob tug kwvtij Klaxes, Npoodas thiaj Thilihees nkawd rooj lus raug iabliam. Peb yuav tsis qhia txog nkawd lubtxim, tiamsis peb yuav qhia txog qhov luag iabliam, luag iabliam hais tias nkawd qhia Tswv Yexus rau tej menyuum yaus.

Tsab xovxwm Lavxias-xakhai-as Khawhi-zias sau tawm lub 6 hli ntuj hnuv tim 15 xyoo 1967 cov xovxwm hais tias, "cov ntseeg Vajtsv rov sib tawmtsam ntawm lawv pab pawg." Yog li cov nom tswv Koomsam uas tsis paub qhovtseeb thiaj li raug ob pab neeg no ib pab ntshais mus ntes ib pab tej neeg ncaj ncees coj mus kaw vim lawv pluaj siab sib cibnyeej. Lub txim uas lawv raug iabliam yog muaj lub tsev luamntawv tsis raug tso cai, nrog rau 15 daim duab thiaj 6 lub tshuab xaws phau ntawv. Cov ntawv uas twb luam tiav lawm yog hais txog Vajtsv.

Tsab xovxwm Plavesdas sau tawm lub 2 hli ntuj hnuv tim 21 xyoo 1968 zaj xovxwm tau hais tias luag nrhiav pom muaj cov pojniam thiaj menyuum ntshais siasiv thiaj coj ib lub paj uas muaj Vajtsv Txojlus sau rau

ntawm lub paj, cov npe ntawv no yog txhawb kom sawvdaws txawj thov Vajtswv. Cov nom muaj cai tau tshawb nrhiav tus neeg uas tawm tswvyim ua tej tsoos tsho no, thaum kawg lawv nrhiav tau yog ib tug tub ceevxxm Koomsam uas nws yog ib tug ntseeg npe hu ua Xataxi-us nyob hauv lub nroog Lis-usnpaw. Tsab xov hais ntiv tias nws raug luag ntes koj mus kaw lawm.

Tej lus teb txog cov kwvtij ntseeg Vajtswv ua tes haujlwm nyob qabrooj raug luag txhom koj mus rautxim thaum luag koj los txiavtxim yuav zoo licas, nws muaj ntau yam txawvtxav kawg li. Tus txiavtxim ua lus nug tawvqhawv li no, "Vim licas koj ho yuav nyiam cov neeg uas nom tswv txwv no ualauj?" Muaj ib tug niam tsev teb tus txiavtxim li no, "Peb lub homphiaj yog xav kom tagnrho neeg ntiajteb los ntseeg Vajtswv."

"Nej txojkev cai ntseeg tawmtsam cov neeg txawj nte" zaj lus tus txiavtxim nug no yog thaum nws txiavtxim rau ib tug ntshais uas raug iabliam cia li muaj ib tug tub kawm ntawv sawv tsees teb tus txiavtxim lolus nug li no, "Koj puas yog ib tug txawjntse tshaj Iaxatees? los yog Nutoom? Nkawd ob tug no puavleej ntseeg Vajtswv." Peb txhua tus hwm nws lub koobmeej. Kuv kawm txog Iaxatees lub tswvyim zoo nyob hauv tsev kawm ntawv qib nrab. Iaxatees sau ib zaj lus li no, "yog peb muaj peevxxm nthuav tej kevcai dab qhuas cuav, tej neeg cev Vajtswv lus cuav thiab neeg lub neej qias tawm los koj raws li cov xibhwb cev Vajtswv lus thaum ub thiab koj raws li Tswv Yexus tejlus qhuab qhia txhua haiv neeg lub neej nyob hauv ntiajteb no yuav nyob kajsiab lug. Nws yog txhua tus neeg tes haujlwm yuavtsum sib koomtes rau txojkev haumxeeb zoo kawg nkaus no." Thiab puas nco txog peb tus yawg hlob Phalov tus muaj tswvyim paub txog xwm txheej ntiajteb zoo? Peb tej phau ntawv puas tau qhia tias nws yog ib tug ntseeg? Tibyam nkaus li ntawd yawg hlob Maxis tus txawj nte tshaj plaws hais nyob hauv phau ntawv Das Khapitaws tias "txojkev cai ntseeg, tshwjxeeb yog cov ntseeg Yexus, yog ib txojkev cai pab neeg kovyeej kev txhaum". Kev txhaum muaj peevxxm rhuav tshem neeg lub koobmeej thiab meejmom. Kuv yog ib tug uas raug kev txhaum rhuav tshem kuv lub meejmom. Maxis zaj lus qhia kuv thiab los ua ib tug ntseeg Vajtswv, kuv thiab rov muaj ntsej muag tau. Yog li no, nej cov uas twb koj raws li Maxis kev cob qhia tseem yuav luj kuv kev ntseeg thiab lod?

Tus txiavtxim tsis muaj ib lolus teb, qhov no ua rau yus totaub yooj-yim kawg.

Muaj ib zaj lus sibcav nrog tus txiavtxim hauv tsev txiavtxim hais txog tus neeg txawjntse tshawb nrhiav tau thiab kev ntseeg, tus ntseeg los cav txog zaj no nyob hauv tsev txiavtxim. "Kuv paub meej tias koj yawg hlob tus txiavtxim ntawm koj ko, yuav tsis txawjntse npaum li Xaxoo tus kws tshuaj txawj nte tshawb nrhiav tau ntau yam tshuaj. Muaj neeg tuaj nug nws txog



lub tswvyim zoo uas nws tau tshawb nrhiav tau cov tshuaj yog tau los licas tiag? Nws teb tias, "tsis yog nws lub tswvyim, nws paub zoo tias nws yog neeg txhaum, lub tswvyim zoo yog nws tau los ntawm Vajtswv txojkev hlub foom pub xwb."

Cov ntseeg tes haujlwm uas nyob qabrooj xum txoj sia, raug tsimtxom, roj ntsha tawm, nyiaj-tshaib yoo-nqhis rau lawv txojkev ntseeg. Zaj no yog ib zaj uas neeg ntiajteb totaub nyuaj. Aunplaws Xeveestis-zaw yog ib tug tub tshaj Vajtswvtxojmoo zoo rau sab Aflikas tebchaws. Nws qhia zaj no kom totaub zoo li no, "cov neeg muaj tib lub siab kublug rau txojkev mob ntsim-siab" txojkev koom uake yog los ntawm TswvYexus Khetos tus uas tuag thej sawvdaws kev txhaum. Cov ntseeg nyob qabrooj sib koomsiab uake yog los ntawm TswvYexus lub npe. Txhua pawg ntseeg niaj hhub nimno yog los ntawm tib lub tswvyim no. Tsis muaj leejtwg hauv ntiajteb no yuav faib tau lawv tawm.

Nyob rau tsab ntawv xa rau cov ntseeg nyob qabrooj hais li no, "Peb tsis tau thov Vajtswv pab kom peb sab nqaij tawv tau zoo. Tiamsis peb thov kom peb ua tau raws li Nws siab nyiam. Yog tus ntseeg tiag, yuavtsum yog tus txaussiab hlo kwv tus ntoo khaublig ua kom Vajtswv tau ntsejmuag."

Tswv Yexus qhia hais tias tus ntseeg yuavtsum ntse ibyam li tus nab, yog li txhua zaus uas cov ntseeg raug txhom coj mus kaw thiab luag nug kom qhia txog lawv cov thawj coj, txawm tuag los lawv ua siab tawv qhawv tsis kam qhia hlo li.

Tsab xovxwm Plavesdas Vauxatau-kas sau tawm lub 1 hli ntuj hhub tim 15 xyoo 1966 hais txog zaj luag txiavtxim rau ib tug pojniam npe hu ua Maslias Xesci-us, luag nug txog tus coj nws los ntseeg Vajtswv yog leej twg: Nws teb li no "Vajtswv yog tus coj kuv mus koom nrog cov ntseeg Nws" Muaj dua lwmtis nug; "Leej twg yog koj tus thawj coj?" Nws teb, "Peb tsis muaj tus thawj coj uas yog neeg ntiajteb."

Cov ntseeg tej menyuum raug luag nug hais tias, "Leej twg txwv tsis pub nej coj daim phuam uas muaj tus cim rab liag thiab rab rauj thiab nej ncaim tawm ntawm peb pab mus?" Cov menyuum teb tias, "Tsis muaj leej twg yuam peb- peb ua raws li peb siab nyiam xwb. Yeej tsis muaj tus cob qhia peb."

Muaj qee qhov chaw cov ntseeg uas hu tias, "thooj dej khov" lawv ua kevcai raus dej ntsiag to tsis pub leej twg paub, nyias cia li ua kevcai raus nyias dej" tej no yog zam kom tus thawj coj txhob raug luag txhom. Muaj tej zaug ua kev cai raus dej hauv tej havdej tus ua kevcai raus thiab tus raus, nkawd ob leeg puavleej looj hnap npog ntsej muag kom txhob muaj neeg paub tau tias nkawd yog leejtwg.

Xovxwm Uchistes-xakhai-as sau tawm lub 1 hli ntuj hnuv tim 30 xyoo 1964 hais tias, muaj ib tug neeg tsis ntseeg tias muaj Vajtsv tau mus hais lus rau tej pejxeem nyob rau lub zos Vauslonias nroog Vaunes-xinaus Khauxakis. Thaum nws hais lus xaus kiag xwb, "Cov ntseeg tuaj nyob ntawd cia li qhib ncauj tabmeeg nug nws thiab tawmtsam tus txivneej tsis ntseeg tias muaj Vajtsv no." Tus txivneej uas tsis ntseeg tias muaj Vajtsv no tsis paub yuav teb lawv tejlus nug thiab rov teb nws tejlus nws qhia tsis tau. Lawv cov lus nug tus txivneej li no; "Txoj kev cai Koomsam muab lub hauv paus kev ncaj ncees qhov twg los cob qhia uas khav hais tias yuav hwm -tabsis tsis coj raws li, xws li tejlus hais tias, txhob ua tubsab, txhob tua neeg?" Cov ntseeg tau muab tej zaj hais txog kev ncaj ncees hauv Vajtsv Phau Ntawv los tawmtsam tus neeg Koomsam no. Zaj lus sibcav no ua rau cov mloog muaj kev covnyom tsis totaub txog Koomsam txoj kevcai, thaum kawg cov ntseeg zaj yog zaj tseeb.

### **Kev TsimTxom Cov Ntseeg nyob qabrooj Nthuav Dav Zuj Zus**

Koomsam txoj cai tswjhw m tseem niaj hnuv tsimtxom cov ntseeg uas nyob rau tebchaws Lavxias. Txhua lub tebchaws uas muaj kev txwvtxiav, cov ntseeg uas nyob qabrooj yeej tseem raug kev tsimtxom loj dua yav thaum ub. Xyoo 1997 kev tshawbfawb tau muaj 160 txhiab tus ntseeg Vajtsv raug tsimtxom. Cov ntseeg hnov txog tej xwm phem luag tsimtxom cov neeg Yudais nyob rau tej chaw Koomsam tswjhw m ua rau txhua tus lub siab quaj dhi rau lawv. Tiamsis lub homphiaj tsimtxom no yog rau cov ntseeg nyob tuaj qabrooj. Ob peb xyoo dhau los lawm, xovxwm Lavxias hais tawm tias muaj kev koomtes ntes cov ntseeg tsheej pab thiab coj los txiav txim. Nyob rau ib qho chaw, muaj 82 leeg yog cov ntseeg Vajtsv raug txhom coj mus kaw uake rau hauv lub tsev uas luag hu tias yog tsev kaw neeg vwm. Tomqab lawv mus nyob hauv lub tsev no tsis pestsawg hnuv, muaj 24 leeg tuag, qhov ua rau lawv tuag yog lawv "thov Vajtsv tsis tuncua". Xav tsis thoob txog qhov thov Vajtsv tsis tuncua muaj peevxwm ua rau neeg tuag taus. Thaum koj hnov txog tej xwm no, koj xav li cas?

Muaj yam uas limhiam phem tshajplaws mas yog, luag paub meej tias nkawm niam txiv twg qhia Vajtsv zaj rau nws tej menyuum luag yuav cia li tuaj txeeb kiag nkawd cov menyuum coj mus txwv tsis pub lawv sib ntsib ib zaug li lawm.

Nyob rau Koomsam kev tswjhw m, lub tebchaws Lavxias tau koomtes kos npe sib cog lus nrog Koomhaum neeg ntiajteb hais txog "kev ncaj ncees vajhuam sibluag rau phab kev kawm ntaub ntawv". Lub ntsiab yog hais txog: "Niam txiv muaj kev ywjpheej xaiv txojkev ncaj ncees los cob qhia tej menyuum raws li nkawd pomzoo thiab tus menyuum lub siab nyiam." Muaj

ib nqe, tus thawj coj Kastes yog pab Npavtiv uas yog tus ntxeev siab tau muab nqe lus hais saum taj no los khav ntis ntsej ntis muag rau sawvdaws kom muaj kev ntseeg Lavxias thiab mloog nws. Cia ho mus mloog ntawv Xovxwm Lavxias seb hais licas ntxiv.

Lub 6 hli ntuj hnuv tim 4 xyoo 1963, tsab xovxwm Saustses-xakais Laxias sau txog zaj muaj ib tug pojniam ntseeg Vajtswv uas yog Npavtiv pab npe hu ua Maklees-kovas nws muaj 6 tug menyuam raug nom tswv txeeb mus vim qhov nws qhia Vajtswv zaj rau cov menyuam txwv tsis pub cov menyuam coj daim phuam muaj tus cim Koomsam.

Thaum nws hnov txog zaj luag yuav txiavtxim rau nws, nws tsuas hais tau tib lolus li no xwb, "Kuv raug txomnyem rau kuv txojkev ntseeg". Nws raug them tus nqi rau cov menyuam uas luag yuav coj mus ntxuav hlwb kom txhob ntseeg Vajtswv. Leej niam uas ntseeg Vajtswv txojkev quaj nyiav txomnyem siab ntsws.

Tsab xovxwm Uchites-xakhai-as Kazita tau sau ib zaj hais txog ob niam txiv Esnati-is Mulees thiab nws pojniam zaj xwm no muaj zoo ibyam nkaus li tus pojniam muaj 6 tus menyuam zaj thiab. Tus txiavtxim tau hais tawvqhawv kom lawv cia li tso lawv txojkev ntseeg tseg, "Koj yuav Xaiv Vajtswv lossis xaiv koj tus ntxhais?". Leej txiv teb hais tias, kuv yuav tsis lam tso kuv kev ntseeg tseg yoojyim. Xibhwb Pov Lauj hais tias, "Ib puas tsav yam uas Vajtswv ua puavleej zoo rau cov neeg muab siab npuab tus Vajtswv hu lawv los ua raws li tej uas nws twb xub npaj tseg lawm," (Loo 8:28) Kuv pom tej menyuam yug hauv tsev neeg ntseeg Vajtswv raug luag tuaj txhom coj mus kawm Koomsam txoj kevcai hauv tsev kawm ntawv Koomsam. Xav tias cov menyuam no lawv kev ntseeg yuav kawg li no lawm xwb, tiamsis qhov tseeb lawv muaj peevxwm coj lawv tej kev ntseeg uas lawv kawm hauv tsev mus qhia rau lwmtus menyuam thiab!

Vajtswv txojlus hais li no "Tus uas mloog niam txiv lus heev dua li mloog kuv lus, tus ntawd tsis tsimnyog ua kuv tus thwjtim." (Mathais 10:37) Nqe lus no muaj qab-hau rau cov nyob lub tebchaws uas muaj kev tswj nruj.

Koj sim ncaim koj cov menyuam txhob nyob uake txog ib lub listiam koj thiab yuav paub hais tias txojkev txomnyem siab ntsws uas cov kwvtij nyob rau tej tebchaws muaj kev txwvtxiav lub neej txomnyem siab muaj npaum li cas diam. Raws li tsab xovxwm Zanamias Lunau-xautis sau zaj lus tawm lub 3 hli ntuj hnuv tim 29 xyoo 1967 uas yog hais txog tus niam Xichis tus tub, "Visxes-shilas" raug nom tswv tuaj txeeb mus vim nws cob tus tub kom paub hwm Vajtswv. Tsab xovxwm Lavxias-xakhai-as Laxais sau tawm lub 1 hli ntuj hnuv tim 13, xyoo 1968 hais txog tus niam Zanpavinas nws nyob hauv lub nroog Hanparos-xakis hais tias luag tuaj coj nws tus ntxhais ntsuag xeebntxwv mus vim qhov nws qhia txojkev ntseeg Vajtswv rau tus ntxhais yam tsis tau tso cai los ntawm Tseemhvw. Nom tswv tuaj txeeb menyuam ntawm niam txiv mus vim raug iabliam tias yog qhia txojkev ntseeg rau menyuam. Niaj hnuv nimno tej xwm txheej no

tseem muaj nyob rau tej tebchaws muaj txoj cai tswj nruj no.

Txawm yog yuav piav mentsis hais txog cov ntseeg nyob qabrooj xwb los yeej tsis tau. Cov coj kevcai Oto-dos nyob rau tebchaws Lavxias cia li hloov tag nrho. Muaj coob txog li txhiab txhiab leej hla dhau txojkev mus nyob txim los, muaj ntau yam lawv hloov xws li; tsis coj txoj saw rau ntawm cajdab mam nkag mus rau hauv qhovchaw pehawm Vajtsww, (coj txoj saw qhia tias yus yog tus ntseeg), tsis muaj ua kevcai theej txhoj, tsis muaj coj tus yamntxwv zoo, tsis muaj hlawv xyab, thiab tsis muaj taws tswm-ciab. Tus txwjlaug cia li raug txhom mus kaw, luag iabliam tias yog tus xibhwb. Tus xibhwb coj tsis tau txoj saw qhia tias yog xibhwb, thaum ua rooj kabke tseemceeb tsis muaj cov movci uas tsis xyaw poov, tsis muaj siv cawv txiv hmab, tsis pub siv cov roj tsw qab, tsis pub nyeem tej nqe lus hauv phau ntawv npaj tseg cia rau saum rooj uantej thov Vajtsww. Tej cuabyeej siv thaum ua kabke muab tshem tawm thiab txwvtxiav li no, cia li ua rau lawv ua ib siab tias cia lawv thov ncaj qha mus rau Vajtsww xwb zoo dua. Lawv pib ua li no, Vajtsww pib ncuav koobhmoov rau lawv yam nplua mias. Cov coj kev cai Oto-dos yeej tsis tshua pom dua thiab paub txog Vajtsww tus Ntsujplig los kav lawv lub siab li no ib zaug. Tiamsis zaum no muaj tshwm sim rau lawv nyob rau lub tebchaws Lavxias Koomsam.

Tej txujci txawv li no muaj tshwm sim nyob rau tebchaws Lavxias thiab txhua txhia qhov chaw hauv lub qabntuj no, cov coj kev cai Oto-dos uas nyob qabrooj kuj muaj ibyam nkaus thiab, qhov tseeb tiag lawv siv lub npe Oto-dos tiamsis lawv coj li cov ntseeg uas tshaj Vajtswwtxojmoo zoo, lawv yog cov uas ntseeg Vajtsww zoo kawg li. Lawv tsuas coj qee yam uas ibtxwm coj los lawm kom lawv txhob plam tej lawv ibtxwm coj dua los lawm xwb. Cov kwvtij coj kev cai Oto-dos no yeej raug kev tsim-txom hnyav ibyam nkaus li lwm pab pawg thiab. Puas muaj leej twg paub txog tus xibhwb Yawmaus-tsees nyob hauv nroog Kalunkas? Nws kev muaj peevxwm qhuab qhia tawmtsam cov nom tswv Koomsam txojkev tswjhw m thiab tej luag tsis hwm Vajtsww.

Txoj kev cai Koomsam tswjhw m thiab tebchaws Lavxias tau xya tiam neeg los txog rau xyoo 1990, txojkev tswjhw m Koomsam xaus, cov xovxwm hauv Lavxias tebchaws yuav luag txhua tsab yeej hais tsis tseg txog cov ntseeg nyob qabrooj lub npe nrov ncha moo lug. Lawv hla dhau txhua tsav yam kev nyuaj siab ntxhov plawv yam tsis paub piav tiamsis lawv nyob dhau thiab huamvam zuzjus.

Peb cov nyob rau tebchaws Laumanias tau tseb noob rau cov tubrog Lavxias. Tsis tag li ntawd xwb tseem muaj lwmtus mus nyob kiag hauv tebchaws Lavxias thiab lwm hawv neeg koomtes. Lub noob tseb mus no loj hlob tawg paj thiab txi txiv ntau.

Txoj kev ntseeg Vajtsww yeej yuavtsum muaj peevxwm kovyeej tej tebchaws tseem coj kevcai Koomsam xws li sab tebchaws Asxias ibyam nkaus thiab. Peb txojkev ntseeg uas raug tsimtxom twb kovyeej lawm. Yog li ntawd cov uas ntseeg nyob tej tebchaws tseem yog kev cai Koomsam tswjhw m yuavtsum kovyeej xwb, yog peb koomtes pab lawv.

Kuv ua timkhawv qhia tau tias cov ntseeg nyob qabrooj hauv tebchaws LavxiasKoomsam kev tswjhw m twb huam vam loj hlob tau, thiab cov ntseeg nyob rau

sab Asxias uas yog Koomsam kev tswjhw m thiab sab hnub tuaj nruabnrab tabtom huamvam niaj hnub nimno.

Thov qhia txog txojkev zoo nkauj ntawm ib tug ntseeg uas raws TswvYexus qab es ntsib xwm txhej txhua yam thiab tus ntxhais Lavxias raug txim tej ntawv nws sau hauv tsev lojcuj qhia rau nej pom.

### **Tus Ntxhais Coj Kevcai Koomsam Los Nrhiav Tau Vajtswv Licas?**

Nram qab no yog tus ntxhais Malias cov ntawv. Nws yog ib tug ntxhais ntseegVajtswv, yog tus coj tau Valias tus uas yog ib tug tswvcuab zwm rau lub koomhaum tub ntxhais hluas Koomsam los ntseeg Vajtswv.

#### **Thawj Tsab Ntawv**

..Kuv tseem nyob tib qhov chaw qub. Kuv yog ib tug muaj kev hlub. Kuv hlub txhua tus uas yog tswvcuab hauv lub koomhaum Koomsam tub ntxhais hluas. ' nws nug kuv hais tias, nws tsis totaub tus neeg uas zoo li kuv. Nws hais ntiv tias, "Nyob ntawm no muaj coob leej saib tsis taus koj thiab ua rau koj raug mob tiamsis koj tseem hlub lawv txhua tus thiab." Kuv teb nws tias, Vajtswv qhia kom peb yuavtsum hlub txhua tus, tsis yog hlub yus tus phooj-ywg xwb, tiamsis hlub yus tus yeebncuab thiab. Uantej tus ntxhais no yuav ua lwm yam kom kuv mobsiab tshaj qhov kuv nyiaj taus, kuv twb xub thov Vajtswv pab nws lawm. Thaum tus ntxhais no nug kuv tias, kuv puas hlub tau nws thiab. Kuv cev loo tes mus puag nkaus nws, wb ob leeg sib qawg quaj uake, thiab wb koom thov Vajtswv uake.

Nco ntsoov thov Vajtswv pab nws. Nws lub npe hu ua Valias no.

Thaum koj mloog tej tus neeg hais tejlus tawvqhawv tsis lees paubVajtswv koj xav tias nws hais tseeb tiag. Tiamsis lub neej muaj qhov qhia kom yus pom txog nws pluaj siab ntshaw. Nws siv nws lub qhovncauj hais lus cav tsis kam lees paub Vajtswv, tiamsis nyob rau hauv nws nruabsiab quaj dhi xav paub Vajtswv kawg nkaus. Koj yeej hnov nws lub siab quaj dhi..Lawv xav kom tau ibyam tseemceeb los tswj lub siab khooblug thiab quaj dhi no.

Koj ib tug muam ntseeg Vajtswv - Malias



**Tsab Ntawv Ob**

Thawj tsab ntawv kuv xa rau koj uantej uas hais txog tus ntxhais tsis ntseeg Vajtswv npe hu ua Valias. Kuv tsis tau qhia koj paub txog qhov nws tau txiav-txim siab los lees yuav Tswv Yexus ua nws tus Tswv Cawmseej, nws lees tim ntsej tim muag sawvdaws coob kawg li.

Thaum nws los lees yuav Tswv Yexus ua nws tus Tswv Cawmseej lawm nws zoosiab heev rau nws txojkev dim txim, tabsis, tib lub sijhawm no kuv muaj ibyam ua rau nws tsis kajsiaab thiab. Qhov ua rau nws tsis kajsiaab twb yog nws rov qab txajmuag rau nws tus kheej vim thaum xub thawj nws tsis lees paub tias muaj Vajtswv. Yog li ntawd nws tej kev txhaum rov ua rau nws tsis kajsiaab.

Peb mus koom uake nrog cov tsis paub Vajtswv. Kuv twb xub ceebtoom nws kom txhob ua tej yam uas lwmtus yuav paub txog nws kev dim txim tiamsis kuv tejlus ceebtoom nws tsis yog qhov tseemcee rau nws. Valias thiab kuv wb mus seb puas pom muaj tej yam txawvtxav licas. Thaum sawvdaws sawv ntsug hu zaj nkauj Koomsam koomsiab (Valias tsis sawv koom nrog lawv hu) nws cia li sawv tsees tawm los tim ntsej tim muag rau sawvdaws yam tsis ntshai leej twg kiag li. Nws cia li hais lus povthawj txog qhov nws tau txais kev cawm dim los ntawm Vajtswv thiab nws thov kev zam txim ntawm nws cov phoojywg uas nws tau txiavtxim siab xaiv li no. Nws caw kom txhua tus cia li tso nyias tej kev txhaum tseg los ntseeg Vajtswv.

Txhua tus puavleej nyob ntsiagto tsis muaj ib tug twg yuav cuam tshuam nws tej lus. Thaum nws hais lus xaus, nws cia li pib hu ib zaj nkauj uas yog nkauj qhuas Vajtswv, nws hu lub suab seevyees tawm plaws hauv nruab siab tuaj. " Kuv yeej tsis txaj muag rau kuv txojkev ua timkhawv rau kuv tus TswvYexus tus uas tuajeem muab nws tus kheej thiab txojhia los theej kuv lub txhoj saum tus ntoo khaublig."

Ib pliag tsis ntev...luag cia li los koj peb tus Valias mus lawm. Hnub no twb yog lub 5 hli ntuj tim 9 lawm. Peb yeej tsis hnov xov txog nws hlo li. Tiamsis Vajtswv lub hwjchim loj kawgnkaus yuavtsum cawm tau nws.

Koj tus Malias

**Tsab Ntawv Peb**

Naghmo yog hnuv 2 ntawm lub 8 hli ntuj, kuv tau mus nrog cov neeg raug txim tham saib lawv puas pom Valias tus uas peb hlub. Kuv lub siab quaj dhi thaum kuv xav txog nws. Qhov tseeb nws lub hnuv nyoog tseem yau heev. Nws muaj 19 xyoo xwb. Hais txog kev ntseeg ntawm nws, nws kev ntseeg los tseem mos heev. Tiamsis nws muaj pluaj siab hlub Vajtsv kaws siab kaws nws tib pliaj xwb nws cia li mus raug rau qhov txomnyem. Tus mentxhais ruam es, ntshe koj yuav tshaib plab heev kaws li. Thaum peb paub meej lawm tias nws raug txim nyob hauv tsev lojcuaj, peb pib xa tej khoom siv mus rau nws. Tiamsis nws tsuas txais tau tej qhov tsawg xwb.

Kuv ntsib nws nag hmo, nws yuag heev, nws lub cev muaj qhovtxhab thoo vim raug luag ntaus. Nws lub qhov muag qhia rau kuv paub tias nws muaj kev kajsia rau Vajtsv tiamsis cev nqaijtawv tsis kaj.

Muaj tseeb tiag, cov uas tsis tau ntsib txojkev kajsia lug uas yog Vajtsv foom pub pab yuav tsis totaub txog zaj no. Cov uas tau txojkev kajsia no tsis muaj ibyam dabtsi yuav pauv tau. Peb cov uas tau txais txojkev kajsia no yeej tsis muaj ibyam dabtsi twg yuav los txwvtxiav tau peb. Kuv nyob sab laj kab sabnraud nrog Valias tham, kuv hais rau nws tias koj puas tusia rau yam koj tau ua los lawm thiab? "tsis tu" Nws teb kuv. Nws hais ntxiv tias, yog hnuv twg kuv tawm hauv no mus kuv tseem yuav mus qhia kom muaj ceem tshaj qub hais txog Vajtsv txojkev hlub uas loj kawgnkaus rau txhua tus. Txhob xav yuamkev tias kuv raug txomnyem. Kuv zoosia tshaj plaws tias kuv tus Vajtsv uas muaj pluaj siab hlub pub txojkev kajsia rau kuv yog los ntawm tib qho uas kuv txiavtxim siab ntseeg Nws.

Kuv thov nej nrog thov Vajtsv pab nws. Tej zaum luag yuav coj nws mus nyob rau Xinpalias tebchaws. Luag muab nws tej ris tsho thiab txhua yam nqa mus tag lawm. Nws tsis muaj ibyam dabtsi nrog nws tsuas yog cev ris tsho nws hnav ntawm lub cev xwb. Nws tsis muaj ib tug txheebze hlo li, peb yuavtsum sib sau kom tau yam uas tseemceeb yuav siv rau tus kheej pab nws. Kuv muab cov nyiaj uas koj xa rau kuv zaum tag los mentsis tseg cia. Yog luag xa nws tawm tiag kuv yuav muab ntsaws nkaus rau nws xibteg, ntseeg tias Vajtsv yeej yuav pub lub hwjchim rau nws kom muaj zog kovyeej txhua yam teebmeem muaj nyob tom nws txoj xubke thiab lub neej tom ntej. Thov Vajtsv nrog nraim nws!

Koj Tus Malias

**Tsab Ntawv Plaub**

Nyob zoo Malias. Zoo kawgnkaus li, los txog tav no kuv mam sau tau ntawv los xyuas koj. Peb los txog rau ib qho chaw nraim nkoos. Lub chaw peb nyob tsis deb ntawm nroog li kaum kislauvev. Kuv tsis muaj peevxwm yuav piav qhia koj txog peb lub neej. Koj twb paub zoo lawm. Kuv xav hais txog kuv tus kheej rau koj kom ib nyuag ntau zog. Kuv thov ua Vajtswv tsaug uas nws pub kuv muaj lub zog khov kho. Luag muab kuv mus nrog ib tug vivncaus npe hu ua "Xo" wb ua haujlwm uake hauv lub tsev uas yog ua nrog tej tshuab. Cov haujlwm yog ib cov nyuaj kawg li, tus vivncaus "Xo" nws yog ib tug muaj mob. Kuv yuavtsum tau ua nws tes haujlwm thiab. Kuv xub maj nroos ua kom kuv li tiav tomqab ntawd kuv mus pab tus vivncaus ua nws li. Peb ua haujlwm ib hnuv twg yog 12 teev thiab 13 teev mam tau so. Peb tej zaub mov kuj zoo ibyam li koj li thiab. Tiamsis ntxim ntshai kawg. Qhov kuv sau qhia koj no tsis yog yuav hais txog tej no.

Kuv lub siab thov qhuas thiab ua Vajtswv tsaug uas yog muaj koj, Vajtswv thiaj pub txojkev dim txim tau rau kuv. Niaj hnuv nimno txawm kuv lub neej nyob li no los kuv muaj qhov chaw vam khom thiab cia siab rau. Kuv paub tias kuv yuav mus rau qhov twg thiab kuv raug txomnyem rau leej twg. Kuv pheej muaj pluaj siab kublug xav qhia txog txojkev dim txim uas kajsiaj lug uas muaj nyob tuaj hauv kuv nruab siab rau txhua leej txhua tus paub. Leej twg thiaj yuav muaj peevxwm los cais Vajtswv txojkev hlub peb tawm tau? Yeej tsis muaj leej twg thiab ibyam kev txomnyem lossis kev tsimtxom twg yuav cais tau kiag li ntag. Tej kev txomnyem uas Vajtswv cia peb raug no tsuas yog txhawb kom peb hajyam muaj kev ntseeg heev ntxiv xwb. Kuv lub siab muaj Vajtswv txojkev hlub nplua mias. Nyob tim chaw ua haujlwm muaj neeg hais lus saib tsis taus kuv thiab lawv rautxim rau kuv, lawv tsub haujlwm ntxiv rau kuv ua hnyav vim kuv pheej kaw tsis tau kuv lub qhovncauj. Kuv yuavtsum qhia txhua tus txog qhov Vajtswv hloov kuv lub neej rau lawv mloog.

Vim Nws yog tus pub lub siab tshiab rau kuv, kuv yog tus neeg tshiab, kuv muaj chaw vam khom khov kho rau ntawm Nws. Yog li kuv yuav kaw tau kuv lub qhovcauj licias? Yeej kaw tsis tau kiag li ntag.

Yog tias kuv daim di-ncauj tseem uazog ua rau lwmtus totaub, kuv yuav ua kom tau povhawj hais txog Nws txojkev hlub loj kawgnkaus rau txhua leej txhua tus mloog.

Thaum peb rov qab los rau tom chaw so, peb ntsib nrog cov nus thiab vivncaus uas ntseeg Vajtswv coob leej. Ua cas yuav zoosiab ualua thiab xav tsis thoob kiag li, thawj zaug yus ntsib nrog cov vivncaus thiab nus uas ntseeg tib tug Vajtswv. Thaum sib nug es paub meej tias yog tiagtiag lawm mas ua rau cia li tsis pom qab xyov yuav hais licias thiaj li zoo.

Thaum peb tabtom taug kev los rau tom chaw so, txog ntawm qhov

chaw nres tsheb ciavhlau, muaj ib tug pojniam los muab mov pub rau peb noj thiab nws hais lus li no, "Vajtswv muaj sia nyob".

Thawj zaug uas peb tuaj txog qhov chaw no lig, luag coj peb nqis mus rau hauv theemtsev txheej hauvqab. Muaj ib lub suab hu tos txais peb hais tias, "kev kajsiab los nrog nej nyob" Peb txhua tus zoosiab kawg nkaus. " muaj ntau lub suab hu tos txais peb tawm ntawm txhua lub kaumtsev tuaj hais tias "Peb tos txais nej los ntawd txojkev ywjpheej." Thawj hmo uas peb muaj pluaj siab kajlug tias peb tau nrog tsev neeg nyob uake.

Muaj tseeb tiag li hais no, nyob uake ntawd muaj coob leej yog cov ntseeg uas lees tus TswvYexus ua lawv tus Cawmseej. Yog li ib feem cov neeg raug txim yog cov ntseeg. Peb muaj cov txawj hu nkauj thiab muaj cov txawj qhuab qhia Vajtswv Txojlus tau zoo heev. Nyob rau hmo ntawd peb sawvdaws los koom uake tomqab uas peb ua haujlwm hnyav ib hnuv dhau los lawm, ua cas yuav kajsiab ualauj, peb tej kev lim uas ua haujlwm hnyav ib hnuv dhau los cia li yaj ntshis lawm. Peb sawvdaws muaj lub sijhawm zoo los koom txhoscaug thov Vajtswv ntawm tus Tswv lub xubntiag. Muaj Vajtswv nrog nraim peb, peb nyob qhov twg kev kajsiab nyob qhov ntawd. Nyob rau qhov chaw no, kuv kawm tau ntau zaj nkauj thiab Vajtswv pub kuv muaj tswymim kawm tau nws tejlus ntau lo. Thaum txog kuv lub hnuv yug 19 xyoo kuv uakev cai nco txog hnuv yug raws li kabkev ntseeg Vajtswv, zaum no yog thawj zaug. Kuv yuav cim ntsoov hnuv no mus tag ib sim. Peb yuavtsum ua haujlwm tsis so tag hnuv. Tiamsis muaj ib cov tub uas muaj peevxwm nyiag kev tawm yav hmovntuj nkag mus rau nram ntugdej uas nyob ze peb. Lawv mus npaj ib qho chaw cia thiab tsoo cov dej khov kom tawg es yaj ua dej, hmo ntawd peb ua raws li Vajtswv Txojlus qhia, kuv thiab xya leej tub hluas peb ua kevcai raus dej. Ua cas kuv yuav zoosiab ualauj os. Malias, koj puas paub tias kuv zoosiab npaum licas diam os? Yog koj nrog kuv nyob ua ke hmo no, kuv yuav los lees tej uas kuv tau ua rau koj nyuaj siab yav dhau los lawm huvsu. Tiamsis kuv ntseeg tias, Vajtswv muaj lub homphiaj rau koj thiab kuv, nyias muaj nyias tes haujlwm yog tus twg nyob qhov twg lawm tus ntawd yuavtsum sawv khov kho rau qhov chaw ntawd ua haujlwm.

Thov xa lolus nug moo rau Vajtswv tsev neeg cov menyuum txhua tus. Thov Vajtswv foom koobhmoov rau koj thiab tes haujlwm, ibyam nkaus li Vajtswv twb foom koobhmoov rau kuv lawm thiab.(Nyeem Hinplus 12:1-3)

Tag nrho cov nus uas nyob uake no thov xa lolus nug moo los rau koj thiab zoosiab qhuas txog koj txojkev ntseeg Vajtswv uas muaj peevxwm nyob ruaj khov kho thaum koj raug kev txomnyem los koj muaj peevxwm kovyeej. Yog koj sau ntawv mus qhia lwmtus thov koj xa peb cov lus nug moo rau lawv thiab.

Koj tus Valias

## Tsab Ntawv Tsib

Nyob zoo Malias, zoo kawg li uas kuv seem sijhawm mentsis los sau ob peb lolus no tuaj rau koj. Kuv tus phoojywg zoo, kuv muaj tej yam zoosiab heev uas kuv lub siab maj nroos xav qhia rau koj paub, los ntawm Vajtswv txojkev hlub loj kawg nkaus, kuv thiab tus vivncaus "Xo" wb ob leeg muajzog khov kho. Peb nyob rau ib qho chaw (tsis muaj tus paub).

Thov ua koj tsaug uas koj hlub thiab tu kuv yam li koj yog kuv niam. Peb txais tau txhua yam uas koj xa mus rau peb lawm. Kuv thov ua koj tsaug, tshwjxeeb tshajplaws yog Vajtswv Phau Ntawv. Thov ua koj tsaug ntau ntau mog. Thaum koj sau ntawv rau lwmtus cov uas tau pab koj, ncontsoov xa kuv cov lus ua tsaug rau txhua tus uas lawv tau pab kuv los lawm thiab hais kuv lolus hmov tshua kom txog lawv.

Pib txij li thaum Vajtswv pub lub hwjchim ntawm txojkev hlub rau kuv, kuv ntseeg tias kuv yog ib tug uas tau koobhmoov zoo tshajplaws, kuv yog ib tug tau txais kev kajsiab thiab zoosiab tshajplaws nyob hauv qabntuj no. Qhov kuv muaj peevxwm kov yeej txhua yam kev tsimtxom, nyiaj dhau txojkev txomnyem twb yog Vajtswv lub hwjchim txojkev hlub. Kuv zoosiab kawg uas Vajtswv qhib kuv qhov muag kom pom tseeb txog nws txojkev hlub, thawj hnuv uas kuv txiavtxim siab los ntseeg Yexus. Ncontsoov thov Vajtswv pab kuv kom kuv muaj kev ntseeg zoo li no mus txog hnuv kawg. Thov Vajtswv nrog nraim nej sawvdaws kom muaj tsab peevxwm kovyeej rau txojkev sib tawmtsam.

Tus vivncaus "Xo" thiab kuv thov nwj thiab hmov tshua nej txhua tus. Peb ntseeg tias thaum peb mus nyob muaj chaw lawm peb mam sau ntawv los sib nug moo dua. Tsis txhob txhawj txog peb thiab. Peb muaj kev zoosiab thiab kajsiab lug, rauqhov Vajtswv twb khaws peb tej nqi zog cia nyob saum Ceebtsheej tos peb lawm. (Mathais 5:11-12)

## Koj tus Valias

Tsab ntawv no yog tus me ntxhais Valias sau los. Nws yog ib tug ntxhais hluas zwm rau lub koomhaum Koomsam tub ntxhais hluas. Nws los lees yuav Tswv Yexus ua nws tus Tswv Cawmseej. Nws ua timkhawv qhia txog tus Tswv Yexus rau lwmllej lwm tus. Nws raug txim vim nws ua timkhawv qhia Vajtswv zaj rau lwm tus. Nws raug txiavtxim xa mus ua cevqhev. Dhau no peb tsis hnov nws moo ntxiv ib zaug li lawm. Txawm li no los niaj hnuv nimno peb yeej tseem pom rawv tus mentxhais no nws tes haujlwm thiab nws pluj siab hlub ncaj ncees rau Vajtswv nyob rawv hauv peb nruab siab.



### 1.1.1. The first phase

The first phase of the research was the identification of the research problem. The research problem was identified by the researcher through a series of interviews with the participants. The research problem was identified as the lack of information about the research problem. The research problem was identified as the lack of information about the research problem.

The second phase of the research was the identification of the research objectives. The research objectives were identified by the researcher through a series of interviews with the participants. The research objectives were identified as the lack of information about the research problem. The research objectives were identified as the lack of information about the research problem.

The third phase of the research was the identification of the research methodology. The research methodology was identified by the researcher through a series of interviews with the participants. The research methodology was identified as the lack of information about the research problem. The research methodology was identified as the lack of information about the research problem.

The fourth phase of the research was the identification of the research results. The research results were identified by the researcher through a series of interviews with the participants. The research results were identified as the lack of information about the research problem. The research results were identified as the lack of information about the research problem.

The fifth phase of the research was the identification of the research conclusions. The research conclusions were identified by the researcher through a series of interviews with the participants. The research conclusions were identified as the lack of information about the research problem. The research conclusions were identified as the lack of information about the research problem.

### 1.1.2. The second phase

The second phase of the research was the identification of the research objectives. The research objectives were identified by the researcher through a series of interviews with the participants. The research objectives were identified as the lack of information about the research problem. The research objectives were identified as the lack of information about the research problem.